

**HAGIOPHILI
BLANDITIÆ
SANCTÆ. "**

Exhibing P. Doctne Xpae Domus
Rom. M. Lang in Monticelli.

HAGIOPHILI ^B
BLANDITIÆ
SANCTÆ

QUIBUS
IN JESV CHRISTI
GRATIAM SE INSINUAT

PER CENTENA PIETATIS

Exercitia erga SS^{ma}. Christi Viuentis,
Mortui, ac Rediuiui, aliâque Myſteria, quæ ad
eiufdem ſacroſanctam Perſonam aliquâ
ratione ſpectant.

*Qua feſtis diebus eius honori, ac SS. Myſte-
rijs dicatis per annum aſſumi poſſunt.*

A

R. P. PAVLO DE BARRY SOC. JESV
primò ſermone Gallico vulgatæ,

Nunc à

P. ADAMO SCHIRMBECKH
eiufdem Societatis Sacerdote La-
tinitate donatæ.


MONACHII

Typis Lucae Straubij, Impenſis Ioannis
Wagneri Bibliopolæ.

M. DC. L.




8-12-43


SERENISSIMO PRINCIPI
AC DOMINO, DOMINO

PHILIPPO
WILHELMO

COMITI PAL. RHENI,
BAVARIÆ, IVLIÆ, CLIVIÆ,
MONTIVM DVCI, COM. IN VEL-
DENTZ, SPONHEIM MARCHIA, RAVEN-
SBURG, MÖRS, DOMINO IN RAVEN-
STEIN, &c. DOMINO SVO
CLEMENTISSIMO.

 AGNAM hodie operam,
SERENISSIME PRIN-
CEPS, pleriq; mortales in
captandâ hominû beneuolentiâ
ponunt: cuius causâ iuvenes nō
Rhetorum modò ambages ad-
discunt, sed & pueri ad morum
elegantiam à primis annis eru-
diuntur, vt blandiri priùs quàm

A 3 lo-

DEDICATIO.

loqui discant. Inde peregrina regna obeunt, vt foris doceantur, quâ verborum mollitie domi sensum intexant, quo tibiæ flexu pedem trahant, quam decenter digitos & brachia ad salutes & aulicâ ministeria inflectât, quâ parte obliquè caput in humeros adducant, quâ mimicâ oris compositione blandos risus & affectati honoris imitamenta effingant, quâ demum totius hominis conformatione ijs se probent, quorum gratiam aucupari aut prouocare in se digitos volunt. Huic studio totum sæpe iter, imò vitam impendunt: qui si ad Principum ac Magnatum familias adleguntur, credunt se omne punctum tulisse, si comitatus & elegantioris obsequij laudem

DEDICATIO.

dem ferant. Et hoc toto passim Orbe, maximéque in Aulis Principum, est receptum; vbi velut in natiuâ sede gratiæ omnes & urbani lepóres vulgò habitare censentur. Neque rarò in vera, & Principibus debita officia Adulatorum fuci irrepunt, qui blandiendi artificium inani assentatione corrumpunt, atque sinceras Regum, Principumque virtutes ultra veri fines inflare assueti, è solidis bonis illaudatum quæstum faciunt, dum folium instar præter vanam auram nihil aut sectantur, aut efflant. Ego quidem, ob verissima maximæque SER^{us}. SVÆ decora, considerem, ab eâ me criminatione, quâ alios notavi, fore immunẽ, si Eius in DEVM, DEI MATREM,

DEDICATIO.

Cælites omnes eximiam pietatem, singularem in ciues ac miseros charitatem, humanitatem promiscuè in omnes planè in solitam, æquitatis publicæ indefessam curam, ac imprimis Religionem Catholicam tuendi ardorem hoc loco adduxissem: malo tamen, ne videar in meridie lucem spectatis Orbe toto **SER^{is}**, **S.** virtutibus accendere, **SER^{am}**, **S.** illis Blāditijs demulcere, quas, nullo adulandi metu Regi Regū **JESVCHRISTO** destinatas, è Gallicæ non Aulæ, sed pietatis disciplinâ & linguâ in Latium traduxi: vt, vnde multi ad scitas vrbāitatis leges discunt Principibus ab blandiri, inde non dedignentur Principes, Orbis vniuersi Mōarcham sanctâ expolitæ pietatis elegan-

DEDICATIO.

legantiâ demereri. Hîc demum
infinitas DE I Hominis dotes ex-
tollentem, nemo immodicę lau-
dis arguet; nemo pię blandientis
ingenuis vocibus adulationis
notam inuret. Quis enim non
omnia dicet Filij DE I ac Homi-
nis meritis inferiora, vbi genus
est Diuinum, vbi profapia æter-
na, vbi Pater Deus, vbi Mater
Virgo, vbi iustitia, pietas, clemē-
tia, & si quę sunt supremi Impe-
ratoris ornamenta, dicuntur nō
in DEO, sed DEVS esse; vbi meri-
ta infinita, gloria immensa, im-
perium perenne est. In huius
Summi Ducis gratiam se infi-
nuandi artes SER^{ti}. S. idcirco fi-
dentiùs inscripsi, tum quòd has
ipsas Gallico idiomate traditas
intelligendi peritiā in SER^{ti}. S.

A 5 ditio-

DEDICATIO.

ditione sub Religioso Magistro
consecutus, nolim aut iniuste
vectigal, aut ingratus Mineral
negare: tum quòd nec ignorem,
SER^{icm}. S. blandissimâ humanita-
te mortalium animos ad Sui ve-
nerationem amorénque con-
vertere; nec dubitem, quin Ea-
dem Religiosæ mentis Blanditijs,
pridem Diuinos sibi fauores de-
meruerit. Ausim enim viuum
Palatini Leonis miraculum mor-
tuo Samsonis Leoni præferre:
etsi enim dulcis illa mellis illece-
bra in exanimi ferâ gulam Sam-
sonis allexerit; incredibilis ta-
men in SER^{ic}. SVA viuâ & inco-
lumi (atque vtinam totis sæcu-
lis!) morum dulcedo superûm
iuxta & mortalium voluntates
multò potentiori illicio sibi pri-
dem

F

DEDICATIO.

dem deuinxit : vt , siue SER^{tas}.
 SVA clientibus suis mitia impe-
 peria dictet, siue ad DEI congres-
 sum admissa , supplex illius ma-
 num & beneficia prenses , sem-
 per mellea sanctas Blanditias ex-
 halet. Precor, vt iuxta tam pium
 gratiæ apud JESVM ineundæ
 compendium , amplissimo infi-
 mæ obseruantia meæ indice lo-
 cupletatum , SERENITAS SVA
 in terris diutissimè , in Cælis æ-
 ternum JESV CHRISTO generis
 humani DELICIO, blandiatur.
 Ita voueo Ingolstadij. VIII. Id.
 Augusti, Anno M. DC XLIX.

SERENITATI SVÆ

Deuotissimus

ADAMVS Schirmbeckh
 Soc. IESV.

APPROBATIO R. P. PROVINCIALIS.

HAGIOPHILI BLANDITIAS
SACRAS. Gallicè scriptas à Patre
Paulo de Barry, Latine redditas à
P. Adamo Schirmbeckh, viroque Socie-
tatis nostræ Sacerdote, cùm deputati Pa-
tres censuerint, probauerintque: Ego Lau-
rentius Keppler Societatis IESV per supe-
riorem Germaniam Præpositus Provincia-
lis factâ mihi ad id potestate ab admodum
Reuerendo Patre nostro Florentio de Mont-
morency eiusdem Societatis Vicario Gene-
rali, in lucem dari permitto, fidemque con-
cessionis facio meâ manu & Officij Sigillo.
Oeniponti 6 Octobris 1649.

Laurentius Keppler.

IESV CHRISTO DEO HOMINI, DE- LICIO GENERIS HUMANI.

Post Paradisum Matris,
quem in ipsâ Patria direptione,
velut peregrinum in illâ cala-
mitate fructum, in Latium transtuli, rectè
ad Filium me verto: quòd confidam, Ma-
trem, cuius gratiam studui priori Pietatis
Hecatombe occupare, ad tuas aures ac be-
neuolentiam aditum mihi conciliâsse. Et
profectò decens non erat, quando Auctor
tam pius non tuo tantùm honori sed etiam
Nomini suum laborem inscripsit, me, qui
in ceteris omnibus eius assequi mentem
conabar, ab illo in Meccenatis delectu di-
scedere, alterique laborare, quàm cui pri-
dem nostra studia, nomen, & salutem debe-
mus. Quòd verò te Matri postponam, hu-
maniter feres; si memineris, me & operum
Auctoris, & nascendi ordinem secutum,
per gratia Portam ad tuam Maiestatem,

DEDICATIO.

penetrâsse. Neque id sine Auctoris exemplo sum ausus, qui priusquam tuas aures prensaret, Matris tue indulgentiâ & facilitate fretus, maluit primi laboris successum sub eius auspicijs experiri, quàm nondum facto virium gratiæque periculo, præpostero placendi studio utrique displicere. Omnino Matres faciliùs errata dissimulant, quæ ad veniam nunquam difficiles, nativum quandòque modestis erroribus potiùs quàm superbo successu oblectantur. Accedit, quòd tertium laborem S. Iosepho Nutritio tuo dedicaturus, hac ratione Te in medium recipiam, exemplum à pictoribus mutuatus, qui Te medium inter **MARIAM & IOSEPHVM** sistunt, gnari videlicet, quis locus virtutem deceat. Spero proin, quidquid hic seu meo sensu, seu alienis exemplis tentavi, Tuae Humanitati tantò fore gratius, quòd non aliâ, quàm Matris tue dulcissima manu, cuius attactus omnia mitescunt, cupiam hunc meum laborem divinis manibus inseri: confido, Illam reuerentia mea, quâ vereor profanis digitis divinos articulos temerare, libenter

con-

INTERPRETIS.

consulturam, ac illo pollice, quo librum a-
 rrestabit, omnes operis & interpretis litu-
 ras ac nauos abstersuram. Admitte igitur,
 IESU suauissime, sereno vultu scribentis
 conatum; & gratiam, quam doceo tui a-
 mantes apud te aucupari, mihi ante omnes
 in aditu operis prensanti, pro tua Humani-
 tate impende. Persoluisti omne suscepti la-
 boris pretium, si tui honoris interpretem,
 & studiosum è Libro Vita non expungas.
 Ita manebo jure, possessione, amore, IESU
 Seruator mi dulcissime!

Aeternum Tuus

A. S. S. I.

Rio

AD LECTOREM.



NICE Lector, Summa felicitatis in hac vitâ est, IESVM & MARIAM amare. Iam antequam conatus in PARADISO APERTO, quem priori anno à me editum utique videris, te ad amandam Matrem exstimulare : at nunc denuo adsum, ut tibi significem, Filium esse longè ampliori amore dignum : quòd si cor vnum MARIE consecrâris, totis myriadibus Cordium tibi opus fore, quæ amorì IESV consecres ; eumque omnium cordium amore prosequaris. Porro ingens eum amandi, eiusque amorem promerendi compendium est, studium eos imitandi, qui religiosis obsequijs, & teneræ pietatis exercitijs, quibus adoranda Christi Vitæ ac Moris mysteria sunt venerati, suum illi amorem ac reuerentiam testatam fecere : id quod te singulæ huius libri pagellæ docebunt. Et meo quidem iudicio hic denique opportunus locus est, eius dulcissimum Cor sibi deuinciendi, et si

AD LECTOREM.

re, quidquid ad IESV CHRISTI obsequia spectare videtur, ab opere illo sepositum, quod dixi mihi in manibus esse, vbi per singulos anni dies certum pietatis genus annotavi; quòd considerem, quando probata, lectaque cum voluptate fuere illa, quæ pro Matre pulchræ Dilectionis conscripsi, non minùs accepta fore, quæ tractanda de Principe Sancti Amoris & amabili præ Filijs hominum suscepi. Amice Lector, hæc summa est eorum, quæ tibi adducam; pro auctuario paulò pluribus te in Præfatione instituem, modò mihi satis est, primo congressu, ad quem me admisisti, causas tibi explicuisse, quibus persuasus calamo hunc laborem imperavi, vt de IESV, fidissimo bonarum mentium amico tractaret. Denuo tibi inculco, hoc enim mihi pulchrum duco; quandoquidem scopus illius operis, quod molior publico bono evulgare, est Annus sanctus, siue Institutio Hagiophilæ, quâ discat more exemploque Sanctorum vivere, ac annum

AD LECTOREM.

num sanctè transigere; an non æquum est, fructuum ac honorum primitias IESV & MARIÆ dicari; præsertim, cum à primis vitæ annis pro regulâ ac face actionum mearum solitus sim mihi occinere:

*IESVM scire mihi, satis est, & amare
MARIAM?*

BLAN-

BLANDITIÆ SANCTÆ

QVIBVS

IN IESV CHRISTI GRATIAM

HAGIOPHILYS SE INSIN VAT

*Per Centena Pietatis Exercitia erga Sa-
cro sancta Vitæ & Mortis Chri-
sti Mysteria.*

PRÆFATIO.



NEMO ignorat, nihil adeò esse
amabile, quàm IESVM, Regem
cordium nostrorum, & viuam
imaginem omnium excellentiarum DEI
Patris sui. Quis eum non amaret? ple-
nus est illecebris, quibus mentes nostras ad
se amandum pelliciat, Princeps est pulchri-
tudinis, Deus Homo, Homo-Deus, nostra-
rum mentium ardentissimus amator, & il-
licium amoris omnium, quæ fingi possunt,
potissimum: qui ut mortalibus desineret in
amoribus esse, necesse foret, eos excordes
fieri, ac novas rationes excogitari, quibus
persuaderi possent, amorem dignum amore
non esse, & scopum amoris præstantissimum
amabilem non esse.

Et

Præfatio.

L

Et quis eum non amaret? Vestitus est corpore quod est miraculum corporis, summè pulchri, summè gratiosi, Corpus purissimum, penitus Virgineum, sanctissimum, perfectissimum, opus sancti Spiritus, instructum gloria dotibus, claritate, impatibilitate, subtilitate, agilitate, & omni corporis compositione longè excellentiori, quàm sunt, aut erunt omnia Cælum corpora, & idcirco unde quaque amabile. Qui amare IESUM nollet, necesse foret, eum ex orbe hoc migrare illucque secedere, ubi exaudire vox Pauli non posset dicentis: a Si quis non amat Dominum nostrum IESUM CHRISTUM, sit anathema.

Et quis eum non amaret? Animã præditus est excellentiori perfectiorique, quàm fuit ulla à Deo condita, Animã ex omni parte plenã gratia, gloria, scientia, virtutum omnium, & ipsius Dei, cui coniuncta est per unionem hypostaticam, æquè ac corpus eius pretiosissimum: quæ coniunctio nobilior ac eminentior est, quàm sapientia divina ullam unquam excogitavit: Animã,
quæ

• 1. Cor, 16.

Præfatio.

qua est meta diuinæ oblectationis, quâ Deus extra se fruitur. Principium operum diuinorum, qua sola plures eximias dotes ac perfectiones comprehendit, quàm res cetera omnes à Deo creata: Animâ, qua non solum archetypum est omnium diuinorum prodigiorum, sed etiam post DEVM materia beatitudinis tam Angelorum quàm hominum dignissima. Qui amare hunc recusaret, oporteret illum rationis, corporis, & anima expertem fieri, aut corpus è rupe animam è marmore habere; quin curandum cauendûmq; ei foret, ne ex eo loco, aut rupe esset, qua tempore tristissimæ Mortis Seruatoris nostri passa est se mediam findi.

Id quidem certum est, sciri, Deo sint laudes, eum esse amabilem. & passim amari; at illum pro meritis amari, aut certè tanto amoris astu ac contentione, quantâ possent illum deperire, hoc sanè dici non potest; & ob hanc causam vehementer desidero, à Deo Ecclesia hanc felicitatem concedi, ut liceat nobis euo nostro inueneri, mortalium amores in Dei Filium quotidie magis incendi, ac studia perpetuò ardentius excitari

Praefatio.

rari bonarum mentium, quibus alius scopus ac nobilior non est praefixus, quam Regnum IESV propagandi, omniumque mortalium pectoribus eius amorem insculpendi.

Credi non potest, quam propitijs oculis Deus huiusmodi conatus, & studia similes progressus faciendi dignetur. Apud me certe indubitatum est, calum in nullos alios caelestia dona liberalius depluere, quam in eos, qui eo collimant aut etiam pertinent, ut amorem IESV & volentibus & snuitis, certe nihil minus ante cogitationibus ingenerent. Extra me rapior, quoties illius gratia tam rara memini, quam S. Gertrudis didicit S. Mechtildi sorori sua collatam; a hac graui morbo detenta jam, cum morte luctabatur, cum in caelesti ostensoro vidit, Christum, qui dignatus erat famulae suae in illo tam difficili articulo adesse, à SS. suâ Matre tunc praesente aliquid meritorum & honorum de supremo Matris ac Virginis titulo decerptum congerere, ut inde pretiosum & admirandum monile efficeret.

Ex vitâ S. Mechtildis.

Præfatio.

ceret, margaritis & omnibus elegantibus
re splendens; quod dein agrotantis pectori
imposuit, addita tam insigni prerogativa
ac potestate, ut dici, haberique pro Maire
& Virgine posset, quod per omnem vitam,
pro suo tanto & casto zelo, quo studebat Fi-
lio Dei omnium amores conciliare, IESU
amatores genuerit; quando sanctam me-
moriam castumque amorem in morta-
lium mentibus excitavit, quo diuinum
hunc amatorem complecterentur, qui solus
dignus est nostras mentes & amores possi-
dere.

Hac idcirco commemoro, ut omnes, qui
hec lecturi sunt, ad amorem, astutatio-
nem & studium inuitem eos imitandi,
quos in amore IESU eximios hic addu-
cam, qui eum gratia locum, quem modo
apud Verbum Patris obtinent, non alia ra-
tione sunt consecuti, quam actionibus pro
amore ac veneratione dilecti sui susceptis.
Et hic est scopus, ad quem potissimum colli-
mabam, ac precipue in hoc labore, quem
mihi ipse per hoc sacrum otium imposui,
spectabam, persuasus, Hagiophilum meum
nusquam

Praefatio.

iniquam posse rectius Servatoris nostri gratiam promereri, quàm per illa ipsa exercitia, quibus se in caelesti aula gratiosos illi olim fecere, qui se illis addixerunt.

Ea porro delegi, quae sunt faciliora, ne quem ab eorum usu absterrem, ac pio genio istorum temporum me accommodarem; alij enim his se totos impendunt, alij alijs afficiuntur. Sed quaecunque sint haec exercitia minuta & exilia, fauentem Deum, habent, & adeò liberalem, ut diceret, etiam accepta ac meritis aequè plena haec esse, quàm sint aspera, molesta & difficillima quæque. Quo in negotio sum oppidò eruditus, & ne longè ab antiquo petitis argumētis viar, sufficiet, quod non ita pridem intellexi, nuper adeò factum: Deus enim is, qui se parvis pietatis exercitationibus, quas priorè anno pro colendâ Dei Matre proposui, tradebant, se fauentem praeuit. Potestne aliquid esse facilius, quàm suspensum è collo Rosarium, aut noctu inter dormiendum brachio obaolatum pro honore B. Virginis gestare? res tamen memorabili exitu est decorata; contigit enim, ut ab homine fide digno ad me relatum est, quempiam, qui

B

eam

Præfatio.

eam pietatem adhibuit, ab omni prorsus inhonesto somnio liberari, quo antehac in somno infestabatur. Quid facilius, quàm quotidie pio cuiusdam operi vacare, aut parvam sibi vim inferre, Deipara placendi, eamque sibi devinciendi studio, aut animo, ei corollam texendi ex eiusmodi pijs actionibus constatam, quã eidem in horã mortis offeras? fuit tamen ex familiaribus meis, qui me per litteras edocuit, quamprimũ id agere pro Dei Matris amore cœperit tantã se consolationem & suiipsius fuisse victoriam consecutum, ut prorsus alium se sentiat, velut in alium orbem celestibus delicijs ac benedictionibus plenè immigrasset.

Ordo, quem observabo in proferendis exponendisque pietatis exercitijs, de quibus modo ago, non erit alius, quàm quem Mysteria Vitæ & Mortis Christi tenent, prout per annum se offerent: hinc aptè centenarium numerum elicui, ea etiam exercitia hic complexus, idq; jure, quæ ad Deum Patrem, ad S. Spiritum, & Augustissimam Trinitatem referuntur, ob eximiam cognationem, quã hæ Divina Persona, ac Verbum, Incarnatum se mutuò contingunt: ita quidem,

Præfatio.

dem, ut per occasionem impositi IESV Nominis octo suppeditem, quæ primos anni octo dies occupent, toto octiduo memoria incomparabilis Nominis attributo. Inde quadraginta sex de Christo Patiente subiungam, quæ totidem Quadragesima diebus inserviant, tempori maxime ad expendendos Christi dolores idoneo. Sequentur deinde, quæ ad Resurrectionem, DEVM Patrem, Ascensionem, Pentecosten, Sacrosanctam Trinitatem, Venerabile Sacramentum, Transfigurationem & Natiuitatem Christi spectant, ijs tantum Mysterys adductis, quæ præcipuo cultu Ecclesia afficit. Hæc omnia exercitia centenarium numerum efficiunt, si omnino parem, quem Dei Matri sacraui: qui numerus perfectionem significat, ideòq; te docet, nostram tam erga IESVM, quàm MARIAM pietatem decere quàm maxime esse perfectam.

Vt ut sit, centum omnino habes, eaque præcipua, ac talia, quæ tibi esse vsui possunt: etsi inde nihil nisi consolationem illam referres, se semel aut sapius in vitâ amore IESV CHRISTI exercuisse, quidquid eius gratiâ olim sancti præstiterunt. Et hæc est

B a prima.

Praefatio:

primaria ratio, quæ copiosius in Anno sancto pertractanda erit, ut inuitem Dei & sanctitatis amâtes, ne hanc sibi felicitatē subtrahant, quò minus semel saltem per omnē vitā agant, quidquid Dei causâ sancti suscepere.

Hoc interim velim omnibus persuasum, pulcherrimum maximèq; gratum pietatis genus, quod exhiberi Dei Filio, ac arridere illi præ cæteris possit, imitandi eius omnes virtutes studium fore, quò omnes Divorum conatus spectabant; quemadmodum sub huius libri finem dicam, uniuersos præ cæteris ad id hortaturus. Nihilominus, quoniam alia, de quibus hîc agam, mentes nostras vehementer ad IESV, Cordium nostrorum amoris, amorem accendunt, & multi Sanctorum ijs se impenderunt; existimo, meum consilium non inutile, nec laborem sine fructu fore: imprimis verò postquam usu didici, ea, quæ eodem genio de Virgine Matre conscripsi, infructuosa minimè fuisse, neque consolationis expertia. Quocirca spero, quæadmodum IESVM in ijs fauentem persequi, quæ à me pro Sanctissima, Matris sue honore sunt publicata, ita vicissim Mariam mihi circa illa fore propitiam, quæ pro Filij gloriæ honore & gloriâ sum dicturus. C&P. L



C A P V T I.

OCTO PIETATIS EXERCITIA ERGA FILIVM DEI
pro Festo & Octauâ adorandi Nominis JESV: 1. Ianuarij.

EXERCITIVM I.

Pro 1. Ianuarij.

*Summo mane, primo anni die, à IESV
strenam postulare, exemplo B. Henrici Saxonis ex Ordine S. Dominici.*

AGIOPHILE! pro auspiciato munere, ac liberali strenâ octo pietatis exercitia, quibus Augustissimum JESV Nomen afficias, tibi apporto. Hoc est, sanctè annum auspicari, initium eî tam amabilibus obsequijs dare: quod ego maximopere fieri desidero, cupio.

B 3

que

que tam amabile Nomen altè tuo Cor-
 di inferi ; ac opto, vt maturè pro feli-
 ci anni exordio tuum amorem erga
 præclarum hoc Nomen, ijs officijs, quæ
 tibi subministro, testeris, ea tibi ab hoc
 die & sequenti octiduo familiaria red-
 dendo. Nomina quibus illi, cui tam
 admirandum Nomen est tributum, es
 obstrictus, tanta sunt, vt tibi facile de-
 beat ac iucundum accidere, totum illi
 octiduum consecrare. Vulgus quidem
 suam pietatem primo anni die absol-
 uit, Ecclesiæ morem in colendo eius-
 diei festo secutus ; sed illos, qui sunt
 IESV deuoti, qualis tu es, non decet
 tam parcos esse, quin totum octiduum
 superaddant, vt peculiarem eius me-
 moriam celebrent, sanctamque con-
 suetudinem ac decretum animis indu-
 cant, sæpe ad obuias per annum oc-
 casiones aliquo pietatis genere, aut
 cunctis, quæ hîc ordine adiungam, se-
 distinere.

Cæterum his Ianuarij Kalendis, quæ
 primæ huius anni sunt, ac dies strenis
 desti-

EXERCITIUM I. 3

destinatus, vide, quid velim te gloriosi
 Nominis IESV, dilecti tui amore facere.
 Bene manè lectulum desere, curaque,
 ut inter primos templum adeas, ei sa-
 lutem & bona verba pro noui anni au-
 spicio dicturus, strenamque per decus,
 dulcedinem, ac merita Sacrosancti No-
 minis ab eo postulaturus. Forſan in-
 delectu laboras, quam potissimum ab
 eo strenam mendices: nihil ad me atti-
 net, suggerere tibi; ſciueris utiq; , quo-
 rum defectu ac inopiâ labores. Si ta-
 men audire super hac re me velis, præ-
 stò sum, volòque ac pronuntio, ut pro
 strenâ, virtutem quampiam ex illis,
 quæ tibi defunt, efflagites, ut patien-
 tiam, puritatem mentis, Sanctum &
 constantem IESV amorem, perfectam
 tuæ voluntatis cum ipsius conforma-
 tionem, & tot alias, quibus necdum es
 instructus, nec deditus: aut etiam re-
 totâ Illi permisâ, precare eundem, ve-
 lit eius te hoc anno, quem modò adis,
 compotem facere, quod ad eius maio-
 rem gloriam ac animæ tuæ salutem,

erit maximè proficuum. Quòd si ad manum tibi elegans quædam cantilena, vel Hymnus sit, encomijs admirandi huius Nominis resperfus, qualis est S. Bernardi, cuius initium: *IESV dulcis memoria*, tuis precibus attexe; quibus ea cantio faciliorem aurem conciliabit, mentémque tuam gaudio demulcebit. Si verò hymnus tibi videtur iusto prolixior, hæc pauca verba deprome:

Nil canitur suauius,

Nil auditur iucundius,

Nil cogitatur, dulcius,

Quam IESVS Dei Filius.

Hagiophile! has pauculas voces, aut alias similes illic adde, ac deinceps eo die sæpiùs diuersis horis itera; poteris IESVM tuum adeò tibi reddere obnoxium, vt te liberalibus donis accumulet, maiorique te beneficio ornet, quàm vnquam potuisses spe concipere. Audi, quantum B. Henrico Susoni emolumentum attulerit. Solebat is primo anni die strenam ab Infante JE-

EXERCITIUM I. §

SV exigere ; & vt copiosam eliceret ,
 vicissim ei de suo aliam offerebat : ea
 eximijs ac pijs cantilenis constabat ,
 eius pulchritudinem , Augustum No-
 men, diuinos eius amores, aliásque eius
 perfectiones laudantibus : toto dein-
 die illud carmen perpetuò ingemina-
 bat, neque eam odam credidisset pon-
 dus habituram, nisi subinde stropham
 quampiam honori Matris pulcherrimæ
 & diuini Puelli attexuisset : si Nomen
 J E S V decies illo carmine efferebat ,
 nomen MARIÆ sexties in eodem redi-
 bat ; si Nomen J E S V millies pronun-
 tiâset, certò certiùs quingenties MA-
 RIÆ Nomen insonabat. Ita totus pro-
 pè dies ei inter laudes & amores J E S V
 & MARIÆ, ac vtriusque Nominum abi-
 bat. Neque hîc eius amores subsiste-
 bant ; si quopiam loco amabilissimi sui
 J E S V formam vidisset vel in Cruce, vel
 imagine expressam, tunc demum illam
 rigandi lacrymis, osculis terendi, mille
 flores ei aspergendi, mille depereuntis
 animi obsequijs ei blandiendi nullus

B § pro-

propemodum finis erat. Age, quid frugis ei tam dulcis labor contulit? reuera multum: quippe IESVS Infans sole Oriente pulchrior se illi stitit; qui postquam eius mentem cælesti dulcedine ac Ambrosiâ recreâsset, officiosas hæc voces addidit: Maçte Henrice! rectè præclarum Nomen mihi à Patre impositum, colis. Scilicet sanctè amantium more loqueris; & vt video, IESVS est Nomen illud & illa vox, quam animo complecteris; hæc est cogitationum tuarum dulcis materies, & carminum tuorum intercalaris strophæ. Quando igitur animo tuo tantopere Nomen meum est infixum, tuum quoque mihi cordi erit: & cùm meum sis amorem promeritus, & illorum vnus, quos jure amo; volo te nomen permutare, aliudque tibi substituam, quod tua merita testetur, omnesque, qui te compellabunt, admoneat, te ex eorum numero esse, quos amari æquum est. Deinceps igitur noli te amplius Henricum dicere; sed Amandum te appellari

EXERCITIUM cī. 7

lari volo: nunquid credis te beatum?
Pater meus mihi IESV Nomen indidit;
IESVS tibi Nomen Amandi tribuit: Pa-
ter meus mihi pro Patrino est, IESVS ti-
bi. Amande Fili mi! ama me, & per-
petuò IESV Nomen ita venerare: in eo
verò nomine, quod à me accepisti, me-
mineris te in antecessum arrham cape-
re gaudiorum, deliciarum & felicitatis
æternæ, quam tibi tuique similibus in-
domo Patris mei paravi. Quo dicto
JESVS infans videri desijt, relictâ in-
mente amantis sui Amandi abundan-
ti consolatione; quam animo propè
concipere, sed linguâ aut calamo pro
dignitate ornare prorsus non queo.
Sed B. Amandus Suso non fuit solus,
qui mille laudibus IESV Nomen Ka-
lendis illis celebrauit, aut hodie ab il-
lo strenam poposcit; multi sunt eius
exemplum secuti: ipse ego religiosos
perspectos habeo, qui primo anni die
vigilantiores solito, promptius se manè
è strato proripiebant, vt alios in salu-
tando Venerabili Sacramento, ac stre-

Præfatio.

eam pietatem adhibuit, ab omni prorsus inhonesto somnio liberari, quo antehac in somno infestabatur. Quid facilius, quàm quotidie pio cuiusdam operi vacare, aut parvam sibi vim inferre, Deipara placendi, eamque sibi devinciendi studio, aut animo, ei corollam texendi ex eiusmodi pijs actionibus conflatam, quã eidem in horâ mortis offeras? fuit tamen ex familiaribus meis, qui me per litteras edocuit, quamprimũ id agere pro Dei Matris amore cœperit tantã se consolationem & suisipsum fuisse victoriam consecutum, ut prorsus alium se sentiat, velut in alium orbem celestibus delicijs ac benedictionibus plenè immigrasset.

Ordo, quem observabo in proferendis exponendisque pietatis exercitijs, de quibus modo ago, non erit alius, quàm quem Mysteria Vita & Mortis Christi tenent, prout per annum se offerent: hinc aptè centenarium numerum elicui, ea etiam exercitia hic complexus, idq; jure, quæ ad Deum Patrem, ad S. Spiritum, & Augustissimam Trinitatem referuntur, ob eximiam cognationem, quã hæ Diuina Persona, ac Verbum Incarnatum se mutuò contingunt: ita quidem,

Præfatio.


dem, ut per occasionem impositi IESU Nominis octo suppeditem, quæ primos anni octo dies occupent, toto octiduo memoria incomparabilis Nominis attributo. Inde quadraginta sex de Christo Patiente subiungam, quæ totidem Quadragesima diebus inserviant, tempori maximè ad expendendos Christi dolores idoneo. Sequentur deinde, quæ ad Resurrectionem, DEVM Patrem, Ascensionem, Pentecosten, Sacrosanctam Trinitatem, Venerabile Sacramentum, Transfigurationem & Natiuitatem Christi spectant, ijs tantum Mysterijs adductis, quæ præcipuo cultu Ecclesia afficit. Hac omnia exercitia centenarium numerum efficiunt, si omnino parem, quem Dei Matri sacraui: qui numerus perfectionem significat, ideòq; te docet, nostram tam erga IESVM, quàm MARIAM pietatem decere quàm maximè esse perfectam.

Ut ut sit, centum omnino habes, eaque præcipua, ac talia, quæ tibi esse vsui possunt: etsi inde nihil nisi consolationem illam referres, se semel aut sapine in vitâ amore IESU CHRISTI exercuisse, quidquid eius gratiâ olim sancti præstiterunt. Et hæc est

Praefatio:

primaria ratio, quae copiosius in Anno sancto pertractanda erit, ut inuitem Dei & sanctitatis amātes, ne hanc sibi felicitatē subtrahant, quò minùs semel saltem per omnē vitā agant, quidquid Dei causā sancti suscepere.

Hoc interim velim omnibus persuasum, pulcherrimum maximèq; gratum pietatis genus, quod exhiberi Dei Filio, ac arridere illi praeceteris possit, imitandi eius omnes virtutes studium fore, quò omnes Diuorum conatus spectabant; quemadmodum sub huius libri finem dicam, vniuersos praeceteris ad id hortaturus. Nihilominus, quoniam alia, de quibus hic agam, mentes nostras vehementer ad IESV, Cordium nostrorum amoris, amorem accendunt, & multi Sanctorum ijs se impenderunt; existimo, meum consilium non inutile, nec laborem sine fructu fore: imprimis verò postquam usu didici, ea, quae eodem genio de Virgine Matre conscripsi, infructuosa minimè fuisse, neque consolationis expertia. Quocirca spero, quèadmodum IESVM in ijs fauentem per sensi, quae à me pro Sanctissima, Matris sua honore sunt publicata, ita vicissim Mariam mihi circa illa fore propitiam, quae pro Filij honore & gloriâ sum dicturus. CAP. I.



C A P V T I.

OCTO PIETATIS EXERCITIA ERGA FILIVM DEI
pro Festo & Octauâ adorandi Nominis IESV. 1. Ianuarij.

EXERCITIVM I.

Pro 1. Ianuarij.

*Summo mane, primo anni die, à IESV
strenam postulare, exemplo B. Henrici Sa-
sonis ex Ordine S. Dominici.*

AGIOPHILE! pro auspica-
to munere, ac liberali stre-
nâ octo pietatis exercitia,
quibus Augustissimum IESV
Nomen afficias, tibi apporto. Hoc est,
sanctè annum auspicari, initium ei
tam amabilibus obsequijs dare: quod
ego maximopere fieri desidero, cupio.

B 3 que

que tam amabile Nomen altè tuo Cor-
di inferi ; ac opto, vt maturè pro feli-
ci anni exordio tuum amorem erga
præclarum hoc Nomen, ijs officijs, quæ
tibi subministro, testeris, ea tibi ab hoc
die & sequenti octiduo familiaria red-
dendo. Nomina quibus illi, cui tam
admirandum Nomen est tributum, es
obstrictus, tanta sunt, vt tibi facile de-
beat ac iucundum accidere, totum illi
octiduum consecrare. Vulgus quidem
suam pietatem primo anni die absol-
uit, Ecclesiæ morem in colendo eius-
diei festo secutus ; sed illos, qui sunt
IESV deuoti, qualis tu es, non decet
tam parcos esse, quin totum octiduum
superaddant, vt peculiarem eius me-
moriam celebrent, sanctamque con-
suetudinem ac decretum animis indu-
cant, sæpe ad obuias per annum oc-
casiones aliquo pietatis genere, aut
cunctis, quæ hîc ordine adiungam, se-
distinere.

Cæterùm his Ianuarij Kalendis, quæ
primæ huius anni sunt, ac dies strenis
desti-

destinatus, vide, quid velim te gloriosi
 Nominis IESV, dilecti tui amore facere.
 Bene manè lectulum desere, curaque,
 vt inter primos templum adeas, ei sa-
 lutem & bona verba pro noui anni au-
 spicio dicturus, strenamque per decus,
 dulcedinem, ac merita Sacrosancti No-
 minis ab eo postulaturus. Forſan in-
 delectu laboras, quam potissimum ab
 eo strenam mendices: nihil ad me atti-
 net, suggerere tibi; ſciueris vtrique, quo-
 rum defectu ac inopiâ labores. Si ta-
 men audire super hac re me velis, præ-
 stò sum, volòque ac pronuntio, vt pro
 strenâ, virtutem quampiam ex illis,
 quæ tibi defunt, efflagites, vt patien-
 tiam, puritatem mentis, Sanctum &
 constantem IESV amorem, perfectam
 tuæ voluntatis cum ipsius conforma-
 tionem, & tot alias, quibus necdum es
 instructus, nec deditus: aut etiam re-
 totâ Illi permisâ, precare eundem, ve-
 lit eius te hoc anno, quem modò adis,
 compotem facere, quod ad eius maio-
 rem gloriam ac animæ tuæ salutem.

erit maximè proficuum. Quòd si ad manum tibi elegans quædam cantilena, vel Hymnus sit, encomijs admirandi huius Nominis resperfus, qualis est S. Bernardi, cuius initium: *IESV dulcis memoria*, tuis precibus attexe; quibus ea cantio faciliorem aurem conciliabit, mentémque tuam gaudio demulcebit. Si verò hymnus tibi videtur iusto prolixior, hæc pauca verba deprome:

*Nil canitur suauius,
Nil auditur iucundius,
Nil cogitatur, dulcius,
Quam IESVS Dei Filius.*

Hagiophile! has pauculas voces, aut alias similes illic adde, ac deinceps eo die sæpiùs diuersis horis itera; poteris IESVM tuum adeò tibi reddere obnoxium, vt te liberalibus donis accumulet, maiorique te beneficio ornent, quàm vnquam potuisses spe concipere. Audi, quantum B. Henrico Susoni emolumenti attulerit. Solebat is primo anni die strenam ab Infante JE-

EXERCITIUM I. 3

SV exigere; & vt copiosam eliceret, vicissim ei de suo aliam offerebat: ea, eximijs ac pijs cantilenis constabat, eius pulchritudinem, Augustum Nomen, diuinos eius amores, aliásque eius perfectiones laudantibus: toto dein die illud carmen perpetuò ingeminabat; neque eam odam credidisset pondus habituram, nisi subinde stropham quampiam honori Matris pulcherrimæ & diuini Puelli attexuisset: si Nomen JESV decies illo carmine efferebat, nomen Mariæ sexties in eodem redibat; si Nomen JESV millies pronuntiasset, certò certius quingenties Mariæ Nomen insonabat. Ita totus propè dies ei inter laudes & amores JESV & Mariæ, ac vtriusque Nominum abibat. Neque hîc eius amores subsistebant; si quopiam loco amabilissimi sui JESV formam vidisset vel in Cruce, vel imagine expressam, tunc demum illam rigandi lacrymis, osculis terendi, mille flores ei aspergendi, mille depereuntis animi obsequijs ei blandiendi nullus.

B s

pro-

propemodum finis erat. Age, quid
 frugis ei tam dulcis labor contulit?
 reuera multum: quippe IESVS Infans
 sole Oriente pulchrior se illi stitit; qui
 postquam eius mentem cælesti dulce:
 dine ac Ambrosiâ recreâsset, officiosas
 hæc voces addidit: Maçte Henrice!
 rectè præclarum Nomen mihi à Patre
 impositum, colis. Scilicet sanctè aman-
 tium more loqueris; & vt video, IESVS
 est Nomen illud & illa vox, quam ani-
 mo complecteris; hæc est cogitatio-
 num tuarum dulcis materies, & carmi-
 num tuorum intercalaris strophæ.
 Quando igitur animo tuo tantopere
 Nomen meum est infixum, tuum quo-
 que mihi cordi erit: & cùm meum sis
 amorem promeritus, & illorum vnus,
 quos jure amo; volo te nomen permu-
 tare, aliudque tibi substituam, quod
 tua merita testetur, omnesque, qui te
 compellabunt, admoneat, te ex eorum
 numero esse, quos amari æquum est.
 Deinceps igitur noli te amplius Henri-
 cum dicere; sed Amandum te appel-
 lari

EXERCITIUM cī. 7

larivolo: nunquid credis te beatum?
 Pater meus mihi IESV Nomen indidit;
 JESVS tibi Nomen Amandi tribuit: Pa-
 ter meus mihi pro Patrino est, JESVS ti-
 bi. Amande Fili mi! ama me, & per-
 petuò IESV Nomen ita venerare: in eo
 verò nomine, quod à me accepisti, me-
 mineris te in antecessum arrham cape-
 re gaudiorum, deliciarum & felicitatis
 æternæ, quam tibi tuique similibus in
 domo Patris mei paravi. Quo dicto
 JESVS infans videri desijt, relictâ in-
 mente amantis sui Amandi abundan-
 ti consolatione; quam animo propè
 concipere, sed linguâ aut calamo pro
 dignitate ornare prorsus non queo.
 Sed B. Amandus Suso non fuit solus;
 qui mille laudibus IESV Nomen Ka-
 lendis illis celebrauit, aut hodie ab il-
 lo strenam poposcit; multi sunt eius
 exemplum secuti: ipse ego religiosos
 perspectos habeo, qui primo anni die
 vigilantiores solito, promptiùs se manè
 è strato proripiebant, vt alios in salu-
 tando Venerabili Sacramento, ac stre-

nā à paruo IESVSLO postulandā prae-
 uerterent, honorem habituri donis il-
 lis Kalendarijs, quæ Deus Pater mun-
 do est elargitus, quando hoc tam ad-
 mirabile Nomen IESV Filio suo vnige-
 nito ac dilectissimo attribuit; ac simul
 ea gratis animis agnitori, quæ is ipse
 Dei Filius hoc die mortalibus distri-
 buit, profuso pretiosissimo sanguine;
 quando Circumcisionis veterem in se-
 ritum admisit. Hæc si fiant, quis dubi-
 tet, quin hæ bonæ mentes diem non
 hilari animo, intérque sparsa diuinò
 Nomini IESV encomia traducant? ah!
 cur ego rudis, illarum exquisitas cogi-
 tationes ignoro, quas Hagiophilo meo
 hoc loco exponam, & ad amorem ad-
 mirandi Nominis Domini mei pelli-
 ciam, vt semel in anno illi accinat!

IESV! venustas Nominum,

Noménque Gratiarum!

Quod dulcis ales incolas

Pro mellis officinâ.

Succúmque promat nectari,

Quod Calites propinant.

Ve

EXERCITIUM I. 29

Ut morte fungar melleâ,
Hoc mersus alveari!

I I.

IESU! monile Nominum,
Decusque Syllabarum!
Cui gemma jungat litteras,
Quod collocent propi,
Arundo fiat aurea
Scribentis inter unguis:
Quâ parte fluxit sepia,
Legantur uniones.

I I I.

IESU! Monarcha Nominum,
Et Alpha dignitatum!
Nomen superbo Principum
Serenius Sereno,
Quod Phœbus addi lucibus
Auriga lucis optet.
Qui grande Nomen praterit,
Cecutit ad lucernam.

I V.

Illustre Nomen Parvuli
Totus salutat Orbis:
Aurora prodit sanguine
Exordium dici:

Et

*Et exaratum vulnere
Nomen rubente saxo,
Excreuit, ut de cortice,
In monstra litterarum.*

V.

*Et Te, MARIA! nominis
Compendium beati,
Perita scribant sidera,
Et te legamus astris,
Post Filium qui Phœbus est,
Et lucis Architectus,
Te Matre Lunâ pulchrius
Nihil propinat Orbis.*

Hagiophile ! hæc tibi cecinimus, appositè ad eam rem, quam tibi proposui, & quam credam tibi minimè fore difficilem: quin animus mihi præfagit, aliquid ultra meum dimensum te additurum, téque pro strenâ amabilissimo Jesu Cor tuum pleno jure transcripturum: quod illi munus longè etit acceptius, quàm cantilena exquisitissimis modulis pro gloriâ eius Nominis concinnata. Si verò ad ea, quæ suprâ attuli, obloquaris, difficile

tibi

EXERCITIUM II. 11.

tibi fore, primo mane ad templum festinare; age, bonâ meâ veniâ cunctare, quousque tibi opportunum erit; aut certè bene manè lectum relinque, domique tuæ diem hunc accuratiori diligentia expède: post in priuato pioq; secessu id age, quod factururus coram Venerabili Sacramento fuisses, facto interrim animi decreto, velle te, cum primum templum attigeris, domi acta illic te rata fixaque habiturum.

EXERCITIUM II.

Pro 2. Januarij.

*Vesperis ante somnum digito Sacrosanctum
IESV Nomen in fronte efformare, exempla
S. Edmundi Archiepiscopi Cantuariensis.*

HAGIOPHILE! Belli ac publicæ calamitatis tempore præclarum utique beneficium ille præstaret, qui tibi rationem suggereret, do.

domum tuam Regiâ custodiâ munien-
di: quisquis aditum tentet, si arma re-
gia pro tuis foribus excubent, non est
quod metuas; quicumque enim in illa
oculum coniecerit, intelliget, Regem
vim omnem vetuisse. Viuat J E S V S
amantissimus Princeps noster! Viuat
I E S V S Rex mitissimus cordium nostro-
rum! Is ipse nos vtile inuentum do-
cuit, nostra corpora, quæ sunt anima-
rum nostrarum domicilia, Dei Patris
ac suo præsidio committendi: ipse nos
erudit, aliud nobis agendum non esse,
nisi vt eius arma & adorandum eius
Nomen in fronte locemus; deinceps
non esse vllam timendi causam: fore
nos vniuersis hostibus formidabiles:
mortem ipsam nunquam nos adortu-
ram, quin nos de suo aduentu præmo-
neat, verita, ne nos inopinantes oppri-
mat, neue nobis spatium adimat, ritè
nos ad bene moriendum accingendi.
O quàm volupe mihi est, bonâ te tesse-
râ pro excubijs instruere, ac vtile com-
pendium dictare, quo possis tam opta-
tâ

tâ beatâque morte defungi, vnde felix
aut misera æternitas dependet ! & ne
tibi duntaxat verba dem, miram artem
profero : ausculta, vnde didicerim, ac
tum vtere, quoties tibi facultas erit, &
eodem quidem ritu, quo I E S V S tibi
vult vsui ac salutis esse.

S. Edmundus Archiepiscopus Can-
tuariensis adhuc juvenis jam solitudi-
nem & secessum amabat, vt illic semo-
tus à turbis mundi, posset liberiùs suis
pijs exercitijs vacare, & affabilitate
amantis animi J E S U M & MARIAM a-
mores suos detinere, quorum illi con-
suetudo potior omni lusu ac congressu
Sodalium suorum erat. Quodam igitur
die cùm solus incederet, confes-
sim in itu obuium puellum habet infi-
gni formâ præditum, qui eius lateri
vicinior eum ridenti vultu compellat:
Salve Edmundè ! nunquid me nosti ?
Sanè ignoro, inquit alter ; & quæso
vnde te norim, cùm adeò & te & no-
men tuum ignorem ? Non patiar te ne-
scire, respondit diuinus pufio, frontis
medium

medium intuerere; illic reperies nomen meum aureis litteris efformatum. Edmundus igitur conuersis illuc oculis eximium & sacrosanctum IESV nomen splendido charactere exaratum agnouit. O quàm vidisses paruulum Edmundum in genua prouolutum coram IESV commilitone suo summam, & minimam maiestatem adorare, veniamque postulare, quòd eum citius non agnouisset, gratijs etiam additis ob tam insignem sibi beneuolentiam exhibitam. Et vt nihil omittam, eorum præsertim, quæ ad rem meam faciunt; in hac mutuâ agnitione & diuinâ hilaritate, denuo IESVS illi locutus, Edmundem mi! inquit, nondum omnia dixi: rem tibi secretam committam: vidésne Nomen meum fronti inscriptum? si sub meo velis præsidio securus delitescere, præsertim verò ab inopinâ morte nō opprimi, in omni deinceps vitâ quotidie sub vesperam, cùm ad somnum te componis, digito Nomen meum tuæ fronti-imprime. His dictis

dictis IESVS euanuit, Edmundus verò
 solerter exsecutus est, quæ à dulcissimo
 suo Magistro didicerat; neque Dei Fi-
 lius minùs reipsa liberalia promissa
 præstitit. Hagiophile! non dubito,
 quin perquam tibi jucundum foret, es-
 se IESV custodiâ perpetuò septum, ne-
 que, cùm hinc emigrandum erit, nihil
 cogitantem à morte inuadi: Sanctum
 igitur Edmundum imitare. Cuperem
 quidem, nullum diem te absque hac
 tutelâ prætermittere: quid enim faci-
 lius tibi esse iam somnum cienti pote-
 rit, quàm pollice fronti IESV Nomen
 inscribere? Sufficit has quinque litte-
 ras, quas hîc expressimus, exarare, aut
 etiam tres tantùm, quibus solet id No-
 men contrahi. Perinde est; fac eâ ra-
 tione, quâ tibi commodum erit, saltem
 hodie: si velis sæpius iterare, aut etiam
 quotidie, non sine exemplo plurium,
 id ages: multos noui, qui religioni sibi
 ducerent, vel semel id omisisse.

EXERCITIVM III.

Pro 3. Ianuarij.

Nomen IESV supra pectus formare. exemplo B. Eustachij.

QVANDOQVIDEM Cor paruum, quoddam amoris est solium apud eos, qui IESVM amant, quid maiori jure possit à te postulari, quàm ut ad hanc parvam sedē & circumcirca arma, tesseras & Nomen IESV tibi dilecti affigas? & hoc est, quod te hodie postulo. Hagiophile! si meis precibus, quibus te aggredior, aurem prebeas, manè dum te levas, aut sero vespere, dum cubitum discedis, circa pectus, eo modo, quem priori exercitio docui, IESV Nomen effinge: si id erit ad tuum palatum, sæpius, quotidie id age; neminem habebis oblocutorem, quando eius nemo alius est conscius, præter DEVM & Custodem Angelum.

Sed

Sed cui bono? inquis: experire, tunc verò eius fructum mihi expones: neque enim omnibus eodem modo suas gratias & fauores impertitur: vnde ego sciam, quæ Deus tibi pro illâ amoris significatione, erga sacrum eius Nomen ei exhibitâ sit redditurus? hoc scio, me hominem nosse, qui quòd in hoc exercitio frequens esset, hanc à Deo gratiam, velut ipse sibi persuadet, eius pietatis habitâ ratione, consecutus est; vt inter dormiendum ab omni prorsus inhonestâ esset imagine ac ludibrio immunis: quibus tamen aliàs sæpe ac importunè vexabatur, antequam vsum tam pij exercitij haberet.

Illud quoque possum tutò asseverare, quidquid hîc agitur, non esse aliud, quàm tacitè coram IESU profiteri, paratum te esse, Sanctum eius Nomen medio cordi insculpere, ad testandum amorem, quo in eum feraris, si eò posset scalpellus aut calatoris manus penetrare: cum verò illud concessum, non sit, conari te, quod possis; & foris
te

te id efformare, quod velles interiori pectoris membranę ac medio incisum. Quę res adeò illi grata est, vt miraculis probârit sibi deuotis, quam voluptatem ex eâ perciperet. Tria tibi sisto, ex quibus IESV bonitatem, & eius amantium ardorem admireris.

Tyrannus ille, cuius iussu gloriosus Martyr ac Præsul S. Ignatius occubuit, pectus illi aperiri ac findi cor iussit, vt in rem præsentem veniret, num reuera IESV Nomen esset in eius medio inscriptum, prout gloriosus Martyr ipse assererebat, cùm rogaretur, cur toties in ore hoc Augustum Nomen illi esset. Ego quidem difficulter mihi persuadeo, alium illi primos cælaturæ, quæ hoc diuinum Nomen exprimebat, ductus quàm ipsum Ignatium descripsisse, censeoque Angelum toties in eius corde id Nomen cælasse, quoties pollice Ignatius pectoris sui superficiem ex aduerso cordis obiret.


Idem de eo sentio, quod auctor Antiquitatum Parisiensium recenset de quadam

quadam Sanctâ virgine illius vrbis, cui Eustochium nomen : supra cuius pectus sacrosanctum hoc Nomen prope ipsum cor post eius mortem visum est. ^a

Tantundem possum de B. Henrico Amando Susone dicere, qui Sacratissimum I E S V Nomen scalpro supra pectus grandioribus litteris incidit, eo consilio, vt quoties nativo pulsu se cor moueret, id quod semper statis interuallis fieri necesse fuit Nomen illud omnes eius agitationes imitaretur, velut eâ re significare I E S V dilecto suo vellet, nolle se aliquam cogitationem, motum ac spiritum capessere, qui non ad amissam & gloriam diuini eius Nominis pertineat. Cæterum crediderim, ac pro certo affirmârim, pium hunc sculptorem nunquam id ausurum fuisse, nisi longâ assuetudine vsum sibi comparâset, circa cor gloriosum hoc Nomen eâ ratione inscribendi, quam
modò

^a *Apud Scardeonum & Alanum
Copum dial. 3. c. 23.*

modò suprà exhibui. Sed nunquid scilicet aues, quì potuerit amans hic Amandus rigorem & puncturas fodicantis styli tolerare? negari non potest, acerbissimos eum cruciatus ac tales quidem pertulisse, vt virium defectu animo linqueretur: sed recreatus non sine prodigio sensit omnes sibi dolores mitigari per incredibile gaudium, quod ex aspectu alterius IESV Nominis percepit minimè cruenti, vt erat illud, quod pectori insculpsit; sed quod gloria, & caelesti splendore coruscum caelitus intuebatur, quòdque radiantem admirandà è cruce, quæ Nomini suberat, eminebat, gemmis caelestibus copiosè ex aureâ Cruce promicantibus IESVS videlicet commiseratione erga illum commotus hoc dulce illi solatium inter amabiles voluit dolores afferre.



EXER.

EXERCITIUM IV.

Pro 4. Ian.

*Sape sacrum IESU Nomen pronuntiare,
Exemplo S. Pauli Apostoli.*

GRATIOSIS nominibus nescio quid lenocinij subest; certè nihil ita nos afficit, quàm præstans & venustum nomen. Quous auctu- riosè mortales hanc oblectationem, sunt sectati; alios sola nominum gratia illexit, alios sola eorundem pronuntiatio fascinauit. Blancha gloriosa Mater S. Ludouici Reginarum decus ita Galliæ coronam obtinuit, eam- que felicitatem nacta est, ut posset Mater Sanctissimi à Galliæ Regibus dici, quòd eximium Blanchæ nomen haberet, pulchrum æquè ac innocens. Rex pater eius Vrracam natu maiorem filiam legatis Galliæ pro sponsâ Delphini offerebat, quod Vrracæ nomen primâ fronte satis asperum & ingratum.

C adeò



adeò ipsos offendit; vt rogarent, num
filix nati minori blandius nomen,
quàm maiori inesset: cùmque respon-
sum illis fuisset, alteram Blancham
appellari, hoc, inquiunt, nomen præ-
feramus; nomen enim Vrracæ Gallo-
rum nostrorum aures offenderet, &
sola eius vocabuli pronuntiatio Del-
phino ac Regi nostro displiceret; pu-
ta, vt coniugium eius expeteret: cùm
interim Blanchæ nomen blandè illos
ad hoc regium fædus, quod molun-
tur, inuitabit, successumq; nostræ cau-
sæ ac legationis felicitabit. Quæ om-
nia, vt prædixerant, euenere: ac Blan-
cha nominis tam præclari in Gallias
abducta, Regina Regni tam florentis
decus, & paulò post matris Delphinum
enixæ gaudia promeruit: qui paterno
sceptro, quod à parente accepit, &
præclaro, quod illi Cælum dedit, Lu-
douici nomini, coronam Sanctitatis
adiecit, virtutibus partam, cuius in-
comparabilis fama eum maximis ac
Sanctissimis Orbis Regibus accenset.

Vide

Vide mihi nomen, totius regni potens,
 cuius blandiciæ res miras effecere.
 Multa fuere huic similia mirè illece-
 brosa: quale fuit Samsonis, quod solem
 denotat; Susannæ, quod pulchrum li-
 lium significat; filia Iobi maioris na-
 tu, quæ Aurora dicebatur; Myrthæ,
 quod vnum è nominibus Regina Esther
 erat; Theodati, quo Philippus Au-
 gustus appellabatur; Amabilis, quo
 Carolus VI. dicebant; aut qualia fue-
 re, quæ Cleopatra duobus liberis suis
 attribuit, è quibus marem Phœbum,
 filiam Lunam indigetavit. Centena
 alia eiusmodi nomina illustriora inue-
 nias.

Sed quantumcunque omnia venu-
 stiora, gratiora, festiniora, ac delitijs
 plena nomina conquiras, nullum ta-
 men, pulchritudine, admiratione, sua-
 vitate par Nomini IESU reperiēs: hoc
 nomen est delictum & miraculum no-
 minum, nomen delictarum & miraculo-
 rum. Eius prodigium olim antequam
 esset vulgò notum, in eo apparebat,
 C 2 quod

quod ineffabile esset, siue ob reuerentiam, quâ prohibebantur pronuntiare; siue quod linguam ad hoc gloriosum Nomen efferendum expeditam non haberent. Nostro verò ævo & Christianis sæculis miraculum hoc longè auctius apparet in eo quòd non solum illud in ore sit hominum, sed etiam quòd nostris linguis nomen dulcius acceptiusque accidere isto nullum possit. Hagiophile! succensebimus mihi hodiernâ luce, si coner ad illud sæpe pronuntiandum pellicere; utque in ore hodie quingenties habeas, aut certè tecum statuas, deinceps frequenter gloriosum hoc Nomen iterare, eiusque assiduitatis quendam vsum inducere? quid à me expectas? an ut Syllabum tibi illorum texam, qui in Nomine IESV piè inuocando assidui fuère? ut S. Paulum tibi sistam, magnum illum Nominis IESV amatorem? qui vocem nullam habuit adeò familiarem ac magis tritam, quàm hanc ipsam, cuius in suis Epistolis ducenties ac decies nominis

EXERCITIUM IV. 23

vies meminit, præter Christi Nomen, quod quadringenties est expressum: adeò demum altè illius linguam IESV Nomen efferendi consuetudo tenuit, vt capite iam à gloriosi Martyris reliquo corpore auulso, adhuc ter, sacrum inde IESV ac dilecti Magistri sui Nomen insonaret.

An dictari tibi à me rationem ac occasionem cupis, illud Nomen vsurpandi, ac sæpe sæpius ingeminandi? illud igitur tibi dici necesse foret, quod eximius ille Geneuensium Antistes Franciscus Salesius agebat: in eius ore ac calamo propè perpetuò hærebat: *Vivat IESVS!* commonendus ergò mihi esses, expedire, vt inter illas precatunculas, quas Ascetæ jaculatorias vocant, illas tibi faceres magis familiares, quibus IESV Nomen inest, vt sunt: *IESV! esto mihi IESVS!* hoc est Seruator: *IESV Fili MARIE!* ignosce præterita vitæ meæ! *IESV Fili David miserere mei!* & similes: expediret igitur, tibi tradere ac annotare concinnum aliquem ac

intercalarem versiculum , aut extremam stropham sacri cuiuspiam cantici, cui IESV Nomen insertum est; quam pro commoditate subinde repeteres; ut est illud eiusdem præclari Præfulis Geneuensis:

Viue IESV! mórque mortis,

O amator viue fortis!

Morte IESV viximus.

Aut alterum, satis tritum:

*Omnia scit, quisquis potuit cognoscere
IESVM;*

Nil nouit, cuius nescit sapientia IESVM.

Vtilem igitur operam præstarem, si te docerẽ, B. Felicem Capuccinũ semper propemodum in ore habuisse, voluisseque ut ab omnibus identidem id Nomen proferretur: si in teneram ætatem per plateas Romæ incidisset, vbi quadraginta ipsos annos stipem, cogebar, eam ad pronuntiandum hoc Nomen inuitabat, collectũque puerorum gregem iubebat IESV Nomen ingeminate. Cuperes idcirco, ut auctor tibi essem, eos legendi libros. quide I E S V tractant,

tractant, & in quibus millies illud sanctum Nomen redit; ut eundem animi sensum gustumque; posses experiri, quæ S. Augustinus concipiebat, quoties in libris, quos euolvebat, IESU Nomen occurreret, nullis alijs delectatus, quam quorum paginae illo essent aspersæ. Nunquid hæc omnia à me expectas? sufficit, quod tibi modò obiter pertransennam insinuavi; cura ut eius rei delectum & usum habeas. Malo te enarratione utilitatum distingere, quas ij percipiunt, qui frequenti compellationi amabilissimi Nominis assuescunt. Imprimis rectius nostræ actiones obcuntur; quoniam initium ab hac voce veluti tessera capiunt: ita Poloni pro militari vocabulo IESUM delegerunt; ita quidem, ut, cum prælium incunt, armisque præludunt, nihil audias nisi IESUM ab omni parte exercitus in cælum clamore ferri. Dein' hostes animorum & corporum ita subiguntur: sic Alphonsus Princeps Congensis, ut refert Maffæus, quando in ho-

stem mouit; cùm primùm sublato clamore frequentique militum voce IESV nomen fuit inuocatum, auxiliares illico adesse copias sensit, quas ei egregij heroës luce coruscantes, ac cruce insignes afferebant, à quibus concisæ ac profligatæ omnes hostiles copiæ fuere. Ita S. Antonius prolato IESV Nomine à tentationibus ac spectris, quibus eum Dæmon infestabat, liberatus est. In rebus ac casibus arduis singularia beneficia, gratiâsque accipimus: ita S. Dionysius Martyr Romanus consolationem inter acerbissima, quæ pro Christi causâ tolerauit, supplicia percepit, cùm voce aliâ nullâ nisi IESV Nomine sæpius vteretur: cuius causam, rogatus, respondit: *Hoc Nomen, Victoria est proferenti.* A magnis periculis grauibûsque morbis eripimur: ita de Benedicto Goëzio Lusitano, Societatis nostrę adiutore, legimus, eum solius Nominis huius inuocatione grandibus periculis ac infortunijs exemptum: inter quæ & illud fuit, quando equus, cui

cui infidebat, periculum rapacis fluuij euasurus, impetu aquarum in aduersam eius ripam abreptus est, hero interim vndis & fortunæ se permittente: qui in eo discrimine non alio imminens exitij remedio vsus, tantummodo IESV Nomen inuocauit: & ecce quamprimùm equus eandem viam natando remensus ad herum redijt. Quod ad morborum curationes attinet, res est nulli ignota; & hoc sacrosanctum Nomen adeò ad hanc rem est salutare, vt non Christiani modò eius fructum & præsentem in morbis opem persenserint, solùm illud pronuntiando, verùm ipsi quoque infideles. Huc refero, quod Galatinus de Iudæo narrat, qui cùm esset veneno infectus, prodigiosè curatus est; cùm aliud remedium non adhiberet, nisi vt hoc sacrum IESV Nomen ore efferret.

Denique in morte nobis ea felicitas obtingit, vt morientibus nobis hoc sanctum Nomen in ore sit: vt enim quisquis per omnem vitam id vsurpa-

re consuevit, ita in hoc articulo multò minùs intermitteret, vbi salutis cardo versatur. Atque ita amici & familiares IESV obeunt: ita hinc præclaræ animæ migrant. Sic vitâ excessit B. Victoria; quæ toto vitæ & morbi tempore, ac postremò in vltimo agone, pro supremâ voce non aliam in ore habuit, quàm illam quâ IESV dilecti sui Nomen & compellatio continebatur; mortémque in eiusmodi verbis obijt.

Chare IESV! summa voti!

Tota cedo sponsa toti.

Ariha. IESVS mentis est.

Parem exitum vir pius è S. Francisci familiâ nactus est, qui magno metu mortis & insequentis iudicii perculsus, quo reddenda illi vitæ actæ ratio esset, subitò cõticuit, nihil ampliùs vociferatus: quin vultu tranquillo assumpto, mox centies Augustissimum, IESV Nomen ingeminavit. Vbi desijt, rogantibus religiosis, qui eum circumstabant, quid actum ei esset, falsus est, eos clamores & trepidationem à iudicij

EXERCITIUM IV. 31

Cujus mortem consequentis timore provenisse; etsi conscientia nullius illum noxæ accusasset: in eo metu versanti Dei Martem ac Patronam suam superuenisse, monuisseque ut ad expiandas omnes noxas centies IESU Nomen iteraret. Et hoc est, inquebat, Sodales charissimi, quod audistis, cum toties sacrum IESU Nomen pronuntiaui. His dictis ab ipsis è vitâ ad IESUM amorem suum migravit. a

Hagiophile! ita moriamur, ita loquamur morituri, quemadmodum aut vir hic Religiosus, aut B. Victoria decessit. O ut mihi in hoc discessu liceat centies IESUM compellare! Ô quàm felix essem, si iterum iterumque dicendo: IESU esto mihi IESVS adire difficile mortis iter possem! Utinam finire vitam inter has supremas voces liceret!

Chare IESU! summa voti!

Tota cedo sponsa toti.

Arrha IESVS mentis est.

a *Ex Chron. S. Francisci tom. 4 c. 10.*

EXERCITIUM V.

Pro 5. Ianuarij.

SS. Nomina IESV & MARIAE simul colere, exemplo Minimorum.

NEGARI quidem non potest, diu ante Christianos primos nascentis Ecclesiae simul SS. IESV & MARIAE nomina celebrasse: vt enim Durandus obseruat, & solebant primis saeculis Kalendis Ianuarij, qui dies Circumcisioni & SS. IESV Nominis impositioni sacer est, duo sacra facere; quorum vno IESVM, altero MARIAM colebant: prius erat de praesenti mysterio, secundum de B. Virg. vt videlicet, hoc die Matris simul ac Filij, IESV simul & MARIAE meminissent.

Nihilominus quando non sum omnino certus, num hic ritus & pietas sit ad colenda SS. Nomina institutus, praestabit, non tam è longinquo rem hanc

pe-

a l. 6, cap. 15. in rationali diuin. offic.

petere: sed sufficiet adnotasse, Religio-
 sos ordinis S. Francisci de Paulâ primo
 cuiusvis anni die suum in vtrumque
 venerabile Nomen affectum junctim
 declarare: utque omnia sibi respon-
 deant, scito, in præclaris eius ordinis
 initijs ac progressu eius familiæ asse-
 clas MinimOS IESV & MARIE se voca-
 ri voluisse. a Prope Monasterium quo-
 que eius ordinis, Paterni in Calabriâ
 structi templum ijsdem augustissimis
 Nominibus IESV & MARIE fuit conse-
 cratum, ut habetur in vitâ B. Pauli de
 Paterno è familiâ S. Francisci de Paulâ.
 Et ut de singulis aliquid commemo-
 rem, fuere nonnulli hoc affectu erga
 SS. duo Nomina præ cæteris insignes:
 qualis inter alios fuit P. Casparus Bo-
 nus vir magnæ Sanctitatis & exquisitæ
 virtutis.

Horum exempla constat insignes
 animos magno numero fuisse sectatos,
 qui erga hæc præclara Nomina huius-
 modi documentis suum studium sunt

C 7

testati

a Ex hist. ordinis l. 2, in D' Atichij.

testati. Tales fuêre RR. PP. Oratorij
inGalliâ: quippe Cardinalis Berulcius,
illorum auctor voluit Congregatio-
nem illam vocari Oratorium IESV &
MARIAE. P. Petrus Faber vir eximiæ pie-
tatis. qui è primis S. P. N. Ignatij Socijs
fuit, piam hanc & laudatam consuetu-
dinem tenuit, vt plerumq, decies IESV
Nomen & toties MARIAE ad initium
Primæ, Tertiæ, Sextæ, & aliarum Hora-
rum in diuino officio pronuntiaret.
Vtique P. Theodoricus Canisius, è Sô-
cietate nostrâ, peculiari amore hæc ea-
dem Nomina est profecutus, cùm viue-
ret: videsis enim, quid ei in extremo
morbo euenerit. Inuadebat eum tam
molesta apoplexia, eoque redegit, vt
omnium rerum, & proprij adeò nomi-
nis ei obliuionem induceret: IESV ta-
men & MARIAE Nominum memoriam
non amisit; neque præter has duas vo-
ces aliam potuit efferre, & quod admi-
rationem auget, nec legere aliquid ni-
si hæc duo Nomina valuit; ita quidem,
vt omnis eius scientia ad hæc gloriosa
duo

duo Nomina rediret, legeréque ac pronuntiare IESVM & MARIAM illi liceret.

Videsis, quanti interfit, Hagiophile, animos ad minutas etiam pietatis exercitationes nos adijcere: quis non videt, ijs Deum benedicere? Nisi antè mihi perspectus esset amor tuus, quo ad vtrumque SS. Nomen raperis; obiter te inuitarem: nunc satis mihi est, eam tibi cogitationem inijcere, vt hodie teneriores denuo affectus animi erga dulcissimas hasce voces restaures, facto proposito, eas tam hoc quàm alio die, cum tibi in mentem venerit, iunctim sæpius inuocare. Id fieri facile potest, cum aut Horas recitas, aut denarium Rosarij percurris, decies iterans, IESVS MARIA, ad similibus actionum initia; aut cum eas voces in Cantico, cui sunt insertæ, repetis. Quòd si ad manum & gustum eiusmodi carmen non habeas; ijs vtere, quæ paulò post in eam rem subiungam, num hoc tibi luberet?

To,

Te. Christe IESV! diligo.

Te diligo. MARIA!

Utroque viuo Nomine:

Utrique dono vitam.

Videor mihi aptè ad hoc caput referre posse pietatem illorum, qui hæc tria, nomina IESV MARIE, & IOSEPHI simul colunt; quando duo Nomina, de quibus hic ago, illic continentur. Huic præclaræ Triadi felicitium nominum, hoc est IESV, MARIE & IOSEPHI, imprimis fuit deuotus P. Caspar Bonus, Minimus, cui penè perpetuò in ore fuerunt. Si quid interrogaret, si responderet, si colloqueretur extenis aut Religiosis; hæc tria Nomina ei pro ingressione sermonis, pro clausulâ, pro parenthesi, pro interruptione pro quouis denique themate seruiebant: ita quoque vitam clausit, inter has voces, IESVS, MARIA, IOSEPH. Hodie magnus Dei seruorum numerus est, qui hæc Nomina depereunt, solentque sæpius non sine incredibili animi consolatione pronuntiare: multi adeò magnos

gnos inde progressus in animis ac ingentia commoda consequuntur. Inquam rem audebo hunc apponere, quod non ita pridem de quodam iuvene intellexi, qui quòd vsum horum Nominum sibi familiarem faceret, & sapius iteraret, quoties illa protulit cogitatione pudori inimicâ pulsatus, confestim se illâ liberatum sensit, si antè illud remedium se extricare inde non potuit. Noui insuper alios complures, qui in eiusmodi occasionibus câ ratione magna auxilia sunt experti.

Porro quando in tam dulci triumpho Nominum argumento versor, non possum pium inuentum illorum præterire, qui ad honorem IESU, MARIE & IOSEPHO exhibendum annulos ex auro aut argento gestant, quibus per ambitum hæ sunt voces ex integro inscriptæ: VIVAT IESVS, MARIA, IOSEPH: quibus annulis profitentur, se hanc amorum suorum triadem semper in animo ac frequenter in memoriâ habere: ac idoneam occasionem se nactos, ea sæpe

sæpe nominandi, nonnunquam exo-
sculandi, ac suauiter eorum consuetu-
dinem suspirandi, quorum grata re-
cordatio nobis in annulo occurrit: pa-
lâm se omnibus testari, quòd eos co-
lant ac ament, maximòq; affectu com-
plectantur; idque longè maiori emo-
lumento ac ratione, quàm mundi se-
ctatores, qui amoris arrhâ profanos &
parùm castos affectus testantur. Quâ
in re obiter id monitos velim eos, qui
in annuli interiori ambitu curant hæc
SS. tria Nomina incidi, vt eorum, qui-
buscum agunt, oculos effugiant, veritî,
ne alij sua studia obseruent; ne dein-
ceps velint illa clâm habere: foris enim
decer ea Nomina cælari; parùmque
se moueri patiantur, si quos habeant
in hac re obtrectatores. Magnum sanè
tibi negotium facesseres, si velles cu-
iuslibet sensu viuere: an tibi non suffi-
ciat, te IESV, MARIE & IOSEPHO pla-
cuisse? Non sic erubescere, palâm ge-
stare añulo foris incisum nomen ama-
toris aut amatricis, sponsi aut sponsæ
tuæ,

tuæ, parentis aut Principis tui: & te, pudebit, digito annulum circumferre, cui impressa amorum tuorum ac deliciarum, quas præ cunctis rebus deperis, nomina spectentur? ubi visuntur amabilia Nomina diuini ac diuinæ amantis, tui cælestis sponsi, Patris & Principis? Et insuper mihi occines, te tantopere hanc creatam Triadem amare? nihilque tibi tam in amoribus esse, quàm JESVM, MARIAM ac IOSEPHVM? facile ex eo apparet, modicæ oblocutionis metu, & habitâ ineptâ hominum ratione te inductum, vt id celatum velis, quod Angeli sibi perhonorificum reputarent, omnibus vniuersi orbis nationibus publicare. Verùm vt nihil dissimulem, vis eos tibi designem, quos putem excusandos, quando hanc pietatem abscondunt, neque patiuntur in annulis, quos gestant, id apparere, quod eis est insculptum? illi sunt, quorum conditionem non decet, annulos publicè in omnium oculis gerere: Tunc quidem prudenter admodum

dum illi agunt, si clàm id pietatis monumentum habeant: quòd si eiusmodi annulos sint nacti, eos non nisi noctu durante somno gerant. Noui ego & familiariter quidem homines Religiosos, qui non omittunt quouis Vespere digito eiusmodi pios annulos inferere, nemine omnino id animaduertente. Si verò idem vellent interdiu tentare, culpandi essent; neque decori rationem haberent, quòd illud vitæ genus ac conditio requirit.

Hagiophile! an non tibi cupiditas suboritur, talem annulum procurandi? Suadeo tibi; & si mihi parueris, me tibi deuinxisti: quòd si me audias, ex hoc momento per omnes vitæ dies porta, neque vnquam deponere: obtestare quoq; familiares & amicos tuos, ne eum post tuum obitum detrahere audeant; & quamdiu tua tibi manus supererit, omnes intelligant, te in amore tenerum & constantem esse. Saltem cùm moribundus decumbes, digito eum inducas: vnde occasionem habear

beas hæc sacra Nomina in ultimo agone exosculandi, & pro ultimâ voce subiungendi: **VIUAT IESVS, MARIA, IOSEPH!**

Possétne quisquam mori aut gloriosius aut sanctius? ego quidem non existimo; præsertim quòd hæc tria Nomina sint fortunata & optimis auspicijs plena: quòd voces sint, quæ inter voces ac verba in congressu hominum & Angelorum mereantur siderum loco haberi; quando è diuino eorum splendore nostræ mentes gratioso lumine recreantur: quòd talia sint Nomina, penes quæ ius est & facultas nobis Paradisum ipsum referandi: omnes eius portæ latè panduntur, quamprimum dulcis harmonia & series horum felicius Nominum, & præstantissimarum vocum auditur. Et quandoquidem hæc SS. Nomina sint tam gloriosis fructibus conspicua; quantum possum, ac vnquam consului, auctor tibi sum, Hagiophile! vt ea sæpe pronunties; vt tecum feras, aut in annulo aut aliter

aliter contenta: útque animo tuo profundè inculpas; memor, hæc Nomina **JESVS, MARIA, IOSEPH**, talia esse, de quibus dici potest, quod his ipsis verbis pium juxta & felix ingenium pronuntiauit:

Hæc tria nomina,

Bona sunt omina,

Et mundi lumina,

Et celi limina.

EXERCITIVM VI.

Pro 6. Januarij.

Recitare Litanias de Nomine IESV exemplo Sodalium Congregationis erectæ apud RR. PP. Oratorij.

HAGIOPHILE ! pro honore SS. Nominis **JESV** hoc à te hodie postulo, vt agas, quod multi **JESV** amantes faciunt, qui quotidie breues Litanias de SS. Nomine **JESV** recitant. Ex eorum numero ij sunt, qui in
ea,

ea, quam supra nominaui, Sodalitate
 suum nomen profitentur. Cura ut hoc
 saltem die illorum è numero sis; pié-
 que illas recita: poteris ab eo, cuius
 hoc Nomen est, tot dona accipere,
 quot vicibus illud pronuntias. Neque
 dubito, quin habeas illas Litanias, sis-
 que instructus eiusmodi precibus: ha-
 bebis utique paruum Enchiridion pre-
 cum & Officiorum paruorum huius
 temporis; ubi eiusmodi preces
 per hebdomadae dies distributæ sunt.
 Sic ibi reperies Diem Martis DEI Filio
 sacrum Litanias eius SS. Nominis con-
 tinere, de quibus hîc mihi sermo est.

Porro præter honorem quem SS.
 Nomini tribues, & eximia postulata,
 quæ illi aperies, hoc insuper emolu-
 menti assequeris, ut memoriâ & ore
 potiore partem excellentium elo-
 giorum recolas, quæ solent in JESVM
 accumulari, omnium bonarum men-
 tium delictum. Adhæc eo compendio
 simul magnam copiam breuium aspi-
 rationum addisces, quibus cum subin-
 de,

de, cū tibi commodum fuerit, compelles. Quoties enim loquendi formulam in hisce Litanijs, Christum allocuturus, variabis, totidem breues oratiunculas, si voles, ad eum precandum habebis: aut certē optionem nancisceris, eas seligendi, quæ tibi ad hunc finem magis idoneæ videbuntur.

Si scirem, Hagiophile, parū te erga has Litanias affici, aut occasionem illas recitandi tibi deesse; hortarer te, ne sine fructu patereris hunc tibi diē, qui est Epiphaniæ & adorationi Trium Regum sacer, absq; peculiari, qui tantum Mysterium decet, cultu elabi; monerem, vt te humi prosterneres, cum tribus Regibus Seruatorem tuum adoraturus, ei que offerres meliora, quæ posses, ac digniora munera, per aurum, thus & myrrham, quæ tres Reges illi obtulerunt, significata: Vt sunt, sincerus amor loco auri, exquisita pietas operum tuorum sanctiorum locothuris, & constans cupiditatum refrenatio loco myrrhæ. Vt autem intelligas,

gas, quàm dona eiusmodi sint JESV accepta, qui est Rex cordium nostrorum, & Princeps omni munere dignus, audi quid S. Mechtildi Christo tam dilectæ ipso Epiphaniæ festo die acciderit: vbi enim pretiosum JESV GHRI-STI Corpus accepit, Christus eam allocutus, filia, inquit, munus à te expecto: sed ego factò initio primus te donabo. Entibi aurum hoc est, diuinum meum amorem largior, & thus, hoc est, omnem meam sanctitatem, & pietatem; ac myrrham, hoc est, amaritudinem cruciatuum meorum. Hæc tria tibi vt propria transcribo, vt eadem mihi alio tempore possis vicissim donare: quæ si pia mens mihi dono reddiderit, duplo aucta restituiam, imò centuplo in hac vitâ auctiora; & in alterâ vitam gloriæ nullo fine terminandæ superaddam. *a*

Videsis, Hagiophile, quàm facile sit hunc diem sanctè transigere, magno Regi, etsi parvus in stabulo appareat,

D eius

a Lib. 1. grat. spir, cap. 8.

eius diuinum amorem, eius sanctitatem, & fructus ac insignia emolumenta eius SS. mortis offerendo: vt tamen interea non omittas ei muneri tuum, quoque amorem, pietatem, ac te coercendi desideria adiungere; quæ totidem auri, thuris, ac myrrhæ dona sunt, ei sine repulsæ metu consecranda. Quòd si te insuper ei mancipare, ac vltionem seruitute eius diuinitatem honorémque, quo SS. eius Nomen reuereris, profiteri audeas; illo tam religioso sanctoque officij genere facile inter primos tibi augustissimum I E S V Nomen demereberis.

Quòd si in quopiam religioso instituto sis DEO votis obstrictus, illicque tibi nec aurum, nec thus, nec myrrha suppetat, quæ Diuino Duello possis offerre; hoc est, si fueris omnis diuini amoris, pietatis, & studij te vincendi expertus: noli tamen prætermittere, quin idipsum quantulumcunque auri, quod in tuo censu reperies, eidem dedices; sed exemplo S. Francisci Seraphici

phici vide quid agas. *a* Seruator no-
 ster die quodam tria iussit ab eo sibi
 dona offerri: Cui ille, scis, inquit, me
 omnium egentem, tui amore omnia
 deseruisse: hæc vestis & funis, quo cin-
 gor, antè tua sunt; cor & animum me-
 um pridem tibi deuoui. Sed quando
 tu, o Deus cordis mei! aliquod à me
 munus postulas; prior me aliquo mu-
 nere instrue, vt obtemperare Maiesta-
 tis tuæ postulatis queam. Tum Chri-
 stus, Francisce, respondit, manum in-
 tra sinum absconde, idque, quod illic
 inuenies, meum esto. Eius voci obse-
 cutus Franciscus in sinu magnam auri
 coruscantis portionem deprehendit;
 quam inde extractam Christo obtulit:
 qui tamen idem iussit ab eo iterum ac
 tertio tentari: vir sanctus semper dicto
 audiens, toties aliam auri massam,
 priori similem, deprompsit, Christo-
 que attulit asserenti, tribus hisce donis
 auream obedientiam, pretiosam pau-
 pertatem, & opulentam castitatem
 portendi.

D 2 Hagio-

a Ex Chron. S. Francisci p. 1. l. 1. c. 73.

Hagiophile! en te longè, quàm putes, opulentior: & cùm sis auro instructus, hodie tria vota illi auri loco exhibe, non sine amore, ac peculiari animi decreto, ea exactè obseruandi. Hoc denique aurum est, ad Nominis IESV, quod tantopere venerari hoc octiduo laboras, inaurandos radios idoneum: vsu enim receptum est, id soli inferere, aureis radijs vnde quaque illustratum, hunc auri splendorem tu conferes: erit alius, qui cætera ornamenta subministret. Atque ita sacrosanctum IESV Nomen vides eo cultu affectum, quo maximè cupis.

EXERCITIUM VII.

Pro 7. Ianuarij.

Maius Officium aut minus de Nomine IESV recitare, exemplo Religiosorum S. Francisci, & eorum, qui SS. Nomini sunt deuoti.

HERI, Hagiophile, Litanias de Nomine IESV recitasti: hodie
pro

pro penso tibi maius aut minus Offici-
 cium de eodem SS. Nomine dicendum
 erit, maius in Breuiario Religiosorum
 S. Francisci reperitur, qui circa mediū
 Ianuarij datā operā separatim diem
 huic SS. Nomini festum habent, vñ
 facultate, quam Clemens VIII. Pont.
 Max. illis indulsit: minus in diuersis
 libellis extat, imprimis in Enchiridio,
 de quo suprà dixi, auctórque fui, vt
 comparares, si eius tibi copia nondum
 esset.

Cæterum siue maius illud sit, siue
 minus Officiū de Nomine Iesv, quod
 hodie percurres; gratum ac plenum
 consolatione tibi erit, ô vt posses inter
 recitandum tot pios animi sensus ac
 delicias experiri, quot S. Franciscus
 persensit, quoties hoc SS. Nomen pro-
 nuntiauit, eiúsque laudes recensuit!
 lætitia ac menti eius superfusa conso-
 latio tam erat copiosa, vt ab animo e-
 tiam in linguam redundaret; quando
 imbutus expletúsque Cælesti liquore,
 ac quadam Paradisi dulcedine fuit.

Quòd si contingat, tibi vel otium, vel occasionem deesse, huic officio vacandi, istoque die recitandi; cùm id nihil sit aliud, quàm breuis quædam epitome diuersarum laudum diuini Nominis IESV, aliquot saltem insigniora capita encomiorum, excellentiarum, ac admirandarum dotium, quibus eximiè micat, tecum meditabundus expende. Si alia te deficient, in memoriam reuoca, hoc Nomen esse omnium maximum & augustissimum; hoc esse Nomen, quod DEVS Pater Filio imposuit, quod Filius Dei acceptauit, quod ab Archangelo Gabriele annuntiatum fuit. Contemplare, hoc esse Nomen omnibus nominibus honoratius; hinc esse, cur tot sint ei templa sacra, quod Romæ templum IESV dicatum testatur; cur Kalendis Ianuarij festus illi primus anni dies agatur, vt receptum in nostrâ Societate est, aut medio Ianuario, vt solent Religiosi S. Francisci; cur eidem, iubente S. Paulo Apostolo, cælum, terra, inferi tantâ sub-

subiectione genua submittant. Cōsidera, hoc esse Nomen præ cunctis alijs in amoribus & delicijs habitum : atque idcirco Dei Filius posthabitis nominibus Emmanuelis, *a* Admirabilis, Principis Pacis, Patris futuri sæculi, *b* & aliorū, quæ S. Scriptura aut homines ipsi tribuerunt, non aliud assumpserit ac seruarit nisi I E S V S , volueritque sibi morienti ad crucem supra caput affigi, ac sentiunt aliqui, cū moribundus SS. Caput inclinavit, eum honorem SS. suo Nomini habuisse : quin sunt etiam, qui putent, hoc admirandum Nomen & nunc esse & olim in omnem æternitatem appariturum sacrosanctæ fronti adorandi Capitis inscriptum, ac ob raram admirandamque pulchritudinem, in cælo vnam è gratissimis oculorum nostrorum illecebris fore. Ob eandem causam IESV amatores tantopere hoc Nomen celebrârunt, amâruntque : S. IESV Nomen, ait S. Bernardus *c* est mel in ore, in aure melos, in

D 4 corde

a Isa. 7. *b* Isa. 9. *c* Serm. 15. in Cant.

corde lætitia : IESVS, ait idem, Nomen est amabilius, quàm patris, matris, sponsi, fratris, tutoris, pastoris; an non hæc omniâ nobis IESVS est? hoc Nomen in se continet, quidquid dicere vel cogitare possum. S. Franciscus adeò illud cordi habuit, vt sui ordinis hominibus iniunxerit, vbicunque in imaginem aut chartam incidissent, in quâ depictum aut incisum, alioue modo expressum illud Nomen esset, id honorato loco reponerent, si humi aut alio quouis indecenti aut vili loco reperissent. S. Ignatius Patriarcha noster, eousque id deperibat, vt Ordinem & Societatem suam nollet alio quàm IESV Nomine insignire: desiderabatque maximopere, vt eius alumni hoc gloriosum Nomen redderent toto orbe intérque omnes nationes celebre. Obserua, hoc Nomen esse præ cæteris mysteriorum plenum: an non S. Chrysostomus asserit, hoc fuisse in summitate sceptri Iosephi incisum; a Iacobúm.

a Genes. 48.

bûmque patrem eius cum morte jam,
 luctantem, se ac vires iterum collegis-
 se, quamprimùm illud adorâset? Non
 dissimilia Philo Iudæus commemorat,
 dum in describendo Daudis cum Go-
 liatho duello versatur: quando enim
 Daud turrim illam carneam deiecit,
 præter pastoritium pedum & quin-
 que filices in perâ nihil secum habuit;
 ac vni quidem lapidi nomen Moysis
 inscripsit, alteri Abraham, tertio Isaac,
 quarto Iacob, postremò verò, cuius fa-
 tali jactu hosti cerebrum elisit, nomen
 Iehoua incidit, vnde IESV Nomen de-
 ductum est: vnde ei exprobrans, tu, in-
 quit, aduersus me instructus armis ve-
 nis: at ego loco amorum omnium No-
 mine Domini me obarmaui. Memi-
 neris hoc SS. Nomine nullum vnquam
 fuisse significantius, magis proprium,
 similius, ac rei per nomen expressæ cõ-
 formius: solus IESVS mensuram sui
 Nominis impleuit: vbi est reperire
 hominem, quantumuis præclaro no-
 mine

D 5

mine

1. Reg. 17.

mine superbiat augusti, clementis, pij, maximi, & similium, cui obijci non possit, quod sanctus quidam Doctor, cuidam præstanti nomine glorianti occinuit: *Nomen habes. & facta non habes?* Solus IESVS nemine refragante Nomen Seruatoris ac Redemptoris generis humani, & consequentes verissimos charosq; fructus eius redemptionis & salutis obtinuit. Admirare denique, quòd hoc Nomen sit omnium maximè dulce & fructiferum. S. Bernardus, S. Bonaventura, alijq; SS. Patres aliud nihil loquuntur; quibus experientia ipsa adstipulatur. Auila præteriti sæculi ac Hispaniæ oraculum in litteris, quibus magni nominis matronam animi corporisq; malis miserum in modum conflictantem solari conatus est, ita loquitur: Cuperem vehementer, te hominem religiosum nancisci, qui explicare tibi emolumenta posset, quæ in IESU possides; experireris profectò, solâ eius Nominis mentione mærores tristitiâsq; omnes illicò euanescere

EXERCITIVM VIII. 55

nescere ex animo tuo, ac locum lætitiæ solidæque tranquillitati mentis facere; corporis etiam ægrimoniam aufugere, aut magnis solatijs mitigari.

Hagiophile, istæ considerationes, momenta & animadversiones circa præcipua encomia laudésque admirandi Nominis IESV, quod tam teneris animis complecteris, imò lectio sola eorum, quæ attuli, facilè tibi sufficeret ad explendum defectum prætermis-
sij officij suprà memorati; si quidem eius copia tibi deesset.

EXERCITIVM VIII.

Pro 8. Ianuarij.

*Quacunque occasione honorem SS. Nomi-
ni IESV habere. exemplo S. Bernar-
dini Senensis.*

QUANDOQVIDEM dilectissimus
Servator noster ad te se omni-
bus diuini amoris indicijs demi-
sit per omnes celestis œconomie, quæ in

D 6

eius

eius Incarnatione fuit, partes suum in nos affectum testatus, ad ipsum usque Nomen, quod suscepit; nos quoque decet mutuâ illi charitate respondere, omnemque in nobis amorem accendere, ad honorandum, quidquid ad eum aliquâ ratione spectat, modo quo fieri potest optimo, ne Nomine quidem præterito: ita enim eadem moneat amorem illi pro amore, honorem pro honore persoluemus. Quam in rem præter ea, quæ modò attulimus, obseruo, hanc consuetudinem IESU amantes tenuisse; neque, quantum ad SS. eius Nomen attinet, quidquam prætermisisse, quod ei esset honorificum, ac mortales docuisse, nullum venerationis genus meliùs esse collocatum post id, quod tribus supremis vniuersi venustatibus, puta, Corpori, Animæ, ac Diuinitati IESU exhibetur, quàm illud, quod conati sunt eius SS. Nominis deferre, idque operâ perquam facili; vt faciliùs imitari omnes ij possent, quos splendor coruscantis Nominis

EXERCITIUM VIII. 57

IESV oblectaret, quem illi ceu diuinum gratissimúmque solem adorant.

Talis nostro æuo eximius Præsul. Geneuensis Franciscus Salesius fuit : quoties in suis chartis & litteris præfixit, *Vivat IESVS?* sed quis numerum ineat, quoties in congressu, in suis precibus, in animi mœrore, & multò magis in diuinis consolationibus, diuersisque occasionibus dixerit : *Vivat IESVS?* Nunquid, Hagiophile, res est minimè operosa, & solatij plena, idem experiri? eius igitur Antistitis exemplo sæpius hoc saltem die, qui de octiduo est impositioni adorandi Nominis sacro, hæ voces, *Vivat IESVS!* in linguâ, in fundo cordis, in apice calami, ac denique illic versentur, vbi esse documento queant, hunc esse scopum omnium longè dignissimum, ad quem omnes tui exquisitiores amores colliment : ne vlla tibi littera elabatur, in qua hoc thema, *Vivat IESVS*, non legatur. Pius & Dei tantopere amans Raymundus Lullus si in epistolam aut

chartam fortè incidisset, in cuius fronte nomen IESV aberat, vehementer ob id cruciabatur, dicere solitus, Sarracenos maiori pietate Mahometem, flagitiosum hominem colere, cuius nomen in capite omnium litterarum collocent, quàm multi Christianorum Redemptorem suum afficerent. Nunquam calamum experiaris, quin per hæc verba, *Viuat IESVS* ! inities; nec vocem arenæ animi causâ inscribas, quin primò omnium exarâris : *Viuat IESVS* !

Non dissimilis huic sub sæculi huius initium P. Thomas Sanchez è Societate nostrâ fuit, qui non contentus, secum SS. IESV Nomen gestâsse, etsi diuersis modis exaratum haberet, voluit tamen suâ manu descriptum penes se habere. Hoc factu perquam facile, & in vsu est, vt superfluum sit, ad id te instigare : alij in sacro cereo illud portant, alij SS. Reliquijs addunt, alij è Coronâ in numismate gerunt, alij inter pias imagines precatorij libellis inse.

inferunt : neque verus IESV amicus reperitur, qui non gloriosum, felix & auspiciatum sibi putet, vnicè sibi dilecti Nomen penes se servare.

Horum numero illos accenseo, qui magnæ sibi religioni ducerent, si genua non flecterent, caput non submitterent, aut aperirent, renerentiæ signū non ederent, aliâque eiusmodi honoris genera prætermitterent, quando ipsi pronunciant, aut efferri ab alio SS. IESV Nomen audiunt. Atque hi venerationis ac adorationis exterioris sunt actus, quos Christiani non negligunt quidem; verum viri Sancti longè magis in hac re assidui ac celebres fuere; quòd non frigidâ consuetudine, ut pleriq; solent, eos percurrerent, sed animum quoque operi applicarent, cultum externum interno quoque prosecuti, qui soli Deo perspectus, hominum sensus fugit: in quorum tamen coniunctione perfectio veri honoris consistit.

Porro

Porro incomparabilis in hoc obsequij genere S. Bernardinus Senensis fuit, qui præterquam quòd è superiori loco verba nunquam facere sustineret, quin aliquam concionis partem in laudes, amorem, ac commendationem SS. huius Nominis deriuaret, inter dicendum quoque pictum in tabulâ proferbat; adeò cupiebat, id in omnium animis, ore, ac honore esse. Et verò quantopere DEVS hoc serui sui studio delectaretur, gratique sermones ac disertæ Nominis sui laudes eius diuinæ Maiestati essent, satis testatum fecit eo prodigio, quod Sancto ardentéque huic SS. IESV Nominis præconi euenit. Cùm enim Romæ pro concione tam exquisita oratione honorem, qui SS. Nomini debetur, exaggerâset, vt quidam offensi crederent eum in dicendo modum excessisse, ac inde occasionem captarent, ei hæresin impingendi; postridie non sine prodigio ingens lux multis radijs, quibus SS. IESV. Nomen splendebat, distincta concionantem è cathe-


cathedrâ circumfulsit, omnibus, qui
 aderant, miraculum spectantibus: quæ
 causa fuit, cur & præsentēs, & omnes
 ij, quibus narratum est, discerent,
 DEVM illos honores & pia studia, qui-
 bus S. Bernardinus alijsque SS. eius No-
 men celebrarent, suâ auctoritate ap-
 probâsse. *a* Quod verò cuidam opi-
 fici contigit, non minùs ad faciendam
 rei fidem valuit. Is lucello vivebat,
 quod è lusorijs chartis corrasit: inte-
 rim S. Bernardinus vehementi oratio-
 ne in chartarum lusum ita inueheba-
 tur, vt mox eius fructus isque tantus
 pateret, vt, cum eum lusum omnes
 damnarent, nemo deinceps infelicitis
 artificis merces licitaretur: vnde ille
 ad incitas redactus, vt cui cum quæstu
 etiam vitæ subsidia erant subducta,
 coactus est, S. Bernardinum conueni-
 re, eique non sine lamentis exprobra-
 re, quòd ad eam se inopiam redegisset,
 vitæ posthac sustentandæ alimentis
 frau-

*a Ex Molano lib. de imaginibm & hi-
 storia picturarum.*

fraudatum. Cui Vir Sanctus, vt eius paupertati consuleret, non aliud remedium aut responsum dedit, nisi quòd IESV Nomen radijs circumquaque illustratum ei manu describeret, juberétque eiusmodi exemplaria vendere: quæ mercatura illi tam feliciter successit, vt inde opes pararet, ac tunc longè magis acquiesceret, quàm quando è profanis chartis officinam instruxit.



CAPVT




C A P V T II.

QVADRAGINTA SEX
PIETAIS EXERCITIA ERGA
DEI Filium, ad recolenda SS. Passionis
ac Mortis eius mysteria, pro totidem
Quadragesimæ diebus assu-
menda.

EXERCITIVM I.

Pro die Cinerum.

Manè & vespere, formato in fronte, ore,
ac pectore S. Crucis signo dicere : IESVS
Christus Crucifixus sit in actionibus
meis, exemplo Alexandri
Lusacy.



AGIOPHILE, vide sis, quid
deinceps tibi pro argumento
amoris, quo IESVM dilectum
tuū prosequaris, depromas;
quando

quando nihil ita nobis amore dignum eum repræsentat, quam Mors ac supplicia, quæ pro animarum nostrarum salute sustinuit. Eius amoris tam potens est argumentum, vt S. Augustinus fidenter pronuntiârit, eum, qui habitâ Creationis ratione, DEVM non amet, inferni æternos cruciatus promereri; eum verò, qui IESVM DEVM Hominem ob illa tormenta, quæ ad nos redimendos perpeſſus eſt, non dilexerit, dignū eſſe, cui nouus infernus creetur, cuius tormenta ſint centies millies acerbiora illis ipsis, quibus modò damnati apud inferos manes excruciantur: illi vnus infernus ſufficit, huic duos fabricari oportet, & ita quidem, vt vltimus ſit priore longè tetrior ac formidabilior.

Viciſſim quid non ij merentur, qui adorant, admirantur, magni faciunt, gratique tantum amorem agnoſcunt, qui Chriſtum in ipſam infamem crucem adegit, vt illic probroſam mortem obiret? quid ſuorum cruciatuum amanti-

mantibus non facit, non indulget? illi
certè gratiosi apud eum sunt omném-
que in se benedictionem prouocant.
Quodam die cùm B. Angelica de Ful-
ginio more suo animum in expendendis
Iesv amoris sui tormentis occupa-
ret, illico vocem eius exaudiit, sæpius
hæc verba iterantem: Benedicat vobis
Pater meus, quicunque acerbissimos
dolores meos commiseratione prose-
quimini! cælum in vos omnia dona
depluat, quotquot meos cruciatus a-
matis! Benedico vobis, Cruci meæ de-
notis! qui pluris Martyrum meorum
Cruces, quàm vniuersi orbis gloriam,
ac delicias æstimatis. Quàm verò gra-
ta illi eiusmodi exercitia essent, in eo
ostendit, quod S. Franciscus Seraphico
euenit, qui nulli alteri rei intentus,
quàm quæ Christo se redderet 'acce-
ptum, die quadam, Iesv mi! dicebat,
quid præstare tibi gratum, quam pie-
tatem, quod exercitium ego vnà cum
fratribus meis exhibere tibi possum,
quod tibi volupe sit? vix verba finijt,
cùm

cum arcano stimulo sensit excitari jubereque se, Missarum volumen aperire, quod cum ter tentasset, eadem semper hæc illi verba non absque Numine occurrerunt : *Passio Domini nostri IESU Christi* : unde intellexit, Dei Filium percipere, se suosque magnâ pietatē eius SS. Passionem recolere.

Hac ferè ratione omnes IESU præcipui amatores hisce diuinis mysterijs se addixerunt : eorum cogitationes, corda, studia & amores omnes diuinæ tolerantia impenderunt. *Hac mea*, inquit S. Bernardus, a *sublimior philosophia, scire IESVM, & hunc crucifixum*. S. Paulus magnus ille Apostolus gloriabatur; b totam Theologiam suam non nisi vno articulo absolui, qui est, *scire IESVM, & hunc crucifixum* : eius Academia fuit Hierosolima, eius schola Mons Caluarie, eius cathedra Crux, eius litteræ, vulnera & cicatrices IESU, eius liber apertum latus Magistri sui. Nihil obstat, Hagiophile, quo minus

a *Serm. 43. in Cant.* b *Ad Philip.*

nus & tu velis ex horum numero esse:
 atque idcirco vt te sensim in hoc nego-
 tio erudiam, hoc capite per singulos
 huius Quadragesimæ dies IESV amato-
 rem tibi sisto, ac eius SS. Passioni deuo-
 tum, quem imitari die à me assignato
 poteris, aut sæpius, prout animus te fe-
 ret, quem erga sanctas eorum actiones,
 & amoris inuenta in gratiam dulcissi-
 mi Redemptoris excogitata, & imita-
 tu facilia concipies.

Ac hodie quidém Alexandri Lusa-
 cij nobilis Itali pio ac feruenti studio
 in Christi Passionem, æquè facili ac
 proficuo, initium facio. Is quotidie
 manè inter surgendum, & vespere, quo
 tempore ad capiendam quietem se di-
 sponebat, signum Crucis in fronte ex-
 pressit, adiectis his verbis: *IESVS Cru-
 cifixus sit in cogitationibus meis*; tum idem
 ori imprimens addebat: *IESVS Cruci-
 fixus sit in verbis meis*; & postremò pe-
 ctus illo muniens dicebat: *IESVS Cru-
 cifixus sit in operibus meis*: quod tam re-
 ligiosè obseruabat, vt nunquam ei ex-
 cideret:

cideret: & optabat, hoc de se passim sciri, neque obscure id insinuabat, sed suis amicis detexit, palamque litteris consignauit, hanc sanctam consuetudinem se mordicus tenere; ac tum addebat: ô vt IESVM Crucifixum perfectè amarem! & quid queam in hac vitâ excellentius præstare? quidquid de me vulgò dicatur, in IESV Crucifixo omnes difficultates & hostes meos triumphabo; in eo spes omnis mea versatur; in eo salutem & gloriam omnem repositam volo.

Hagiophile, hoc est demum sapienter loqui, hoc est rectè facere: quæso te, eius exemplum imitare & in hoc pio exercitio magnum desiderium concipe, IESVM Crucifixum totamque tormentorum eius seriem amandi: neque dubita, quin omnes tuæ cogitationes, verba, & actiones sensim se ad meliorem amussim composituræ sint, feritisque aut citius sanctimoniam spiraturæ; DEVM illis modò Indubiè propitium, & olim liberalem remuneratorem

rem fore. Nunquam verè Christi Passioni addictus fructu & consolatione caruit; nunquam animi bona, quæ sunt præcipua, & sacrae mentis diuitiæ ei deerunt. Si dubitas, quæso tibi graue non sit legere, quod me cogitantem, gaudio complet, gratias scilicet sanctæ animæ exhibitas, quæ cogitationes, verba, actiões omnes frequenti recollectione Mortis ac Cruciatuum Filij Dei, desiderioque eam debitâ pietate afficiendi, ceu condimento aspergebat.

Ea est S. Clara de Montefalconis, de quâ loquor, ex Ordine S. Francisci. Hæc sancta Virgo dies noctesque secum Redemptionis mysteria expendebat, neque satis illi temporis aut otij vnquam fuit, se eorum consideratione pro animi voto exsatiandi, quæ IESVS DEI Filius pro ipsâ mortuus, & tam æcerba passus ei suppeditabat: hæc omnes tam sanctæ & frequentes meditationes adeò eius cor penetrârunt, miraculosâ exalaturâ diuinitus id longèque præstantius, ac nostra scalpella solêt, agēte,

E

te,

te, vt cū post eius obitū dissectū cor
esset, in vnā eius parte imago Crucifixi
Christi probè admodum expressa vnā
eum lateris præter modum rubentis
vulnere appareret: ex alterā verò par-
te corona è spinis, lancea, tres clauī,
spongia arundini præfixa, columna,
virgarum fascis, & funiculorum ali-
quot extrema viderentur; atque hæc
omnia è cordis pulpā veluti calata e-
minebant, re qualibet natium sibi co-
lorem referente, eā soliditate ac duri-
tie, quam quælibet exigebat; vt nihil
ad viuam repræsentationem omnium
SS. instrumentorum Patientis Christi
deesset, adeò quidem, vt Vicarius Epi-
scopi iussus in rem præsentem venire,
ac in tabulas referre, cū curiositate
tactus lanceam attrectaret, senserit eius
se cuspidē offensum: neque hīc mira-
culum substitit, sed vterius continua-
tum etiam in sanguine, qui per diuisi
cordis vulnus promanabat, visum est:
cū enim esset ampullā exceptum, sin-
gulis posthæc annis, SS. Crucis inuen-

tæ anniuerfario die, cui ipsa fingulari-
 ter se impendit, natium colorem re-
 fumere, ac ebullire cernebatur: quod
 toties inſuper accidere cōſueuit, quo-
 ties Montifalconis, in quā ciuitatē pre-
 tioſum corporis eius pignus aſſerua-
 tur, aliquod malum ac infortunium
 imminet. *a* O vt poſſes, Hagiophile,
 tanto amore ad I E S V Chriſti dolores
 exardeſcere, gemino S. Claræ, ac pij
 Alexandri Luſacij exemplo illectus; vt
 Angelis in cælo ſtudium iniſceres, à
 DEO poteſtatem poſtulandi, quò eis
 liceret in fundo, & meliori portione
 cordis tui omnia Chriſti Patientis ac
 Morientis myſteria inſculpere; vt ni-
 hil exinde amares, niſi eum, qui quid-
 quid habuit, ne vltimā quidem ſangui-
 nis guttā exceptā, tibi donauit; iſque
 tibi in animo dies ac noctes verſaretur,
 qui à primo Conceptionis ſuæ momē-
 to, vſque ad ſupremum ſpiritum non
 deſijt ante oculos ſibi omnia crudeli-
 tatis exempla, & extrema tormenta

E 2

pro-

a Annal. Minor. p. 3. ad annum 1308.

proponere, quæ decreuerat tolerare,
ut magnitudinem vehementiamque
amoris sui tibi testatam faceret!

EXERCITIUM II.

Pro 2. die quadragesimæ.

*Christi Crucifixi imaginem in cubiculo, aut
alio loco habere, ubi videri ac incidere in
oculos possit, exemplo S. Bona-
uentura.*

H AGIOPHILE, non credis, quàm
ultra modum me affligeret si au-
las, cubicula, conclauia, & am-
bulacra, quæ necesse est me adire, in-
gressus, illic lasciuas tabellas, picturas
inhonestas, & statuas aut effigies, turpi
nuditate conspicuas animaduverterem.
Animo excrucior, cùm talia mihi fortè
occurrunt; neque persuadere mihi fa-
cilè possum, eos patres aut matres fa-
milias esse Dei amantes: non enim tunc
inducere in animum possem, Deum
non grauitè offendi, ac eiusmodi ju-
venes,

venes, qui illic locorum versantur, ubi huiusmodi picturarum offendicula seruantur, animi puritatem non obscurare, tam pudendis simulacris, & scurrilibus ideis, ex earum intuitu menti obuersantibus : videntur autem hoc infelici sæculo mortales nullâ eius mali religione tangi : sed erit olim, cum sanguineis lacrymis detestandos oculorum nictus, quos in probrofas imagines coniecere, deplorabunt : & tam illi, qui causam præbuerunt, quàm qui domos & ambulationes ijs instruxerunt, magno pulchritudinis internæ, ac intuitium damno, quòd animos nefario obtutu fædârint, incredibili dolore cruciabuntur, rigidû tribunal & formidabile iustûmq; Dei iudicium subituri.

An non satius est in aulis, alijsque locis, in eorum ædibus, qui Christianum nomen profitentur, decêtes imagines, piâsque pendere, præcipuè tabulas mysterijs Redemptionis, quorû caput Christus Crucifixus est, insignitas? Hagiophile, me auctore cura, vt in domo tuâ aliquo loco Crucifixi ima-

gines oculis exponas : si queant pluribus reponi, bene est ; si etiam cubile & Oratorium occupent, tantò meliùs. Certè amantes sponsæ non omittunt in conclauibus effigiem casti amatoris collocare : at mens tua non minùs sponsa est diuini amatoris, qui in Canticis magnum diem sui in Crucem ascensùs diem desponsationis *a* indiget : en ! cur non & tu dilecti tui effigiem penes te custodias ? Nobiles & magnates felices se putant, si in oculis domi saltem Regem suum picturâ adumbratum habeant , quando eum perpetuò coràm in aulâ intueri non possunt : nòne & tu magnæ nobilitatis es, eius, de quo nobis sermo, pretioso sanguine vindicatæ ? an non & tu è domûs Dei purpuratis es ? velles ergo absque aliquâ illius imagine viuere, qui tam venustum se tibi exhiberet, maiori olim gloriâ tibi conspiciendus ?

Verùm tu idipsum moliris, quod tecum disputo : & si aliquid in hoc à te

pec-

a Cant. 3.

peccatum fuit, ab hoc die deinceps id abolebis: tam religiosa illorum imitatio, ad quam exemplo amatorum IESU fuisti inductus, huc te adduxit. Ad hanc S. Bonaventura tibi viam sternit, in cuius vitæ historiâ legimus, eum in oratorio Crucifixum habuisse, eumque illi grandis instar voluminis, imò Bibliothecæ loco fuisse: quòd si aliquam scientiam esset consecutus, ex hoc illum fonte hausisset: si in scientijs addiscendis quæstio ei dubia incideret, aut in quavis cãusâ anceps hæreret; hoc eius oraculum fuisse, à Christo in Crucem affixo eum responsa expectasse. Idipsum S. Thomæ Aquinati coævo suo fassus est, se videlicet quidquid doctrinæ haberet, hoc magno Doctore didicisse, digito in Crucifixi effigiem, vnde profecisset, intento. S. Luitgaridis Ordinis Cisterciensis eandem in Sacello suo præfixit, ad quam in omnibus corporis, quas acerbissimas tolerabat, molestijs recurrerebat; solus eius aspectus ita mentem illius ad Deum

E 4 rapuit,

rapuit, vt omnium dolorum sensum amitteret. B. Victoria grauius nihil tulisset, quàm alicubi diuertere, vbi IESV in Crucem affixi imago non esset: hinc maximus vsus, quam in hoc pio argumento erat naçta in extremo morbo ei dictauit, vt iuberet duas eius imagines lecto affigi, vt quoties latus mutaret, sponsum suum obuium in oculis ex omni parte haberet: vnde contigit, vt illà cum morte luctante, Dæmon non nisi ad cubiculi januam progredi sit ausus, quòd tantum animi non haberet, vt oculos in iconem sponsi B. Victorix conijceret. Iam dixi, omnes IESV amantes publicis locis Crucifixum exposuisse, aut in oratorijs collocasse, siue vt, quoties præterirent, eum salutarent, vti solebat B. Iacobus Sextius ex Ordine S. Dominici; siue vt illic & breues & prolixiores preces persoluerent: hoc S. Margarætæ filix Regis Hungariæ solenne fuit, quæ ante Crucifixi imaginem sibi præ quouis simulacro charam ab exortu diei ad prandij

dij tempus demorabatur. Quin adeò
piè curiosi ac solliciti alij fuère, nec vn.
quam ex eorum seu morientium, seu
morum oculis subduceretur; vt
peregrè profecti non rarò studuerint,
aliquo loco suffigere, vnde videri pos-
set: id facere Margareta Lotharinga
Alensoniæ Princeps consuevit; si enim
iter iniisset, semper è lecticâ Crucifixi
imago pendeat. Gabriela Gadaignia
Comitissa de Cheurieres idem factita-
bat, si quando Masconem, aut inde re-
uersa Lugdunum secundo Arari pro-
ficiscebatur: tunc enim Crucifixum in
eâ parte nauigij statuit, ad quam ipsa
& comites omnes conuertere vultum
possent.

At nunquid animaduertis, Hagio-
phile, dum te ad Christi in Crucem suf-
fixi iconem varijs ædium angulis affi-
gendam adhortor, sensim me ad quæ-
dam eximia emolumenta & fructus ex
ea consuetudine enatos tibi digitum
intendisse, qui totidem potentes sti-
muli sunt, ad **JES V**, amantium exem-

E s **plum**

plum, te excitandi? Commoda inde orientia permulta sunt, non solum quòd supremum Magistrum ad latus habeas, à quo diuinas veritates docearis, vt S. Bonauentura consueuit; aut quòd pràstantissimum Medicum pràstò ad nutum habeas, cui detegere minimos & maximos morbos queas, vt S. Lutgardis solebat; aut quòd ad bene moriendum seruiat, dum ante oculos suos in hoc vltimo conflictu pro spectatore mentium nostrarum consolatorem, & amatorem earundem videant, qualis felicitas B. Victoriæ contigit: sed etiam hac ratione ex solo Christi è Cruce pendentis intuitu alia insuper multò ampliora bona, eaque omnis generis obtinemus. Solus Crucifixi aspectus curare omnia mentis nostræ vulnera potest, ac longè felicius, quàm serpens olim æreus in solitudine scintuentes restituit; quandoquidem rigor ille amore plenus, quo D E V S Pater in proprium Filium animaduertit, ad exsoluenda nostra debita

ta

ta p̄nâsque nostris criminibus desti-
natas se offerentem, nos seriâ cogita-
tione percellit, DEVM nihil in nobis
dissimulaturum, ac pro culparum mo-
do nos castigaturum ; postquam tam
acerbè suum Filium, & vnum cum ipso
Deum corripuit. Sola Christi Crucifi-
xi species tam aptè, & in tempore cui-
piam potest accidere, vt hominem à
Christo alienum & obstinatum possit
ad frugem reuocare. Quid ad salutis
tramitem Placidum, quem modò Eu-
stachium appellamus, adduxit? sola
Christi Crucifixi imago, inter cerui,
quem in venatione insequebatur, cor-
nua prominens, Non equidem negâ-
rim, hoc eum potissimùm impulsisse,
quòd Christum inde sibi loquentem,
& cur se persequeretur, rogantem au-
dierit : at etsi verba hæc foris miracu-
losè prolata nobis promittere non
queamus ; verissimum tamen est, Chri-
stum in Cruce fixum, quem in transitu
collocamus nobis clarâ satis voce mē-
tis nostræ aures pulsare, eorūque nos

intus admonere, quæ agenda nobis incumbunt. Crux vnica illic exposita, vbi versabimur, sufficiet ad nos in officio continendos, ab indecenti actione absterrendos, ac insolentiam quamuis compescendam: hic intuitus, hæc præsentia IESV in Cruce positi amabili vni nostra verba, actiones, ac ipsas adeò cogitationes coërcet. Quam in rem, maximopere memorabile illud est, quod quibusdam immodestis accidit, qui finito Completorio locum, vbi Christi è Cruce pendentis imago prostabat, insolenti risu complebant. Historia Ordinis S. Francisci *a* commemorat, Crucifixi imaginem confestim ingentem clamorem edidisse; cùmque illi oculos mox in simulacrum illud conijcerent, deprehendisse vultum eius excanduisse, oculosque irâ fuisse accensos; veluti IESVS illis succensuisset indignatus, tam parvam sui in effigie illâ præsentis rationem haberi: neque

a Tom 1. Annal. Minor. ad an. 1220. in domo Oxoniensi.

que hîc finis minarum stetit ; omnes enim illi rîfores & inuerecundi cōgerones inde resipuerunt , ac vbicunque obuiam eiusmodi suæ Redemptionis imaginem haberent, ad singularem se modestiam composuerunt : illi verò, qui inter ipsos insolentiores tunc erant non diu superuixêre ; visi enim sunt in omnium oculis contabescere , omnesque intra paucos dies vitam absoluerent. Plurimæ sunt eiusmodi vtilitates, quas expediet sequentibus Exercitijs reseruare , quæ aliquam cum isto affinitatem habent. Vt caput hoc claudam, quod agit de Crucifixi imagine sibi exponendâ, siue ea in ambulatione siue cubili, aulâ, siue conclauî spectetur, omnia dixi, si dicam, nobis per omnia prodesse etiam in difficillimis & intricatis negotijs : eius tibi exemplum adduco, & finio.

Religiosa Virgo Angelica ex Ordine tertio Minimorum, vt eius Ordinis historia recenset, raræ virtutis, quæque Virginitatem omnibus mundi opibus

anteferebat, cum Milassi degeret, quæ illius patria fuit, ob eximium formæ decus à pluribus ad coniugium expectabatur: & parentes iam cōiectis in familiam oculis, omnes machinas ei admovebant, quibus eam posthabito virginitatis seruandæ decreto, ad ineundum cum quodam proco matrimonium inducerent. Sed illa semper sibi similis cum videret ab omni se parte vrgeri, non aliud eis responsum dedit, quàm, statuite, inquit, de me, quod vultis; spero interim Deum rebus meis opportunè consulturum: quo dicto coram Christo Crucifixo prostrata, eum obtestata est, ne sibi in hac causâ opem negaret; sibi certum fixumque esse Virginem viuere & mori; se hactenus omnes vires parentum conatibus opposuisse; eius modò diuinæ bonitati se cetera permittere, num supremam manum addere suis consilijs velit, immisso fortè obstaculo, quod procis occasionem præbeat, sententiam mutandi. Vix preces illa finierat, cum quam-

primum

primum pleuritide corripitur : quo morbo durante, votum Virginitatis edidit , se habitum ac cingulum tertiæ Regulæ S. Francisci de Paulâ assumpturam. Hoc edito voto statim conualuit, ac vt, in votis ei fuit, tirocinium Religiosæ vitæ adijt. Sed neque voti sanctimonia, neque religiosa vestis parentum potuit importunitatem remorari, quâ eius nuptias vrgebant : veterem illi cantilenam identidem occinebant, sanctamque puellam prioribus postulatis adoriebantur : vicissim illa ad eadem remedia recurrebat, iterumque humi ad Christi Crucifixi pedes prouoluta, alijs precibus primarum similibus longè jam feruentius instabat, mille potiùs morbos, cruces ac supplicia, quàm matrimonij jugum subitura: se alium præ illo sponsum nolle , qui esset *speciosus formâ præ filiis hominum*; ac tametsi in Passione ac Morte suâ esset miserè defædatus , nihilominus postquàm resurrexerit, ac in cælos ascendere.

a *Psalm. 44.*

scenderit, pulchritudinis eum miracu-
lum factum, Angelorum ciuiumque
caelestium oculos voluptate complere.
Etiam secundas famulae suae preces Ie-
sus exaudiit: & ecce mox tetro carci-
nomate obfessa est, quo eius pectus
corrosum, ac venustas omnis ita fuit
deturpata, vt nemo mortalium de eius
coniugio somniaret: ita mortalium
amoribus & mundi pedicis exsoluta
nihil aliud cogitauit, quam quâ ratio-
ne tam præclarâ occasione ad virtu-
tem vteretur, & magna sibi apud Deum
merita compararet: quod illa ipsis vi-
ginti, quibus supererat, annis incredi-
bili patientiâ præstitit, semper cum
molestissimo eo morbo colluctata, qui
eam tandem ad vltima deduxit: inde
ad dilectum sponsum suum euolauit,
illic eius aspectu fruitura, ac immorta-
lem gloriam captura, quæ totam æter-
nitatem exæquent. *a*

a In hist. Minimor. lib. 8.

EXER.

EXERCITIUM III.

Pro Fer. VI. post diem Cinerum.

Christi in Cruce fixi imaginem secum ferre, exemplo S. Francisci Xaverij.

HAGIOPHILE, superest adhuc, quo testeris, te per omnia Christi amantem, præcipuè verò in Cruce pendentis studiosum esse : ubi omnia immensi amoris in te documenta dedit : hinc rectissimè ages, si tecum aut in chartâ Breuiario impositâ, aut è Rosario in numismate, aut in Reliquiarum thecâ in Crucis modum efformatâ, aut alio quouis modo Crucifixi imaginem gestes. Non jubeo te maiorem crucem & in omnium oculis præferre : Eremitam enim tunc te vulgò dicerent, arguerentque te hominum de te sermones aucupari : illud Religiosos decet, qui talia profitentur. Minus aliquid à te posco, & vt communem pluribus morem secteris, qui nunc

mine, nisi solo Deo & Cælitibus conscijs, Crucem circumferunt, Noui magnæ nobilitatis Matronam, quæ perpetuò penes se paruam è solido auro prope sinum habet: è religiosis alium scio eam portare ipsanothecæ supernè incisam, quæ in Crucis figuram facta est; ita quidem, vt eâ Cruce è funiculo & collo suspensâ, Christi Crucifixi imago noctes atque dies cor pulset ac obsideat. Hodie omnes propè Deiparæ cultores (& quis non est?) charissimæ Reginae suæ imaginem secum ferunt: an patiemur nos argui, hoc idem studium nos I E S V denegâsse, qui milles, quàm MARIA, est amari dignior, *speciosus formâ præ filijs hominum, a gloria Angelorum; & æterni Patris delictum?* Ferunt, *b* Boleslaum IV. Hungariæ Regem parentis sui effigiem è collo in aureâ lamellâ pendulam asservâsse; ac si quid maioris momenti dicendum agendûmque fuit, arreptam imaginem illam osculari, ac dicere solitum:

a Psalm. 44. b Cromer. tib. 50.

litum: Chare pater! æquum est, me
cauere, ne quid agam tibi ingratum,
tuoque nomine indignum. An non pu-
tas, eadem nobis dici? si enim Crucifi-
xi imago nobiscum est, quàm fortuna-
ta occasio, eum quoties libebit ado-
randi & osculandi, eius auxilium im-
plorandi, eius benedictionem & exi-
mios fauores postulandi! Tuum erit,
num velis in grauioribus per diem ne-
gotijs, & noctu, quoties euigilas, ijs
delicijs vacare: ita consolatio tibi sem-
per præstò, ac summum remedium ad-
uersus quodcunque infortunium in-
promptu erit.

Hic tibi S. Franciscum Xauerium,
vt præclarum exemplum proposui,
nequē retracto, ac potius prodigij te
admoneo, quod illi accidit, indubita-
tum singularis approbationis signum,
quâ IESVS gaudet penes nos Redem-
ptionis nostræ icones videre. Is igitur
ex Insulis Molucis, vbi tunc erat, ad a-
liam insulam duorum dierum inter-
uallo dissitam commeare decreuerat:
dum.

dūque ita mari vehitur, insana tempestas nauim adoritur, eique ac nauigantibus naufragium minatur: ei malo S. Franciscus Xauerus, vt magnā fide ac fiduciā in Christum amorem suum præditus, non aliud remedium attulit; quā vt paruum Christi crucifixi sigillum collo, vnde pendere solebat, detractum digiti ferè longitudine, in furens mare demitteret; vt ad præsentiam imaginis potentissimi amatoris sui rabiem procellæ ponerent. Sed interea, dum è manu in sauentes vndas Crucem demergit, è manibus illi elapsa maris fundum petijt: quod seruo Dei perquam doluit; sed vix elapsis viginti quatuor horis abstersus illi mæror fuit: quippe postridie cū litus attigisset, idque secundo cursu raderet, ad oppidum Iamel, vbi exsensionem parabat, iturus, vix octauam leucæ partem confecit, etsi pluribus leucis ab eo loco, vbi Crux ei exciderat, abesset; cū cancrum marinum conspicatur, inter chelas paruam eius Crucem

Crucem sursum erectam præferre, qui
 vndas egressus, magnâ festinatione re-
 ctâ ad ipsum contendebat, quem ubi
 fatis fuit assecutus, cursum stitit. S.
 Xaverius ob miraculum prorsus atto-
 nitus, ac dilecti Magistri sui bonitatem
 veneratus, in genua procidit: interim
 cancer expectat, dum ille pretiosum
 hoc pignus, cuius restituendi causâ
 fuerat eò ablegatus, è chelis eximat:
 quo facto, cancer viam ad mare rele-
 git, natio iterum elemento redditus:
 quid vir sanctus tunc non egit, ubi ser-
 uatoris sui Crucifixi iconem recupe-
 ravit? historia commemorat, eum cen-
 tena ipsi oscula impressisse, ac sæpissi-
 me magno animi sensu amplexum; hu-
 mi quoque abiectum, brachijs in Cru-
 cis modum diductis, arctéque pectori
 admoventem horæ dimidio pro tanto
 beneficio precibus ac gratijs persol-
 vendis illic hæsisse. Socius eius, qui
 spectator eius miraculi aderat, idem
 fecit, gratijs diuinæ bonitati habitis,
 quod

quòd ei licuisset præsenti tam præclaro beneficio interesse. *a*

Hagiophile, nondùmne planè persuasus es, de paruo Crucifixi sigillo tibi prospicere, quod ferre facile tecum possis? quid si & te simile periculum inuolueret? Quid mussas? nempe hoc rectè à Religiosis, è quibus S. Franciscus Xauerus erat, & in claustris fieri; hoc scilicet pallio frigidum amorem dissimulare te dixerim, quem ei præstas, qui immenso suo amore adactus, pro te agi in Crucem voluit, vt ex Inferno te pridem eò condemnandum eriperet. Sed num hoc solùm agitur, vt nihil à te præter vulgi profani morem fiat? teneo te, dummodo me velis adhuc patienter, de alio miraculi genere, quod in gratiam puellæ cuiusdam Iesv amantis patratum est, dicentem audire. E Societatis nostræ Historiâ *b* habemus, Brasilam puellam Christi.

a Ex relatione factâ in consistorio in Canoniz. S. Xaverij à Cardinali à Monte. cap. de miraculis.

b Hist. Soc. tom. 2, lib. 2. ad an. 1558.

Christianâ fide imbutam, ac diuino instinctu penitus persuasam, perpetuò Virginitatem colere, cum esset quibusdam Christianis parùm pudicis vendita, ab eorum vno tam importunè fuisse ad flagitium sollicitatam, quàm minis quàm blanditijs adhibitis; vt misera puella propè, quò se verteret, ignoraret, nisi vt ad lacrimas conuersa, vultum deformaret, sui fastidio insidiatores repulsura. Semper illa quidem victoriam tam ab hoc, quàm ab ijs, quibz perpetuò eam infamibus postulatis vrgebant, referebat: nihilominus quòd prauideret, huic incommodo finem, nullum fore, hoc consilium arripuit, quod & successus fortunauit: vt videlicet Crucifixi imaginem, si quam posset nancisci, è collo suspenderet: id quæ re ipsâ effecit, persuasa, quandoquidem heri sui se pro Christianis venderent, illam se, cum opus foret, depromere, ac herilem insolentiam retundere posse. Habes igitur puellam Christo Crucifixo deuotam ex eorum numero,

mero, qui eum secum retineant. Nihil
tamen seciūs demon non desiste-
bat, impuras faces impiorum hominum
cupiditati subdere, qui pudendis mo-
ribus voto eius vivebant, eoque, vt
vnus illorum per speciem procurandæ
rei familiaris generosam hanc puellam
iuberet in villam concedere, vbi & ipse
mox aderat, eamque grauius quàm
vnquam ad nefas pelliciebat, idque
tantâ cōtentione, vt casta hæc ouicula
conspicata se solam à rapaci lupo de-
prehensam, actum de se crederet; nisi
sponsus eius IESVS auxilio foret, quod
optimâ fide præstitit: nam puella ex-
tracto Crucifixo, nefario homini se ob-
iecit, eumque per Christum in Cruce
pendentem obtestata est, ne pergeret
vim inferre: tum etiam ante eius ge-
nua procumbit; in oculis lacrimæ, in
manu Crucifixi effigies, in animo IESV
& puritatis amor versatur: precatur
per eius pretiosum sanguinem & sup-
plicia, quem illi inuentem in manibus
exhibeat, ne labem suo pudori infe-
rat:

rat: addit minas & infortunia, quæ
eum maneant; IESVM ipsum ultorem
sceleris fore; crimen nimium enorme
esse, aliquam eius sponsam illi abstra-
here: atque hæc tantâ constantiâ &
magnanimitate perorabat, ut tandem
infelix homuncio manus dederit, ac
scelere abstinuerit; quin fidelitate vir-
tutèque Christianæ huius Amazonis
victus eam à se dimissam alibi collo-
cavit; ubi ipsa quosdam alios insultus
in eadem causâ pari semper victoriâ
perpeffa, à nobilibus aliquot matronis
adiuta est, quæ illam in tale domici-
lium transtulerunt, ubi periculi expers
reliquum vitæ sanctè exigeret: quod
illa eximiè præstitit, gratijs quàm ma-
ximis Christo suo Crucifixo actis,
cui bis libertatem suam de-
beret.

F

EXER.

EXERCITIVM IV.

Pro Sab. post diem Cinerum.

Amabili obtutu Christum è Cruce pendentem intueri, exemplo S. Gertrudis.

S GERTRVDIS quondam consilium accepit quouis auro pretiosius; & quod magis admiremur, non nisi de vno noctu oculi & blando aspectu in eum defigendo res est, qui aliunde mereretur rerum omnium creatarum oculis æternum considerari. Filia, inquiebat Seruator noster, qui amanter Crucifixum in viuis intuetur, eum amanter respicere Crucifixus in horâ mortis dignabitur. *a* Nullus dubito, quin ex eo tempore S. Virgo amantissimo sit oculo Crucifixum intuita, cuius fructum in incredibili consolationum affluxu sub felicem obitum persensit.

O Ha-

a Ex Blosio.

O Hagiophile! quantillo impendio
 potest beata mors parari! nimirum ut
 feliciter fidentérq; liceat nobis ad cæ-
 li portas pulsare, cæleste Sanctuarium
 ingressuris, vbi Diuinam faciem palàm
 Deus spectandam exhibebit, non aliud
 est agendum, quàm ut amanti aspectu
 Crucifixum respicias, qui aut sponte
 in oculos incidet, aut in tuo oratorio
 alióue loco defixus est: vnus amoris
 plenus oculorum annutus in tam ama-
 bilem scopum nostræ Redemptionis,
 coniectus, rapere DEI cor potest. Di-
 uina Sponsa fructum diuini amoris nō
 promeruit, nec I E S V adorandi sponsi
 sui Cor amorémque possedit, nisi post-
 quam amantes in eum oculos contor-
 sit. *Vulnerâsti cor meum, soror mea Spon-
 sa, in vno oculorum tuorum.* a Nec cau-
 sari poteris, laborem quem tibi defero
 ac propono, esse operosum: quid e-
 nim facilius, quàm oculos attollere,
 blandéque illos obliquare? Noui, hæc
 nullo abs te labore fieri, ac centies eos

F 2

te

a Cant. 4.

te respecturum, in quos animo propendes; qui tamen longè sunt minùs amabiles, quàm IESVS, pulchritudinis idea, & nostrorum cordium expuglator. Scio, oculis tuis te discrimen observare, blandoque & sereno oculo te dignari, quos, & quando voles. Caue, ne hîc te difficilem præbeas, néue supremo mortalium amatorî IESV, qui est ipso amore amabilior, Cæli & terræ decus, in quem desiderant Angeli prospicere, deinceps oculorum tuorum blanditias deneges. Sed reprehendi merear, quòd te in re tam facili ac tantis rationibus nixâ tantopere urgeam: satis est, me tibi denuo inculcare, IESVM tibi in horâ obitûs tui mitem amabilemque vultum polliceri, quem metum pluris facies, quàm amores omnes rerum conditarum, & in totas mundorum myriades concessum imperium.


Id vnum restat, quod dicam, ad sæpe studiosèque iterandum Christi Crucifixi aspectum, siue intransitu, siue aliter

liter id fiat, te inuitaturus; videlicet, ut in memoriam reuocem, quod ante viginti circiter annos cuidam amicorum meorum à viro fide digno, qui tunc Romæ degebat, perscriptum est. Obijt eo tempore in vrbe Sacerdos quidam magnà cum sanctitatis opinione, vir Christi imprimis Patientis vnice amans; hinc summa eius voluptas fuit, eum in Cruce suspensum contemplari: huc oculos tam blandè defigebat, ut possent vel Angelos rapere; id quod fieri necesse fuit, quando ipsum adeò DEVM rapuere. Cùm animam ageret, Sanctorum more obijt, ridenti vultu ac sereno, qui ad pietatem incitaret; placidusque instar Angelì apparuit: nempe peractæ vitæ par solet mors accidere. Cùmque jam esset vita functus, nescio quam ob causam apertum defuncti corpus est; jamque ad sedem cordis deuentum anatomici fuit, ut illic explorarent, num aliqua causa mortis lateret; cùm deprehensum est cor abesse: chirurgi ac

medici protsus attoniti, quòd hominem reperissent corde carentem, nullam poterant rei tam insolitæ causam, aut quidquam aliud afferre; ac mutuò se intuiti rem miraculo tribuebant: hæc tota illorum philosophia erat. Verùm interim dum admiratione pleni tam inusitato euentu percelluntur; presentium vnus fortè dilapsis ad Crucifixi effigiem oculis, quæ erat supra defuncti Oratorium in eodem conclauui, vbi sectio fiebat collocata, animaduertit, ad Crucifixi pedes cor jacere: eò quamprimum omnes accurrunt, cognitòque, quòd hoc ipsum cor esset, à se desideratum, altâ voce, miraculum! miraculum! ingeminant; virum tam sanctum amorem ac Cor non alteri habuisse quàm IESV deuotum; hinc DEVM nolle Cor eius etiam post mortem à se diuelli. Vulgò aiunt, oculos amoris nuntios esse, & à corde illuc ablegari, quorsum pertingere, acungere se amanti pro libitu ipsum non potest: hoc ipsum sancti Sacerdotis

COR

cor totâ vitâ facere consuevit : cûmq;
 amoris sui metam contingere non pos-
 set, sufficiebat illi, oculos eò deriuare;
 postquam verò & oculi hoc officium ei
 negârunt, deficiente nûntio cor ipsum
 hanc viam suscepit, ac post mortem
 bonâ dilecti sui veniâ & potestate fe-
 cit, quod in vitâ efficere nunquam po-
 tuit: vt inde discamus, si oculi sint Cru-
 ci affixi, & veluti semper in illud latus
 obliquati; hoc idcirco fieri, quòd o-
 culi in rem nullam adeò sint proni,
 quàm quæ magis cordi est: ac Patien-
 tis IESV amatores sibi relictos, corda
 mox suis sedibus euulsuros esse, vt ea
 ponè Christi Crucifixi pedes depone-
 rent, eique se arctissimo, quo fieri in
 hac vitâ potest, modo coniungerent;
 dum arctiorem ac beatum nexum
 in alterâ præstolantur.



EXERCITIUM V.

Pro Dom. I. Quadrag.

*Fixis oculis Crucifixum intueri, exemplo
S. Elisabethæ, filie Regis Hun-
garie.*

N Unquid sancta & laude digna il-
la curiositas erit, scire velle, quid
demum profit, oculos adeò te-
nere in Crucifixum intentos! sunt alijs,
qui horæ quadrantem, qui horas inte-
gras velut immobiles persistant, oculo
nunquam ab hac amoris illecebrâ di-
moto. DEVM bonum! quid tantope-
re ac tamdiu obseruare in tantillo spa-
tio, simplicique mortui hominis ima-
gine possint; quæ cæteroquin parùm
habet venustatis, vtcunque sit elegantî
manu elaborata? Cuperem sanè ab vno
illorum doceri, quænam dulcîa illa al-
loquia, quæ cogitationes eis forent; &
num in eâ picturâ aliquam pulchritu-
dinis & miraculi lineam deprehende-
rent, quam vulgus ignoraret.

Hagio.

Hagiophile, vis dicam, quid eiusmodi spectator mihi responsi daret? prorsus id, quod olim excellens pictor cuidam importuno cauillatori respondit, qui eum contemnebat ex eo, quòd tam præstantem picturam venum exposuisset. coram illâ diu moratus, eam contemplabatur, stupebat, laudabat, ingenti summâ argenti oblatâ eam licitatus; & secum mussans, hem, inquit, pictorem malè sanum! Ita binæ horæ elabuntur, quas ille in considerandâ tabulâ defixus perdebat, nunc hac nunc illâ parte curiosus: nunquam vidi hominem isto ineptiorem; & quod accedit, eam imaginem quocunque voluit pretio comparare, totumq; aurum è crumenâ illi obtulit: ego sanè nihil in hac picturâ iuuenio, vel oculo, nedum auro, dignum. Pictor, vt erat, vir prudens, tandem illi respondit: *Ex Æliano si oculos meos haberes, hoc non diceres.*

Ah! Hagiophile, quis oculos nobis dabit illorum similes, qui diu at-

F 5

tenté-

tentéque Crucifixum respiciunt? nam illius aciei defectu, quâ illi sunt prædicti, miramur, eos tamdiu circa hoc adorandum spectaculum hærere: & tamen vero verius est, mundum vniuersum, nihil eo dignius nostris oculis obijcere posse. S. Franciscus Seraphicus, qui præ animi dolore aut consolatione totus lacrimis madebat, in eius contemplatione de oculis periclitabatur, quem cum medicus vellet ab illâ assiduitate abstrahere, per speciem oculos seruandi, qui vi lacrimarum diffuerent, ah! desine, respondit vir sanctus; malo luminibus carere, quam vt dum illis parco, meipsum voluptate, quam ex aspectu IESV Christi Crucifixi capio, defraudem.

Et tamen si intuitus ille non esset, tam digno argumento plenus; solus tamen IESV morientis in Cruce obtutus, maiorem nobis consolationem afferet, quàm pectus humanum quomodocunque affectum possit ad hoc desiderare, vt omnis generis calamitates euadat,

euadat, & ad plenam libertatem aspi-
ret. Hoc arcanum illud est, quod olim
pius quidam Sacerdos S. Liduina de-
textit: illa à quatuor jam annis lecto
affixa acribus morbis cruciabatur, qui
non parùm eius patientiam labefacta-
bant: Sed Sacerdos ad illam aliquan-
do inuisens eam consolatus est, mo-
nuitque, vt importunas feminarum,
quæ eam accederent, visitationes abro-
garet, ac deinceps ad Christum Cruci-
fixum confugeret, hîc veram solidam-
que consolationem ei obuenturam. Pa-
ruit illa, simulque illud solatium, quod
ei erat promissum, consecuta est, acce-
dente animo desiderioque prorsus he-
roico, tantò maiores posthàc cruciatus
IESV Christi amore perferendi. Et re-
uerà vbi quæso plus consolationis pos-
simus vspiam reperire, quàm in hoc
diuino amatore, sanguine, & vulneri-
bus operto? aduersa te premunt? vi-
deo; sed ille grauioribus exercetur:
felix & tranquilla tibi mens est? bene
habet; sed hæc tibi supplicijs & boni-

tate Dei Hominis parta est: honorem tuum inuadunt, aut dedecore & ignominia te onerant? commiseratione dignus omnino es; sed nullum probrum; nulla contumelia potest esse tam enor- mis, quàm Filij Dei ad Crucis stipitem affixi, penitus in totius Ierosolymæ oculis nudi: honores es consecutus, ac maiores olim in sede gloriæ expectas? tantò melius; sed quis eos tibi prome- ruit, nisi amantissimus hic Redemptor, quem coràm intueris opprobrijs one- ratum? hæc omnia tibi consolationis materiem suggerent, si Crucifixum aspicias: ac sentio, eos, qui sæpe, ac pen- sicutatè eum contemplantur, plenè sa- pere, nihilque sic eis expedire.

Veruntamen nondum omnia dixi: Crucifixi aspectus præclaram thea- trum magnæ admirationis mortalibus est: hoc loco rectè pronuntiârim: *Non alibi miranda magis.* Et quis non ad- miretur, Deo in Cruce conspecto? quòd doloris ac mortis expers pro illis ip- sis dolere ac mori velit, qui auctores mor- tis

tis fuere? quis non obstupescat, quod hominum omnium tenerrimus doloribus ac tormentis excrucietur, qualia nemo mortalium toleravit? quod innocens pro reo moriens, sententiâ iudicis cogatur inter duos latrones mori?

Planè mihi persuadeo, hos ipsos sermones, consolariones, admirationesque bonarum mentium esse, qui tanto studio conspectum Amoris sui crucifixi & mortui sectantur. Ego quidem non video, quid arguam, si illic tres quatuorue horas ditiùs aut breviùs hæreant; quin potiùs miror, eos tam subito inde discedere, tantus ibi videndi campus est. Laudandus profectò amor in Iobi amicis est; ij enim *septem* *ipsis diebus sederunt cum eo in terra, & nemo loquebatur ei verbum,* a tunc cum maximis calamitatibus premere-
 tur; qua de causâ? ut contemplerentur mirarenturque hunc Principem ac amicum suum, qui nuper tam secun-
E 74 *clama-*
ca. Iob. 2.

dam fortunam, tantos honores, tam illustre nomen habebat, cui opes ceu Regi, reuerentia ceu Monarchæ habitabatur; at nunc è gradu honoris deiectum, exutum fortunis, spoliatum liberis, fœdus morbis oppressum ac omnis generis miserijs cumulatum. Sed quid toto illo septiduo egerunt? oculos in eum, continuè defixerunt: hoc vnum vnicum agebant: mirati sunt scilicet tam raram metamorphosin, animo viri innocentiam reputabant, mirabantur patientiam, humanitatem, animum diuinæ voluntati conformem, & alias eius virtutes: sed interea semper vultus eorum in lobo hærebant, oculis nunquam ab hoc miserando spectaculo alienatis. Inuadat me iam aliquis, ac rationem à me postulet, aliquantò prolixiori tempore Crucifixum contuendi; sufficiat me dixisse, amicos Iobi, qui Christi patientis imago fuit, septem continuos dies ad eum considerandum oculos impendisse: vnde discimus, quòd, qui septem totos dies, septem

ptem hebdomades, & annos Christum Crucifixum in oculis habuerit, semper nouum videndi ac mentem pascendi sit argumentum reperturus. IESV in Cruce positi magnus amator S. Franciscus longius progressus, videndo, aiebat, IESVM in maximo suppliciorum suorum, hoc est, in Crucis lecto versantem, satis occupationis ac consolationis ad vsque mundi finem habeo, si Deus mihi tamdiu vitam prorogaret.

Fortè voles multò accuratiùs indagare, ac ex me quærere, quo loco maximè oculi sint occupandi, an in capite spinis coronato? an in facie grumis sanguinis opertâ? an in Cordis vulnere? aut alijs partibus? vbi tandem? nō est meum, hæc tibi edicere; Spiritus sancti est, talia dictare: satis est, te scire, omnia hîc esse tuis oculis digna, aptaque ad cor emouendum, ac lacrimas ex oculis eliciendas cum firmissimo decreto, cum amandi. Audi, quid S. Augustinus a dicat, & disce, quid intue-

a *Lib. de Virginibus.*

intueri te deceat, & quam ob causam.
*Inspice vulnera, inquit, pendentis, sanguinem morientis, pretium redimentis, cicatrices surgentis: Caput habet inclinatum ad osculandum, Cor apertum ad diligendum, brachia extensa ad amplectendum, totum Corpus expositum ad redimendum: hac quanta sint, cogitate; ut totus vobis figatur in corde, qui totus pro nobis fixus fuit in Cruce. Nunquam finirem, si per-
 censere vellem, quęcunque hęc possunt oculis seruire: quando aliud nihil restaret videndum, nisi quatuor dimensiones, latitudo, longitudo, altitudo & profundum, de quibus S. Paulus loquitur, a quę omnem facultatem creati intellectus excedunt, quod scilicet ijs IESVS CHRISTVS sit significatus in ligno Crucis in longum ac versus quatuor mundi plagas extensus; satis amplum profectò campum haberent oculi, diu pięque se detinendi, agnosceremusque, si Caput ad Orientem, vertit, pedes in Occidentem demisit,*
manus

- a Ephes. cap. 3.

manus hinc in septentrionem, inde in Meridiem protendit, hoc idcirco factum, ut nos ac orbis vniuersus eius amoris vehementiam, ac desiderium reciproci erga se amoris à mortalibus cunctis eliciendi, intelligamus.

Etiamnum à me doceri gestis, ad quid tam obfirmati obtutus faciant, quid commodi afferant. Credo id jam pluribus me locis tradidisse: quod si nondum tibi sufficiat, en reliquum, quod tibi ad omnem usum præstò sit. Religiosa Mater Teresa de Buysson-ron, siue de Rubo rotundo, ex ordine D. Bernardi, adhuc puella parùm fuit pietati addicta; cùmque nihil minus quàm de illo vitæ genere, quod deinde arripuit, cogitaret, tam opportunè ac in tempore oculos in Crucifixi imaginem conuertit, animo etiam oculum sequente, (& erat fortè Icon Longinì Christi latus lanceâ aperientis) ut animus dolum conciperet, Deoque cor tam latè explicaret, ut visum sit, eum exinde intro receptum perpetuam

tuam illic sedem captâsse : fuit enim illa mox penitus mutata , omnique prauo in res creatas studio absoluta ; neque aliud nisi cælum spirabat , nihil nisi de salute sollicita : tantam felicitatem vnicus Christi Crucifixi serius obtutus attulit. At fortè nimis tibi recen- tia obtrudo : habe igitur paulò anti- quius exemplar ; ex quo ille fructus e- natus est, vt omnis fastus & mundi va- nitas contempta calcaretur , visâ vo- luntariâ Regis Cæli & terræ, qui nudus in Cruce obiit, paupertate. S. Elisabe- tha Princeps & filia Regis Hungariæ solenni quodam die superbo vestitu splendide ornata in templi ingressu Crucifixi imaginem conspicata est, quam magno suo bono tantisper fixis luminibus cōtemplata, mox mananti- bus lacrimis sensit sibi animum emol- liri : & quid ? inquebat, ecce *splendor paterna gloria & figura substantia eius a mei amore prorsus est deformata ; & ego me comam ?* ecce Cæli terræque do-

a. Hebr. i.

EXERCITIUM V. III

dominus nudus in Cruce pendet; & ego misera aureâ telâ vestiar, instar nymphæ exornata? I E S V S Seruator meus transfossas manus gerit; & ego integras mollibus ac pretiosis chirothecis contegam? Ita Princeps nostra loquebatur, ita videbat; cùm ex animi commiseratione viribus deficit, interque gynæcei manus linquente animo collabitur. Vix deinde ad se redijt, ac statim professâ est, nihil sibi deinceps cum superbo vestium apparatu fore, nec vnâ fimbriam non necessariam se in corpore passuram; simplici se cultu vsuram, ac pro festiuis diebus non aliam cultiorem togam quàm Christianæ matronæ modestiam admissuram: atque illud animi decretum tantâ fide exsecuta est, vt maiori non potuerit: ex eo tempore cyclade utebatur perquam modestâ, sub quâ sæpe asperum cilicium occultabat: quod si Dux eius maritus extra ditionem esset, tam crassâ telâ se amiciebat, vt vilissi-

ma

ma ciuium erubuisset, simili habitu incedere. *a*

a Surinus 19. Nou.

EXERCITIUM VI.

Pro die Lunæ I. hebd. in Quadrag.

Amanter Christum Crucifixum precari ac alloqui, siue explicanda sint ei nostra desideria, aut fastidia, siue postulanda sit eius benedictio & approbatio eius negotij, quod suscipimus, exemplo B. Thomæ Villanouani.

B ANGELA de Fulginio cūm quondam coram caelesti sponso ac Seruatore suo adstaret; ille, Filia, inquit, in oculis tuis tormenta mea frequenter feras; contemplare me Cruci affixum, & attende, num aliud in me quàm amorem sis conspectura. Hagiophile, si res ita se habet, quis alius erit precandi modus, aut Crucifixo loquendi ratio, quàm phrasis mellea, quàm

quàm verba amoris ? in promptu tibi
 blandæ voces adsunt, cum voles : hinc
 igitur collocandæ sunt ; proinde in ge-
 nua prouolutus ad Crucifixi pedes, e-
 amanter detege, quidquid animo ver-
 fas, siue desiderium illud sit, siue fasti-
 dium ; non secus atque si illud in ami-
 ci, aut etiam tuorum parentum aures
 effunderes. Mihi crede, amantissimus
 IESVS tam ambabili simplicitate ad-
 modum delectatur : hæc dulcia verba
 eius cor fascinant, vt honestè non pos-
 sit nostra vota reijcere ; ac illius manus
 constringunt, quò minùs in nos, si cri-
 minũ rei simus, animaduvertere queat.

Si perspecta mihi tua minora po-
 stulata, ægritudine, molestia & mentis
 curæ ac inopia foret, breues huc in v-
 sum tuum formulas, cum Christo Cru-
 cifixio loquendi, afferrem : sed quo-
 niam certum illud est, nullum orato-
 rem esse amore disertiores ; quantu-
 sumcunque illius habes, aurum loquẽ-
 ris, vbi re ipsa sancto amore Crucifixum
 alloquẽris : vt compendio dicam, si
 doce-

doceri cupias, quid alij hoc in negotio
facere soleant, quos maiori fiducia &
securitate imitari queas ; non graua-
bor equidem tibi aperire, quid illis in-
usu fuerit : obserua, & imitare.

Pius Latro, qui primus omnium Cru-
cifixum pie allocutus est, pauca sed be-
ne ac bono animo dixit: *Memento mei;
Domine, dum veneris in regnum tuum.* a
Age nunc quid laboris habet, tantun-
dem nude dicere? O IESV delictum a-
nimæ meæ ; nolo Infernum adire, &
hoc vis me nolle ; timeo purgantes
flammas, fastidio mundum, te viden-
di desiderio languesco ; in Paradisum
me admitte !

S. Laurentius Iustinianus in hunc
ferè modum Seruatori suo in Cruce
posito loquebatur : Magister bone !
memento mei, non solùm, vt obtineam
regnum tuum ; sed vt compatiar do-
loribus tuis, ac in partem veniam do-
lorũ tuorum : noui enim probè, si par-
ticeps tuorum tormentorum sim fu-
turus,

a Luc. 23,

turus, me Regni tui quoque consortem fore. O vt Sanctum hunc Antistitem imitatus nonnunquam ita diceres! O IESV amor amoris mei! fiducia mea! & bonum vnicum, quod suspiro! ecquando mihi volupe erit, aliquantum, imò multum tui amore perpeti?

S. Franciscus maximo ardore precabatur: *Absorbeat, ô bone IESV! mentem meam ignita ac melliflua vis amoris tui; vt amore amoris tui moriar, qui amore amoris mei dignatus es mori.* Nullus tibi dies elabatur, quin his, aut breuioribus etiam verbis exclames: O IESV vita vitæ meæ! hoc mihi seriò in votis est, cum dico, tui amore mori me velle.

S. Ignatius Societatis nostræ Patriarcha, in piâ breuîque suâ ad Christum Crucifixum oratione, quæ plures in se continet, nobis exemplaris loco est; sine vllis verborum lenocinijs, alijsque verbis, quàm quæ necessitas & animus dictat, Crucifixo loquendum esse. Operæ pretium est, eam hîc apponi; cum digna sit, quam memoriâ teneas,

teneas, ac millies milliesque in vitâ repetas. Quando igitur Crucifixi imaginî præsens erat, ita orabat :

Anima CHRISTI sanctifica me,

Corpus CHRISTI salua me,

Sanguis CHRISTI inebria me,

Aqua lateris CHRISTI lava me,

Passio CHRISTI conforta me,

O bone IESU ! exaudi me,

Intra tua vulnera absconde me,

Ne permittas me separari à te,

Ab hoste maligno defende me,

In hora mortis meae voca me,

Et jube me venire ad te,

Ut cum Sanctis tuis laudem te

In secula seculorum. Amen.

Ex eo, quod modò dixi, facile sententiam feres, quâ breuitate, amore, nouitate ac modo sit vtendum, quibus interdum Christum, vt præclaram pietatis nostræ illecebram, compellemus: Dei Filius animum potiùs, quàm quidlibet aliud spectat; ac prout ille bonus ac sincerus est, tantùm postulatis fauet ac tribuit. Vir pius è Societate nostra,

Ara,

EXERCITIUM VI. 117

stra, a quoties Sacerdotum habitu se ad peragendam in conspectu Crucifixi rem diuinam induebat, atque illa verba, quæ dici inter assumendam superam vestem, seu Casulam, consueuerunt, pronuntiaffet: *Domine, qui dixisti: jugum meum suauis est, & onus meum leue; fac ut istud portare sic valeam, quod consequar tuam gratiam*: non nimis leue est, aiebat, non nimis, Domine! sentio plane satis difficile ac molestum; sed gratiâ tuâ fretus ad finem usque durabo. Existimo equidem, hæc paucula verba ab amanti animo in dilectissimum Seruatorem profecta, præ aliâ prolixa precatatione illi arrisisse. S. Hedwigis Polonia Princeps, solitudini studioque orandi vnicè addicta in Monialium monasterium secessit; vbi per otium precibus se dabat: cumque Religiosæ Virgines in Odeo cantum peregissent, illa plerumque isthic remansit, pluresque inibi horas insumpsit. Interim sanctimonialis quædam iunior, quæ diuina

G

nare

2 P. Bernardus Colnago, 1925
192A

nare non satis potuit, quæ res illam
posset tantopere detinere, die quodam
finito cantu occultè illic delituit, vt
indè actiones, motusque omnes Prin-
cipis exploraret: & sanè materiam in-
uenit, suam curiositatem pascendi: vi-
dit enim S. Hedwigem omnia subfel-
lia obire, in quibus Moniales cane-
bant, ac postea omnia vestigia osculari, quæ
illæ suis pedibus reliquissent; postre-
mò coram Christi è Cruce pendentis
imagine prostratam, simplicibus & af-
fectu plenis verbis ita precatam: A-
mantissime IESV! obsecro te, tam pijs,
quotquot hîc degunt, mentibus perse-
uerandi gratiam præsta; sponsæ tuæ &
fideles famulæ sunt. Tum Monialis il-
la, quæ ad omnia erat intenta, animad-
uertit, imaginem Crucifixi moueri, ac
dextro brachio à Cruce exsoluto san-
ctæ Principi bene precari, clarâque vo-
ce ita illi loqui: Filia; exauditæ sunt
preces tuæ. O quantum prodest, cum
amore ac fiduciâ IESVM in Cruce com-
pellare, & res ad salutem vtilès ab eo
postulare!

Age!

EXERCITIUM VI. 119

Age! satis in hanc rem dictum est; Opto tamen, ut quæ hucusque sunt allata etiam intelligas in mæroribus, rebus aduersis, molestijs, morbis, & ærumnis nostris vsurpari posse: hæc Christo Crucifixo in Oratorio nostro, aut alio loco explicanda sunt; nunquam queri de aduersis, quæ nobis accidunt, de contumeliâ, quâ proscindimur, de quotidianis incommodis apud alium nos oportet, quàm apud Filium Dei, præsertim in Cruce fixû, cui fidenter nostras querimonias aperiamus. Hæc non eò dixerim, velut non liceat eiusmodi leuiiores animi ægritudines conscientię moderatori, aut superiori, alteriue prudenti fidôque amico detegere: sed denuo affirmo, esse certas quasdam molestias & offensas quas amantissimo Magistro & amico vnice dilecto, IESV insinuassee sit satis. Hoc reperiò à pluribus sanctis factitatum, quos inter S. Petrus Martyr ex Ordine S. Dominici eximius fuit; is enim ignominiosè habitus, ac quodam Ordinis

sui domicilio eiectus, apud mortaliū neminem suū casū deplorauit, nisi quòd post duos demum annos ab illā sibi aspersā labe, Christo, magno animi sensu, ac diuinæ voluntatis approbatione, explicaret. Historia est admodum grata, vt & responsum, quod illi Crucifixi imago reddidit: sed hoc loco prætereo, quòd cogitem rem hanc alibi afferre. Verū hinc ego pedem moueam, priusquam tibi exponam, quod B. Thomæ Villanouano, Valentia in Hispaniā Archiepiscopo, ex Ordine S. Augustini accidit? quæcunque res illum affligeret, eius asylum Christus Crucifixus erat, aut vt inde remedium ac solatium peteret, aut vt sua penēs eum lamenta deponeret, amantérque exostularet, cur seruū adeò fidelem pateretur tam malè haberi. Fortasse, quòd Dei Filius nunquam eum fuisset responso dignatus, credidisses, hunc agendi modum ipsi displicuisse, præsertim quia identidem alijs ac alijs molestijs vexabatur; at prorsus

lūs contrarium euenit. Quippe cū anno 1555. festo Purificationis B. V. die ante Crucifixi iconem de more precaretur, ac magno candore illum compellaret, O IESV, inquit, Domine & Gubernator mi! nisi esses Deus meus, arguerem te culpæ reum, quòd toleres, tantopere me à meis ouibus exerceri: ah! ab eo die, quo fui Præsul inauguratus, nulla mihi paulò latior hora illuxit: & si conqueri mihi liceret, si te non amarem, in voces erumperem, bilem tibi moturas: expedit quidem, vt, quod vis, ego quoque velim; sed, ausim & ego te monere? tu quoque posses aliquantò mitiùs me habere. Eo ipso tempore imago Crucifixi os diduxit, eique locuta, mactefili! inquit, ad me venies præmia molestiarum tuarum accepturus eo die, qui Matris meæ Natiuitati sacer est: atque ita euenit. Huic miraculo aliud accessit; nam illa Christi pendentis imago semper deinceps ore diducto visa est, etsi antehac compresso fuisset,

dentésque apparebant tam elaborati, vt peritissimi quique artifices ac sculptores admirati, negarent similes à quoquam effingi posse.

Tali cum amore ac ratione, quisquis Crucifixo deuotus, eiúsque honoris studiosus est, affectus nihil vnquam paulò maioris momenti agendum suscipiat, quin eum consulat, velut modestè ac eum fiducia eius sententiam, placitum, & benedictionem postulaturus, nihilque abs eius arbitrio aggressurus: quandoquidem Magister noster est, cupimúsque, quidquid nos attingit, penitus ab eius voluntate ac sapienti administratione pendere. Iudica nunc, an fieri aliquid melius posset, & an nō Christianos omnes deceret eius vsum sibi conciliare, ob rem imprimis memorabilem, quam scriptor Historiæ & Annalium Ordinis S. Francisci tradidit. • Viginti quinque circiter annis ab eius Religionis incunabulis Doctor Parisiensis in eâ vrbe huic se Ordini adiun-

adiunxit: interea cùm mater post aliquantum temporis à paupertate premi se videret, cognati & amici vltra modum ei instabant, vt in animum induceret, Religioni valedicere, ac matris inopiæ succurrere; ad hoc ipsi adeò Religiosi eum vrgebant: ac tam importunè ex omni parte petebatur, vt inde commotus in eam sententiam venerit, pedem se relaturum. Porro obseruandum est, eum nihil aggredi, aut exequi grauius consuèsse, quin priùs eius potestatem ac benedictionem à Christo Crucifixo flagitaret: tunc quoque solenne suum tenuit: jámque humi genibus nixus eadem petebat, recénsque animi decretum Crucifixo exposebat; & ecce vocem audire minime expectatam: Christus enim pauca hæc illi verba reposuit, quæ facile sistere, fugiturum possent, ac ille intelligeret, postulati se repulsam ferre: *Fili! ego te charius nutriui, quàm mater tua; quare non me deferere debes, propter matrem tuam.* Hagiophile, quorsum censes?

G 4

hunc

hunc hominem, absque hac pietatis
exercitatione fuisset, præcipitandum?
sed quid tecum fiet, nisi tecum statuas,
te modo illo, ac loco, quem tibi nota-
uimus, facultatem ac benedictionem
velle petitem ire?

EXERCITIVM VII.

Pro die Martis I. hebd. Quadrag.
*IESVM in Cruce precari, Crucifixum ma-
nibus tenendo, exemplo B. Magda-
lena de Pazzis.*

HAGIOPHILE! quàm præclarus
in IESV Christi amante is gestus
est, si Crucifixum brachijs aut
manibus complexus hominum, Ange-
lorum, ac DEI amorem ac admiratio-
nem in se prouocet, qui tam grato spe-
ctaculo æquè, quàm quouis alio, dele-
ctantur! Nonnunquam videre est in
vtroque sexu homines magni nominis
eo habitu indutos, qui hunc actum
deceat, nudis pedibus in Sodalitatum,
in

in quibus suum nomen profitentur,
 supplicationibus Christi Crucifixi si-
 mulacrum præferre. O quàm res exi-
 mia est, optimique exempli plena! Por-
 rò quid potest esse tam pium, quàm B.
 Petri Luxenburgensis incessus? Tunc
 cùm solennis supplicatio Parisijs fuis-
 set à Canonicis B. V. instituta, is qui ge-
 stare Crucifixi imaginem debuit, ad
 subterfugiendum hunc laborem se
 subduxit, ratus probrosum sibi id, ac
 indignum suâ conditione fore: eius
 superbi Thraſonis personam occupa-
 turus, mox B. Petrus ille, qui paulò an-
 tè ijs Canonicis accensus est, adfuit,
 nullâ summæ nobilitatis habitâ ratio-
 ne: neque refugit, infimum officium
 in Dei domo adire, probè gnarus, nihil
 posse sibi magis gloriosum accidere,
 quàm si delicias suas, & amabile nostrę
 salutis vexillum manibus suis vniuersę
 ciuitatis Parisiensis oculis præferret:
 quod spectaculum cunctis intuentibus
 ingentem delectationem attulit, hu-
 militatem, decentiam, sanctitatem, ra-
 G 5 ram.

ramque pietatem in eo admirantibus,
qui sacrosanctum Labarum trium-
phantis Seruatoris nostri circumfere-
bat.

Metuísne, Hagiophile, ne ad paria
te exempla, & supplicationē inuitem,
vbi debeas Crucifixum manu sustine-
re? non id ago: quòd si etiam hoc fui-
sem conatus, facessere me juberet: ad-
hæc non ignoras, me percupere, vt,
paulò tenerioris pietatis exercitia non
alium testem, quàm DEVM & Angelos
habeant; Hoc à te in istum diem, aut
alios, imò sæpius interdum ob consola-
tionem, inde tibi oborituram, fieri po-
stulo, vt Crucifixum manu tenendo,
aut genu nixus, aut erecto corpore,
aut modestè sedens, aut piè aliquoties
conclauē obiens, Deo & Angelis pri-
uatim spectaculum præbeas: at leges
tibi præscribere, quoties id, quod ma-
nu tenes, osculari, quo verborum mel-
le Christum in Cruce pendulum com-
pellare debeas, meum non est: item
te admonere vt lacrimis omnes habe-
nas

nas laxes, mentémque in teneros affectus, sancta proposita alijs deinceps moribus viuendi, ac doloris sensus à pœnitudine ob Dei tam boni offensam conceptos, effundas, absit, vt hoc in me recipiam; perspecta tibi antè mea mens est: docere te, num diu in hoc situ sit persistendum, & num omnia tunc sint effundenda, quæ amor tibi suggeret, quæue formulâ sit vtendum, ingratum id tibi foret; dulcis tibi, nimiumque cordi tua libertas est.

Hoc vnum assero, qui modò eiusmodi sancto exercitio delectatur, eiusque aliquem sibi vsum comparat, vehementer in horâ mortis Crucifixi aspectu recreatum iri, cùm ei exhibebitur, vt ita ad bene moriendum animetur; neque facturum, quod stultus ille aurifer fecit; qui eum, à quo sibi in supremo morbo aurea Crucifixi imago porrigebatur, vt Dei memor eius misericordiam imploraret, rogabat, quanti vnciam venderet, animo ac cogitatione illius in rem nullam nisi aurâ


argentique, quod totâ vitâ manibus terebat, pretium intento: & quod omnium miserrimum fuit, nullâ potuêre ab ipso aliâ voces extundi. Illi verò, qui per omnem vitam pietatis ergò Crucifixum tractare, ac in manibus habere consueverunt, non ita vitam claudunt; sed eo prorsus animi sensu, qualè in suis Oratorijs ac pietatis fervore senserunt. Maria Stuarda Galliarum ac Scotia Regina ipso mortis articulo, etsi in tristi theatro pro Dei causâ posita, Crucifixum manibus stringens, memorque, quid ipsa toties illi loqui esset solita, his ipsum verbis allocuta est, quæ extrema precantis fuêre: Quem admodum, dulcissime Domine I E S U CHRISTE! tua brachia sunt in Cruce distenta, ita me quoque in extensa brachia immensæ misericordiæ tuæ recipere: adhuc identidem Christum Crucifixum, quem semper manibus tenebat, exosculata est: vnde è Caluini scholâ astantium aliquis indignatus, eum honorem Cruci ab ipsâ exhiberi, affirma-

affirmabat, cultum illius animo duntaxat circumferendum; at illa statim, & animo & manibus hoc agendum, respondit.

Si lubet. addam & hoc: B. Magdalena de Pazzis sæpe sæpius Christi Crucifixi imagine manibus insertâ precabatur; quin imò nonnunquam Monasterium percurrerebat in crebra amoris suspiria erumpens, quibus suarum Monialium mentes amore IESU accendebat: ac sæpe, ô amor! exclamabat, ô amor! ô amor! nunquam desinam te amorem, spem, & omnia nostra vocitare: deinde ad Sorores conuersa, quid? aiebat, scitis, dilectæ Sorores, IESUM nostrum nihil nisi merum amorem esse? inter dicendum verò Crucifixum, quem manu ferebat, eis ostendit: mox ad Christum illic pendentem versâ oratione, Domine mi, dicebat, tam contentiosam ac sonoram mihi vocem indulge, vt quando te amorem nomino, ab Oriente in Occidentem, & omnes mundi plagas, ipsûmque adeò infer-

num penetret; quò te cognoscere omnes, amare, tibi gratias referre; vt vero amori, possint: quas non blanditias Christo Crucifixo adhibuit? hunc brachijs adstringebat, hunc amplectebatur, hunc pectori arctissime apprimebat; sudorem quoque & sanguinem, eius velo suo, aut strophio absterfit, sed euentu tam mirabili, vt postea reperta sint linteamina illa penitus madafacta, non aliter quàm si reuerà id officij genus Seruatori nostro in Cruce mortuo prastitisset. D^EVS meus! cur non & me sancto tuo amore imbuïs, vt tam sanctæ Virginis exempla sequar? hæc tui amantium facinora mihi pectus non emollient? Aiunt, Annam Bellouacensem Vrsulinam inter summas delicias habuisse, si sæpe Crucifixum in manus sumeret; quem quotidie in primo religiosæ vitæ ardore suo velo ad nitorem tergebat. Aliunde mihi de viro religioso ac pio narratum est, eum ita continuò Crucifixum manu tractare, tenendo, osculando, blandiendo,

diendo, vt ad finem anni, quòd in tam perpetuo vfu eum vtrunque sordidâset, necesse esset, alio vti, aut certè geminum ad vices permutandas procurare. Alium noui, cui magnam consolationem affert, Crucifixum sustinere eo prorsus situ, quo tenere illum moriturus postulat; ac per beatos illos existimat, qui in feretro, quo efferuntur, locati, hoc felix ac triumphale salutis suæ signum in manu habent. O vt pari simus affectu præditi, vt in partem quoque consolationum & insignium præmiorum, quæ sunt illis destinata, cum ipsis olim veniamus!



EXER.

EXERCITIUM VIII.

Pro die Mercurij I. hebd.

Quadrag.

*In transitu, aut aspectu Crucifixi IESVM
 precari ut per agonia sua merita velit no-
 bis in horâ mortis adesse, exemplo p̃j ac
 Religiosi viri ex Ordine Cister-
 tiensium.*

MICHAEL Comneno Orientis
 Imperatore à Turcis deuicto,
 barbari illi vniuersas vrbes de-
 populati, igne ferrôque obuia quæque
 deuastârunt, exceptis aliquot Christia-
 norum familijs, quas in vincula & ser-
 uitutem abducendos reseruabant. Ex
 illo numero ætate, genere, ac virtute,
 florentes binæ Virgines, eæque Soro-
 res, erant; in quarum raris dotibus ea
 non postrema fuit, quòd se mutuò ar-
 ctissimo amore complecterentur: nun-
 quam orta inter illas fuit leuissima
 contentio; nulli vnquam verborum
 aculei,

EXERCITIUM. VIII. 133

aculei, nihil æmulationis, aut inuidiæ, aut morositatis illis excidebat: omnia erant mutui amoris plena. Sed ingens calamitas miseras Sorores afflixit: & ut clariùs dicamus, hoc amantium Sororum par diuersos heros nactum est; ut necesse fuerit, eas à se mutuò auelli: tunc demum amor extremum lusum dedit, videréque fuit reciproci amoris, quo vtriusque animi ardebant, miraculum. Quid? Soror charissima! natu maior dicebat, ergo te deseram? ergo à dulcissimâ Sorore auellar? & quod est scelus meum, supreme Iudex Deus! quod tam seuerè in me plectis? Tum natu minor: quid? amantissima Soror! quid hoc est? ut ego reliquum vitæ sine te transigam? sine te, quam me ipsâ chariorem habeo, à cuius amabili consuetudine mea vita & Spiritus pependit? ah! non sum mei potens; quin me ipsam vltroneâ morte à miserâ ac solitariâ seruitute expedio! At egone desperem? absit, ut ego æternum Numen offendam, ac vnâ DEVM meum, ani-

mam

mam & Sororem meam amittam! num
verò Sororem deferam? & quī possim
sine illā viuere? vale Soror mea? vixi, si
te perdidisti. Altera Soror resumptā vo-
ce ac spiritu, ô delictum meum! inquit,
fuit olim, cū ad seruitutis nomē ex-
horruī; at modò eam in delicijs & fe-
licitatis parte pono; dummodo sine
te mihi non contingat: summum mihi
supplicium, & crudelissima captiuitas
erit, te caruisse. Consulamus in me-
dium, rationemque excogitemus, qua
seruire simul vni hero possimus: sit ille
sanè crudelissimus orbis tyrannus, &
aliqua ex orco furia, nihil formido; sa-
tis mihi libertatis ac solatij erit, tecum
viuere. Tu quidem hæc aptè, respon-
dit minor, sed poterōne tolerare bar-
bariem illam, quā tractaberis? ah! jam
antè mortuam me video, si quæuis mi-
nima tibi molestia inferatur: verū id-
ipsum satius est, quā tui iacturam
perferre; hoc saltem solatij morienti
supererit, in tuis me oculis, ac brachijs
mori. Cui maior, mitte quæso hos me-
tus:

tus: ibo nunc barbarorum animos ex-
 ploratura; fortassis ad clementiam la-
 crimis meis flectentur: pedibus eorum
 aduoluta, hoc vnum ab illis beneficiū
 supplex postulabo, ne nos diuellant;
 de cætero tyrannide aduersum nos v-
 tantur, quā volēt: tu interim vsu disces
 meas calamitates tolerare; ac tum vnā
 has omnes misérias I E S V Seruatoris
 nostri ac Sponsi amore perferemus. Si
 quis vnus vtramque volet seruituti ad-
 dicere, disertè illi pollicebimur, vtilem
 illi magis vtriusq; operam fore: pote-
 rit ipse facilè, factā permutatione, ge-
 minas nancisci, si in herum incidat, cui
 perinde erit, quæcunque ipsi puella
 seruiat. Ad hæc minor; sapienter hæc
 tu quidem: at num poteris hominem
 suā linguā compellare? ad nostram
 enim surdus & mutus est: quanto ex-
 peditius est, nos citò disiungi, ac vitam
 hanc paulò pòst finire, in calo nos re-
 uisuras! ego quidem languore conta-
 bescam, ac intra triduum funus ero:
 idem iudico, natu maior respondit,
 jām-

jámque sentio me animo deficere: sequamur, quocunque nos heri rapient: dummodo nobis mors non lenta contingat, ac in cælo mutuo frui aspectu non multò post queamus, bene nobiscum agetur, imò meliùs; illic enim semel junctæ nunquam disiungemur. Atque hæc amantium sororum pia contentio fuit; cùm interim singulæ sunt visæ, suos heros sequi; cùmque nullus eis plura loquendi locus, sed amplexandi tantùm spatium superesset; amor, qui vtriusque corda constrinxit, illarum brachia diduxit, quibus in amplexum coëuntibus extremum sibi vale dicerent; vbi & suspiria & oculi lacrimis pleni præcipuas in illâ catastrophe partes egerunt. Quâ in discessione res imprimis memoranda mihi superest: igitur se mutuò amplectuntur, & in ipso amplexu, audebône tristem historiam percensere? & in ipso amplexu, sed num fides habebitur narranti? quis vnquam dixisset, tantum juris amorem atque tristitiam in nostra

stra

stra corpora obtinere? & in ipso amplexu, at vos crudelissimi tyranni! potestisne lacrimis imperare, neque ad triste hoc spectaculum vos animus deficiet? sed semel perumpendum est: in ipso amplexu ob ægrimoniam dolorisque magnitudinem, quâ ob illam auulsionem conficiebantur, eodem loco ac momento utraque simul exanimis concidit. O amantium sororum par nobile! quarum amabilis pugna meretur inter Annales æternitatis referri. O geminum amoris miraculum! ô ut vestro exemplo mortales, casto fidoque amore præditi discant, nunquam se mutuò, aut datam semel fidem deferere! ô admirandæ fidelitatis sorores! ut æternum in cælo sancti laudandique amoris fructum percipere, vobis concessum sit!

Hagiophile, probène duarum sororum, imminente discessu, tristitiam & angores observasti? Atqui scias velim, hæc omnia eò à me fuisse allata, ut te docerem, paulò profundius dolo-

res, tormenta, & afflictiones, quas IESVS moriturus in Crucis arbore sustinuit, tecum expendere: erat is tunc in eo articulo, quo eius SS. Anima debebat à corpore separari: hæ binæ substantiæ ceu geminæ sorores erant; spatium triginta trium annorum sine contentione, sine offensâ, sine rebellionem, incredibili amore, Diuinitati Verbi increati simul iunctæ vnâ exigebant: quod vni gratum erat, id alteri quoque placebat; quidquid SS. Animæ visum fuit, hoc pretiosæ quoque Carni ratum erat: & hic reciprocus amor eò grandior fuit, quòd hæ essent geminæ ac præstantissimæ Orbis vniuersi pulchritudines. Porro oportebat illas disiungi, oportebat, inquam; ita enim Pater æternus decreuit: oportebat; ita enim IESV fixum erat, nostrâ causâ mortem oppetere, id quod fieri nisi in duarum sororum diuortio non poterat: oportebat; ita enim Iudæi furore pleni, omnesque illius hostes in eius mortem pruriebant; jam venditus à

pro-

proditore Iudâ , jam viginti quatuor horas dirissimis omnis generis supplicijs excruciatuſ erat : quî poſſet igitur fixuſ in Cruce omni profuſo ſanguine vitam tueri ? hinc cûm ſupremum à ſe diſcedendi momentum inſtaret, tunc pars vtraque dolores, mærores, acerbitates, ac horrores incredibiles perſenſit. Et poterone à te auelli ? anima mea ! ſacroſancta Caro aiebat, anima mea ! quæ es anima vitæ meæ ? anima mea ! quæ es anima vitæ cuiuſdam diuinæ ? vix inducor, vt te deferam : quid ! patiârne dici, me, quæ tot annis cum illâ diuinam vitam exegi, modò formâ cadaueris deformari ? & qualis hæc permutatio ? animabas formâ immortalis, quæ exemplar erat omnium venuſtatum, quæ Deus non eſſent : & jam poſt tantam felicitatem ac honorem, formam mortalem ac perituram, ſociam vitæ omnis ac ſenſûs expertem, penitus deturpatam admittam ? O Deus cordis mei ! quàm inaudita hæc permutatio eſt ! Viciffim SS, Anima Fi-

lij

lij DEI pro suâ parte; ergo te desero, aiebat, pars mei tam chara, tam fidâ? te, inquam, cum quâ mihi viuere volupe erat? post amorem illum, quo in DEVM ferebar, cui æquè fui ac tibi coniuncta, nihil ita vt te amaui. O DEVS votorum meorum! an diu erimus à nobis diuulsæ? Talis lucta amoris inter gloriosam animam, & adorandam carnem Seruatoris nostri fuit; quæ pugna permagna, ac dolore plena erat; quandoquidem IESVS vnice suam vitam diligeret, quæ in coniunctione & coagmentatione admirandarum partium istarum consistebat: & vt rem quamlibet pro suo pretio ac merito æstimabat; hinc in se post Diuinitatem nihil ita, vt vitam suam, dilexit, quòd ea vita esset DEI, carne & humanâ naturâ præditi. Vnde facile conijci potest, quàm DEI Filio formidolosum fuerit, vitâ exui: si enim sola vnus nostris animæ à corpore discessio, luctuosa ac dolore digna, atq; sufficiens tristandi argumentum habetur, vt facile

cilè illud è morientium, ac eorum qui eos circumstant, gestu ac vultu colligimus, longè potiori jure Corporis ac animæ IESV CHRISTI Verbo per vnionem hypostaticam junctorum, quæ in sacro gloriosæ Virginis vtero per S: Spiritûs obumbrationem coaluere, dissolutio centies millies erit acerbior. Certè sola Corporis ac animæ Filij Dei separatio, etsi non nisi quadraginta horis duratura esset (neque diuturnior fuit) sola, inquam, illa separatio tantilli temporis maioris tristitiæ materies fuit, quàm alterius cuiusque animæ è corpore migratio, etsi illa totâ æternitate nunquam esset ad corpus reditura. Plus dicam, solum videlicet animæ Christi à sacrosancta carne discessum, licet ad quadraginta solummodò horas protensum, maiorem jacturam, atque idcirco sine comparatione digniorem mœrore fuisse, quàm mortes & emigrationes omnium animarum, quæ vnquam fuere, aut futuræ sunt, quamuis illud diuortium æter-

H

NUM

num foret: sola quippe IESV vita, quòd DEVS esset & homo, erat infinities maioris meriti ac pretij, quàm mortalium simul omnium vitæ sint.

Hæc igitur causa tristitiæ ac acerbitatis fuit, quòd dissoluendus adeò amabilis nexus, & facienda jactura tam diuinæ vitæ foret, ob quam IESVS ad extremum ita in luctam descendit, quæ omnis generis doloribus erat accumulata, corpori simul ac animæ infestis; quales erant spinarum puncturæ, quæ sacrosanctum eius caput penetrabant, clauis, quibus manus ac pedes erant confossi, debilitas ac pondus corporis aliquot horas in arbore Crucis dependentis, vulnera flagris inflicta, adstantium ludibria, interior Diuinitatis hominem sibi relinquentis dissimulatio, consolationis in corpus ab animo deriuandæ subtractio, summi in voluntate mœrores ob tot iniurias DEO illatas, ob tot hominum interitum, ob exiguum fructum, quem maior eorum pars è tam copiosa Redemptione

ptione erat relatura. Hæc omnia incredibilem, inauditam summamque in eo pugnam excitabant, ac talem, qualem tibi modò exhibui; vt intelligas, Hagiophile, quid sentiendum tibi deinceps de Christi agone sit, cum ad obuium Christi Crucifixi conspectum preces perages, ac eum per agonem illum in arbore Crucis susceptum obtestaberis, vt tibi olim morituro opem ferre dignetur.

Hoc est, quod hodie, & posthac nonnunquam, à te fieri cupio. Si igitur Crucifixi effigiem conspicias, submissâ voce ac mente dic: IESV mi amantissime! in horâ mortis miserere animæ meæ; hoc per agoniam tuam, ac omnes acerbias in eâ luctas Cordis tui te rogo. Vir Religiosus è Cisterciensium familiâ, vt refert Cæsarius, & quòd hoc exercitium familiare sibi fecisset, hanc gratiam consecutus est, vt ab obitu suo rectâ ad cælum euolaret, nullo Purgatorii igne afflatus: quemadmodum

H. 2. ipsemeq

Lib. 8, cap. 13.

ipfemet totus splendore ac pulchritudine caeleſti conſpicuus vni amicorum ſuorum ſignificauit, cui poſt paucos ab eâ felicitate ſibi conſeſſâ dies videndum ſe præbuit. Quid ſi & tibi DEVS cupiat eiufmodi bonitatis ſuæ fructum offerre; modò eius agoniam exemplo illius Religioſi breuibꝰ precatiunculis ac ſuſpirijs venerari conſueſcas?

EXERCITIUM IX.

Pro die Iouis I. hebd. Quadrag.

*Coram Chriſto Crucifixo auſcultare, quid
IESVS è Cruce nobis loquatur, exem-
plo S. Gertrudis.*

INCREDBILEM conſolationem affert, in conſpectum Chriſti Crucifixi ſe dare, ibique cordis auribus auſcultare, quibus IESVS ad nos verbis ſerueretur, ſi loqui nobis vellent. Cuique exploratus mentis ſuæ ſtatus eſt; & hinc optimè omnium poteſt ſtatuerè, quibus vocibus DEI Filius eum compell-

pellaret, ac quibus de rebus maximè admoneret. Tuum igitur est, Hagio-
phile, IESV aures commodare, atque,
cum Samuele dicere: *Loquere Domine,*
quia audit servus tuus. a Verùm quid
loqui tibi poterit? id scilicet, quod o-
lim S. Gertrudi: quivis hominum, ait
ille, visâ Christi Crucifixi imagine sibi
persuadeat, IESVM amanter his verbis
intus se alloqui: vides, anima dilecta,
quemadmodum hîc sim Cruci affixus,
amore tui, prorsum nudus, contem-
ptus, per corpus vniuersum plagis o-
pertus? præter hæc tamen omnia tan-
to adhuc tui amore flagro, vt, si necesse
foret, contingerétque, te aliter salutem
consequi non posse; pro te solo para-
tus essem omnia illa tormenta perfor-
re, quæ pro genere humano vniuerso
sustinui.

Fortassis in eundem omnino sensum
tibi denuo loquetur, quo olim S. Bri-
gittam compellauit, cui dixit: Ego sum
ipsa charitas; quidquid facio, ex amo-

H ;

re.

a. 1. Reg. cap. 3.

re facio : etiamnum tanto amore homines depereo, qualem habui, cum vitam & sanguinem ad eos redimendos profudi : quin si fieri posset, vt toties crudelissimâ morte afficerer, quot in Inferno animæ damnatorum cruciantur, vt inde illas eximerem, paratissimus essem ; & pro qualibet earum, promptissimè iterum supplicijs ac cruciatibus me obijcerem, quæ pro mundo vniuerso quondam toleraui.

Vtique ab hoc diuino ore intelliges, quod pius Raymundus Lullus initio suæ conuersionis percepit, cum primis desiderijs stultos suos amores poenitentiam eluendi ageretur : eo tempore, hanc à DEO gratiam consecutus est, vt perpetuò sibi audire vocem Crucifixi videretur, dicentis : Raymunde sequere me : & mox mens eius nouis desiderijs ardebat, è numero seruorum tam clementis Domini censi.

Et cur non ijs quoque te verbis adortiatur, quibus aliquando B. Angelam de Fulginio detinuit? ipsa de se refert, sibi,

Sibi, cum à Deo postularet rationem doceri, quâ ei se gratiosam redderet, Christum è Cruce pendentem apparuisse; & cum eâ specie se mihi, inquit illa, exhibuisset, jubebat me oculos in SS. eius vulnera conijcere; quo tempore mihi ostendit, se mei amore omnes eos dolores perpessum; atque eam mihi detegendo, adiunxit: quid poteris præstare, quod meo in te amorì respondeat? Quo audito Angela tenerè lacrimata, tam calentes lacrimas fundebat, ut genas illi adurerent, ac necesse fuerit, eas frigidâ recreare, ad eum flentis ardorem mitigandum.

Si generosum aliquod facinus pro eius gloriâ suscepisti; posses cum fors audire, tacitè tibi gratias persoluentem, ac dicentem: Benedictus sis à Patre meo: ego quoque pro opere tam sancto tibi gratias ago, promittòque centuplo te remunerandum. Nunquid his propemodùm verbis S. Thomæ fuit locutus: *Bene scripsisti de me Thomas, quam mercedem vis?* cui S. Thomas non aliam mercedem, respondit, *quàm te ipsum.*

Si nunquam eius mortem considerato Crucifixo deplorasti, reprehensionem jure potes expectare, tibi serio exprobrantis: Anima ingrata! & pectus marmoreum! saltem hoc momento vnam lacrimulam profunde, quando vides DEVM tuum in tam tristi & miserabili statu repræsentatum, vndique suo sanguine fœdè depictum, coronatum spinis, deformatum sputis, manus pedesque clavis perforatum, lanceâ pectus vulneratum, & tam crudeliter tui amore occisum. Crede mihi, Hagiophile, saxo durius ei pectus fit, necesse est, qui auditâ tam justâ hac obiurgatione siccis adhuc oculis persistet. Quorumdam doctorum sententia fuit, Adamum protoplasten tum, primò omnium serio suum peccatum agnouisse ac deplorasse, cum Abel Filius eius mortem obiit: tunc enim contemplatus vultum tam elegantem esse mutatum, pallidum, & luridum, oculos extinctos, sanguinem è venis profluere, totum corpus rigidum & immobi-

mobi.

mobile ; ita fuit inde consternatus, ut, cum secum memoriâ repeteret, eius infortunij causam se ob neglectum Dei imperium fuisse, vbertim lacrimas profunderet. Ah ! si inspecto Christi Crucifixi sigillo attentè consideramus, eum, qui est nostris oculis expositus, qui vnum à nobis suspirium poscit, & lacrimarum tantillum postulat, è Cruce pendere, eumque tam dira supplicia ob nostram improbitatem perpeti, quæ ad violandam Dei legem nos inducit, ac nos ei tormentorum causam esse ; non pauculas tantum lacrimas, sed centenas, post quas etiam sanguis erumpat, profundemus.

Si verò tam capitales eius inimici sumus, ut iterum vitæ sceleratæ noxis, aut supinâ in actionibus nostris tepiditate, eum in crucem agamus ; forsane iisdem nos verbis inuadet, quibus quot annis die Parasceues queritur : *Popule meus, quid feci tibi, aut in quo contristavi te ? responde mihi.* An non simili ratione Deus te arguet, quisquis hæc

H 5 legis,

legis, vbi ad ea, quæ Christus Crucifixus tibi dicturus est, aurem admoueris? an non amanter in hunc modum tecum expostulabit? O ingratus mortalis! nonne vltra omne meritum te beneficijs ornavi? & quidem quoad animi dotes corpus tibi dedi, præstantissimum opus manuum mearum, & mundum in paruum compendium reductum; adhæc animam mei imaginem ac ectypon quoddam, capacem gloriæ meæ: addidi elementa pro domicilio peregrinationis tuæ, cælum verò pro loco commorationis tuæ: Angelos tuæ custodiæ præfeci, iussique earum curam habere, quæ tuo sunt imperio subiectæ: in nullo horum de te malè sum meritus: cur ergo tam iniquè mecum egisti, ac Cruci affixisti? responde mihi. An idcirco malè tibi à me consultum arguis, quòd annum tam diuersâ temporum ac tempestatum vicissitudine distinxerim! an hyemis inmodica frigora, an nimij æstatis calores ita te offendunt, vt à me sis alien-

EXERCITIUM IX. 155

alienus? verum quod hinc egi, publico
 vniuersi orbis bono à me factum est:
 aliter enim terræ germina proferendi
 vis ac vigor defuisset; nec messis matu-
 rari, nec legi fructus in tempore po-
 tuissent. An aëris intemperies, gran-
 dines, tempestates & tonitrua aduer-
 sum me bilem tibi mouerunt? aut for-
 tass noctis ac diei alternæ vices ac te-
 nebrarum varietas tibi displicuit? aut
 certè nocturna cæli lampas opinione,
 votoque tuo obscurior est? aut optas-
 ses stellas à me fieri maiores, ac maiori
 luce illustratas? At in his omnibus quid
 aliter à me fieri potuit, si consulere to-
 ti mundo ordine tam exacto vt auctor
 naturæ volebam? Ita mihi visum, hunc
 ordinem cunctis rebus statuendum es-
 se: & sanè sint à me quædam profecta,
 quæ à tuo ingenio abhorreant; sed
 quandoquidem tot alijs rebus sum vo-
 luptati tuæ obsecutus; num ob imagi-
 narias molestias præpostero tuo capiti
 obortas fui tot malis afficiendus, tan-
 tâque cum ignominia & crudelitate

H 6

in

in Crucem agendus? Responde mihi.
An pesti, quæ subinde gliscit, succen-
ses? an carniuorarû bestiarum imani-
tati, aquarum exundationibus, incen-
dijs, bellis, & eiusmodi, quæ homines
formidant? an ob ea mihi bellum mo-
ues! & cur! an non oportuit, conceptæ
iræ ac potestatis meæ documenta orbi
exhibere, vt docerem vos, meam po-
tentiam agnoscere, ac metu Inferni
percellerem, qui malis multò grauio-
ribus redundat? cûmque hæc omnia
vestro bono egerim permiserimque;
num propterea hæc odia promerui, vt
innocens corpus in jus & ad pœnam
vocaretis, quod fediùs, quàm purulen-
tum hominis leprosi cadauer lacerâ-
stis? cur tantâ in me sæuitie vsi estis?
responde mihi. Dic obsecro, in quo te
contristauit? an quòd corpus tibi nu-
dum, malis obnoxium, subiectum se-
nio & morti dederim? hinc ergo me
in Cruce nudâstis, & ad flagella in Præ-
torio, & hîc ad clauos & spinas con-
demnâstis? an eo facto in me vestræ
vin-

vindictæ litâstis ? Sed facti mei rationes expendere : ratione te ac industriâ instruxi , vt tegere corpus ac munire aduersus omnia incommoda posses : neque ea tolerat , nisi qui vult : quod si nonnunquam secûs euēniat , promerendi in cælo præmij materies illa est : at nempe voluisses in terris æternum vivere ? ah ! iguoras , quid dicas , neque pro dignitate cælestia bona ; quæ tibi destinaui , consideras. Quando igitur tot modis pro tuâ felicitate ac commodo laboraui ; quid est , quod me tot malis ac ærumnis opprimas ? responde mihi. An non liberalissimè te gratiæ donis ornaui , vt sunt Sacramenta mea , virtutes supernaturales , diuinæ illustrationes ? aut in Regno meo omisi æternam tibi gloriam conciliare ? atque ita quot gratiæ dona , quot ad obtinendam gloriam præsidia tibi subministraui ; totidem amoris mei miracula exhibui. Et tu pro summis hisce amoris ac bonitatis meæ prodigijs , non nisi tuâ causâ patratîs , hæc opprobria

mihi rependis? hos contemptus, iniurias, supplicia reddis? hæccine merui? responde mihi: & quod ad mali ac tristitiæ meæ cumulum accedit, tu me iterum Cruci affigis, id agentibus peccatis tuis, & tam segni emendatione vitæ tuæ. *Nōne satis per te vulneratus sum? nunquid pro iniquitate tuâ afflictus sum? cur addis afflictionem afflicto? magis aggrauant me vulnera peccati tui, quàm vulnera corporis mei.* a

An tu, Hagiophile, propitio Deo, eorum numero non es, qui vulnera & IESV dolores renouant: nihilominus quacunque virtute præstes, tecum reputa, eum nostrâ, causâ tantum laborasse; vt, quantumcūque contendas, post omnia deprehensurus sis, nihil à te factum esse, actiones omnes proprii amoris plenas, proprijs commodis, ingratoque animo inquinatas: vt ideò meritò te sic possit è Crucis arbore compellare:

a *S. Bernard.*

O homo

O homo ! vide, quæ pro te patior :
Non est dolor, sicut quo crucior.
Ad te clamo, qui pro te morior :
Vide penas, quibus afficio,
Vide clauos, quibus confodio :
Cum sit dolor tantus exterior,
Interior est, planctus grauior ;
Cum te tam ingratum experior.

EXERCITIUM X.

Pro die Ven. hebd. I. Quadrag.

Coram Christi Crucifixi imagine, corpore
in Crucis modum conformato, precari, ex-
emplo B. Roberti Salentini, Religio-
si Calestini.

HAGIOPHILE ! videris mihi ad-
 uersum me hoc loco vultum
 corrugare, admiratione defi-
 xus, quòd sustineam, eam tibi corpo-
 ris situm præscribere, à quo multum
 abhorreas, quique corpusculi tui tene-
 ritudini minùs conueniat : nimis acer-
 bum & doloris plenum esse, eo habitu
 se

se continere ; ac brachia contra murum aut pavementum in Crucis modum diducere. Verùm in promptu responsum erit, rem hanc ingentis meriti esse, neque te aliquid facturum, cuius exemplar I E S V S non exhibuerit, sed doloribus longè alijs, ac morâ diuturniori, quàm tu sis toleraturus. At his tu vicissim responde, quidlibet te nolle, vt in hoc exercitio pietatis à quocquam superueniente deprehendereris: obijcient illi, decere, pro amore IESV id experiri, omniâque audere, quæ illius amantes sunt aggressi: his tu os obtura, & dic, non posse te hoc situ orare. Quiesce modò, postquam tuam ego causam egi: ne faxis, quandoquidem, tam difficile id tibi est: quòd si cupido eius tentandi te inuadat, januam cubilis diligenter occlude, ne quisquam te in hoc gestu exploret: neque ita multas horas perdura, quemadmodum, Seruator noster. Si tibi tunc orationi vacare molestum est, Psalmum L. *Miserere* vtique memoriâ tenes? dic quan-

to tuo commodò potes : etiam orationem Dominicam calles ? itera sexies, si lubet. Nimis tibi parcus videor ? dic igitur decies ac quinquies : si verò id tibi molestius subinde accidat ; hortare brachia tua, te id IESV amore perferre, téq; paratum esse, duriora eius causâ sustinere. Si verò animus tibi crescit, ad aliquid amplius audendum, Sanctorum exemplis te hîc anima.

B. Magdalena de Pazzis expensis tormentis, quæ Sponsus eius IESVS pro ipsâ tolerâisset, vnam manum primò extendit, deinde & alteram, non aliter ac si reuerà Cruci esset clavis affixa : tum in pedes erecta, nullo genu flexo, muro aduerso se applicuit, velut planè esset in crucem acta : eoque habitu diu morabatur, omnes eas voces prolocuta, quas IESVS in Cruce pronuntiauit ; ac tandem (quod nolim te imitari) non secus atque si defectum corpus anima destituisset, cervicem submisit, caput inclinavit, & in pavementum collapsa est, vt corruentis strepitu excitæ

Si nunquam eius mortem confiderato Crucifixo deplorasti, reprehensionem jure potes expectare, tibi serio exprobrantis: Anima ingrata! & pectus marmoreum! saltem hoc momento vnam lacrimulam profunde, quando vides DEVM tuum in tam tristi & miserabili statu repræsentatum, vndique suo sanguine foedè depictum, coronatum spinis, deformatum sputis, manus pedesque clavis perforatum, lanceâ pectus vulneratum, & tam crudeliter tui amore occisum. Crede mihi, Hagiophile, saxo durius ei pectus fit, necesse est, qui auditâ tam justâ hac obiurgatione siccis adhuc oculis persistet. Quorundam doctorum sententia fuit, Adamum protoplasten tum, primò omnium serio suum peccatum agnouisse ac deplorasse, cum Abel Filius eius mortem obijt: tunc enim contemplatus vultum tam elegantem esse mutatum, pallidum, & luridum, oculos extinctos, sanguinem è venis profluere, totum corpus rigidum & immobi.

mobile ; ita fuit inde consternatus, ut
 cum secum memoriâ repeteret , eius
 infortunij causam se ob neglectum Dei
 imperium fuisse, vbertim lacrimas pro-
 funderet. Ah ! si inspecto Christi Cru-
 cifixi sigillo attentè consideramus,
 eum, qui est nostris oculis expositus,
 qui vnum à nobis suspirium poscit, &
 lacrimarum tantillum postulat, è Cru-
 ce pendere, eumque tam dira suppli-
 cia ob nostram improbitatem perpeti,
 quæ ad violandam Dei legem nos in-
 ducit, ac nos ei tormentorum causam
 esse; non pauculas tantùm lacrimas,
 sed centenas, post quas etiam sanguis
 erumpat, profundemus.

Si verò tam capitales eius inimici
 sumus, ut iterum vitæ sceleratæ noxis,
 aut supinâ in actionibus nostris tepidi-
 tate, eum in crucem agamus ; forsan
 ijsdem nos verbis inuadet , quibus
 quot annis die Parasceues queritur :
Popule meus, quid feci tibi, aut in quo con-
tristavi te ? responde mihi. An non simi-
 li ratione Deus te arguet, quisquis hæc
 H 5 legis,

legis, vbi ad ea; quæ Christus Crucifixus tibi dicturus est, aurem admoue-
ris? an non amanter in hunc modum
tecum exostulabit? O ingrâte mor-
talis! nonne vltra omne meritum te
beneficijs ornavi? & quidem quoad
animi dotes corpus tibi dedi, præstan-
tissimum opus manuum mearum, &
mundum in paruum compendium re-
ductum; adhæc animam mei imagi-
nem ac ectypon quoddam, capacem
gloriæ meæ: addidi elementa pro do-
micilio peregrinationis tuæ, cælum ve-
rò pro loco commorationis tuæ: An-
gelos tuæ custodiæ præfeci, iussique
earum curam habere, quæ tuo sunt im-
perio subiectæ: in nullo horum de te
malè sum meritus: cur ergo tam iniquè
mecum egisti, ac Cruci affixisti? re-
spondemihi. An idcirco malè tibi à
me consultum arguis, quòd annum
tam diuersâ temporum ac tempesta-
tum vicissitudine distinxerim! an hye-
mis inmodicæ frigora, an nimij æsta-
tis calores ita te offendunt, vt à me sis
alic-

alienus? verum quod hic egi, publico
 vniuersi orbis bono à me factum est:
 aliter enim terræ germina proferendi
 vis ac vigor defuisset; nec messis matu-
 rari, nec legi fructus in tempore po-
 tuissent. An aëris intemperies, gran-
 dines, tempestates & tonitrua aduer-
 sum me bilem tibi mouerunt? aut for-
 tassì noctis ac diei alternæ vices ac te-
 nebrarum varietas tibi displicuit? aut
 certè nocturna cæli lampas opinione
 votoque tuo obscurior est? aut optâs-
 ses stellas à me fieri maiores, ac maiori
 luce illustratas? At in his omnibus quid
 aliter à me fieri potuit, si consulere to-
 ti mundo ordine tam exacto vt auctor
 naturæ volebam? Ita mihi visum, hunc
 ordinem cunctis rebus statuendum es-
 se: & sanè sint à me quædam profecta,
 quæ à tuo ingenio abhorreant; sed
 quandoquidem tot alijs rebus sum vo-
 luptati tuæ obsecutus; num ob imagi-
 narias molestias præpostero tuo capiti
 obortas fui tot malis afficiendus, tan-
 tæque cum ignominia & crudelitate

in Crucem agendus? Responde mihi.
An pesti, quæ subinde gliscit, succen-
ses? an carniuorarū bestiarum imani-
tati, aquarum exundationibus, incen-
dijs, bellis, & eiusmodi, quæ homines
formidant? an ob ea mihi bellum mo-
ues! & cur! an non oportuit, conceptæ
iræ ac potestatis meæ documenta orbi
exhibere, vt docerem vos, meam po-
tentiam agnoscere, ac metu Inferni
percellerem, qui malis multò grauio-
ribus redundat? cūque hæc omnia
vestro bono egerim permiserimque;
num propterea hæc odia promerui, vt
innocens corpus in jus & ad pænam
vocaretis, quod fediùs, quàm purulen-
tum hominis leprosi cadauer lacerâ-
stis? cur tantâ in me sæuitie vsi estis?
responde mihi. Dic obsecro, in quo te
contristavi? an quòd corpus tibi nu-
dum, malis obnoxium, subiectum se-
nio & morti dederim? hinc ergo me
in Cruce nudâstis, & ad flagella in Præ-
torio, & hîc ad clauos & spinas con-
demnâstis? an eo facto in me vestræ
vin-

vindictæ litâstis ? Sed facti mei rationes expendere : ratione te ac industriâ instruxi , vt tegere corpus ac munire aduersus omnia incommoda posses : neque ea tolerat , nisi qui vult : quod si nonnunquam secûs euēniat , promerendi in cælo præmij materies illa est : at nempe voluisses in terris æternum vivere ? ah ! iguoras , quid dicas , neque pro dignitate cælestia bona ; quæ tibi destinaui , consideras . Quando igitur tot modis pro tuâ felicitate ac commodo laboraui ; quid est , quod me tot malis ac ærumnis opprimas ? responde mihi . An non liberalissimè te gratiarum donis ornaui , vt sunt Sacramenta mea , virtutes supernaturales , diuinæ illustrationes ? aut in Regno meo omisi æternam tibi gloriam conciliare ? atque ita quot gratiarum dona , quot ad obtinendam gloriam præsidia tibi subministraui , totidem amoris mei miracula exhibui . Et tu pro summis hisce amoris ac bonitatis meæ prodigijs , non nisi tuâ causâ patratis , hæc opprobria

H 7

mihi

mihi rependis? hos contemptus, iniurias, supplicia reddis? hæccine merui? responde mihi: & quod ad mali ac tristicie meæ cumulum accedit, tu me iterum Cruci affigis, id agentibus peccatis tuis, & tam segni emendatione vitæ tuæ. *Nōne satis per te vulneratus sum? nunquid pro iniquitate tuâ afflictus sum? cur addis afflictionem afflicto? magis aggrauant me vulnera peccati tui, quàm vulnera corporis mei.* a

An tu, Hagiophile, propitio Deo, eorum numero non es, qui vulnera & IESV dolores renouant: nihilominus quacunque virtute præstes, tecum reputa, eum nostrâ, causâ tantum laborasse; vt, quantumcunque contendas, post omnia deprehensus sis, nihil à te factum esse, actiones omnes proprii amoris plenas, proprijs commodis, ingratoque animo inquinatas: vt ideò meritò te sic possit è Crucis arbore compellare:

a *S. Bernard.*

O homo

*O homo ! vide, quæ pro te patior :
 Non est dolor, sicut quo crucior.
 Ad te clamo, qui pro te morior :
 Vide penas, quibus afficior,
 Vide clauos, quibus confodior :
 Cum sit dolor tantus exterior,
 Interior est planctus grauior ;
 Cum te iam ingratum experior.*

EXERCITIVM X.

Pro die Ven. hebd. I. Quadrag.

*Coram Christi Crucifixi imagine, corpore
 in Crucis modum conformato, precari, ex-
 emplo B. Roberti Salentini, Religio-
 si Celestini.*

HAGIOPHILE ! videris mihi ad-
 uersum me hoc loco vultum
 corrugare, admiratione defi-
 xus, quòd sustineam, eam tibi corpo-
 ris situm præscribere, à quo multum
 abhorreas, quique corpusculi tui tene-
 ritudini minùs conueniat : nimis acer-
 bum & doloris plenum esse, eo habitu-
 se

se continere ; ac brachia contra murum aut pavementum in Crucis modum diducere. Verùm in promptu responsum erit, rem hanc ingentis meriti esse, neque te aliquid facturum, cuius exemplar IESVS non exhibuerit, sed doloribus longè alijs, ac morâ diuturniori, quàm tu sis toleraturus. At his tu vicissim responde, quidlibet te nolle, vt in hoc exercitio pietatis à quoquam superueniente deprehendereris: obijcient illi, decere, pro amore IESV id experiri, omniâque audere, quæ illius amantes sunt aggressi: his tu os obtura, & dic, non posse te hoc situ orare. Quiesce modò, postquam tuam ego causam egi: ne faxis, quandoquidem, tam difficile id tibi est: quòd si cupido eius tentandi te inuadat, januam cubilis diligenter occlude, ne quisquam te in hoc gestu exploret: neque ita multas horas perdura, quemadmodum, Seruator noster. Si tibi tunc orationi vacare molestum est, Psalmum L. *Miserere* vtique memoriâ tenes? dic quan-

to

to tuo commodo potes : etiam orationem Dominicam calles ? itera sexies, si lubet. Nimis tibi parcus videor ? dic igitur decies ac quinquies : si verò id tibi molestius subinde accidat ; hortarè brachia tua, te id IESV amore perferre, tēq; paratum esse, duriora eius causā sustinere. Si verò animus tibi crescit, ad aliquid amplius audendum. Sanctorum exemplis te hīc anima.

B. Magdalena de Pazzis expensis tormentis, quæ Sponsus eius IESVS pro ipsā tolerāssēt, vnam manum primò extendit, deinde & alteram, non aliter ac si reuerà Cruci esset clavis affixa : tum in pedes erecta, nullo genu flexo, muro aduerso se applicuit, velut planè esset in crucem acta : eoque habitu diu morabatur, omnes eas voces prolocuta, quas IESVS in Cruce pronuntiavit ; ac tandem (quod nolim te imitari) non secus atque si defectum corpus anima destituisset, cervicem submisit, caput inclinavit, & in pavementum collapsa est, vt corruentis strepitu excitæ

citæ Sorores Religiosæ accurrerent, eamque iterum attollerent.

Religiosus vir P. Antonius de Regibus ex Ordine S. Francisci de Paulâ in cubili suo ingentem è ligno Crucem habuit, cui acclinis totum in eâ se extendit, tanquam esset cruci affigendus, iussis sæpius Nouitijs, quorum cura penes ipsum erat, crassis funibus eius pedes ac manus Crucis adstringere, quos in hanc rem paratos habebat, ita quidem, vt se mouere nequiret; atque hoc situ nonnunquam tres quatuorue horas perdurabat, imo dimidium quandoque diem hærebat, donec denuo illum exsoluerent: vbi etsi ossa haberet penitus luxata ac emota ob corporis deorsum prementis pondus; nihilominus tam alacer ac viuידus inde surgebat, veluti in molli lectulo quieuisset.

B. Robertus Salentinus, discipulus S. Petri Cælestini cum prope Monasterium suum fortè in arborem incidisset, formam Crucis exhibentem, è quâ bina

na brachia instar furcæ in altum surgebant; eam in suum cubiculum pertraxit, geminóque fune ad vtrumque cornu inserto, seipsum illis restibus alligavit, totâ corporis mole dependente, vt affixus cruci videretur: neque hoc semel tantum tentavit, sed quotidie hoc se supplicio tamdiu mactavit, quamdiu decies Orationem Domini, cam ac Salutationem Angelicam recitaret: quas preces ille tam lentè persolvebat, vt antequam eas finiret, aliæ centenas deproperasset. Porro dolor ille adeò fuit vehemens ac intensus, vt totus sudore, ac lacrimis etiam per ora manantibus diffunderet; quas quidem illi consolationes expresserant: vt eo illicio altero die hesternam Crucem resumeret, quam ceu suas delicias amabat. Paulò antè, quàm moreretur, eandem amplexari voluit, eius iussu allatam; quamvis prægravis illa & incondita molis esset.

Hagiophile, nimis austera pro te, isthæc exempla sunt; nihil ultra de ijs dice-

dicemus: vt compendio dicam, imitari hæc potes, si crucifixi more brachia diducas; ac quoad modum B. Magdalenam de Pazzis imiteris. Sed noli per omnia eam sectari: illa enim viginti sex horis ita perstitit, velut esset cruci affixa; tu longè citiùs abrumpe, paruoque spatio conare, præmeditatis calidisque precibus, aut quas Deus tibi dictabit, multum promereri.

At saltem IESV in Cruce morientis exemplo extensis brachijs mortem optetere, consolationi foret: ita P. Salentinus obiit, vt suprà diximus: ita B. Bonaiunta est mortuus, secundus Seruorum B. V. Generalis. Ita mori expedit; ita hinc emigrare, solatio plenum est. In viuis nonnunquam eâ corporis compositione precari, magni satis meriti res est, & memoriam refricat eorum, quæ IESVS tolerauit: sed vitam agere, quæ nihil nisi virtutes & imitationem IESV in Cruce spiret, vt, qui nos viderit, nos non secus ac Crucifixi effigies intueatur, hoc supremæ felicitatis & sum.

summæ in hac vitâ perfectionis est; quo DEI Filius mirum in modum recreatur, vt eiusmodi amatoribus, & sui Crucifixi imaginibus ingentia præmia in cælo decernat.

B. Stephanus, de quo fit mentio in prælo Spirituali, a fratrem habuit, cui Iesus in Cruce videndum se, ac vnâ fratrem eius similiter Cruci affixum exhibuit: cùmque alterum Christus videret attonitum, quòd fratrem suum Stephanum hac formâ intueretur, eum allocutus, *Ecce!* inquit, *in quâ gloriâ frater tuus est?* ille enim mores suos meis penitus conformauit, meas virtutes ac dolores in animo imitatus; cùm nihil ita animo, quàm mea supplicia & mortem versaret: superest, vt mihi quoque sit in gloria non dissimilis, quam ei asseruo. Intelligis, Hagiophile, quid velim: si tam difficile tibi est, ei exercitiò vacare, quod postremis pagellis adduxi, omitte; quis te cogit? verùm vt prorsus Christo in Cruce pendenti perstudium.

a Sophronio.

studium virtutis patientiæ, mortificationis, humilitatis, charitatis & aliarum te similem exhibeas, vt, qui te viderit, eius in te imaginem agnoscat, hoc est, quod te facere velim: estque hoc maximè inter omnia pietatis exercitia præstans, quæ Christi Crucifixi causâ quisquam possit suscipere.

EXERCITIUM XI.

Pro Sab. I. hebd. Quadrag.

Visâ Christi Crucifixi imagine, à Dei Filio prateritarum noxarum veniam postulare, exemplo B. Ioanna Lusitana.

B JOANNA Lusitaniæ Princeps quoties obuium Crucifixum cōspicata est, cum suspirijs ac dolore de peccatis aduersus diuinam Maiestatem admissis, dicebat: *Domine Deus miserationum, auerte faciem tuam à peccatis meis.* Præclarum ad nos erudendos exemplum, qui vitam non eâ innocentia,

centiâ, quâ hæc sancta matrona vixit,
 exegimus: idem posthac & sæpe vsur-
 pemus, atque in eiusmodi occasione
 demissè à Deo de præteritæ vitæ noxis
 veniam rogemus. Filius, qui parentem
 suum contumeliosè adeò habuisset, vt
 eius pectus etiam pugione confoderet,
 etsi patris vulnus foret penitùs cura-
 tum, millièsque ac iterum millies pater
 execrandi sceleris veniam filio daret,
 nihilo seciùs, si tantillum bonæ mentis
 ac probæ indolis haberet, per omnem
 vitam dolore torqueretur, neque pa-
 rentem sine rubore ac pœnitudine
 posset intueri. Quid nos, qui multò
 grauiùs hoc filio aduersum amantissi-
 mum Patrem nostrum deliquimus, ad
 conspectum imaginis facere oportet,
 quando illa nos admonet, nos sceleri-
 bus nostris illum in Crucem fixisse,
 eumque nostri amore in infami ligno
 tormenta perpeßum! Hæc cogitatio
 tam altè cor B. Angelæ de Fulginio pe-
 netrabat, vt ad conspectum cuiuscun-
 que IESV CHRISTI patientis iconis re-
 corda-

cordata, se suis peccatis suppliciorum illorum causam præbuisse, tota pudefieret, ac interdum tantopere doleret, vt morbum contraheret: vnde ex eius monialibus vna omnes ei imagines Christi Patientis ab oculis subducebat, quò illi eiusmodi ægrimoniarum occasiones amputaret. Non necesse est, nos ad extrema delabi; suauiore hinc viam teneamus, & amantissimo Seruatori nostro dicamus: O amabilis Redemptor meus! ignosce, quæso, peccatis præteritæ vitæ meæ! aut: ô Deus misericordiarum, ne memineris iniquitatum mearum! ultra omnem modum doleo, te fuisse à me offensum, te, inquam, tam bonum Dominum, omni obsequio & amore dignum. Aut: IESV mi dulcissime! obsecro te, ignosce mihi! vellem potius illicò mortuum me fuisse, quàm te mortali noxâ offensum: aut more huius Principis: Domine Deus misericordiarum, auerte faciem tuam à peccatis meis: aut exemplo S. Teresiæ, quæ con-

fide

EXERCITIUM XI. 165

siderans, quid dilectus eius suâ causâ
sustinuisset, seque tam ingratus
eius beneficijs esse, iterum iterumque
repetebat: ô amor meus! ô amor meus!
nunquam amplius, amplius nunquam
peccabo.

Hi exigui sancti amoris conatus, sæ-
pe ac opportunè iterati, totidem erunt
coram Diuinâ Maiestate deprecatio-
nes, novęque restitutiones iniuriarum,
quas ei intulimus, totidem gratiarum,
& meritorum ingentia incrementa, to-
tidem nostrę salutis fideiussores; cum
fieri vix possit, vt inter tot animi do-
lentis suspiria, quę profundimus, non
quandoque talia nobis erumpant, qua-
libus nos oblitterare nostra peccata o-
portet: totidem erunt remedia, non
solum offensarum jam commissarum,
verum etiam totidem medicinę & an-
tidota, quę nos deinceps à lapsu cohi-
beant: is enim, qui toties Deo profite-
tur, se maximopere dolere, in eum se
peccasse, qui toties repetit, se, illū toto
corde

corde diligere, longè abest, ut de nouo in antiqua mala relabatur, Hagiophile, num hoc exercitium pro te satis est facile? satisne eius emolumenta assequeris? quid jam! metuisne, ne etiamnum tam molestant tibi velim operam, ut precedenti loco, iniungere?

EXERCITIUM XII.

Pro II. Dominic. Quadrag.

Amare, & venerari quinque Christi Crucifixi plagas, exemplo B. Hermannus, ex Ordine S. Dominici.

HAGIOPHILE, an non & tu velis è pio illorum numero esse, qui peculiari amore in quinque Christi vulnera ferantur? en tibi plures quàm duodecim! neque opus est te in omnibus eorum exempla sequi: noli tamen committere, ut ea prætercas, quæ tibi, hodie præsertim, possunt vti esse.

B. Hermannus, natione Germanus,
Domi-

Dominicanus, qui an. 1245, vivebat, quotidie ad honorem quinque Vulnerum Crucifixi hanc versum recitabat: *Adoramus te, Christe, & benedicimus tibi, quia per sanctam Crucem tuam redemisti mundum.* Porro quoties hæc verba proferebat, genua in terram vsque demisit, adiectâ toties Oratione Dominicâ; precatûsque Deum, sancti amoris ac timoris gratiam sibi concederet, osculum semel terræ infixit. Cui Christus significavit, piam ac sanctam hanc consuetudinem esse: quippe die quodam ei vultu perquam blando se ostendit, & amanter ad sacrorum Vulnerum suorum osculum inuitavit: quod ille summâ animi demissione, ac reuerentiâ, tantôq; fructu fecit, vt nihil eum postmodum recrearet, quàm DEI meminisse, aut eius causâ laborare. *a*

S. Vincentius Ferrariensis eiusdem Ordinis solitus inter studendum Crucifixi imaginem coram se habere, stu-

I 2

dia

a Ex Chron. P. P. Dominic. p. 1. l. 1. c. 61.

dia subinde interpolabat, vt adorare
 intuerique Domini sui vulnera posset,
 S. Margareta Hungaria Princeps eius-
 dem familiae, etiam cum adhuc Princi-
 pis gradum tuebatur, quotidie manē
 ante Crucifixum precibus intenta,
 nunquam pransa est, quin prius eius
 manibus, pedibus, ac pectori osculum
 impressisset. B. Maria de Incarnatio-
 ne, Carmelitana, nunquam cubile su-
 um ingressa est, quin sub ingressum
 magno sensu SS. vulnera oscularetur.
 S. Hieronymus tunc idem faciebat,
 cum importunis lasciuisque cogita-
 tionibus à Damone impeteretur. Mar-
 garetæ Arbusia Antistita Monialium
 Ordinis S. Benedicti in valle gratia
 magnum honorem SS. Christi Vulne-
 ribus habuit; nihilominus ob animi
 demissionem nullum nisi pedis osculum
 contingebat: cumq; monialis alia, quæ
 viderat illam curru peregrè vectam in
 Crucifixi pedibus hære, hortata es-
 set, vt altius osculum tentaret, me non
 docet, inquit illa, hoc privilegium.

spem

sponse solum permissum est, non mihi.

Ioannes II. cognomine Magnus, Lusitaniæ Rex tantopere has Seruatoris nostri plagas deperibat, vt voto se obstringeret, nihil se negaturum, quidquid eius amore rogaretur: hinc accidit, vt, cum femina ei ad templum contendenti obuia, per IESU Christi Vulnera illum precaretur, vellet marito suo, iamiam capite plectendo vitæ gratiam facere, libenter se eius postulatis obsequi, Rex responderit: qui, inquit, si quid à me grandius petijsses, promptè tibi annuissem. Ob eandem causam, Dominus quidam, inopiam ei pro generis sui conditione questus, magnam ab eo vim æris cum totâ suppellectili argenteâ obtinuit. a

Carolus Flandriæ Marchio, Martyr & filius S. Canuti Regis, in honorem, quinque Vulnerum Seruatoris sui, quotidie quinque pauperes recens vestiebat, qui per annum mille octingentos viginti quinque efficiunt. b

I 3

S. Me-

a Vascon. Sell. anac. 16. b Ex Molans
In indiculo Sanctorum Belgij 20. Mart.

S. Mechtildis Christo quinquies mil-
lenas centum triginta quatuor Ora-
tiones Dominicas obtulit, quas eius
Moniales eisdem SS. plagis persolue-
runt. Postmodum DEI Filius extensis
brachijs, ac hiantibus vbique Vulneri-
bus ei visus est, ac, filia, inquiebat, cum
essem in Cruce, Vulnerum meorum a-
spectus ita cor Patris mei occupauit, vt
veniam peccatoribus largiretur: &
quamuis modò sim in gloriâ, incredi-
bili tamen gaudio perfundor ob eos
honores, quos plagis meis deferunt;
præsertim verò, si in eum finem quin-
quies dicant: *Pater noster, &c.* a

Alphonfus I. Lusitaniæ Rex nulli in
hoc pietatis genere palmam concedit:
atque ad hoc fuit magnopere inuita-
tus, cum ei cum Ismaro Maurorum Re-
ge confligendum esset; qui tam me-
tuendum exercitum ducebat, vt cre-
deretur, vni Christiano minimùm cen-
tum barbaros opposuisse. Eo die, qui
pugnam antecedebat, Seruator ei ap-
paruit

a *Ex lib. 4. gratia Spiritualis. c. 25.*

paruit Cruci affixus, eique pro insignibus quinque sua Vulnera obtulit, victoriam ei ac regnum pollicitus; quorum vtrumque feliciter est consecutus. Quantum ad insignia pertinet, beneficii maximi loco ea acceptavit; eius successores Reges deinceps retinuere, etsi paululum immutata. Rex tamen Alphonsus profundius animo impressit, quam gētilitio scuto fuere insculpta.

B. Ioanna in Gallijs, quæ Sanctimonialis Annunciationis titulo insignitas Biturigibus instituit, quinque ex argento clauos propè cor gestabat: & cur hoc potissimum numero, nisi ad cultum SS. quinque Vulneribus exhibendum? oportet sanè, illam in horum amore excelluisse; nam Dei Mater eam edocuit, sæpius illa quinquies recitata Oratione Dominicâ salutare; idque suo exemplo, quæ dilectum Filium suum, olim in viuis adhuc versata eâ ratione salutauerit, ac quinque plagas eo honore affecerit.

I 4

His

a. Vascon. lib. de rebus Lusit.

His sanctis mentibus eorum præcipuos adiungamus, qui in corporibus suis plagas similes doloris plenas, etsi non eodem omnes modo, circumtulere, ceu indubitata notam, hanc partem esse aliquam remunerationis, ob SS. hæc stigmata religiosè culta. S. Franciscus Seraphicus ita ijs erat præditus, ut inde sanguis proflueret. S. Catharina Senensis easdem ferebat, sed diuinâ luce multisque radijs micantes. B. Luca Ferrariensis ea vulnera non nisi Feriâ quavis VI. sentiebat, cæterum rubentia, velut æstuantem intus sanguinem, profusura. B. Gertrudis simili ferè gratiâ pollebat, septies per diem eodem omnino tempore, quo Sacerdotes de more septem horas diuini officij persoluunt, sic affecta; verum id non nisi ab Hebdomade Maiore usque ad Christi in Cælos Ascensionem durabat. S. Lydwina suorum quinque Vulnerum perpetuos dolores perpetiebatur; atque

Ex Bosio lib. 15. c. 3. Tribemio in Chronica ad annum 1550. Rosuenda, Suria

EXERCITIUM XII. 177

que ea per cutem liuidam tralucebāt,
quomocunque illa aspiceres. Ecce!
quantum pro memoriā inhumanum do-
lorum gestum sit, quæ IESVS CHRISTVS
in sæuissimorum Vulnerum hiatu ac
neruosis maiorēmq; sensum afferenti-
bus membris tam teneri corporis per-
ferebat! Restat, Hagiophile, vt intelli-
gam, quid tu decernas: in mentem re-
uoca, quidquid antè paulò præmisi, ac
maturè statue, quid suscipere velis. Si
me consulis, quauis VI. Feriā, dum vi-
uis, pium aliquod opus pro SS. Vulne-
rum honore perages, gratijs IESV dile-
cto tuo peractis ob incredibiles dolo-
res, quos exantlauit. Si ex toto B. Her-
mannum, cuius exemplum primo loco
adduxi, sectareris, sufficeret. Si è litte-
ratis es, studia tua interrompe, intuen-
do sanguinem è gloriosis foraminibus
defluentem; nullam temporis jactu-
ram hoc diuerticulo facies: dixi, S.
Vincentium Ferrariensem iteratis id
vicibus actitasse. Si casu te quispiam
urgeret, vt pro SS. Vulnerum honore

I s

pium

pium opus aggredieris, noli denegare: cuius exemplum in Ioanne Lusitanæ Rege vides. Si precibus ante prandium vacas, aut conscientiam examinas, aut aliud agis, antequam ad mensam te conferas; pedes Crucifixi osculare: quod B. Ioanna solebat. Si assoles cubile aut conclaue ingrediendo, flexis genibus Dei Matris iconem, osculari, etiam Crucifixi pedibus osculum impende: hoc agere B. Maria de Incarnatione consuevit. Si hoc genus pietatis reddere tibi familiare cupis, sæpe in actionibus tuis quinarium numerum observa: quinquies Venerabile Sacramentum visita: quinquies Crucifixo fer osculum: quinquies tibi vim infer, quinquies terram osculare: quinquies suspiria mitte, & his similia: atq; hæc omnia quinq; IESV Vulneribus sacra finto: Carolus Marchio Flandriæ hoc habuit: & hinc quinarium noster, cuius gratiâ quinque egentibus quotidie succurrebat. Remissionis studio nonnunquam solos pedes dissuauiare, exemplo

emplo B. Margaretae Arbusæ. Si quid
aduersi toleras, tibi ipsi occine, S. Fran-
ciscum & S. Lydwynam in suis stigma-
tibus, quæ gerebant, longè his acerbio-
ra tulisse; IESVM verò grauiora passum,
quàm tu, ac omnes ij, qui eius imitari
tolerantiam amârunt. Voluisti audire
sententiam meam: en habes!

EXERCITIUM XIII.

*Singulari cultu Vultus lateris IESV
CHRISTI prosequi, exemplo S. El-
zearij Comitis Ariani.*

VIDE-SIS, Hagiophile, sanctum
domicilium & ordinarium re-
ceptum S. Elzearij: is cùm quô-
dam domo abesset, coniunx eius Dal-
phina sollicitè cupiebat de illius rebus
certior fieri, cui ille hoc tantum per-
litteras significauit, se videlicet in SS.
IESV CHRISTI latere commorari, in hac
amoris plagâ se delitescere. Tibi quo-
que hunc cupio recessum, hoc sacrum

conclauē, hoc perfugium cordi esse, vt
cum Iesv colloqui, cum eo te oblecta-
re, ac consequi eius amorem possis: a-
mabilis & liberalissimus Redemptor.
latus voluit sibi lanceā aperiri, cum
adhuc in Cruce penderet, vt mortales
per externum hoc vulnus edoceret, se
cor habere intus penitus confossum &
ipsum amore saucium, utq; vicissim
illos amore sui convulneraret; voluit
hoc vulnus omnium postremum, ac
post mortem accipere, vt intelligere-
mus, omnes vitæ illius labores, & om-
nia in morte supplicia ad amoris pla-
gam spectasse; atque vt suum eis amo-
rem demonstraret, eorumque sibi con-
ciliaret: ob has ille rationes delectatur,
si in amabile hoc lateris aperti vul-
nus cogitatione penetremus; è quo S.
Mechtildis sacri amoris flammam vidit
erumpere: cum interim Iesvs illam ad
ingressum ac deambulationem, intrò
inuitaret, diceretque latum illic spa-
tium esse, ob desideria & amores, qui-
bus nos fuit tota aeternitate cōplexus;
longum

longum verò ob immensam diuturnitatem infinitæ suæ ac æternæ bonitatis. *a* Aliàs cum Dei Filius copiam illi faceret, in quo vellet Vulnere quiescere, ad captandum in acutissimis capitis, quos tolerabat, doloribus solacium, atq; illa quidquam definire nollet, eius diuinæ charitatis arbitrium secutura; Christus ei lateris sui vulnus ostendit, dixitque: huc intra, hîc quiesce: quod illa tantâ suâ consolatione, fecit, vt nihil doloris in capite sentiret, *b* Sed alio loco longè certius nobis domicilium & sanctam sedem in Cordis sui plagâ, cum esset in Cruce, assignauit; *c* vbi cum manibus, quæ fuerant affixæ, digitum intendere in Sacrosancti Corporis sui locum, quod nostri oculi, cogitationes, ac sanctæ meditationes respicerent, non potuisset; eâ parte caput demisit, velut signum moribundus & mortuus dedisset, eò veniendi,

I 7

niendi,

a Lib. 1. gratia Spiritualis cap. 340

b Ibid. cap. 22. lib. 2.

c S. Bern. tract. de Pass. cap. 4.

niendi, ac in hac sacrâ dilectionis fornace diuertendi, vt illic inspiceremus, quid nostrâ causâ fecerit ac pertulerit; & quantulum eius causâ nos faciamus ac patiamur: qui fructus est nobilissimus & vberrimus, qui ex diuini huius ac sancti domicilij possessione ab Iesû Patientis amantibus elici queat, quémque ego tantò pluris facio, quòd cum nobis eximijs quibusdam beneficijs testatum fecerit, quibus sæpe alios animauit, restituit, atque consolatus est. Eius rei exemplar tibi appono, minimè spernendum.

Quidam nobili prosapia oriundus, qui pro generis sui conditione foris voluptatibus se permisit, in familiam S. Francisci concessit, vbi quòd asperior, quàm capere in liberâ vitâ solitus est, ei victus & vestis accideret, statuit desertâ religione, ad suas delicias reuertì: quæ mentis turbæ adeò illum urgebant, vt ijs exclusis in officio se continere nullis meditationibus posset. Nihilominus inter eundem, cum
præte-

praterire illum eâ parte necesse esset,
 vbi posita Christi Crucifixi imago fuit,
 in genua pronus, eius opem ac misericor-
 diam imploravit, eiq; se commen-
 davit: ô ingentem Christi bonitatem
 eo momento, quo breves has preces fi-
 nit, Deus altâ contemplatione dona-
 tum in extasi sustulit; Deique Filius
 cum SS. Matre suâ ei conspicuus, cau-
 sam ab illo discessûs rogavit: cui illi
 candidè respondit, se lautijs nuper
 innutritum, Ordinis rigorem perferre
 non posse. Eo responso accepto, Ser-
 uator noster sacrosanctum lateris Vul-
 nus sanguine manans exhibuit, addi-
 ditque: huc brachia & manum admo-
 ue, eâque sanguine, qui è latere meo
 fluit, inunge; ac mox experieris, omnia
 tibi facilia iucundâque fore, quantum-
 cunque alioqui difficilia videantur.
 Obsecutus est hortanti Novitius, tan-
 to suo bono, vt in rebus omnibus aspe-
 ris ac tentationibus Christi Patientis &
 amabilis in Corde Vulneris memor,
 illicò experiretur, omnia in dulcedi-
 nem

nem & sanctas delicias verti. Mihi crede, Hagiophile, præter ea, quæ dicenda de cultu Cordi IESU CHRISTI exhibendo, cum minorum molestiarum dolorumque sensu tangeris, superfluit; sedem ac diuerticulum tuum in SS. latere seligere memineris: O quam dulce illic est commorari!

EXERCITIUM XIV.

Pro die Martis in II. hebdomada,
 Quadrag.

Considerare & amore prosequi Titulum, quod Christo attributus, & in eius Cruce fixum fuit, exemplo Alexandri Lusacii.

SERENISSIMA Philippa Geldria Princeps, olim Regina Siciliae ac Lotharingiae Ducissa, postmodum S. Clarae institutum amplexa, pro omnibus Monialibus, quibuscum degabat, pingi amœnum hortum curavit, in quo nihil desiderares, nec janitores aberant, nec hortulanus, neque hortenses

tenses areolæ: amor IESU hortulanæ
 Spes & Charitas ostiariæ partes age-
 bant, curarum agmen sepem cōstitue-
 bat; descriptas ritè areas cogitationes
 ornabant, sed flammis ac ignibus cin-
 ctæ; quales in Olympo monte flores
 reperiuntur, quos pyrogonos dicas,
 qui excrescunt, quousque in igne con-
 sistunt, mox autem emoriuntur, quan-
 do flammæ illi subtrahuntur. Hagio-
 phile, quid de hoc regio ac diuino hor-
 to sentis? egregium sanè fuit inuentum
 tam piâ Principe dignum; & credide-
 rim, IESUM, qui olim S. Mariæ Magda-
 lenæ in horto specie hortulani se ostē-
 dit, id ei suggessisse. Igitur quando co-
 gitationes, quæ florum locum in hoc
 horto obtinent, nihil aliud sunt, quàm
 IESUS ipse, prout in eo variæ virtutes &
 excellentiæ considerantur; hodie Ex-
 ercitiū tibi adducam, quod nihil nisi,
 flores redoleat: is S. Crucis Titulus est,
 in quā IESUS pependit, vbi flos, ac flo-
 ridus totus appellatur: id hac voce,
Nazarenus significatur. In Cruce &
 Cruci-]



extimulari, ut ex eo momento facto
 alterius vitæ proposito, Deo Virgini-
 tatem vouerit, subisque parentes toto
 triennio ad faciendam sibi adeundæ re-
 ligiosæ vitæ potestatem viderit: quam
 tamen illi pertinaciter negarunt, etsi
 eodem ipso tempore, quo Catharina viso
 S. Crucis Titulo resipuit, extraordina-
 rium clamorem ad tabulatum eius cu-
 biculi audissent, quo percepto, ut &
 subitâ morum illius immutatione, po-
 terant intelligere, hoc Dei opus esse,
 aliquid de filiâ statuentis. At eâ repul-
 sa non obstabat, quò minùs austerum
 vitæ genus ageret; inter cuius asperi-
 tates etiam illa fuit, quòd totâ Qua-
 dragessimâ hamatum patris è ferro
 thoracem nudæ carni induceret: ne-
 que rarò totas noctes inter preces exe-
 git: aliàs vultum madefactum soli ex-
 ponebat, ut eius ardore faciem defor-
 maret. Tandem pater obiit; quo ta-
 men mortuo illa non nisi post septem-
 decim annos illud religiosæ vitæ insti-
 tutum capessere potuit, cui Deus illam
 desti-

destinabat, idque ob continuos ac vehementes morbos, quibus exercebatur: hos ipsa incredibili patientiâ perferibat: hæc recensui, velut fructus vnius tantummodò seri aspectûs in Crucis Titulum defixi.

Alexander Lufacius totâ quoque vitâ Titulum ac Nomen, quo Iesus in Cruce pendens insigniri voluit, eximiè colebat. Cùm adhuc puer esset, huic exercitio se addixit; atq; inter sex petitiones, quibus in eadem ætate Christum compellabat, sexta hæc fuit, vt gratia illi fieret, sepe in ore & semper in corde has duas voces habēdi, *Iesu Nazarenus*,

EXERCITIVM XV.

Pro die Merc. II. hebd. Quadrag.

*Vespere ante somnum in fronte quatuor v-
cum in Titulo Crucis primas litteras for-
mare, exemplo cuiusdam viri
Religiosi.*

ADRICHOMIVS in Theatro Terra
Sanctæ refert, Religiosum Chri-
sti

EXERCITIUM XV. 185

MISS. Passioni perquam deuotum, quo-
 tidie antequam cubitum concederet,
 digito quatuor Tituli Crucis voces
 fronti inscripsisse: *IESVS Nazarenus*
Rex Iudeorum: cuius sanctam consue-
 tudinem Deus, qui liberaliter solet re-
 munerari, quidquid eius amore susci-
 pitur, tantopere approbavit, vt, cum
 vir ille pius diem obiisset, aureo cha-
 ractere hæc eadem verba visa sint fron-
 ti inscripta. Auctor ille non satis clarè
 expressit, num initia duntaxat horum
 vocabulorum, quemadmodum ple-
 rumque solent Crucibus præfigi, exa-
 rarit, an verò totas voces apposuerit:
 qui imitari hoc exemplum volet, vt
 securiori viâ incedat, modò hunc, mo-
 dò alterum modum teneat; vterque
 probabilis est. Sed caue, Hagiophile,
 ne, dum idem agis, quod ille solebat,
 tibi persuadeas, tuam frontem simili
 olim gloriâ illustrandam; neque enim
 tanto fauore te dignum putes: satis est,
 per eius rei imitationem placere te
 Christo velle; num verò in celo velis
 fronti

fronti tuæ aliquando singulare decus conferre, illi relinque, vt & illud, num has quatuor voces velit illic splendido charactere cælari. Ego quidem nullus dubito, quin vir ille Religiosus in alterâ vitâ eo loco sit singulari splendore donandus, & fortassis eum ipsum diuini characteres inibi visendi, ei conciliabunt: quin existimo, Iesum amatores ampliori etiam priuilegio afficiendos, ac eum, qui eximium præ cæteris amorem ei testatum fecerit, eiusmodi gloriæ insignibus ornatum iri.

EXERCITIUM XVI.

Pro die Iouis II. hebdom. Quadrag.

*Frequenter S. Crucem adorare & colere,
exemplo S. Maria Magdalene.*

CREDI non potest, quantum emolumenti afferat, diuersis in locis Crucifixum collocari, siue in domibus id fiat, siue in oppidis, siue in vijs publicis, vt illo aspectu ei honor habea-

habeatur, qui nostri amore in eâ perdere Cruce voluit, imo ut & hostis humani generis, qui nihil ita ut Crucem odit, in fugam detur. Plenæ sunt huiusmodi probatis eius rei exemplis, quæ nos satis erudiunt, quanti referat, ne parci in defigendis Crucibus simus, sed illas varijs hinc inde locis constitua-
mus: sufficiat hoc loco recensere, quod Massæus enarrat. • Lusitani quidam in Iaponiam commerciorum causâ profecti, in heri cuiusdam domo diuertebant spectris vehementer infestata, & idcirco penitus desertâ, ut appetente nocte nemo auderet eam ædem habitare. Tum ecce tibi! Lusitanis Mercatoribus serui ignoti, & maiori, quàm voluissent numero, adsunt, qui inuitis illis & nequicquam se opponentibus adstabant, ac ituris cubitum, officijs ex altero Orbe petitis, inserviebant: neque hic terror stetit; sed grauior illos metus manebat: mox enim extinctæ lucernæ

• *Lib. 1. epist. 1. S. Xaverij ad Socios in Europa*

cernæ fuere, quæ mercatores illos horrore longè maximo consternabant: interim lemures illi horrendo clamore, feralem concentum effecere: ac quod erat omnium tristissimum, spectra illa Lusitanos adorta crebros ijs sictus infixerant, qui nullo fructu salutem in gladio & sublato clamore quæsiuerunt. Inter eos vnus maximè omnium gnarus, quid esset facto opus, per januam elapsus, conquisitas tumultuariè Cruces totis adibus per conclauia & portas defixit: quod vt primum præstitit, illicò domui restituta quies, securitas, & aduersus larvas illas pars victoria: ita tranquillam exinde noctem & somnum habuere. Altero mane sparsâ eius facti per oppidum famâ, vbi ciues intellexere, hoc esse certissimum ad expugnandum demonem præsidium, ipsi etiam adhibere hæc arma voluere: neque domus vlla sine Cruce fuit; quam omnibus januis præfigebant.

Verùm his prætermisiss, id afferam.

FINIS.

EXERCITIUM. XVI. 189

mus, Hagiophile, quod ad pensum hodiernum pertinet, quod est, vt sis S. Cruci penitus deuotus, longéque vltra comunem Christianorum sensum. Antè jam te artes Crucifixum venerandi edocui: hinc tibi similiter modum colendi Crucem tradam. Quapropter si Crucem tecum habes, deprome, ac sæpius illam adora, exhibitis ei reuerentiæ signis, aut flexis genibus, aut demisso capite & corpore, aut quouis alio modo: aut certè contemplare illam, & ceu tesseram tuæ redemptionis, aut currum triumphalem IESU CHRISTI, qui est mentium nostrarum amator, & tot victorijs aduersum Regnum tenebrarum clarus, agnosce: ac veluti coràm adesset, piâ illâ fidelium precatione ipsum alloquere: *Per signum Crucis de inimicis nostris libera nos DEVS noster.* Quæ formula prorsus facta est, ad Crucem, quocunque demum loco obuiam, salutandam: nisi potius hæc pauca verba malis vsurpare:

O Crux aue spes unica!

Serua nos omni tempore.

K

Auge

Auge pijs iustitiam,

Reisque dona veniam.

Cæterum audio, quid dicas, te nempe jam antè Crucifixo honorem exhibere, quem antea tantopere tibi commendârim: rectè, hoc volo: quid quid verò hîc addo, id eo fine facio, ut pluribus locis discas Crucem colloca- re: adhæc alijs hæc loquor, qui facilius habere in promptu Crucem, quàm Crucifixum possunt. Quidquid id est, expedit illie Crucem esse, vbi versa- mur. S. Thomas Aquinas ne Cruce in turri illâ careret, in quam conijci eum stulta mater iussit, ut eum à Religiosâ vitâ deijceret, eam potiùs titione, quo ad fugandam impudicam feminam in perniciem suæ integritatis submissam, vsus erat, in aduerso muro descripsit, atque in genua postea procumbens eam adorauit; cum non aliud ei sacel- lum esset, quàm Crux hæc carbonibus depicta. S. Barbara, ne sine Cruce in superbo illo ædificio esset, quod ex vo- luntate parentis sui strui curauit, ipsa

met

met in pariete Crucē pollice formavit; quo facto marmor, quod illa attingebat, diuinitus emollitum pollici eius cecidit, vt ita pulchram ac prodigiosam inibi Crucem incideret. Inunc & sine Cruce incede, postquam nouisti, quid amicis Dei solenne fuerit; qui vtique intelligant, quid sibi expediat.

Et ne putes, in eiusmodi tantū necessitate prospiciendum tibi de Cruce esse; legimus Gonsalum Sylueriam, ē Societate nostrā, qui Monomotapæ à Barbaris pro fide occisus est, in omnibus cubiculis, quæ ei pro habitatione obtingebant, si domi nostræ versaretur, ad quatuor parietes Crucē fixisse, vt eam sepius adoraret, dolorum Christi meminisset, ac ex eo aspectu consolationem caperet. Piaculum sanè committerem, si silentio S. Mariam Magdalenam præterirem S. Crucis tam studiosam, quæ triginta ipsis annis, quos in solitudine exegit, gratiorem occupationem non habuit, quam Crucem intueri. Non abs re erit, te, quæ in

hanc rem didici, à me doceri. Vir pius ex Ordine S. Dominici refert, a hoc Pœnitentium exemplar post Christi Ascensionem in desertum, quod est in Prouinciâ, secessisse, illicque dilectum Seruatorem suum rogâsse, vellet sibi significare, cui potissimum exercitio in illo recessu vacaret, vt omnia maioris apud Patrem cœlestem meriti, eique acceptiora forent. Cui Christus, mox vt in eam speluncam concessit, S. Michaëlem Angelum submisit, elegantem Crucem afferentem, quam ad ostium cauernæ defixit; vt quoniam perpetuò in oculis eam Magdalena haberet, neque posset non intueri, occasionem inde caperet, eam adorandi, ac mysteria, quæ Crux illa menti ac memoriæ obijciebat, animo recolendi. Atque ita euenit: quippe per triginta annos, quibus illic comorata est, potissima & ordinaria eius cogitatio non alteri rei, quàm Morti & supplicijs inhærebat, quæ ipsa coràm vidit IESVM in Cruce suffer-

a Silvester in Rosâ aureâ Serm, de S. Maria Magd,

EXERCITIUM. XVII. 193

sufferre; quemadmodum ipsamet testata cuidam sibi deuoto viro eiusdem Ordinis erat, vt refert auctor suprà citatus.

EXERCITIUM XVII.

Pro die Ven. II. hebd. Quadrag.

Secum Crucem ferre, etiam noctu somnando tempore, exemplo Venerabilis P. Cesaris Buzai.

AD exactam pietatem necesse foret, magno animo & amore singula Christi Patientis instrumenta complecti, ea semper in sinu & inter brachia, non aliter ac myrrhæ fasciculum, circumferre, aut fœdus irrevocabile cum S. Cruce, clauis, lancêa, & alijs Iesv Passi monumentis pacisci, ea omnia in ferti & gratæ voluptatis locum, arripiendo, idque S. Bernardi exemplo, qui talibus armis instructus, eaque pectori antè adstringens pingi consuevit. Hoc, inquam, fieri à nobis expe-

diret: nihilominus, cùm fieri difficul-
ter possit, vt debita attentio singulis ac
diuersis instrumentis impendatur; exi-
stimo B. Guilielmi ex Ordine S. Augu-
stini vestigijs nobis insistendum: is SS.
Passioni admodum fuit deuotus, ac in
eum finem, vt eam probiùs expende-
ret, omnem eius apparatus, eadem
prorsus mensurâ ac magnitudine, quâ
olim erant, elaboratum in cubili serua-
bat; quâ in re pro solatio suo curiosè
veram formam inquirebat. Porro cùm
nihil ita Seruatorem nostrum, eiusque
cruciatus, quàm Crux representet, hinc
eam omnibus alijs præferebat, ac ceu
sponsam adamabat: atque vbicunque
eam fuisset conspicatus, præter pro-
fundam corporis inclinationem, reli-
giosè illam osculabatur, omnesque,
qui ei tunc aderant, ad idem hortaba-
tur; qui si semel eam fuissent dissuauia-
ti, meâ causâ, inquiebat, adhuc semel
osculum ei date. Idcirco auctor tibi
sum, vt similiter pluris facias Crucem,
ac præcipuam ei in animo tuo sedem
per-

permittas ; atque quandoquidem libenter ea penes nos habemus , quæ chariora sunt , si quidem ferri sine incommodo possint, semper tecum aut è collo, aut in sacculo, aut Rosario, aut simul quolibet horum loco gestes; quò magis illa tibi ad vsum præstò sit, cui sancti & eius amantes illius honori vacarunt. Quòd si alicui gratum sit, manu illam tenere, facile tunc erit, eam inter ambulandum aut alià occasione adorare, suaviari, ac diu manu retinere, exemplo Annæ de S. Bartholomæo, Carmelitanæ. Anna Bellouacensis Vrsulina idem in more habuit, ac pluribus horis Crucem è Rosario pendentem manu sustinuit, præsertim quotiescunque erat precibus intenta. Si è collo tibi pendet, poteris cordi apprimere; quemadmodum P. Cæsar Buzzus & B. Robertus Salentinus solebant, quæ diu nocturne supra pectus, aut prope cor habuere : erit illa tunc tali loco, vnde facile noctu, cum euigilas, eam corripere, osculari, blandis verbis al-

K 4 loqui,

loqui, oculisque admonere possis: ita
B. Margareta, ex Ordine S. Dominici,
filia Regis Hungariae in more positum
erat. Denique quocunque modo pie
illam circumferas, pro felici tibi omi-
ne Crux esto; quae portendere aut as-
ferre nihil nisi cumulum felicitatis po-
test. Carolus Magnus Imperator nun-
quam sine illa fuit, ei omnes successus
ac victorias tribuebat, quam deinde
ab euentu Crucem victoriae appellau-
runt; tantaque in veneratione habea-
tur, vt Galliarum Reges soliti sint eam
iuramentis applicare, se foedera, quae
cum exteris Monarchis ac Principibus
ineunt, optimam fide tuituros: quale fuit
Atrebatense pactum, & Pax Charan-
tonia contactu eius pretiosae Crucis
stabilita. Maria Stuarda insignis illa
Galliae ac Scotiae Regina magni pretij
Crucem ferebat: cumque illam etiam-
num imminente supplicio haberet, ac
eam vellet in meliores dignioresque
manus, quam carnificis deuenire, id ta-
men efficere non potuit; quod homo
bar-

barbarus nullâ eius habitâ ratione vi-
 illam eriperet: vnde cùm vni è gynæ-
 ceo suo donare Crucem illam non pos-
 set, vti constituerat, satis habuit, Cru-
 cis signum in fronte illius, vt supre-
 mum amoris argumentum, imprime-
 re; quod virgini illi æquè pretiosum
 fuit, quàm quæuis Crux adamantibus
 distincta. Matthias Corninus Rex
 Hungariæ nunquam sine Cruce ince-
 debat, quod sanè multum illi profuit;
 videsis quâ id ratione contigerit. **a**
 Postquam Turcæ illum pugna ad Bul-
 garix fines commissâ deuicerunt; Mat-
 thias celeri equo vectus fugâ euasit, ac
 tres ipsos dies per inaccessa loca cibî
 omnis expers vagatus; quarto demum
 in duos prædones incidit: tum vt erat
 pedes, deserto equo, qui planè succu-
 buit, latronibus illis in prædam cessit,
 à quibus armis & reliquo corporis cul-
 tu exutus est. Dum verò inter se de
 vindicandâ sibi Cruce contendunt,
 quam eius collo detraxerant, Rex in-

K 5

terim,

a Bonfinius ad an. 1448.

terrim, qui nihil nisi fugam spectabat, promtè alterius gladium nactus, eundem suo ferro jugulauit; alteri deinde imminens, postquam vulnus ei inflixit, in fugam se coniecit: atque ita vitam Crucis cultu ac beneficio seruauit, bis Seruatoris Cruci obstrictus, quòd & vitam animæ, & corporis illi deberet.

EXERCITIUM XVIII.

Pro Sab. II. hebd. Quadrag.

Sub initium actionum signum S. Crucis formare, exemplo S. Edube Virginis.

SOCRATES ac Nicephorus commemorat, cum graui terræ motu vrbs Antiochena concuteretur, vt incola jam de vrbe deferendâ cogitarent, Iustiniano Imperatori in mentem venisse, vt cubitalibus litteris scriptas hasce voces curaret singulis portis affigi: **CHRISTVS vobiscum manete,** ac confestim terram moueri desisse, om-



morte corriperebuntur : vnde illa consuetudo inualuit, sternutantibus propitium Deum precandi, ac cum quis hiat ore, illud Cruce muniendi : quo ritu adeo placatum Numen fuit, ut malum illud quamprimum grassari desineret. & Eadem pietatis exercitatio S. Simeonem Styliten iuuit : ei enim Sathanas illusit, iusso currum, quo velut alter Elias ad Cælos eueheretur, conscendere, ut illic laborum suorum mercedem acciperet : jamque pedem Simeon leuabat ; cum, quod eodem tempore signum Crucis efformaret, omnes illæ præstigiæ mox euanuerunt. Non tamen prætermisit ille suam in credendo nimiam facilitatem in se plectere, quando ausus est annum integrum non nisi vno pede consistere. Maiori gloriâ S. Editha Virgo, filia Regis Angliæ hanc pietatem profecuta est ; non enim solum Crucis signum fronti inscripsit, ut se à malis expediret, tentationes fraudesq; Demonis cluderet, sed

om.

a Ciaconius in Greg. I.

omnibus actionibus ac earum initijs eorum ritu præludebat. Accidit verò, ut cum aliquando ipsa templi, quod S. Dionysio struebat, dedicationi interesset, Archiepiscopus, qui illud consecrabat, (is erat S. Dunstanus) arrepto manus eius pollice quo Crucis formam solebat effingere, illi bene precaretur, ne Deus vnquam sineret eum pollicem putrescere: ac ratæ preces fuere: ab eius enim obitu dum post trecentos annos eius corpus aliò transferunt, digitus ille adhuc integer comparuit. En ! ut Deus huic operi fauet, ac sibi gratum illud esse, miraculis testatur; ut nos admoneat, quantam voluptatem tam piæ sanctæque consuetudines, & actiones eorum, qui Crucem amant, ei afferre soleant: ut adeò factu sit optimum, horum exempla sequi, neque rem paulò maioris momenti agendam suscipere, quin memineris ei Crucem præmittere. Atq; in hoc negotio ceteris decet accuratiores Religiosos esse: quod ipsum suis pro documento S. Eu-

stratus Abbas inculcabat, & quos docuit, nunquam pedem cubiculo vel inferre, vel efferre, nō signo prius Crucis facto; hoc in votis Regio Vati fuit, cū diceret: *Dominus custodiat introitum tuum, & exitum tuum.* b Joannes Baptista Tolomei Senensis ex Ordine S. Dominici hoc ipsum permagni faciebat, neque pensi quidquam habuit, se ab alijs observari: hinc domo egressus Crucis signo se muniebat, nihil moratus, num alij oculos in eum conijcerent; addebat pias hasce preces: *Averte oculos meos, Domine, ne videant vanitatem.* c

Cauendum interim diligenter in hoc exercitio cuius est, ne carpere illos velit, qui ei se dedunt, aut sapius, quā nos, illud frequentant. S. Coleta solita, quidquid aggredetur, prius Crucem efformare, eo die minimè pretermisit, quo superandus illi fluuius fuit, cuius transitus etsi credebatur peri-

a Surinus & Beda in eius vitâ.

b Psal. 120, c Psal. 118.

gitabis, propitium fore. Historia Minimorum a recenset, B. Paulum de Paterno, cū illius loci Monasterio præflet, amygdali nucleum casu reperisse, cūque ad Monasterij ingressum plantasse, signo S. Crucis prius super eum ducto, vt ei in omnibus facere solenne erat: post aliquot abhinc annos prodigiosa arbor ex eo nucleo enasci visa est: nam sub veris initium quot annis tota Crucibus fuit obsignata, vt quælibet amygdala esset Crucis insignis, magnā admiratione, simul ac solatio & incolarum & aduenarum, qui procul famā exciti ad hoc prodigium & diuinum beneficium accurrebant, cuius initium à sanctā consuetudine, signum S. Crucis cuilibet actioni præfigendi, erat profectum.

a *Hist. Min. l. 2. in d' atichy.*



EXER.

EXERCITIUM XIX.

Pro Dom. III. Quadrag.

*Sape S. Crucis signum cordi imprimere,
exemplo Religiosi viri è S. Domi-
nici familiâ.*

PRÆCLARA horum temporum in-
genia, quæ extollere cordis, præ-
cipuè quo Principes & Monarchæ
sunt præditi, dignitatem ac excellen-
tiam voluere, nihil ei potuere præstan-
tius quàm coronam addere, quâ illud
incingebant non aliter, quàm corona-
ri Regum capita solent. In hunc mo-
dum aliquando in vnam trutinæ lan-
cem coronatum cor immisere, quod
suo pondere alteram, cui duarum drach-
marum pondus inerat (quòd creda-
tur, primis annis cor maioris ponderis
non esse) longè præponderaret : eius
emblematis sensum Hispanæ geminæ
voces animabant : *mucha mas*, hoc est,
coronatum cor præponderat. Vide
mihi,

mihi, Hagiophile, elegans inuentum,
 quo discamus, cor alterum altero esse
 præstantius. Ego, qui S. Crucem om-
 nibus coronis antefero, plurisq; trium-
 phale IESV CHRISTI patibulum, (vt
 cum S. Ambrosio loquar) quàm cur-
 cta orbis Imperia facio, censeo, plus
 honoris cordi accedere, si solo Crucis
 signo coronetur, quàm si mille gemmis
 niteat, coronamque è puro puto auro
 gestet. Et quia Cor non iniuriâ Dei se-
 des vocatur, quam sibi pro pretioso
 vase, pro conclauis, pro Sacratio desti-
 nauit, in quo suum amorem reponat;
 inde tria hæc vocabula desumpta sunt,
Camera Omnipotentis Regis, quorum
 primæ litteræ Latino idiomate C O R
 efficiunt. Si res ita se habet, quid ei
 possit augustius Cruce imponi, in quâ
 IESVS Orbi miracula sui amoris exhi-
 buit?

Atque idcirco te hortor, vt Cordi
 tuo quàm potes profundissimè hoc A-
 moris IESV vexillum infigas: neque
 alio labore opus est, quàm vt Crucis si-
 gnum

ecce Crucem, armaturam eius! facesset
hinc Sathan cum sordibus tuis!

Alia æquè potens ratio est, cur in
hunc modum deceat cor munire, ac
isto præsidio tueri, nimirum honor &
memoria Christo Patienti debita: quo-
niam ex omnibus sacris instrumentis,
quibus Redemptionis nostræ negotiū
fuit perfectum, Crux primas tenet, ac
omnium facillimè à nobis exprimi po-
test; cū nemo non digitum possit in
illam formam ducere. Aiunt, si ex
amygdalâ casu fortuito hians nucleus
in peritam manum decidat, quæ axio-
ma, aut emblemata aliquod in eum in-
sculpat, testæque postmodum inclu-
dat, ita ut putamen adipe, chartâ pu-
trescente, ac fimo obducatur, paulò
post germinare, in caudicem ac lignum
durari, ramos, flores ac deniq; fructus
proferre: quòd si putamen incidatur,
in mediâ medullâ singularum amyg-
dalarum omnia videri, quæ primo nu-
cleo plantatæ amygdalæ sunt inscul-
pta. Corda nostra si Cruce ut coronâ
sint

sint redimita, nōsque ijs salutis nostræ
 signum incidamus, non minùs felicia
 erunt, quàm omnes illæ prodigiosæ a-
 mygdalæ; quandoquidem amor Iesv
 & eius SS. Passio illic inclusa, & inde
 in fundo mentium nostrarum cum in-
 credibili consolatione cælata visitur:
 nec aliquid deest, nisi vt miraculosos
 Crucis ductus in corde videas, quos
 foris digitus expressit: ac tanta Dei bo-
 nitas est, vt eam rem voluerit nobis mi-
 raculis testari: horum vnum tuæ curio-
 sitati obijciam. Vir religiosus è S. Do-
 minici familiâ, Volandus nomine, qui
 vixit anno 1237. magnâ famâ sancti-
 tatis obijt; cuius ossa post aliquantum
 temporis visum est commodiori loco
 reponenda, ob eximiam opinionem,
 quam omnes de eius sanctimoniâ con-
 cepêre: quod cùm fieret, prope Cor-
 Crux deprehensa est in osse probè cæ-
 lata, & aliquantum eminens, circum-
 quam lilia hinc inde sparsa maiorem
 Cruci venerationem attulêre. Eo pro-
 digio viso præsentibus in memoriam
 eius

eius pia consuetudo redijt, quā solitus est signo S. Crucis cor sapius insignire, Redemptoris nostri supplicia ac mortem veneratus: meminerant insuper, eum instar Angeli pudicitia præditum vixisse, cuius gratia lilia comparerent, Hagiophile, cor sancti huius viri nā multo beatius amygdalarum nucleis dicam⁹, quibus pro arbitrio cuiuslibet incisum lemma fuit! omnino cor hoc fuit Cruci deuotum, quale posthac tuum erit.

EXERCITIVM XX.

Pro die Lunæ III. hebdomad.

Quadrag.

Crucis signum in precipuis corporis partibus exprimere, exemplo S. Theodori Martyris.

QVis vnquam de feliciori ac o-
minis melioris partu audiuit,
quam Brunonis Episcopi Tul-
lensis fuit, qui postea Leo IX. dictus
Sancti

Sancti nomen promeruit, cuius festus dies 19. Aprilis recurrit? is in lucem editus est vndique crucibus notatus, nec membrum ex utero materno protulit, quod non esset IESV CHRITI sigillum insignitum. ^a Hic tam sanctus ortus in mentem mihi sanctam mortem, S. Theodori invicti Martyris reducit, cuius Natalis in 7. Febr. incidit. Obijt ille sub Diocletiano Imperatore pro Christi fide peremptus: qui ut primum mortis nuntium percepit, ac mortis sibi obeundæ sententiã audiit, Crucis signo totum corpus obsignavit, ac tum carnifici collum præbuit: quæ res est notatu & imitatione digna. De alijs, qui studuerunt frontem Cruce notare, passim constat. S. Anyia tenera Virgo & Martyr Thessalonicensis hoc signo frontem armavit, cum ab insolenti homine, qui postea ei visâ illâ Christiani hominis notâ vitam eripuit, in fidei negotio inuaderetur. Ipsa Dei Mater, cum ad quempiam amicorum suorum
 è calo

^a Ex Wiberto in vitâ S. Leonis.

è cælo inuississet , jámq̃ue inde disce-
 dere ac remeare in Cælum vellet, pro
 ultimâ consolatione ac valedictionis
 loco signum Crucis in eius fronte exa-
 ravit. a Alij Crucem oculis, cordi &
 ori apprimunt, quemadmodum S. Ma-
 crina S. Basilij Magni Soror ad extre-
 mum moribunda fecit. Aliquos specta-
 uimns cordi illam inscribere. Sequen-
 ti Exercitio nonnullos adducemus, qui
 manum illâ signârunt. Sed qui per
 omnes præcipuas partes corporis iret,
 ac frontem, oculos, nares, os, caput,
 collum, cor, pectus, brachia, manus,
 humeros, coxas, tibias & pedes Cruce
 obarmaret , præter hunc Martyrem
 Thessalonicensem, nullum alium ob-
 seruauimus, quem proin tibi exempli lo-
 co affero: tu non habitâ diei, quâ obi-
 bis, ratione, hunc diem imitationi de-
 cerne: quamuis beata mors illa foret
 homini, cui ea cogitatio ac spatium
 contingeret, vt cum his notis & chara-
 cteribus amoris, victoriæque aduersus
 ho-

a *Poirani in Triplici Coronâ.*

hostes tunc maxime insolentes certo
 præsagio mori posset. Sed perinde est,
 viuus an moriens hoc agas : expedit
 certè membra sua his IESV CHRISTI ar-
 mis tegere ; illa nobis solatium, hosti-
 búsque nostris terrorem inferent. Has
 autem Cruces titulo armorum Christi
 affeci, non modò, quòd ille hostem su-
 um hoc ligno profligàrit, sed etiam,
 quòd S. Paulus jubeat Ephesios *induere*
armaturam Dei, a vt insidijs ac tenta-
 tionibus diaboli resistere possint: quod
 alij de IESV CHRISTO, & eius virtutibus
 dictum volunt, quæ vera D E I arma
 sunt ; ego verò de Cruce & signo, quo
 illa repræsentatur, intelligo : quia etsi
 DEI Filius toto vitæ suæ decursu om-
 nes eas virtutes diuinas patefecerit ;
 nihilominus in Crucis arbore longè
 clariùs ac luculentius emicuere. Vnde
 concludo, eximia Seruatoris nostri ar-
 ma nobis fuisse in Cruce exhibita, atq;
 illâ membra nostra præmuniendo nòs
 profiteri, quòd arma illa desideremus,

L

ac

α Ephes. cap. 6.

ac celo & terræ, hominibus & Angelis
spectaculum faciamus; & quòd exin-
de omnes Crucis virtutis, & IESV CHRIS-
TI aduersarij capessere fugam, ac mu-
tare sedem cogantur.

EXERCITIUM XXI.

Pro die Martis III. hebdomad.
Quadrag.

*Signum S. Crucis in manûs volâ formare
cùm noctu euigilas, exemplo S. Pe-
tri Luxemburgensis.*

QUEMADMODVM preces matuti-
næ negligendæ non sunt, vt So-
li iustitiæ animæ nostræ fene-
stras eo ipso tempore aperiamus, quo
spectabili soli, omnia suâ luce obeunt,
oculos pandimus; ita non minùs no-
cturnis incumbendum, vt omnis aditus
stygijs tenebris occludatur, neue ad
nos ull⁹ hosti siue in corpora, siue ani-
mos nostros ingressus pateat. Solent
autem hæc bina exercitia per signum
Crucis

Crucis inchoari, plurimūque refert, neutro loco eam præterire. S. Edmundus nunquam omittebat: veruntamen quòd semel duntaxat ex obliuione prætermisisset, sub noctē signo sanctæ Crucis se obsignare, atque ita cubitum non postulato Numinis fauore se contulisset, nocte illâ graues insultus ac tentationes sustinuit: tum statim in mentem ei venit, id arripere, quod gladij & armorum loco esset, ac salutari signo vti: sed id exequi omnino non valuit, damone impediēte, manūque retinente; tandem serò eluctatus, postquam multis suspirijs Dei opem inclamauit, manum sui juris sensit: exinde vbi, quod cupiebat, effecit, hoste fugato, Edmundus victor euasit.

En! vt nihil rectiùs fieri omnino possit, cū nox & somnus oculis imminet! At quid si dein somnus interrumpatur, quod quibūdam frequenter contingit, quid tunc factū opus? Censeo, iisdem armis vtendum: & quoniam diabolus, damnatus ille spiritus,

& juratus noster hostis nunquam dormit, ac mirè inuigilat, quî nos beneficio tenebrarum in insidias deducat, instar lucifugæ noctuæ oberrans, nobisq; simulacra & cogitationes è suâ officinâ obtrudat; hinc stringendus est gladius; vti generosus miles totam noctem imminente hoste excubaret: illo gladio Crucis signum intelligimus, quo aut frons, aut pectus muniria, ut certè, vt ensis ille possit commodiùs manu teneri, volæ manûs imprimi potest, eo prorsus modo, quem S. Petrus Luxemburgensis tenebat, qui noctu euigilans illicò S. Crucis signum mediæ manûs cavitati inscripsit, vsus illis verbis: *Adoramus te, Christe, & benedicimus tibi, quia per sanctam Crucem tuam redemisti mundum*, simulque eam in manu partem osculatus est, in quâ Crucis figuram effingebat.

Hagiophile, credo, tuæ fuisse questionis satisfactum: possem equidem plures tibi victorias huc referre, quibus DEI amici aduersus potentes ad-

uer-

EXERCITIUM XXII. 217

uersarios sunt potiti, sed illæ adeò jam sunt communes ac frequentes, vt præstet, otium tibi concedi, quo decernas, te exemplum B. Petri Luxemburgensis sectaturum, si quæ tibi occasiones obueniant. Ita sensim, nullo, aut leui impendio illa omnia perages, quæ Crucis & Passionis Christi amantes pro eiusdem honore conati sunt.

EXERCITIUM XXII.

Pro die Merc. III. hebdomad.
Quadrag.

Crucis magis celebres & miraculis illustres, præsertim verò eius SS. Reliquias, in quâ IESVS CHRISTVS mortuus est, venerari, exemplo S. Coleta.

HAGIOPHILE, iniuriam tibi facerem, si tibi ad hanc pietatem, & eiusmodi Crucis venerationem stimulos adderem, in quam tuâ sponte propendes: neque tibi longo ordine prodigiosas Cruces, diuersis locis visitandas,

L ; sendas,

sendas, enumerabo : ipse non ignoras, & passim visuntur : Christiani fatis sunt in hanc pietatem propensi, Tu non omittes, si earum vna illic, vbi degis, seruatur, illam reuereri, frequentare & adorare, prout tibi commodum videbitur.

Quocirca non cogito, te aliter quam in cultu pretiosæ Crucis Seruatoris nostri, in quâ nostræ salutis negotium peregit, occupare : hæc Crux est verè miranda, & præ omnibus alijs prodigiosa, non ob id solum, quod sit à S. Helenâ reperta, & ob miracula, quæ tunc contigerunt, & etiamnum quotidie per adorationem, aut applicationem sacrosancti huius ligni patrantur ; sed etiam quod huius S. Crucis partes ita multiplicentur, cum tot locis, tantâq; copiâ asseruetur, vt sine miraculo fieri non possit, vt originaria Crux Christi ad eam crassitudinem excresceret, quam allatura diuersa illius omniâq; segmenta essent, si in curculum collecta iterum in truncum coalescerent.

Atque

Atque hinc Crucem istam prodigijs plenam, vt inter alias omnes Cruces imprimis adorandam, ac præ cunctis alijs Reliquijs amore dignam, tibi commendare gestio. Si posses paruam eius particulam consequi, etsi tenue tantummodò sarmentum esset, nimis quàm felix fores: si verò aliquid eius habes, tecum habe; quod si etiam cordi ad moueas, rectissimè ages. Elisæi ossa quondam mortuum ad vitam reuocauerunt; S. Pauli sudaria & cingulum olim mira patrârunt: quid igitur huius SS. ligni contactus non efficiet, cuius virtus ac pretium pluris, quàm totum, Regnum, fructus pluris, quàm cæterarum Reliquiarum simul omnium æstimeretur? per has SS. Reliquias, velut per diuinum canale, Deus in te occulta ac cælestia gratiarum fluentia deriuabit: qui has gestat, felicitatem secum habet. Vnde IESV amatores semper sanctè ijs inhiabant, ac eiusmodi thesaurum paruâsque particulas comparare conabantur, quauis gazâ præstantiores;

tiores, quas si impetrâssent, secum circumtulêre. S. Macrina Virgo, Soror S. Basilij Magni, & S. Gregorij Nysseni, annulum proximè cor gerebat, cui de verâ Christi Cruce Seruatoris particula fuit inclusa; hunc illa, fratri suo S. Gregorio, ceu rem sibi præ cunctis opibus longè charissimam, dono dedit: quem si non jam morti proxima donauit, credibile est, aliquam eius particulam sibi reseruâsse. Nunquam legi, tantâ cupiditate quemquam aut alicui thesauro, aut scientiæ, aut cuicunque rei inhiâsse, quantâ S. Coleta S. Claræ imitatrix flagrabat, quantulumcunque de S. Cruce nanciscendi: ac tandem effecit, vt fieret sui voti compos; quam ob rem tantâ lætitiâ gestiebat, vt abhinc crederet se prorsus beatam. Sed mox propè tam graui dolore post rei adeò vehementer cupitæ possessionem afficiebatur, quàm gaudio erat plena; eò quod rem tam pretiosam pro dignitate, ac vt ipsa volebat, collocare nupsiam posset, quam illa toti orbi prætulit.


tulit. Cúmque istis curis agitur, ô miraculum! DEVS parvam illi Crucem, ex auro submisit, tanto artificio elaboratam, vt aurifices operis admiratione defixi hærerent: & sanè è Cæli officina venit. Num verò illa eo dono fuerit contenta, & num omnes suos deinceps amores huic Cruci impenderit, satis intelliges, si quidquam de eius S. Virginis Sanctitate, ac animi ardore inaudieris.

Verùm sanctimoniâ, inquires, hæ probæ mentes clarebant, & hinc poterant talia penes se habere: ego verò vix auderem Reliquias tam sanctas mihi, præsertim noctu, arrogare: videtur enim hoc minimè decorum fore. Desine ita loqui; quisquis es, si eiusmodi habes, noctes atque dies perpetuòque ijs utere: Earum vsus hostium ferociam compescet, modestiam te vbique necessariam docebit, diu noctuq; pias tibi cogitationes suggeret, somnum tibi tranquillum, & DEI beneficio suæ-

decenter te componas: nihil hic me-
tue, dummodo interdum nihil admittas
culpæ, unde sol obscurari aut erube-
scere possit; noctu verò operibus te-
nebrarum abstineas: audacter tibi ap-
plica hoc diuinæ Christi charitatis pi-
gnus: si piaculum est, paratus sum pro
te respondere, ac eius criminis pœnam
subire; quemadmodum etiam cupio
in partem meriti venire, si feliciter ti-
bi hoc negotium succedat.

Vbi verò tam felix non eris, ut nan-
cisci & possidere aliquam eius thesau-
ri portionem possis, non omitte, per
annum aliquoties ea templa locaque
sacra venerari, vbi sciueris huiuscemo-
di asservari: ac tecum ita statue, Deum
quouis honore ac fiduciâ delectari,
quibus minima etiam fragmenta sa-
cro sancti huius ligni, quod Filium eius
pro nobis mortuum sustinuit, afficie-
mus. Ex historiâ S. Catharinæ Suedi-
cæ, quæ fuit S. Brigittæ filia, habetur,
Romæ Viduam ac iuvenem matronam
magnæ nobilitatis, quæ perpetuò sin-
gulis

gulis noctibus ab immundo spiritu vexabatur, quod tamen nulli mortalium audebat aperire, aliquando decreuisse, velle se illi suum infortunium ac ærumnam explicare : cui S. Catharina aliud consilium non dedit, nisi vt integro octiduo ad templum S. Crucis sine linteo, nudis pedibus, comitante matre, se conferret, ibiq; quotidie septies *Pater & Ave* coram arâ diceret. Quo audito, matrona infelix accuratè omnia, vt erant iniuncta, executà est; cùmque octauus jam dies illuxisset, Dæmon quidem eadem formâ ei se conspicuum exhibuit; sed Catharinæ Briggittæ filiæ malè indignatus diras ei imprecabatur, à qua illud consilij femina hausisset; vnde omnes machinationes conatúsque, illam euertendi, concidissent,



EXERCITIUM XXIII.

Pro die Iouis III. hebd. Quadrag.

*Officium de S. Cruce recitare, exemplo
Alexandri Lusacy.*

NVNQVAM Seruatori nostro ob
immensum Redemptionis be-
neficium dignas possumus gra-
tias persolvere. Equidem quâ ratione,
Hagiophile, hoc te debito exoluas,
ignoro. A Theologis nostris olim di-
dici, gratiarum actionem pro accepto
beneficio tribus modis fieri posse.
Primum in animo versari, æstimando
agnoscendôque secum beneficij ma-
gnitudinem, atque idcirco benefacien-
ti se obnoxium fatendo: alterum, ver-
bis absolui, quibus beneficium laudi-
bus & gratiarum actione ornatur: ter-
tium in eo consistere, vt beneficiarius
pro modo virium suarum rebus ipsis
beneficium compenset. Haud dubie
animad.

a D. Thom. 1. 2. quest. 107.

animaduertes, omnia pietatis erga Christi D. N. Passionem exercitia, ad vnum è tribus hisce modis referri. Illud, quod modò adduco, ad secundum pertinet: atque hinc scire te velim, cum Officium S. Crucis persolues, quod in Horis Concilij continetur, hoc in gratiarum actionem, IESV CHRISTO pro nobis Passio debitam, à te fieri. Ecclesia hæc verba datâ operâ nobis recitanda proposuit: & tametsi omnes preces ab eâ præscriptæ, obseruatione sint dignæ, imprimis tamen illæ succi sunt probioris, quæ in gratiam Patientis sponsi sui vulgavit: quibus & nos, ceu hostiâ laudis, vtamur, IESV CHRISTO fructum labiorum nostrorum offerentes, & quæ fateantur palàm, nos ei modis infinitis esse obstrictos.

Atque hoc potissimum stimulo hac die, inter recitandum minus Officium de S. Cruce, vteris. Non multum allaboro, vt eorum tibi syllabum exhibeam, qui sæpius in vitâ illud vsurpâ-

L 7

runt:

a *Hebr. 13.*

runt: loco omnium sit Alexander Lufacius, qui voto se adstrinxit, quauis Feria VI. per annum id se dicturum; & S. Vdalricus Episcopus Augustanus, qui nullo die intermittebat: ac hi duo tibi sufficiant, vt deliberes, quid te facere expediat, & vtrum ex his imitari velis. Hoc præcipuè scire te ac intelligere pro consolatione tuâ cupio, DEVM vehementer gratâ mente & actione gratiarum ob Sanctam eius Passionem delectari, siue paruum hoc officium recites, siue eius causâ aliud quidpiam suscipias agendum. Paulò antè tibi magnam erga S. Crucem pietatem, & insignem constantiam in decurrendis eius Horis indicaui, quâ hic Sanctus Præsul utebatur; nunc etiam prodigiosam ac celebrem eius approbationem audi, quam DEVS publicè quondam, spectante vniuersâ plebe, cùm in Sacro ad Consecrationem ventum esset, ei manifestauit: cùm itaque in manum hostiam sumeret mox consecrandam, è cælo submissa venerabilis

EXERCITIUM XXIV. 227

His manus visa est, quæ Sancti Antistitis
manui associata, eam regebat, cum S.
Crucis signum supra hostiam duceret,
eique toto consecrationis tempore
aderat: & quod maiorem admiratio-
nem meretur, videre tunc erat, duas
manus simul moueri, eodémque mo-
mento eandem Crucem efformare; ve-
luti Deus significare populo voluisset,
suas manus, sua verba, & cor totum in
Crucem ferri; eò suos amores omnes
spectare: ac velut diceret: in hac ipsâ
Cruce cupio palàm facere, me Vdalri-
cum amare, me eius causâ prodigia pa-
trare, ac illum meâ manu præsidioque
potiùs quàm omnes alios defendi.

EXERCITIUM XXIV.

Pro die Ven. hebd. III. Quadrag.

*Passis brachijs orare, exemplo S. Ludo-
uici Episcopi Tolosani.*

CREDI non potest, quantopere
DEUS hanc Crucis figuram ap-
probet, quocunque loco illa sit,
præ-

praesertim verò in homine; & multò
maximè, cùm homo ipse in se illam ex-
primere allaborat. Gonsaluus de Ta-
pià è Societate nostrà, qui à Cinaluanis
Barbaris, trecentis vltra Mexicum leu-
cis, fuit Martyrio affectus, vt posset in
osculo Crucis mori, pollici decussatim
indicem imposuit: quo animaduerso,
Barbari conati sunt duos ei digitos
amputare; sed id efficere nunquam po-
tuère: etsi enim reliquas corporis par-
tes in mille frustra secarent, cùm ad eos
digitos Crucis in modum dispositos
ventum est, nihil furor potuit: vir au-
tem religiosus, ringentibus Barbaris,
moriens Crucem osculatus est, & post
mortem quoque digitos in Crucem
dispositos eis exhibuit. Iam si de di-
ducendis brachijs, & exprimendâ in
nostris precibus ac pijs exercitijs illâ
nostræ Redemptionis notâ loquamur,
etsi aliud nihil fiat, quàm vt nostrum
corpus sit figuræ Crucis conformatum;
sanè necesse est, DEI Filium tunc visâ
isthac Cruce recreari, neque id sine
causâ;

causâ; quandoquidem eo habitu omnium maximè in nobis eius imaginem representamus, ac tantò sumus illius & nostris inimicis formidabiliores, quòd non Crucem è ligno, aut quopiam metallo factam, ad eum fugandum, obijciamus, sed Crucem viuam ac animâ præditam, quam Iesus suo sanguine redemit.

Hagiophile, si te Deo reddere acceptum cupis, ac dæmonem in fugam conijcere, passis brachijs preces institue. S. Ludonicus Episcopus Tolosanus ita quotidie orabat: vnde apud DEVM gratus, stygij hostis omnes conatus elusit. Sed quibus precibus hoc tibi vacandum? quod dicam, non habeo. Sanctus iste Præsul, de quo loquimur, quotidie eâ corporis compositione Officium de Cruce recitabat: aliquibus satis est, Psalmum L. *Misere-re*, dixisse: alij quinquies Orationem Dominicam cum salutatione Angelicâ iterant: suus cuique mos est. At ij, qui supra vulgus sapiunt, Sanctorum exempla

empla semel saltem in anno imitantur. Sed ad institutum redeamus : multa tolerare, est IESV multum placere, qui multa sustinuit: vis equidem pati quidpiam, sed sine strepitu? ictus enim flagrorum vicinus audit; sine molestia corporis sarcinam? setosum enim cilicium acrius fodicat; sine punctione ac sanguinis profusione? hoc enim alij obseruarent; prolixiori tempore meditationi aut precibus, diductis, velut in Cruce penderent, brachijs, te impende: acerbus dolor est, fateor; sed par quoque est dolori primum. Existimo profecto, B. Felicem Capuccinum multum hoc exercitio promeruisse: solebat ille frequenter templum adire, ac post Salutatum Venerabile Sacramentum, terram exosculari; tum in medio templi erectus expansis brachijs diu, hoc est, horas integras precibus se dabat, subinde exclamans: Domine! hunc populum tibi comendo, pro mihi benefauentibus te rogo, miserere peccatorum, & parce illis; Ita totas horas
exten-



quis in rabiem actus, post aliquantum laboris Monasterij murum superauit, rectaque ad Nouitiæ conclaue festinauit, animo inde illam abripiendi. Opportunè Anna fortè tunc aderat, quæ vesanum illum magnis passibus immine- nere conspicata, insano clamore vociferantem, non euades, teneo te, cubi- culi duntaxat januam impulit, ac post illam in genua prostrata brachia in Crucis modum extendit, vt ei orare consuetum erat: rem miram! insanus ille pedum ac totius corporis impulsu nitebatur fores perfringere, etsi non nisi è simplici abiegno assere, parùmque firmæ essent, quas vno pedis ictu homo minimè magnarum virium potuisset medias rumpere: nihilominus nullo laboris fructu, nec quicquam se fatiga- uit; quamuis tantâ rabie ac impetu ir- rueret, vt januæ assere introrsum flexus Annæ intus precantis capiti immine- ret; quæ constanter eo situ inter preces commorata, Nouitiam identidem ju- bebat bono animo esse, promitto, in-
quiens,

EXERCITIUM XXIV. 233

quiens, tibi, nunquam huc eum pedem
illaturum. Quidquid demum tibi vi-
deatur; IESVS hanc in amicis suis figu-
ram amat tantopere, vt quandoque
honorem illis habiturus, quo palàm
ostenderet, hos sibi præ reliquis cordi
esse, tali eos habitu alijs repræsentaret.
Rudolphus Cisterciensis Ordinis, exi-
mius DEI seruus, cùm quondam solus
post Matutinas horas in templo Ora-
tioni vacaret, IESVM CHRISTVM IN
Cruce vidit, ac sui Ordinis quindecim
cum illo pendentes, quorum quilibet
extensis brachijs Cruci affixus cerne-
batur: quos ille, quòd omnes in viujs
ei familiares fuissent, facile agnouit, ac
vehementer eo spectaculo fuit attoni-
tus. Sed Seruator noster redditâ facti
eius ratione, fili mi, ait, quid obstupe-
scis? hi ipsi sunt, quos inter chariores
seruos, & Crucis meæ amicos numero:
vbique singularem voluptatem capio,
eos mei similes & videre, & ab
alijs videri.

EXER-

EXERCITIUM XXV.

Pro Sabb. III. hebd. Quadrag.

*S. Sudarium Christi colere, exemplo S.
Caroli Borromaei.*

QUAM fortunatae sunt ditiones illae, ubi tam sanctae Reliquiae asseruantur! & quis verbis pretium eiusmodi SS. Sudariorum assequatur? haec illa gloriosa vexilla sunt, nostrae Redemptionis insignibus nobilitata, haec adoranda praecunctis sunt lintea, quae Orbis habuit: haec sunt, quibus thesaurus noster & lytrum pro redimendis captiuis fuit inuolutum; ut in officio de his SS. Reliquijs habetur, quod Papa Clemens VIII. instituit. *O admirabilis Sindon, in qua inuolutus est thesaurus noster, & redemptio captiuorum!* haec sunt primae & praestantissimae mappae, quibus SS. Corpus Christi impositum fuit, sanctius ac honore dignius, quam illae, quibus arae nostrae insteruntur.

nuntur: hæ enim proximè non nisi species Sacramentales attingunt; at illæ propius, re nullâ interiectâ, SS. Corpus Filij Dei contigerunt, adhuc omnino à summâ illâ victoriâ, & cruento Crucis sacrificio sanguine perfusum.

Quæ igitur ratio, gloriosæ huic Sindoni, & Reliquiarum præcipuæ, debitum honorem exhibendi? vna erit, ad oppidum aliquod se conferre ex ijs, quibus Sudarium asseruatur, vt illud probè intueri, adorare, osculari, ac cōtemplari possis. S. Carolus Borromæus olim in hoc pietatis studio fuit ante alios insignis: Mediolano pedes Taurinorum Augustam jam Archiepiscopus & Cardinalis petebat: & vt animo omnes in hac re consolationes indulgeret, decreuerat insuper Mediolano pedibus iter Camberium conficere, vbi tunc S. Sudarium habebatur, nisi Serenissimus Sabaudia Dux iussisset illud Turinum asportari, vt tot viæ molestijs ac fatigationibus supersedere sanctus Antistes posset. Franciscus I. Galliarum

rum Rex suo tempore etiam ipse in hac pietate excelluit, voto edito, se Camberium ad S. Sudarium, quod modò Turini colitur, peregrè iturum: votum verò illud in conflictu Marigniaco cōcepit, quo se exsoluturus Lugduno Camberium, nouendecim tantum in comitatum assumptis, pedes abiit.

Hæc itinera suscipere, non est cuiusvis: hoc igitur age, Hagiophile, quod tibi operosum non erit, pro SS. Sudarij reuerentiâ præstare: pro animabus in Purgatorio detentis, per sanctas has Reliquias, precare; & aliquot illarum ex tormentis, quibus excruciantur, exime. Clemens VIII. facultatem concessit animam è Purgantibus flammis liberandi, quoties pro honore ac memoriâ S. Sudarij sequens Oratio recitabitur.

O DEVS! qui nobis in sanctâ Sindone, quâ corpus tuum sacratissimum de Cruce depositum, à Ioseph inuolutum fuit, Passionis tue vestigia reliquisti; concede propitiis, ut per mortem & sepulturam uam,
ad

*ad Resurrectionis gloriam perducamur.
Qui uiuis & regnas cum Deo Patre in uni-
tate Spiritus sancti Deus, per omnia secu-
la seculorum, Amen. Ex P. Roas de Purg.*

Quantus thesaurus ei, qui sæpe ac,
ut decet, illo uti potuerit! quanta po-
testas, tot animas Cælo inferendi, quæ
non desinent, nobis paria obsequia
præstare, cum in Purgantis Ecclesiæ
flammis detinebimur!

Hæ captivæ mentes, in illis ignibus
detentæ, alterius perquam facilis ac
fructuosæ pietatis erga SS. Sudarium,
me admonent: ut scilicet tuis precibus
eos iuues, quorum aut corpora, aut
mentes sunt vinculis oneratæ. Hoc à
S. Mechtilde doceamur: neque aliud
est factu opus, quàm ut ab exitio ali-
quot peccati mancipia reuoces, quo-
rum tanta est multitudo, & solatium
libertatémque captiuis afferas, qui di-
uersis in locis tenentur: idque tuis pre-
cibus efficias eo modo, quem nobis S.
Mechtildis tradidit: eum tibi ex eius
scriptis excerptum huc attexo. *a*

a Ex libro gratia. c. 19.

M

Ser.

Seruator noster aliquando eam al-
 locutus, Mechtildis, aiebat, qui vtili-
 ter mihi supplex fieri pro captiuis
 cupit, seu corporibus, seu animis sint
 ligati, opus est, vt me roget 1. per amo-
 rem, qui me nouem mensibus in vtero
 Matris meæ captium tenuit. 2. per
 amorem, qui me natum & à teneris
 educatum, panniculis inuoluit. 3. per
 amorem, qui me hostium meorum ma-
 nibus tradidit. 4. per vincula, quibus
 meludæi adstrinxerunt, ac ligatum lu-
 dicum tribunalibus stiterunt. 5. per
 vincula & funes, quibus fui ad colum-
 nam alligatus, flagris concidendus. 6.
 per clauos, quibus fui Cruci affixus. 7.
 per sacra lintheamina & Sudaria, qui-
 bus inuolutus, fui tumulo illatus, post-
 quam Corpus meum fuit è Cruce de-
 positum: qui me per sacra & amoris
 plena vincula fuerit precatus, eius gra-
 tiâ libertatem captiuis indulgebo,
 quorum apud me causam
 sic egerit.

EXER.

EXERCITIUM XXVI.

Pro IV. Dom. Quadrag.

*Aliquid excogitare, quod amore IESV
CHRISTI perferas, in honorem SS.
Passionis, exemplo B. Ioannæ
in Galliâ.*

HAGIOPHILE, vide, quale tibi negotium facessam. Nihilne noui excogitare poteris, quod amore IESV sustineas tanta pro te passi? non inuenire noua tormenta, quæ nemo hactenus vnquam adhibuit? Signum ergo est, parum te in illum amoris habere, quidquid foris simules: amor enim mirè ingeniosus est, vt est toto orbe receptum; neque verus Patientis IESV amator est, qui eius gratiâ nouum aliquod doloris genus non excogitet. Tunc, Hagiophile, vnus vnicus, adeò stupidus, hebes, ac iners in exquirendâ recenti, eius causâ tolerâdi quidpiam, materiâ eris, vt reciproco ei amore

M 2 respon.

spondeas ; ac par pari, patientis amoris galione, referas ? Ipsi Reges hîc laborant, tibi que facem præferunt. S. Ludouicus nudis pedibus quauis Feria VI. incedebat : ac ne à quoquam in cohabitatu deprehenderetur, calceorum genus excogitauit, sub quibus nuditatem securè celaret, astantiùmque oculos austeritas & occulta virtus effugeret.

Principes quoque in altero sexu eadem nos docent, eoque pertingunt, quo nunquam aspirabis. B. Ioanna Francica filia Ludouici XI. & vxor Ludouici XII. inuenit ac concinnari curauit quinque clauos ex argento, duorum digitorum longitudine, ita quidem, vt eorû cuspides foras ex eâ compage, cui erant inserti, prominere : eos sæpe ferebat, acuminibus circa cor in innoxium corpusculum conuersis.

Teneræ puellæ, ac innocentes Virgines magno numero mira inuenerunt, quibus in IESVM Patientem sanctum amorem testarentur. S. Brigitta qualibet

libet Feria VI. qui dies est Passioni Christi sacer, ardentis ceræ guttas in nudum brachium deriuabat: quod non paruum dolorem affert. P. Antonius de Regibus, Minimorum ex Ordine, tantundem ferè faciebat: cereum accensum patiebatur in nudam carnem defluere, à modico igne ob eius amorem læsus, qui in arbore Crucis totum amoris incendiū erga nos excitauit. **a**

Religiosi viri & feminae itidem strenuè insudârunt, vt novos patiendi modos excogitarent. P. Ioannes de S. Guilielmo è Discalceatorum S. Augustini familiâ plerumque arcto breuiq; stipiti indormiebat, sæpe solitus, ad recolenda vincula, quibus Redemptor noster crudeliter fuit illâ tristissimâ nocte alligatus, fune totum corpus & tibias arctissimè constringere. **b** B. Do. rothea ex Ordine Seruitarum præ ingenti desiderio, quo flagrabat, Christi Passi causâ affligi, acutissimos sibi do-

M 3 lores

a Ex Tristano in vitâ Simon. Garcia.

b Ex Arsenio in vitâ P. Ioannis à S. Guilielmo.

lores deposcebat : & ecce ! quamprimum ex utroque latere putida illi ac sua ulcera sunt enata , insanos dolores afferentia, qui decem ipsos annos diu noctuque eam grauissimè exercuerent. Eodem tolerandi studio persæpe acetum felle temperabat, ut parem Dei Filij amaritudinem gustu perciperet.

Si scirem, Hagiophile, inuentum illud, quod tibi amor dictabit, hoc loco apponerem: neque enim cogito ad eorum aliquod te incitare , quæ supra collocaui: neque illas adeò praxes tibi obtrusero , quales ego ipse meditor ; tantopere mihi perspectum est, te, utpote mollem , longè à pedum nuditate, à clauorum puncturis, à ceræ ardentis defluxione, à duro strato, à funibus, potionibus amaris abhorrere: hæc omnia detestaris, ac vix patienter de ijs sermonem admittis: affectares quidem fauores, gratias, consolationes, & decora illa, quibus sui amantes Deus ob eiusmodi ingenuam tolerantiam ornare consuevit; de hoc nullus dubito :
sed

EXERCITIUM XXVII. 243

sed eorum vestigia sequi, hoc opus hic labor est: hæc tibi inculcanda nō sunt; neque te vrgeo: deuito hæc potius, quantum possum: destinamus igitur talia loqui. Nihilominus obiter tecum reputa, quid pro IESU dilecti tui amore nouiter agere, ac pati queas: si nouitatum nihil animo tuo aut occurrit, aut arridet; eorum aliquid capesse, quæ alij jam præiuerunt: atque id ob Christi amorem passus, totum cautè dissimula; curaque, ne cuiquam pateat, quàm Patri luminum, qui videt, obseruat, ac Cæli opibus omnes huiusmodi, quantumvis arcanos, dolores liberaliter compensat.

EXERCITIUM XXVII.

Pro die Lunæ IV. hebd. Quadrag.

Pro honore SS. Passionis Dominice aliquam sibi vim inferre, exemplo P. Petri Fabri à Societate IESV.

NEMO est, qui ignoret, crudele ac continuum nobis bellum, acer-

M 4

rimas

rimas pugnas esse, quas propriæ cupiditates, ceu hostes domestici, indicunt, tantò magis periculosi, quantò sunt magis familiares: da mihi affectionum mearum victoriam, & sanctitatem dedisti: da mihi imperium, cuius freno sensus coërceam, nihil oculis, auribus, alijsque facultatibus gratioris illecebræ permittam, sanctus ero, aut sanctitatis proximè obtinendæ candidatus. Age! penes quem illa potestas & auctoritas erit, ijs me victorijs beandi? quis illud robur meis sensibus ac desiderijs indulgebit, ijs se rebus abdicandi, quæ ampliùs illis blandiuntur? Non scio alium nisi IESVM supremum Magistrum, qui exemplo suo & memorabili subiectione omnium facultatum animæ suæ, omniumque in corpore sensuum nobis explicuit, quid nostrâ causâ fecerit, & fieri eius amore à nobis deceat. Et quis non videt, quantum in tribus animæ viribus memoriâ, intellectu & voluntate pertulerit; dum videlicet innumerorum & enormium

peccatorum, & ingratorum mortalium meminit; dum interiùs à Diuinitate fuit sibi relictus; dum consolatio in sensus etiam redundans ei tantisper subtracta; dum voluntas profundissimo mœrore ob tot peccatorum jacturam & damnationem fuit afflicta; dum tristi horrore ac metu immanium tormentorum, quæ in eum hostes cudebant, concutiebatur: quid deinde non in quinque sensibus pertulit? oculi visis tot illusionibus, sannis, & insolenti capitalium hostium aduersum se gesticatione cruciabantur: aures erant blasphemijs, iniurijs, falsis testimonijs & criminationibus in innocentem allatis offensæ: nares foetor Caluariæ montis cruciabat, quorsum omnes vrbis Ierosolymæ sordes & purgamenta congerebantur: gustus immani siti fuit vexatus, in quâ lenimenti loco fel & acetum degustauit: tactus omnia tristissima sustinuit, spinis, clavis, funibus, flagrorum ictibus, sputis, pedum intorsionibus, & immitibus alapis crudeliter exceptus.

mei abstinete, siue concessum sit, siue vetitum, illam intueri: & ita de gustu, tactu & alijs sensibus. Atque hæc ratio vniuersis prodest, tam ijs, qui placere Deo cupiunt, etsi nullâ lege aut necessitate teneantur sibi vim inferre; quam ijs, qui ad peccandum sollicitati, labendi discrimen adeunt: quod præclarum ac potens remedium S. Bernardus suggerit: Tentatus es, ait, respice Crucifixum, etsi præsens tibi in oculis non sit, animûmque ad Crucem verte, ac dic: *DEVS meus pendet in patibulo, & ego voluptati operam dabo?* hoc non admit- tam, hac etiam concessâ oblectatione me fraudabo, etiam vetitâ non vtar, ob amorem IESV, qui tanta pro me sustinuit.

Sed mittamus tentationes: hoc loco de egregijs nostros sensus triumphandi occasionibus agimus, quibus ad Sanctorum exempla rectè vti, ultra vulgus emineamus. Lipomannus de S. Palamone Abbate S. Pachomij moderatore refert, cum Christi Resurgen-


tis festo die discipulus eius pro refe-
 ctione ordinarias herbas sale & oleo
 conditas, Paschalis lætitiæ habitâ ra-
 tione, attulisset, sanctum Senem viso co-
 ciborum apparatu tristari cœpisse,
 Christique Patientis memoriâ in men-
 tem reuocatâ dixisse: *Dominus meus*
crucifixus est, & ego nunc oleum coma-
dam? Cùm verò Pachomius respon-
 deret, Paschatis eum diem esse, cuius
 causâ posset aliquid de suâ austeritate
 remittere, etsi vehementer ei instaret,
 nihil inde voluit attingere; semper
 enim ei recurrebat: Dominus meus
 pro me crucifixus est, eius amore hac
 etsi permissâ voluptate me priuabo.
 Sed cui nam præstat, satisfacere, IESU,
 an gustui tuo? sterili ac perituræ volu-
 prati indulgere, an verò illic maxi-
 mam & æternam expectare? sunt e-
 tiamnum egregiæ mentes, quæ ita vi-
 vunt & ratiocinantur. Ô vt egregias il-
 larum victorias nossemus! ipsis quidem
 satis est, DEVM testem esse: at nos ce-
 lebre hoc exemplum exstimulet, ad
 oculos à curiositate refrenandos.

P, Pe-

P. Petrus Faber primus S.P.N. Ignatij Socius cùm Eboræ in Lusitaniâ versatus occasionem haberet, pompam spectandi, quâ Magnatum aliquis eam urbem ingressus excipiebatur, ac omnes tam exquisitum apparatus, incendium splendorem, & nobilis equitatus superbum ordinem spectatum accurrerent, ipse clanculùm se à quibusdam proceribus abstraxit, quibus antè charitatis & animarum studio se adiungebat : indéque in proximum, quod obuium habebat, templum dilapsus, ante Crucifixi imaginem se prosternebat, atque inibi, ah ! dulcissime IESU ! inquebat, hîc esse malo, quam inter humanæ vanitatis illicia hære : perlubenter omnes has oculorum illecebras & cupiditatem dimitto, vt intueri blando obtutu sanctam tuam Humanitatem possim, quam hîc fixam in Cruce video : hoc amoris spectaculum præ altero vanitatis argumento mihi arridet : hîc dulcior oculorum in diuino theatro pastus est : quid me om-

nis ille splendor, quid fastus iuuat, ad quem tota ciuitas accurrit? hîc plus deliciarum ac fructûs inuenio; cùm minima interioris lætitiæ ac hilaritatis portio, quam modò degusto, omni totius populi oblectatione præstet: magnum sanè damnum, magnam spiritûs iacturam facio, si talia diuerticula non quæro, dum alij sensus inania mihi simulacra & illicia obtrudunt: cùm hæc diceret, totus lacrimis consolatione plenis diffinuebat: jamque auidior factus, eiusmodi victorias de suis vbique sensibus reportare, sanctè decreuit, nullam se passurum occasionem paulò proniorem elabi, quâ vincere seipsum posset; quin eam ob Seruatoris sui reuerentiam vsurparet. a

a Orlandinus in vitâ eius l. 2. cap. 18.



EXER.

EXERCITIUM XXVIII.

Pro die Martis IV. hebd. Quadrag.

*Peculiariter affici erga quinque CHRIS-
TI Patientis mysteria, exemplo plurimum
fidelium, qui huc aliquam Rosarij
partem applicant.*

HAGIOPHILE, nemo in hunc
diem fuit, qui pro dignitate
magnitudinem immanium tor-
mentorum IESU CHRISTI animo &
cogitatione sit affecutus: solus, qui per-
tulit, eorum acerbiter estimavit: ne-
que hoc dixerim, velut non sanctæ ani-
mæ fuerint repertæ, quæ cæteris in hac
cognitione præstiterint: inter quas fuit
B. Angela de Fulginio, quam Deus cæ-
lesti lumine vehementer illustravit, ut
diceret, nullo sermone explicari posse,
quod illa diuinitus didicisset; neque
Sanctorum ullum, ac ne quidem DEI
Matrem, etsi præ cæteris omnibus di-
uinâ luce præditam, ea penitus animo
complecti, aut verbis efferre posse.

Nihil,

Nihilominus contemplationis studioſi, ac omnes ij, qui accuratiùs conſiderârunt, quæ Dei Filius toto ſuppliciorum ſuorum decurſu fuit perpeſſus, in eo conueniunt, quòd quinque Myſteria aſſerant, quę vehementiâ doloris cætera longè antecedunt, videlicet, Agoniam in horto & Sudorem ſanguineum inde ſecutum, Flagellationem ad columnam factam, Coronationem ſpineam, geſtationem Crucis ad Caluariæ montem, & ipſam Crucifixionem: hi altiùs acerbos cruciatus corporis, quos efficere crudelia tormenta potuère, expenderunt, & licet eos ad fundum non penetrârint, attamen judicârunt, hos præ cæteris eſſe enormes & intolerabiles: quæ perſuaſio in eorum animis tenerum affectum erga hæc quinque myſteria excitauit; ſiue hoc argumentum ſæpius ſint meditati, ſiue ipſi ſimilia ſtuduerint experiri, aut certè pro honore & memoriâ horum dolorum, alios longè excellentium, Roſarij partem recitârint, quam

EXERCITIUM XXVIII. 253

quam è mysterijs dolorosis seu tristibus constituent.

Quòd si interdum, præsertim hodie, otiũ nanciscaris, coronam in hunc finem recitandi, quæ tertia pars est Rosarij, è numero illorum eris, qui sanctis hisce mysterijs se addicunt, & idcirco etiam gratiarum capax, ijs concessarũ, qui DEI hominis dolores recolendo, vnã è tribus Rosarij partibus persolvunt. Magnum DEI seruum tibi exhibebo, qui admodum recreabatur, ei se pietati impendere, ac DEI, sũxq; dulcissimæ Matris Virginis cultum meditationi studiòque quinq; tristium mysteriorum coniungere. Is est Alanus, a è S. Dominici familiã : qui ante initam Religionem integrum quotidie Rosarium dixit, interim mysteria per tres gaudij, doloris, ac gloriæ classes meditatatus : quæ omnia non sine ingenti fructu peregit ; cùm enim adhuc miles militiam aduersus Albigenes sequeretur, magnum vitæ discrimen adiit, vndique

a *In Chronico S. Dominici, l. 1. c. 3.*

dique ab hostibus circumuentus,
 Mater sancti amoris, quæ non sui t
 tum, sed Filij quoque sui memoriã
 lectatur, palàm ei conspicua open
 lit, & vti cælestis Amazon centu
 quinquaginta saxa, totidem scilic
 quot orbiculos Rosarium continet
 furentes illos lupos, eius exitio im
 nentes, coniecit : eoque beneficio
 tam ei ac victoriam seruauit. Alio t
 pore cum in mari in præsentì nau
 gij periculo versaretur, illicò in vi
 centum quinquaginta eminere pa
 rupes visæ sunt, ab eo loco, vbi t
 erat, ad ipsum littus æquali interu
 disiunctæ; vt saltu eas attingere, at
 ita euadere posset: veluti centum qu
 quaginta Rosarij orbiculi fuissent
 totidem colliculos mutati, vt iussu
 lij DEI, eiúsque SS. Matris vitam tue
 tur. Post mortem quoque cælesti p
 digio approbata illius pietas f
 quando os illud, quod toties has p
 preces iterabat, & manus quæ tam
 religiosè Rosarium in viuis tractabar
 instar crysalli resplenduerunt.

EXE.

EXERCITIVM XXIX.

Pro die Merc. IV. hebdomad.
 Quadrag.

*Aliquod supplicium, dolorem, aut contem-
 ptum seligere, quo Christus fuit affectus,
 cui sis præ cæteris deuotus, exemplo
 S. Franciscæ.*

QUEMADMODVM eorum, qui con-
 uiuium interfunt, gustus diuersi
 sunt, & ea quisque sectatur, ad
 quæ animus magis propendet; ita
 prorsus in lauto amoris conuiuium con-
 tingit, in quod pro ferculis IESV CHRI-
 STI tormenta inferuntur, ille mentium
 nostrarum amator ultimo vitæ suæ die
 ad celebrandum diem desponsationis
 suæ apparauit. Et hîc quoque gustus
 inter se differunt: aliqui plûs erga v-
 num quàm aliud mysterium sunt affe-
 cti: alij ampliûs cogitationem men-
 tîmque in vnum tormenti genus, iniu-
 riam, contemptum, quàm omnia alia,
 desi-

defigunt : quiuis ad id se conuertit, quod magis illi probatur, quod plus illi admirationis plus consideratione dignum habere videtur.

Hagiophile, vt tibi saliuam moueam, adducam hoc loco, in quam partem è conuiuis istis nonnulli oculos coniecerint. S. Francisca, cuius rara pietas præterito sæculo totam Romā in sui admirationem rapuit, aliqua ex ijs tormenta elegit, quæ Dei Filio fuere alijs acerbiora, vt est spinea corōa, vt sunt pedes transfossi, & his similia : in his deinde perpetuò vultu & animo hærebat, modò hoc, modò illud venerata, tali quidem successu, vt, quamcunque in Christi SS. Corpore partem cruciatu affectam considerasset, ijs ipsis membris illa etiam in suo corpore incredibiles dolores ac tales perferret, vt in singula momenta crederetur moritura.

B. Angela de Fulginio rem præcipuè cum Clauis habuit, quibus perforatæ ac terebratæ Christi manus fuere, cùm fuit Cruci affixus: ac die quodam
cùm

cum attentius animo perpenderet, quod audiebat, clauos videlicet secum intra lignum carnem in illâ confixione abripuisse, eam sui impotem tam inusitato fuisse dolore oppressam, ut membris capta in terram corrueret.

Iuliana raræ pietatis monialis ex Ordine S. Francisci de Paulâ Flagellationem sibi delegit: & ut memoriam eius tam crudelis supplicij retineret, solita est, paruam tabellam manibus præferre, ubi Christi ad columnam læsi imago visebatur: hæc eius omnium suauissima simul & maximè seria occupatio fuit; in quâ multum temporis collocabat, nunc eam genibus adorare, nunc magno commiserationis affectu intueri, aliquoties coram illâ plorare visa: hanc, postquam sacrificio diuino interfuit, ad prandij usque tempus, à Vesperis in seram noctem tenebat. Ea tabula deinde post eius obitum magnâ veneratione asseruata, & templo B. V. Salutatæ, quod Milassi in eius patria visitur, dono data est. a

a Ex lib. 7. hist. Minimerum.

B. Ioan.

B. Ioannes de S. Mariâ eiusdem Ordinis, vt vocant, Oblatus, seu ad familiæ labores admissus, incredibili pietate in CHRISTVM populo à Pilato exhibitum ferebatur : neque aliam inter orandum domi imaginem habuit, quâ ille pluris fecit, quàm Reges coronas suas æstimant: quot añis certam diem, quæ fuit Dominica Passionis, festiuam egit, imagine illâ etiam publicè expositâ & ad templi portam affixâ, vt populus coram illâ preces persolueret : atque ita occasionem præbuit, vt progressu temporis dies ille solenni cultu celebraretur, quintâ Quadragesimæ Dominicâ ingenti multitudine, vndequaue ad colendum hoc mysterium conuolante. Ipse constanter in hoc SS. mysterium pio ardore succensus eò deueniebat, vt nihil frequentius, ei in ore esset, quàm hæ duæ voces, identidem repetitæ : *Ecce Homo !* a

Carolus IV. Imperator totus in Lanceæ ictu & Clavis fuit, quibus DEI Filius

a *Lib. 4. hist. Minorum.*

lius fuit confosius; nec admirari satis bonitatem amabilissimi Redemptoris potuit, quòd etiam post mortem voluerit eâ se Lanceâ probrosè peti: ut testaretur, quantopere erga hæc SS. Passi Seruatoris Instrumenta propenderet, ab Innocentio IV. Pont. Max. postulauit, festum diem in honorem eius Lanceæ atque SS. Clauorum institui, ac eorum sacram memoriam quauis Feriâ VI. post Octauam Paschatis redire. *a*

Plures alij similia, aut diuersa Seruatoris nostri tormenta suo gustui delegerunt: quòd si & ego vellem ad tam diuersos affectus & studia Symbolam conferre, illa proferre me oporteret, quæ probati auctores *b* de multis Seruatoris nostri supplicijs singulatim prodidère, juxta eas illustrationes & cogni-

a Ex Molano in addit. ad Martyrolog.

b Petrus Calentinus in via Crucis.

Landspurgius homil. de Passione.

Adrichomius descript. Hierosol.

Ioannes Aquilinus Sermo. de Passione.

cognitionem, quam DEVS quibus
fuis amicis contulit : quidquid
hîc dicerem, nouæ justæque ratio
forent, nostros animos accende
quædam igitur capita huc appon
vtatur, qui volet. IESVS amore n
sexagies & bis mille ducentas lacr
profudit, guttas verò sanguinis in
to trecentas quinque supra nonag
ac septies millenas: in SS. suo Cor
sexties mille sexcentos sexaginta
ictus excepit, centum ac decem ala
ictus in collo centum viginti, in ca
octuaginta quinque, in ventre trig
octo, in humeris sexaginta duos
brachijs quadraginta, in coxendi
tibijs triginta duos : bis ac triges
faciem eius sordida & probrosa f
sunt coniecta : os illi trigesies co
sum: instar canis pedibus abiectus
ties septuagies : ter ac decies pro
fus & solo afflictus : capillis trece
tractus : barba illi euulsa, aut hinc
implicatâ manu distracta quinqu
octies : in Coronatione trecenta

nera à spinis impressa : ob nostra peccata, pro nostrâ salute, & conuersione nongenties genuit, ac suspirauit : tormenta, quæ poterant ei præsentem mortem inferre, centum sexaginta duo subiit : supremo in agone, velut iam esset mortuus, decies ac nouies fuit : à Pilati Prætorio vsq; ad Caluariæ montem portando Crucem ter centum viginti passus & vnum confecit. Quis jam dubitet, quin multi senserint se incitari, vt admiratione, honore, & amore summo aliquas ex eius tam horrendis contumelijs prosequerentur?

Quæso te, Hagiophile, dic modò, quodnam ex omnibus Mysterijs Dominicæ Passionis, quæ proposui, aut ex ijs, quæ præterij, animum tuum amplius permouit, tibi que deinceps præ reliquis cordi erit? tergiuersaris hoc mihi aperire : interim non celabo te, quantum inde emolumentum sis percepturus; tantisper adhuc me audi, tum ad alia transibo. Quondam aptè ad rem, de quâ nobis sermo est, DEVS S.

N

Mèchil

Mechtildi his verbis solatio & ad
ratione dignis locutus est: a Quic
que Filio meo pro extremis dolori
quos in Cruce pertulit, gratias ego
rem illi tam gratam faciet, veluti si
cras eius plagas pretiosissimo vnge
inunxisset: qui eius ardenti in Cru
fiti condoluerit, tanti faciet, atq; t
eius sitim extinxisset: qui gratia
retulerit, quòd clavis se passus sit
Crucem agi, ita eum oblectabit, i
quam de Cruce deposuisset. Si
omnia nondum singulare tibi stud
erga quodpiam peculiare mysteri
inijciunt; addam, quod te conuin
Christianum mancipium nunqua
potuit Christi Crucifixi memoriã
tiari; hoc opus inauditæ bonitatis o
secum ac noctes reputabat: quæ co
tatio tristitiam ei attulit, ac persæp
lacrimas elicuit. Tyrannus herus e
cùm id observasset, causam ab eo p
stulabat, cur tam tristi vultu ince
ret, neque cum suis commilitonib

hilar

a Lib. 2. gratia. cap. 14.

hilaritati se daret, cui mancipium negabat, se id posse, quandoquidem in eius cogitatione ac corde perpetuò illi IESVS Crucifixus obuersaretur: quo audito tyrannus, aut quòd esset illo responso offensus, aut curiositate ductus sciendi, num vera edixisset, iussit illi pectus findi, ac inde cor extrahi: in quo reperta est imago Christi in Cruce fixi exactè efformata, ceu indubitatum signum, eius erga hoc Mysterium pietatem DEO placuisse. a Hoc prodigium effecit, vt Barbarus ille ad veram Fidem conuerteretur: & adhuc utique tantum habebit vigoris, vt possit te operâ illius propositi, quod concipies, in eorum cœtu collocare, qui caput aliquod singulare è Christi Redemptoris nostri, pro nobis Passi, historiâ maiori affectu prosequantur.

a *Cantipr. lib. 1. de apibus cap. ult.*

EXERCITIUM XXX.

Pro die Iouis IV. hebd. Quadrag.

*Piè erga septem Christi Stationes in eius
SS. Passione affici, exemplo S.
Coletæ.*

HANC laudem S. Coletæ tribuunt,
quæ eximium sidus inter S. Cla-
ræ Moniales fuit, quòd incredi-
bili affectu septem Christi Passi statio-
nes recoluerit, ita quidem, vt, si sexus,
conditio & religiosa Professio ei iter
Hierosolymitanum permisissent, li-
bentissimè illuc se cõtulisset. Sed quod
præstare pedibus non licuit, animo
perfecit, sæpe illic versata, & paruis
itineribus intenta, velut reuerâ inibi
fuiſſet, precibus & meditationibus ad
quamlibet metam peractis: & quem-
modum septem communiter stationes
assignantur, prima ab aulâ, in quâ Chri-
stus cum Discipulis suis cœnauit, vsque
ad hortum Getsemani, vbi orauit, tri-
status

status est, & sanguinem sudavit: secunda ab horto, vbi captus est, ad domum Annæ, in quâ quæstionem subiit, ac alapam accepit: tertia ad ædes Cai-phæ, vbi sputis & colaphis petitus, ac reliquum noctis omnis generis ludibrijs atq; iniurijs fuit expositus: quarta apud Pilatum, vbi fuit à Iudæis ore corruptorum testium accusatus: quinta in palatio Herodis, vbi fuit ab eo & eius ministris illusus: sexta fuit in reditu ad Pilati Præsidis domum, vbi flagellatus, coronatus spinis, & condemnatus ad mortem fuit: septima in monte Caluariæ, cùm Crucem tulit, vbi in Crucem erat affixus: ita hæc sancta Virgo, pro ratione diuersorum locorum eiusmodi sua pia exercitia distinguebat, quantòque potuit honore hæc sacra loca venerabatur, non aliter, quàm si præsens illic adfuisset: ita nobis exemplo præiuit, quâ ratione loca sancta possemus, absque suscepto in Palæstinam itinere, honorare. Equidem Deus semper ijs propitium se exhibuit, qui

illuc sunt reipsâ profecti, eósque consolationibus demulsit; vti plenæ sunt historiæ. B. Dositheus eò delatus ibidem resipuit, & Dei Matrem pro magistrâ habuit. S. Ignatius Patriarcha noster cùm illuc venisset, vix ab eâ tam sanctâ sede auelli potuit. Sed quoniam hoc iter nobis intempestiuum est, contenti simus, nos alio modo eò peruenire: hæc loca cogitatione visamus, ac septies diuersis in facellis, altaribus, locis, ceu hæc nostra itinera essent, preces peragamus: qui facit, quantum potest, facit satis. Noui hominem his stationibus deditum, qui pedem nullum è cubiculo efferens, septem distinctis locis in genua se demittit, illicque toties terræ osculum figit, hoc exiguo labore, precibusque, quas in qualibet statione persoluit, contentus: affirmatque, quando longiùs hinc abire non possit, satius esse, agere tantillum, quàm planè nihil.

Hagiophile, tu, qui facilia sectaris, facile in hanc sententiam ibis, Sed vt
vt

ut sit, noli eousque hoc ipsum virgore,
 ut S. Lydwina consuevit, ne daemones
 tibi illudat, aut capiti malum accersas.
 Sæpe euenit, ut hæc S. Virgo cum dul-
 cissimo IESU stationes ab horto Olive-
 ti vsque ad Caluariæ montem obiret,
 ac in reditu pedes haberet pustulis
 plenos, tibias rimis hiantes, tanquam
 longum iter confecisset; labra præfer-
 ret deformia, & velut à vento in fissu-
 ras exulcerata, totum corpus fatiga-
 tione langueret, rubi ac spinæ, ceu om-
 nes vias percurrisset, in vestibulis hære-
 rent: & perquam credibile est, ita pla-
 nè contigisse, neq; tantum fortius im-
 pressam imaginem, aut profundam
 meditationem fuisse; sed corpus verè
 translatum, ac IESU sponsi sui dolores
 reipsâ illi, singulari gratiâ eiusdem,
 communicatos: quam nec tu, Hagio-
 phile, nec ego exspectemus, quando
 nostra demerita longè à tam eximijs
 fauoribus nos arcent.

EXERCITIVM XXXI.

Pro die Ven. hebd. IV. Quadrag.

*Historiam Christi Passi ex vno è quatuor
Euangelys recitare, exemplo P. Allarij
ex Ordine Minimorum.*

Hic vir perquam Religiosus aie-
bat, quoniam anima paruum
quoddam regnum esset, se per-
sonam Regis acturum, ac imponere
augerèq; tributa velle: è quibus vnum
erat, certis temporibus sæpe Christi
Passi historiam è quopiam Euangelio
recitare. Hagiophile, vides te æquè, ac
magnum hunc Dei seruum, in regno
versari: tributa igitur impera: illud
autem, quod nunc tracto, rationi ac æ-
quitati conuenit; vrge, ac pro solutio-
ne insta, ac hodie, aut aliàs, cùm tibi va-
cabit, piè, attentè, modestè vnum ex
Euangelijs huius argumenti perlege.
Res ipsa loquitur, ac te vehementer ad
sui vsum inuitat, vt necesse minimè sit,
cau-

causas ad tibi persuadendum conqui-
 rere : satis est, si dicam hanc Christi ac
 Redemptoris tui Passi ac mortui histo-
 riam esse. Quòd si à me intelligere
 modum velis, quo bene ac sanctè id
 præstes, tribus verbis paulò antè illum
 dictavi : hoc solùm adiungo, si ita ve-
 lis, expedire flexis genibus, ac tantâ at-
 tentione, meditatione & admiratione
 illam recitare, atque si nunc omnium
 primò minutim eius omnia adiuncta,
 & mortem tam inauditam ac luctuo-
 sam percepisses, à quo, cuius maleficio,
 cuius causâ fuisset tolerata. Et sanè si
 nunquam antè de re simili quidquam
 à nobis fuisset auditum, quanta & quā
 incredibilis admiratio nos teneret !
 Noli negligere, huius sancti Exercitij
 tibi vsum comparare, vt gustus, quem
 inde percipies, salubre tibi desiderium
 pariat, illud ipsum thema in supremo
 morbo audiendi, tunc maximè cùm in
 agone eris : hic certè præcipuus fru-
 ctus est, quem afferre tibi hoc facto cu-
 pio ; adhæc animi quoque hilaritate

donaberis, quâ DEVS illos solet afficere, qui ita moriuntur. Ego magnâ voluptate perfundor, quoties audio, in hac suaui Passionis & Sanguinis IESV CHRISTI consideratione quempiam obiisse: in hoc enim articulo hinc emigrandi magnam omnino fiduciam nobis conciliat.

Nunquam, credo, animum ad huiusmodi felices obitus aduertisti: id ergo nunc age. Quando B. Ioanna Lusitaniæ Princeps supremum jam spiritum ducebat, voluit sibi Christi Passionem prælegi: cùmque legeretur, IESVM a lapâ percussum, precata est, vt ei brachium leuarent; ac mox quantâ vi potuit, sibi colaphum inflixit, addens: DEVS meus! ignosce peccatis ancillæ tuæ!

Maria Stuarta Regina, quæ 18. Februarij anni 1587. obiit, supremum vitæ suæ diem eius Passionis lectione auspicata est, quam ipsamet nudis in terrâ genibus legit, vt ita ad vltimam luctam, & supplicium sibi paulò post infere-

inferendum se animaret; ac jam tum propè lacrimas sanguinèmq̃ suum cum Sanguine IESV Seruatoris sui confundebat.

B. Agnes, quæ sanctè vitam inter Moniales S. Francisci de Paulâ traduxit, cùm videret, sibi supremam vitæ horam imminere, ab Antistitâ suâ postulauit, liceret sibi flexis genibus vitam claudere, dum legi supplicia, mortemque Christi audiret: tum voti compos in genua se demisit, brachijs in crucis modum decussatis; atque hoc corporis habitu piæ lectioni auscultauit: vbi verò de Christi alapâ legi coëptum est, tantâ vi manum sibimet incussit, vt adstantes omnes eius vires obstupescerent. At hic emorientis candelæ supremi igniculi & conatus fuere; quippe cùm ea fuissent verba prolata: *Et inclinato capite emisit Spiritum*, ipsa quoque caput inclinauit, ac Spiritum Deo reddidit. O beatam mortem! mori genibus nixum, mori brachijs Crucis formam imitantibus, &

mori tunc, cùm audis è diuinâ Dei Homi-
 nis historiâ legi, IESVM esse mortuû:
 quis quæso non ita mori optet?

EXERCITIUM XXXII.

Pro Sab. IV. hebd. Quadrag.

*Litanias de Passione Domini dicere, exem-
 plo eorum, qui eidem S. Mystério
 sunt additi.*

TOTA quidem Christi D. N. vita
 perfectissimû exemplar ac idea
 omnium virtutum mortalibus
 fuit; juxta illam nos à moderatoribus
 nostris, & ijs, quibus noster in Spiritu
 progressus cordi est, instituimur: nihil-
 ominus vide, quid de illius morte sen-
 tiant. Existimant illi, IESVM in SS. Pas-
 sione suâ voluisse omnia in vnum cu-
 mulum congerere, quæcunque spatio
 triginta trium annorum verbis, & ex-
 emplo nos docuerit, omnesque diui-
 nas suas actiones orbi vniuerso in su-
 premo perfectionis gradu exhibere:
 veluti

veluti supplicia ac mors Christi vni-
 uersæ vitæ illius, ceu ingentis Libri, e-
 pitome & compendium esset. Priori
 Exercitio auctor tibi fui, vt hoc com-
 pendio vtereris, idque tibi familiare
 faceres: nunc vlteriùs progredior, aió-
 que, Litánias de eadem SS. Christi Pas-
 sione factas synopsis, & breuem enu-
 merationem eorum esse, quæ Christus
 passus est; ac proinde vtile fore, illas
 & hodie, & aliàs vsurpare: quot voces,
 quibus constant, in se continent, toti-
 dem mysteria & capita sanctæ illius hi-
 storix habes: hinc eveniet, vt leui ne-
 gotio memoriâ possis repetere, quid-
 quid DEI Filius nostrâ causâ pertulit.
 Has Litánias facilè in paruis libellis re-
 peries, qui eiusmodi preces continent,
 præsertim verò in Enchiridio precum,
 & orationum pro ratione temporis;
 qui libellus paulò pòst eodem loco
 fuit impressus, vbi iste Gallicè editus
 venalis prostat. ✠

Hagiophile, malo te ad dicendas de

N 7 Chri-

a Lugduni,

Christi Passione Litania inuitare, quod
ad P. Buzæi praxin adhortari: con-
uit ille singulis per diem horis pa-
aliquam è Christi Passione breuite
modum expendere; in quem finem
eam totam in viginti quatuor capi-
distinxit, totidem scilicet, quot huius
dies naturalis complectitur. Neopoli-
ti in Regno Bungo idem solebant,
litteris Indicis habetur: quod san-
rum est in hominibus, nuper prius
ad veram Fidem traductis. Nolo
ad has iterationes urgere; posterius
tuæ valetudini obesse: pietatem con-
esse non violentam, & imaginando
cultas, quàm fieri potest, à conten-
tione nimia est reuocanda: Sufficit, in
te moderatè occupare, faciliq; ac
ui lenocinio demulcere. Istæ Litaniae
hæc omnia suppleant, etiam cum tota
Christi Patientis seriem animo eue-
mus: & eadem operâ precamur, Deum
nobis misericordem & propitium
iri. Experientia docet, quantum huius
scemodi breues, variæque cogitati-

in similibus argumentis fructum afferant: hæc idcirco dico, vt memineris, omnia Litaniarum capita placidè, sed non cursim enuntianda; dummodo possis de re cogitare, quam dicis, eamque quantulacunque morâ expendere, satis est. Hoc monitum meum rememorabili confirmabo, è quâ optimam rationem ediscas, quæ in similibus precibus obseruari potest: res est, quæ ad Christi Passionem spectet, nôsque in eâ ipsâ materiâ, quam tractamus, erudiat: nihil est à præsentī instituto alienum.

Vir honoratus, qui opibus ac prudentiâ pollebat, ad P. Petrum Fabrum è Societate nostrâ inuisebat, cùm valisoleti, quorsum erat à S. Ignatio missus, in Dei causâ laboraret: ibi post peracta salutandi officia Patrem rogauit, veller sibi meditandi rationem tradere: cui pius ille magister nouo discipulo tunc non aliud pensum præscripsit, nisi has quatuor propositiones, quas eum iubebat subinde breuiter animo ver-

ver-

versare: IESVS est pauper, & ego d
IESVS tolerat famem, & ego lautè v
IESVS est in Cruce nudus, & ego s
splendidè vestitus: IESVS est mol
& labore oppressus, & ego quiet
dulgeo. Post hæc vir ille discessit
aliquantùm offensus, minoris p
suum magistrum coeperit æstimar
quo ex vulgi famâ magnam op
nem conceperat: diu est, secum
reputabat, cùm hæc sciui, quæ mihi
cinuit. Accidit verò, vt non multò
ad solenne conuiuium inuitato ea
tuor documenta in animum veni
tanto animi sensu, tãto amore ac
miseratione erga IESVM flagrantib
lacrimis inde prorumpentibus co
fuerit in cubiculum secedere, ac
otium paucorum verborum vim
ratiùs perpendere; quæ quòd com
dio Christi Passi ærumnas trader
non ideò minus, quàm tota volu
potuère ad magnam eius homini
gem conferre. Eo finito, denuo
tùs sui magistrum adibat, totàm

gestæ rei seriem exponebat, professus posthac se in eius potestate totum fore. Eum P. Faber S. Ignatij Exercitijs applicuit, quibus mirum in modum profecit; ita factum est, vt in dies seipso melior, ad magnam virtutem perueniret. *a* O vt posses Litanias Patientis Christi simili studio expendere! consolatio tibi copiosa cum pari fructu obtingeret.

a In vita P. Petri Fabri l. 2. cap. 19.

EXERCITIUM XXXIII.

Pro V. Dom. Quadrag.

Desiderare, ac petere Martyrio affici, & IESU CHRISTI amore mortem subire, exemplo S. Petri Martyris.

Hic cumulus felicitatis Christi Crucifixi amatoribus est, eius causâ mori, ac vitam vitæ, sanguinem sanguini rependere in signum eius amoris, quo in eum feruntur. Nescio profectò, quid vspiam in hoc Orbe possit expeti à quoquam, si nos hic honor

honor non afficiat. Veri amoris
palàm edicunt, vicem esse amanti
reddendam, ac tantundem ipsis
standum, quantum nostra causa
penderunt. Si quid potest IESV
nos amorì respondere, nescio quid
præstantius, quàm eius causâ mori
pro nobis mortem subiit: qui enim
suam alteri vitam impendit, ampli
dare nil potest: & qui pro IESV
vitam perdit, etsi tam nobilem, tan
cellentem, tanti momenti vitam a
tere non queat, atque DEI Homi
fuit; nihilominus donando illi su
vitam, dat quantum potest; nec a
per omnes suas leges ultra exige
quidquam aufit: nisi, postquam
amoris miraculum millies, iterùm
millies sumus ad vitam resuscitati
amoris jubeat nos rediuuios iter
millies, ac millies eius causâ vitâ
fundere, qui dignus est, cuius amo
in infinitis vicibus moriamur.

Hagiophile, hac apud te oratio
utor, vt te doceam, quanto pere pe

ges præcipui amoris ; quo in IESVM propendes , tenearis ardentè concupiscere, continuísque precibus instare, vt pro eius honore, ac sancta causâ tibi mori liceat. Quidquid modò dixi, denuo affirmo, ac exquisitâ ratione stabilio, quam cupio altè te in animum admittere: videlicet, vt certò tibi persuadeas, IESV CHRISTO æquè te esse obstrictum , etsi omnium causâ fit mortuus , atque si pro te solo mortem optetisset. Hæc mens, hic sensus S. Pauli fuit, cùm dixit: *Qui dilexit me, & tradidit semetipsum pro me,* a & hoc iure dixit, nòsque omnes ijs vti verbis possumus : quandoquidem beneficium istud tantum mihi confert, quantum, si ego solus acceperissem; eo prorsus modo, vt ait S. Chrysostomus, quo sol tantundem mihi lucis confert, siue me solum illustret , siue alijs etiam radios indulgeat: hoc enim liberalitas donum non imminuit, sed potiùs auget, dum alijs lumen præferendo, homines idoneos reddit, qui me iuvent, qui conso-

len-

lentur, qui mihi pro præfenti vñ
nefaciant: pari ratione, quòd DEVS
factus homo, quòd mortem in Cruce
obierit, non minùs est mihi vtile.
si pro me solo hæc patrâſſet: & al
re hoc alijs quoque prodeſſe, ne
vtilitati, neque beneficio meo c
quam subducit; quin magis exau
quando ſic ſocios nanciſcor, quon
operâ Deum beneficientem amp
demereri, ac laudare poſſum. P
rea conſiderandum eſt, DEI amo
in ſingulos fuiſſe tam magnum, v
vni ſoli ſuum amorem addixiſſe
quantum ad voluntatem, amorê
IESV CHRISTI attinet, æquè pro
fuit, ſi neceſſe foret, pro ſingulis,
pro vniuerſis cruciari: & profect
iungit idem Os aureum, amor Fil
tam fuit profuſus vt vnius hon
cauſâ non reſuſâſſet facere, qu
mundo vniuerſo ſuſcepit: qui
tum ac indubitatum eſt, DEVM
tui fuiſſe ſingillatim memorem,
oculis habuiſſe, cùm factus ho

mortuus in Cruce fuit, ac censuisse, magnum operæ & mortis suæ pretium fore, si mihi vitam redderet, atque ex Orci faucibus suâ me morte redimeret: ut adeò tanti quisque facere hoc beneficium debeat, quasi sibi vni fuisset destinatum, nec aliter hoc incomparabile munus æstimare, quàm si solus accepisset.

Hoc argumentum ita deductum, si probè expendas, atque eidem talionis legē, ab amore ingenuo dictatam, coniungas, quæ jubet nos amanti paria referre; in nobis efficiet, ut vehementer optemus, & à Deo postulemus, eius amore mori. Atque hoc est magnum desiderium, Hogiophile, quo deinceps ardebis, hæ preces, quibus hodie, ac totâ posthac vitâ quotide vacabis, si apud te fidem inuenio.

De modo ac tempore maximè ad hoc agendum idoneo, ut & de spe, quam concipere possumus, nos voti compotes futuros, nolo hic quidquam apponere: interim quosdam Martyris

amant-

amantes tibi sisto, qui id te docebunt: attende, quem modum illi, quodnam tempus, ac temporis morā tenuerint, eosque æmulare, faciendo quod illi egerunt, si quidem amas, ut illi amarent.

Eorum, qui pro amore & causā IESU CHRISTI moriendi desiderio arserunt, multi sunt ac præcipui. S. Franciscus Seraphicus amoris instinctu eā omninò de causā ad Infidelium terras iter instituit, ut ardentibus pro Christo moriendi desiderijs illic fieret satis: hoc quotidie à Deo breui quidem, sed calenti oratione postulabat: *Absorbeat, queso Domine, mentem meam ignita & melliflua vis amoris tui, ut amore amoris tui moriar, qui amore amoris mei dignus es mori.*

S. Antonius incredibili Martyrij cupiditate flagrabat: idcirco durante Maximini persecutione eremum deseruit, & Alexandriam profectus est, ut illic Martyres solaretur, inuiseret, ac iuuaret, animos eis addens, etiam cum
ad

ad iudicium tribunalia raperentur. Sed cum publico decreto iussi fuissent Monachi urbe excedere, nihil tunc quidem profecit: altero verò manè candido elegantique amictu indutus iterum in publicum prodijt, ut facilius agnosceretur: nihilominus Deus illius voluntate contentus, opus illi negavit: quare coactus fuit ad solitudinem & Martyrium suarum austeritatum & perpetuæ secum pugnae reverti.

S. Antonius de Paduâ non aliam ob causam Religionem inijt, nisi ut occasionem martyrij consequeretur; quàm gratiam à Deo quotidianis precibus urgebat. S. Petrus Martyr quotidie id ipsum postulabat, quoties S. Hostia eleuaretur, siue rei diuinæ interesset, siue ipse operam daret, idque tam felici successu, ut denique eius, quod tanto, pere expetebat, compos fieret. Iacobus Salesius Martyr è Societate nostrâ decem annis S. Petrum in hoc voto, quoties S. Hostia in sacro attollebatur, imitatus, in Hæreticorum tandem crude-

crudelitate Albonaci in ditione
cariensi adeptus est , quod tam
tam ardentè à Cælo flagitabat.

Sed in hac sanctâ ambitione, a
ximis Martyrij desiderijs illud
est admirādum, vnde illi, qui hui
riæ tam cupidè inhiant, etsi DEVS
rum votis non acquiescat , poss
consolari ; quòd DEVS nonnunq
eiusmodi Martyrij candidatos co
mio in Cælis afficiat, velut re ipsa
eius causâ profudissent. S. Ant
Anachoreta, S. Franciscus Serap
S. Antonius de Paduâ, B. Ludou
Bertrandus è S. Dominici famil
quidam alij quotidie apud DEVS
illo beneficio instabant ; quoru
men piam voluntatem DEVS acc
uit : intelligo : sed num inde vis
re ; quòd alij , qui eiusmodi des
sunt accensi , suæ voluntatis in
præmium non consequantur ? D
quidem re Fides nihil præscribit
tamen piè mihi persuadeo : qu
eo colligas velim , quod subiung

gra

gratiam enim, quam Deus quibusdam exhibuit, alijs quoque potest conferre.

In vitâ Venerabilis Matris Annæ de S. Bartholomæo, Carmelitanæ habitur, eam in Cælo tres coronas accepisse, prout sanctæ cuidam Moniali eiusdem Instituti fuit diuinitus reuelatum, quarum vna Martyrij fuit, peculiari gratiâ illi concessa, quòd illud tam vehementer precibus & suspirijs ac magnâ animi desiderio languentis contentione flagitasset. Historia Seruorum B. V. simile quiddam de B. Ioachimo Senensi eiusdem Ordinis recenset: quid non tentauit, vt à IESV facultatem fundendi pro ipso sanguinis obtineret, aut certè si consequi illam nō posset, saltem ei liceret, ad cælestem gloriam & eam corollam promerendam, grauissimis in corpore morbis ac doloribus exerceri? Ac tantum eæ preces potuere, vt voto potiretur: quippe Deus morbum ei perquam grauem ac nolestum immisit, vt totum eius corpus exulceratum & à vermibus corrosum.

sum totâ reliquâ vitâ crudelem in modum torqueretur: cûmque supremus illi dies immineret, B. Virgo illi conspicua duas coronas, vnam Martyrij, alteram integritatis obtulit; illam quidem, quòd eam ambiuisset; hanc verò, quod per omnem vitam illâsam Virginitatem seruâsset.

Agant alij, quod volent: ego studebo hanc à DEO gratiam consequi, vt eius amore mihi sit mori concessum, ac ei paria referre; quando meâ causâ dignatus est ipse mori: in quem finem quotidie S. Francisci Seraphici orationem, quàm suprà retuli, vsurpabo: adhæc sub missæ sacrificio, cûm S. Hostia in altum leuabitur, eadem postulata vrgebo, ac semper, dum vivo, memoriæ pauculos illos versus obijciam, qui olim Francisci Fernandezè Societate nostrâ Martyris, in Regno Bengalâ pro verâ Fide anno 1602. interempti, gratiâ facti sunt:

Ad patrium vario properamus tramine Cælum:

(a quas

Hic terras peragrat; nauigat alter

Sed

EXERCITIUM XXXIV. 287

Sed Mare Purpureum, generoso san-
guine tinctum, (iter:

Ægypto profugis manus adornat.

Siccus enim fuso dum Martyr sangui-
ne pergit;

Absque rate ad Cælos, & sine ponte
venit.

EXERCITIUM XXXIV.

Pro die Lunæ V. hebd. Quadrag.

*Piam libram legere, qui de Cruce, aut
Morte Christi agat, exemplo P. Casa-
rio Buzai.*

OMNINO certum est, Christi Cru-
cem Librum esse omnium præ-
stantissimū, & pulcherrimum,
qui eleganti typo & characteribus a-
moris conscriptus, Patientis DEI Ho-
minis acta contineat. Præcipuæ vir-
tutes, quarum exemplar nobis ad imi-
tandum IESVS reliquit, & quidquid a-
gendum nobis est, in illa non atramen-
to, sed pretioso eius sanguine cōsigna-

tū fuit: cuius operis characteres Clavis,
spinis, lanceæ cuspide, ictibus flagello-
rum, loco calami sunt exarati: atque
hic est Christi Passi liber, quem præ-
cunctis alijs B. Iuliana ex Ordine Ser-
uitarum euoluit: hunc ita legit, ac re-
legit, toties versauit ac percurrit, vt
post mortem eius pectori, quâ parte
cor later, inscriptus apparuerit. Post
hunc tam illustrem & celebrem Passio-
nis Dominicæ librum sunt aliorum
mysteriorum, quæ in hac supremâ lu-
câ Dei Filius peregit, repræsentatio-
nes, vt & omnia SS. instrumenta, ad
Christi supplicia mortemque adhibi-
ta; quæ pluris à nobis fieri cæteris so-
lent: ea sunt totidem sacra volumina,
quibus hæc sancta historia enarretur,
à religiosis mentibus pro opportuni-
tate perlecta: alijs emblemata Caluariæ
montis placuit; alij lanceæ ductus, spō-
giam alij felle imbutam, alij alia præ-
tulerunt. S. Catharina Senensis Coro-
nam spineam legebat: Anna Belloua-
gensis Ursulina tribus Clavis inhæsit;
de

de quâ dicitur, cùm acu aliquid ei pingendum esset, quâ arte ante alias præstabat, summè ei volupe fuisse, clauos & alium Christi Passi apparatus acu elaborare: nouerátque eleganti formâ hoc laboris thema concinnare, vtpote quæ sæpe eiusmodi libris immorata eorum peritiam hausisset.

Hi quidem Libri omnes idem de Christo Passo argumētum pertractant: sed de his non est hîc agendi locus; alios intelligo, qui narrationes, meditationes, & idoneas de Mortis ac suppliciorum Christi historiâ cogitationes suppeditent; hi quoque nobis sunt euoluendi, hodie imprimis, Feriâ quauis sextâ, & hebdomade maiori; vt eam notitiam affectûsque inde promamus, quos Deus à nobis exigit. P. Cæsar Buzæus magnas inde consolationes hauriebat; & hinc datâ operâ sæpius Caput illud *De Regiâ viâ S. Crucis*, quod est de Imitatione Christi libri II. Caput XI. I. prælegi sibi curauit. Hoc argumentum multi insignes libri tractât,

quorum aliquos expedit te cum delectu habere. Alphonsus Rodriquez Tom. II. de Perfectione pulchrè hoc thema explicauit : item Ludouicus Granatensis in suis admodum pijs Meditationibus, & dissertationibus: Ludouicus de Ponte Tom. II. parte 4. quinquaginta Meditationibus hoc ipsum egit; multique alij Auctores mirè sunt in hac materiâ versati: hos lege; illorum lectio te cōsolabitur, instruet, memoriam sanctis cogitationibus ad meditandum distinebit, ad IESV ac eius diuinarum virtutum amorem excitabit, ac denique ad eius commiserationem permoto amoris ac doloris lacrimas eliciet.

EXERCITIVM XXXV.

Pro die Martis V. hebd. Quadrag.

Quaedam de Passione Christi mysteria meditari, exemplo S. Catharine Suecica.

S. BERNARDVS existimat, a meditationem de Morte & Cruciatibus

In stimulo diu. amor. cap. 1.

bus Christi institutam omnia posse; & mentem quatumvis obduratam emolli, si eas cogitationes altius in animum admittat. Addit, quemadmodum olim Mors Christi terram concussit, petras dirupit, tumulos aperuit, ac templi velum medium scidit; eadem ratione meditationem hos admirandos effectus producere; quandoquidem illi, qui serio illam expendunt, si sunt rebus terrenis affixi; metu & horrore concutiuntur, ne Deus in illos animadvertat, qui proprio Filio suo non pepercit: si sunt animorum obstinatione rupibus & marmori pares; concepto de sceleribus suis dolore, ac suppliciorum in Dei Filio commiseratione franguntur: si in putidis sepulcris occultorum criminum foetore delitescunt; sancta confessione apertis animis, suas sordes exhalant: verbo, si velum indomitæ brutæque cupiditatis à Deo te-
separet, viso IESU Crucifixo confestim laceratur, ac immensæ eius SS. Humanitatis Diuinitatisque opes clarè se ostendunt.

O 4

Hæc

Hæc sola consideratio possit nos ad tam sanctum meditandi studium extimulare: quod verò S. Albertus Magnus affirmat, & longè maius apud nos pondus habeat. Meditatio Christi Domini nostri, aiebat vir sanctus, plus utilitatis homini adfert, quàm annum totum solo pane & aquâ transigere, quâ diebus singulis flagris se ad sanguinem cedere, ac totum Psalterium quotidie recitare: quia hæc exercitia, etsi bona & sancta, nihilominus, si vt opera exteriora considerentur, vim tantam non habent, animum à vitijs purgandi, pravi affectus à radice curandi, ac virtutes inferendi; quàm eorum, quæ Christus nostrâ causâ sustinuit, meditatio; quæ nos omnibus bonis cumulare, ac insuper studium, nostra corpora salubri asperitate castigandi, animis ingenerare potest.

Cùm itaque huiusmodi Meditationes tam sint fructuosæ, negligendæ nō sunt: adhæc videmus, Sanctos in eas fuisse

In ros. spirit. exercit. titulo 22. c. 1.

fuisse admodum propensos, ac magnâ inde emolumenta retulisse quæ res nos ad imitandum accendat, prout cuique commodum fuerit, utque de libris hoc argumento meditandi cōscriptis prospiciamus, quibus tempore à nobis definito utamur. Noui Dæi Sernum, qui quotidie pro expēdendo quopiā è Passione Christi capite quadrantem horæ insumat: alij quavis Feriâ VI, id agunt, ac totâ insuper Quadragesimâ diurnæ meditationis horam huic argumento impendūt. P. Cæsar Buzæus vir magnæ sanctitatis quot annis per tres ac triginta dies statas meditationes de hac materiâ instituit: S. Catharina Suedica quotidie quatuor ei horas dedit.

Magnum sanè fructum huic exercitio fuisse necesse est, si verū est, quod in rebus gestis S. Edmundi Archiepiscopi Cantuariensis habetur. Is cum adhuc adolescens solus ruri ambularet, sanctis interim cogitationibus occupatus, pueri specie Iesus elegantissimâ illi se formâ exhibuit, ac post varia bene viuendi documenta, magnopere

crudelitate Albonaci in ditione Vicariensi adeptus est, quod tamdiu, ac tam ardentè à Cælo flagitabat.

Sed in hac sanctâ ambitione, ac maximis Martyrij desiderijs illud planè est admirādum, vnde illi, qui huic gloriæ tam cupidè inhiant, etsi DEVS illorum votis non acquiescat, possint se consolari; quòd DEVS nonnunquam eiusmodi Martyrij candidatos eo præmio in Cælis afficiat, velut re ipsa vitam eius causâ profudissent. S. Antonius Anachoreta, S. Franciscus Seraphicus, S. Antonius de Paduâ, B. Ludouicus Bertrandus è S. Dominici familiâ, & quidam alij quotidie apud DEVM pro illo beneficio instabant; quorum tamen piam voluntatem DEVS acceptauit: intelligo: sed num inde vis dicere; quòd alij, qui eiusmodi desiderijs sunt accensi, suæ voluntatis in cælo præmium non consequantur? De hac quidem re Fides nihil præscribit; ego tamen piè mihi persuadeo: quod ex eo colligas velim, quod subiungam, gratiam

gratiam enim, quam Deus quibuldam exhibuit, alijs quoque potest conferre.

In vitâ Venerabilis Matris Annæ de S. Bartholomæo, Carmelitanæ habitur, eam in Cælo tres coronas accepisse, prout sanctæ cuidam Moniali eiusdem Instituti fuit diuinitus reuelatum, quarum vna Martyrij fuit, peculiari gratiâ illi concessa, quòd illud tam vehementer precibus & suspirijs ac magnâ animi desiderio languentis contentione flagitasset. Historia Seruorum B. V. simile quiddam de B. Ioachimo Senensi eiusdem Ordinis recenset: quid non tentauit, ut à IESU facultatem fundendi pro ipso sanguinis obtineret, aut certè si consequi illam nō posset, saltem ei liceret, ad cælestem gloriam & eam corollam promerendam, grauissimis in corpore morbis ac doloribus exerceri? Ac tantum ex preces potuere, ut voto potiretur: quippe Deus morbum ei perquam grauem ac molestum immisit, ut totum eius corpus exulceratum & à vermibus corro-

O

sum

sum totâ reliquâ vitâ crudelem in modum torqueretur: cûmque supremus illi dies immineret, B. Virgo illi conspicua duas coronas, vnam Martyrij, alteram integritatis obtulit; illam quidem, quòd eam ambiuisset; hanc verò, quod per omnem vitam illæsam Virginitatem seruasset.

Agant alij, quod volent: ego studebo hanc à DEO gratiam consequi, vt. eius amore mihi sit mori concessum, ac ei paria referre; quando meâ causâ dignatus est ipse mori: in quem finem quotidie S. Francisci Seraphici orationem, quàm suprà retuli, vsurpabo: adhæc sub missæ sacrificio, cûm S. Hostia in altum leuabitur, eadem postulata vrgebo, ac semper, dum vivo, memoriæ pauculos illos versus obijciam, qui olim Francisci Fernandezè Societate nostrâ Martyris, in Regno Bengalâ pro verâ Fide anno 1602. interempti, gratiâ facti sunt:

Ad patrium vario properamus tramite Cælum: (aquas.

Hic terras peragrat; nauigat alter.

Sed

Sed Mare Purpureum, generoso san-
guine tinctum, iter:

Ægypto profugis manus adornat.
Siccus enim fuso dum Martyr sangui-
ne pergit;
Absque rate ad Cælos, & sine ponte
venit.

EXERCITIUM XXXIV.

Pro die Lunæ V. hebd. Quadrag.

*Piam libram legere, qui de Cruce, aut
Morte Christi agit, exemplo P. Casa-
vis Buzai.*

OMNINO certum est, Christi Cru-
cem Librum esse omnium præ-
stantissimū, & pulcherrimum,
qui eleganti typo & characteribus a-
moris conscriptus, Patientis DEI Ho-
minis acta contineat. Præcipuæ vir-
tutes, quarum exemplar nobis ad imi-
tandum IESVS reliquit, & quidquid a-
gendum nobis est, in illa non atramen-
to, sed pretioso eius sanguine cōsigna-
tum

tū fuit: cuius operis characteres Clavis,
 spinis, lanceæ cuspide, ictibus flagello-
 rum, loco calami sunt exarati: atque
 hic est Christi Passi liber, quem præ-
 cunctis alijs B. Iuliana ex Ordine Ser-
 uitarum evoluit: hunc ita legit, ac re-
 legit, toties versavit ac percurrit, ut
 post mortem eius pectori, quâ parte
 cor later, inscriptus apparuerit. Post
 hunc tam illustrem & celebrem Passio-
 nis Dominicæ librum sunt aliorum
 mysteriorum, quæ in hac supremâ lu-
 cæ Dei Filius peregit, repræsentatio-
 nes, ut & omnia SS. instrumenta, ad
 Christi supplicia mortemque adhibi-
 ta; quæ pluris à nobis fieri cæteris so-
 lent: ea sunt totidem sacra volumina,
 quibus hæc sancta historia enarretur,
 à religiosis mentibus pro opportuni-
 tate perlecta: alijs emblemata Calvaria
 montis placuit, alij lanceæ ductus, spō-
 giam alij felle imbutam, alij alia præ-
 tulerunt. S. Catharina Senensis Coro-
 nam spineam legebat: Anna Belloua-
 census Ursulina tribus Clavis inhæsit;
 de

de quâ dicitur, cum acu aliquid ei pingendum esset, quâ arte ante alias præstabat, summè ei volupe fuisse, clauos & alium Christi Passi apparatus acu elaborare: nouerátque elegantí formâ hoc laboris thema concinnare, vtpote quæ sæpe eiusmodi libris immorata eorum peritiam hausisset.

Hi quidem Libri omnes idem de Christo Passo argumētum pertractant: sed de his non est hîc agendi locus; alios intelligo, qui narrationes, meditationes, & idoneas de Mortis ac suppliciorum Christi historiâ cogitationes suppeditent; hi quoque nobis sunt euoluendi, hodie imprimis, Feriâ quauis sextâ, & hebdomade maiori; vt eam notitiam affectûsque inde promamus, quos Deus à nobis exigit. P. Cæsar Buzæus magnas inde consolationes hauriebat; & hinc datâ operâ sæpius Caput illud *De Regiâ viâ S. Crucis*, quod est de Imitatione Christi libri II. Caput XI. I. prælegi sibi curauit. Hoc argumentum multi insignes libri tractât,

O 3

que-

quorum aliquos expedit te cum delectu habere. Alphonsus Rodriquez Tom. II. de Perfectione pulchrè hoc thema explicauit : item Ludouicus Granatensis in suis admodum pijs Meditationibus, & dissertationibus: Ludouicus de Ponte Tom. II. parte 4. quinquaginta Meditationibus hoc ipsum egit; multique alij Auctores mirè sunt in hac materiâ versati: hos lege; illorum lectio te cōsolabitur, instruet, memoriam sanctis cogitationibus ad meditandum distinebit, ad IESV ac eius diuinarum virtutum amorem excitabit, ac denique ad eius commiserationem permoto amoris ac doloris lacrimas eliciet.

EXERCITIUM XXXV.

Pro die Marris V. hebd. Quadrag.

Quadam de Passione Christi mysteria meditari, exemplo S. Catharine Suedica.

S BERNARDVS existimat, a meditationem de Morte & Cruciatibus

a In stimulo diu. amor. cap. 1.

bus Christi institutam omnia posse; & mentem quâcumvis obduratam emol-
 liri, si eas cogitationes altius in ani-
 mum admittat. Addit, quemadmodum
 olim Mors Christi terram concussit, pe-
 tras dirupit, tumulos aperuit, ac tem-
 pli velum medium scidit; eadem ra-
 tione meditationem hos admirandos
 effectus producere; quandoquidem
 illi, qui seriò illam expendunt, si sunt
 rebus terrenis affixi; metu & horrore
 concutiuntur, ne Deus in illos animad-
 uertat, qui proprio Filio suo non pe-
 percit: si sunt animorum obstinatione
 rupibus & marmori pares; concepto
 de sceleribus suis dolore, ac supplicio-
 rum in Dei Filio commiseratione fran-
 guntur: si in putidis sepulcris occul-
 torum criminum foetore delitescunt;
 sanctâ confessione apertis animis, suas
 sordes exhalant: verbo, si velum indo-
 mitæ brutæque cupiditatis à Deo te-
 separet, viso IESU Crucifixo confestim
 laceratur, ac immensæ eius SS. Huma-
 nitatis Diuinitatisque opes clarè se o-
 stendunt.

O 4

Hæc

Hæc sola consideratio possit nos ad tam sanctum meditandi studium extimulare: quod verò S. Albertus Magnus affirmat, & longè maius apud nos pondus habeat. Meditatio Christi Domini nostri, aiebat vir sanctus, plus utilitatis homini adfert, quàm annum totum solo pane & aquâ transigere, quâ diebus singulis flagris se ad sanguinem cedere, ac totum Psalterium quotidie recitare: quia hæc exercitia, etsi bona & sancta, nihilominus, si vt opera exteriora considerentur, vim tantam non habent, animum à vitijs purgandi, prauos affectus à radice curandi, ac virtutes inferendi; quàm eorum, quæ Christus nostrâ causâ sustinuit, meditatio; quæ nos omnibus bonis cumulare, ac insuper studium, nostra corpora salubri asperitate castigandi, animis ingenerare potest.

Cùm itaque huiusmodi Meditationes tam sint fructuosæ, negligendæ nō sunt: adhuc videmus, Sanctos in eas fuisse

Idem in ros. spirit. exercit. titulo 22. c. 1.

fuisse admodum propensos, ac magnâ inde emolumenta retulisse quæ res nos ad imitandum accendat, prout cuique commodum fuerit, utque de libris hoc argumento meditandi cōscriptis prospiciamus, quibus tempore à nobis definito utamur. Novi Dei Servum, qui quotidie pro expēdendo quopiā è Passione Christi capite quadrantem horæ insumat: alij quavis Feriâ VI. id agunt, ac totâ insuper Quadragesimâ diurnæ meditationis horam huic argumento impendūt. P. Cæsar Buzæus vir magnæ sanctitatis quot annis per tres ac triginta dies statas meditationes de hac materiâ instituit: S. Catharina Suedica quotidie quatuor ei horas dedit.

Magnum sanè fructum huic exercitio fuisse necesse est, si verū est, quod in rebus gestis S. Edmundi Archiepiscopi Cantuariensis habetur. Is cū adhuc adolescens solus ruri ambularet, sanctis interim cogitationibus occupatus, pueri specie IESVS elegantissimâ illi se formâ exhibuit, ac post varia bene viuendi documenta, magnopere

illi suavit, ut ab eo deinceps tempore, quolibet die sacrum aliquod Mysterium à vitâ, aut Morte, ac Cruciatus suis animo reuolueret; certò pollicitus, hac ratione se ab hostium insultibus liberaturum, omnis generis virtutes procuraturum, ac tandem ad bene felicitèrque moriendum illi præsidio fore: quantum ex eo consolationis, quantum gaudij Edmundus percepit! quantâ sedulitate monenti est obsecutus! quàm iucundum illi reliquum vitæ fuit! quis eum imitari, quis paria facere conabitur? quis dein felici morte obibit? tu, Hagiophile, tu, amice Lector, hæc age, hæc expecta.

EXERCITIVM XXXVI.

Pro die Merc. V. hebdomad.

Quadrag.

Ad condolendum IESV CHRISTI tormentis ac morti se excitare, exemplo

S. Francisci.

CHristo patienti ac morienti cōdolere, est cruciatū ex eius cruciatu, dolorem

dolorē ex eius doloribus percipere, ei se in tormentis cum aliquo mali sensu sociando : atque hoc est dolorem partiri, eūque ex æquo inter te & illum diuidere, cuius vicem in hisce ærumnis doles : & quamuis Christus in eo jam statu versetur, qui solatio egere non possit, cū labores omnes pridem superarit : hoc tamen non impedit, quò minùs nostrā commiseratione delectetur ; quando per illam eius dolores & supplicia in animis renouamus.

Noli igitur arguere me, Hagiophile, aliquid inutile me tibi obtrudete : crede mihi, quidquid hīc cōtinetur, emolumento non caret, rationēque inde proficiendi præbet. Quando igitur ita se res habet, hodie, ac sæpius stude Filio Dei condolere, animo tecum reputando, quæ nostrā causā fecerit atque pertulerit. Non id ago, vt te magnis ad hoc momentis causarum vrgeam : totus Christi Patientis ordo per se perorat & mouet : omnia sunt hīc commiseratione, suspirijs, ac lacrimis tuis digna.

igna. Si quem hominem tibi charum, in terris habeas, eius casui indoleres, si membratim concisus, aut infami morte in ferali pegmate fuisset affectus; lacrimisque perfusus nullam consolationem admitteres: quid non igitur pro IESU tantopere afflicto & amabili tibi agendum; si es, quod es? gratisne suspirandi, singultandi, plorandique facultatem tibi natura indulgit? num integro anno de tot dierum otio nullus quadrans supersit, quo saltem hodie, sex septemue suspiria & lacrimas Christo indulgeas, aut dimidium quadrantem commodes, quo S. Francisci Seraphici exemplum imiteris?

De hoc S. Patriarchâ habetur, cùm templo B. Virginis de Portiunculâ immineret, eique vbertim lacrimæ, suspiria, & alti clamores erumperent, eo ipso tempore virum honestum illi familiarem præterijisse, qui S. Franciscum tali tristitiâ oppressum conspiciens, persuasusque, grande illi infortunium accidisse, ad eum accesserit, causamq;
santi

tanti eiulatus rogauerit, dic, inquit,
 chare Pater, quisnam è tuâ familiâ o-
 bijt? num parentis, aut alterius è tuis
 necessarijs mortem deploras? At vir
 sanctus in maiores singultus, gemitus
 ac lacrimas effusus quàm antè, sum-
 mam, inquit, crudelitatem & tormen-
 ta deploro, quæ dulcissimus magister
 meus IESVS pro me pertulit: hoc est,
 bone vir, quod mihi lacrimas excussit:
 ah! ita malè nullâ suâ culpâ fuit habi-
 tus: & quis innocentissimi Domini tot
 malis obfessi vicem, & dolores non do-
 deat, præsertim postquam nos tantos
 illi cruciatus & supplicia procuravi-
 mus? Hagiophile, pone hunc modò li-
 brum, secede aliquantisper, & dilectũ
 IESVM tuum in tam diris tormentis
 mortuum, aut alligatum columnæ, &
 plùs quàm quinquies millenis ictibus
 ad sanguinem conuulneratum, aut se-
 ptuaginta duobus spinarum oculeis in
 sacrosancto adorandóque Capite con-
 fectum, aut ad alios cruciatus raptatũ
 contemplatus, eius malis ingemisce,

neq; suspirijs, nec lacrimis parce, memor eius, quod S. Bernardus aiebat; nimirum, si cor eius lacrimis innataret, oculi in fontes liquecerent, capilli finguli in totidem riuos diffuerent, ac totus instar magni fluminis, nunquam cursum vndarum sistentis, aquis manaret, hæc omnia nondum debite commiserationi ac ploratu, ob IESV CHRISTI supplicia, ac mortem esse suffectura. Hagiophile, tuas lacrimas numera, atque inde conijce, multumne an parum amoris in IESVM habeas: roga saltem Seruatorem tuum, vt accensa tua desideria boni consulere non grauetur, quibus optares, lacrimarum te Oceanum habere, illasque omnes, vt totidem tui amoris dolorisque, quem ex acerbissimis eius poenis concepisti, testes, profundere.

EXER-

EXERCITIUM XXXVII.

Pro die Jouis V. hebd. Quadrag.

*Voto se obstringere, velle se Christi Passi
& mortui vicem dolere, exemplo B.*

Margarita Lotharinga.

HAGIOPHILE, ne mireris, me IESU
dolentis commiserationem ita
urgere: olim DEVS B. Ioannæ de
S. Cruce per tutelatem Angelum signi-
ficauit, posse facile quempiam tantum
ob Christi dolores dolorem capere, ac
tam potentibus lacrimis ac sensu eius
tormenta prosequi, vt eius diuinæ Ma-
iestati æquè gratum Sacrificium illud
sit, ac ipsum Martyrium. Succenseat
mihi nunc, qui volet: an parui hoc est
faciendum, rationem tradere, quæ abs-
que tyrannorum sæuitie, absque vllâ
Fidei foris factâ impugnatione, te do-
ceat, corollas Martyribus pares re-
ferre?

Vt te DEVS omni felicitate cumulet,
Mar-

Margarita Lotharinga! quæ nobis tam præclarum exemplum reliquisti! Illa votum edidit, nullum se diem præterituram, quamdiu viueret ac valeret, quin conatura esset, Christum dolentem commiserari: quocirca sæpe conclauis suo inclusa, ante Christi à Cruce pendentis imaginem in genua prouolebatur, tum cubitis brachijsque suis corpus adeò contundebat, vt sudorem illi largè in vultu eliceret: cuidam verò è Gynæceo metuenti, ne ictus illi valetudinem eius affligerent, sapienter respondit, quemadmodum, inquit, calcari, aut virgâ generosus equus in conflictu animatur; ad eum prorsus modum ictus ac suspiria eiusmodi mentem & sensus omnes in DEVM suscitant, qui prius torpebant: mitte me, filia, ita mihi certum est, cum IESU meo dolere; quod vt arctiori amore præstarem, voto me obligavi. Hæ Principis tenerri- mæ voces sunt: Hagiophile, quis tibi de tam heroicâ mente sensus est? quid formidas, quò minùs hæc vota facias?

tergi-

tergiuersari quidem posses, si sæpe ac in longum tempus à te exigeretur: sed ad vnum, duosue dies, breuius paulòue longius dierum spatium hoc audere, nihil adeò periculi habet. Vt verò dici possis hanc piam Principem imitatus, satis mihi est, si priuatim in sacro recessu Deo id voti persoluas, velle te semel hoc die loco omnium adniti, ut dolorem ac commiserationem ob supplicia & Mortem Seruatoris tui concipias, aut hac occasione aliquoties suspiria profundas; quod facilius tibi est, quam lacrimis maderè: hæc omnia nullo labore facies, si caput aliquod de Christi morte perlegas, aut vnum ex eius tormentis expendas, aut Crucifixi plagas exosculeris, aut aliam rationem ineas. Si seriò illum amas, de quo nunc loquor; in promptu statim aliquantum, imò multum sauciij ac indolentis illius amoris habebis, qui Christi amatoribus tantopere familiaris est.

EXER.

EXERCITIVM XXXVIII.

Pro die Ven. hebdom. V. Quadrag.

*Singulis diebus Veneris pium aliquod opus,
aut austeritatem suscipere, amore Christi
Patientis, qui Fer VI. mortuus est, exem-
plo Alexandri Lusacy.*

S MECHTILDIS nos docet. a Ser-
uatore nostrum tantopere ani-
marum salutem, earum in virtuti-
bus progressum, ac inde secuturam
gloriam fitire, tantoque desiderio pro-
curare; ut, cum ob immortalis vite, om-
nis tolerantie expertis, conditionem
ipse per se pati nil amplius posset, vo-
luerit patiendi vices charissimis ami-
corum committere: & quemadmo-
dum mors eius toti mundo fuit salu-
taris, neque ijs solum profuit, qui eo
Patiente vixerunt, sed omnibus, qui
eius fidem amorémque sectati sunt, aut
usque ad mundi finem sectabuntur: pa-
ri

a Lib. 3. gratia, cap. 35.

ri ratione IESV amantium dolores ac ærumnas optato successu potiri; & bonis quidem id commodi afferre, vt ampliores virtutes obtineant, peccatoribus autem ad impetrandam veniam, ac mortuis ad æterna gaudia concilianda, aut certè auctuario quodam cumulanda, plurimum conferre.

Hinc flagrans illud Sanctarum mentium desiderium exarsit, tolerantia materiem inquirendi, & vt accuratiùs hoc efficiant, dies aliquot ei conatui idoneos deligendi, quales sunt Ferie VI. memoria Christi Patientis palàm, consecratæ; quoniam illo die sumptum de Seruatore insonti supplicium fuit. Quando enim IESVS extra omnem nunc sensum doloris positus est, eius filij ac membra cupiunt illi in perfrendis duris succedere, ac pares esse: vt enim DEI Filius voluit suis supplicijs omnes iuuari; ita hi quoque gaudent, suam charitatem, quæ patiens est, alijs esse fructuosam.

Quis ignorat, quantum ij in simili
occa-

occasione, Feriâ præsertim sextâ, tentarint? pacui adeò ex omni Christianorum numero sunt, qui non aliquo genere honoris, pietatis, ac rigoris hos dies afficiant: quidam Officium de S. Cruce dicunt; alij Euangelij partem de Christi morte legunt, vel audiunt; nonnulli flagellis se lacerant; alij cilicio asperâque veste utuntur; sunt, qui jeiunent, aut quidpiam gulæ subducant; alij SS. Eucharistiam sumunt; hæc omnia noui ab alijs fuisse peracta: sunt alij, qui plura hoc die audeant. Alexander Lusacius ex illis est; is & Officium de S. Cruce persoluit, & jeiunio se acriùs afflixit, & flagris in se, perquam seuerè animaduertit. Illud in hac re præcipuum est, quòd Deo maximopere gratum sit, hunc honorem ei ipso Dolorum ac Mortis suæ die haberi; quæ ratio inter alias nos imprimis exstimulet, vt hodie statuamus, quid, Christi Mortem ac cruciatus depereuntium imitatione, quauis sextâ Feriâ impòsterum decernere velimus.

B.

B. Petrus Damiani Cardinalis dignus est, quem hic collocemus, utpote qui in Ecclesiâ DEI vsum ita religiosè diem Veneris colendi introduxit, aut rectiùs loquendo reuocavit; idque occasione quadam, ex quâ didicimus quantopere DEVS ijs obsequijs capiatur, quæ hoc die pro honore tormentorum Filij sui suscipiuntur. Hoc certum est, cum approbante Gregorio VII. Pont. Max. per totam Italianam consuetudinem Feriâ V. I. jeiunandi suo tempore introduxisse; hoc, inquam, apud omnes indubitatum est: sed fortassis, quod addam, multi ignorant. Primo die Veneris, quo Religiosos sibi subiectos iussit pro honore Passionis Dominicæ jeiunium instituere, quidam senex de illorum numero, Leo dictus, vir magnæ sanctitatis & rigoris, pridie eius diei mirabili ostento recreabatur: viderat enim templum Religiosis refertum, qui omnes vestibus cælesti quodam candore nitentibus induti, suauissimis modulis illa Hymni verba de S. Cruce.

con-

concinebant: *Crux fidelis, inter omnes arbor una nobilis; nulla filia talem profert, fronde, flore, germine; dulce lignum, dulces clauos, dulce pondus sustinet*: post-hac ad triclinium deductus, omnes illic Religiosos conspiciebat, mensasque omnes panibus oneratas, quorum candor, præstantia, & sapor fuit admirandus: erat vnâ Venerabilis quidam senex, qui rogatus, quid extraordinarij sibi panes tam rari gustûs vellent, respondit eos ex eadem massâ & genere panis esse, quo manna constabat, filijs Israël olim in deserto è cælo submissum: in vltimâ eius spectaculi scenâ vidit mensam illam, in quâ superior ac-cumbebat, ad Occidentem sitam loco moueri, indeque sublatam ad Orientis latus transferri, vbi propè in muro Christi, è Cruce pendentis ac morientis, imago visebatur. a O quàm ingeniosa & admiranda Dei bonitas est, quando vult mortalibus indicio declarare, quâ ex re voluptatem capiat!

a *Surius in vitâ B. Petri Damiani. c. 13.*

EXER-

EXERCITIVM XXXIX.

Pro Sab. V. hebd. Quadrag.

*Paulo ante mensam ab synthium sumere,
ad memoriam felis aceto permixti, quod
Christo fuit in Cruce oblatum, recolenda,
exemplo S. Brigitte.*

DE S. Mechtilde habetur, cum aliquando extra se posita divina pateretur, domum admiranda pulchritudinis eam vidisse, simulque intellexisse, Cor Filij DEI illud esse. Inde humi prostratam ingentem, illic Crucem reperisse, in quam se abiecit: & ecce! confestim de Crucis medio aurea sagitta perquam acuta erupit, eiusque cordi fuit immersa, quam secutæ sunt paucae voces, à Christo sponso eius emissæ: Filia! Mundi totius opes ac deliciae ne vnam quidem animam possunt solidâ delectatione explere; sed omnis eius voluptas ac salus in eo consistit, ut modò hac, modò aliâ

aliâ ratione aliquid aduersi & acerb-
tatis experiatur.

De hac re, Hagiophile, idcirco, tra-
ctare institui, vt in opinione illâ se con-
firmarem, nihil tam esse salubre, quàm
calicem voluntariæ castigationis ob e-
ius amorem exsorbere, qui magnis
haustibus pro te illum exsiccauit: & vt
varietate capiaris, peculiarem tibi po-
tionem miscui, qualem S. Brigitta sibi
attemperauit: ad certas quasdam cor-
poris refectiones illa paulum absynthij
fumebat, vt ciborum gustum corrump-
peret, illâque amaritudinem ob me-
moriam potionis felle mixtæ, quæ IESU
CHRISTO in summâ siti fuit in Cruce
oblata, degustaret. Perfacile est, simi-
lia experiri: initio quidem sensus ab
hac vi sibi illatâ abhorrent; verùm e-
ius recordatio, quæ IESVS eodem sen-
su pertulit, omnem acrimoniam, quæ
inde potest sentiri, quodam melle as-
pergit. Multi sunt tam intra, quàm
extra Religiosas familias, qui in victu
sibi ægrè faciunt, siue in ipsis cibis, siue

in

in sumendi modo id fiat, solo Deo placendi eiusque Filium imitandi studio, qui tenui ac frugali mensâ victitabat: & illâ quadra penitus contenti, etiam parabiles cibos, etsi malè cōditos, malè paratos, & gulæ ingratos pro delicijs habent: age! quid dulcem illis hanc vitam efficit, nisi quòd expendât, quâtam gloriam sui victoria reportet, eius amore suscepta, qui triginta tribus annis hoc vnum egit, vt nostrâ causâ pateretur: isthæc cogitatio totam mentem componit, ac veluti saccharum quodlibet acetum condit, ac domat. Cæsarius ^a refert de Religioso juuene Clareuallensi: qui, quòd olim solitus fuisset delicatius enutrirî, & lautè vitare, cibarium Monasterij panem, qui plerumque probè erat furfure subactus ac durus, non intueri solum, sed etiam de illo cogitare, molestè ferebat; nec persuadere sibi poterat, eo se alimento victurum: nocte igitur quadam Seruator noster ei conspi-

P

CHUS

^a *Lib. 4. Dialog.*

cuus illius panis frustum secum attulit, ac hominem iussit pro cibo sumere: cumque iuuenis causaretur, nullâ se ratione posse tam atro pane vesci; Christus illum ipsum panem sanguine pretiosi lateris sui imbutum, denuo illi comedendum obtulit: quem vt delibavit, gratissimi gustûs, & melle quouis dulciorem fuit expertus: ab eo tempore & panis, & alij cibi omnibus communes, à quibus antea abhorrebat, in delicijs ei fuere, eorûmque gustu recreabatur. Nimirum IESV CHRISTI tam acerbè habiti recordatio, curato mētis vitio, tantos ei animos addebat.

EXERCITIVM XL.

Pro Dom. Palmarum.

*De Christi D. N. pœnis, ac Morte loqui,
& colloqui, exemplo B. Margaritæ filia
Regis Hungaria.*

HAGIOPHILE, in Sanctâ hebdomade versamur, hoc est in illâ, quàm decet nos alijs longè sanctius

etiam

citius transigere : jure profectò Sancta
 appellatur ob mysteriorum, quæ in
 eâ recoluntur, sanctimoniam : sed &
 inde potest Sanctæ nomen tueri, si ra-
 tio piorum operum habeatur, quibus
 Christiani hoc sacro tempore solent
 vacare : omnia sanctitatem spirant :
 frequentantur SS. Sacramenta, absti-
 netur à publico, ludi cessant, luxus ve-
 stium ponitur, offensi redeunt in gra-
 tiam, ac hostibus ignoscunt, Officia
 Diuina & conciones adeuntur, templa
 visuntur, coniuges religiosius castita-
 tem colunt; verbo, alia rerum tunc fa-
 cies est, quàm toto anno reliquo esse
 consuevit. Quòd si oculos ad ea co-
 nijciamus, quæ pietatis ac Dei aman-
 tiores ab ipso huius hebdomadæ exor-
 dio facere amant, longè maiora sancti-
 tatis vestigia deprehendemus: quidam
 ex his arctius sibi jeiunium indicunt;
 alij silendi seueram sibi legem impo-
 nunt; multi admodum sunt, qui aspe-
 riùs suum corpus in priuato recessu
 exercent, dum aut flagris se diuerbe-
 rant,

EXERCITIUM XXXVIII.

Pro die Ven. hebd. V. Quadrag.

*Singulis diebus Veneris pium aliquod opus,
aut austeritatem suscipere, amore Christi
Patientis, qui Fer VI. mortuus est, exem-
plo Alexandri Lusacy.*

S MECHTILDIS nos docet. a Ser-
uatore nostrum tantopere ani-
marum salutem, earum in virtuti-
bus progressum, ac inde securam
gloriam fitire, tantoque desiderio pro-
curare; ut, cum ob immortalis vite, om-
nis tolerantie expertis, conditionem,
ipse per se pati nil amplius posset, vo-
luerit patiendi vices charissimis ami-
corum committere: & quemadmo-
dum mors eius toti mundo fuit salu-
taris, neque ijs solum profuit, qui eo
Patiente vixerunt, sed omnibus, qui
eius fidem amoremque sectati sunt, aut
vsque ad mundi finem sectabuntur: pa-
ri

a Lib. 3. gratia, cap. 35.

si ratione IESV amantium dolores ac
ærumnas optato successu potiri; & bo-
nis quidem id commodi afferre, vt am-
pliores virtutes obtineant, peccatori-
bus autem ad impetrandam veniam,
ac mortuis ad æterna gaudia conciliā-
da, aut certè auctuario quodam cumu-
landa, plurimum conferre.

Hinc flagrans illud Sanctarum men-
tium desiderium exarsit, tolerantia
materiem inquirendi, & vt accuratiùs
hoc efficiant, dies aliquot ei conatu
idoneos deligendi, quales sunt Ferie
VI. memoriæ Christi Patientis palàm
consecratæ; quoniam illo die sumptum
de Seruatore infanti supplicium fuit.
Quando enim IESVS extra omnem
nunc sensum doloris positus est, eius
filij ac membra cupiunt illi in perfe-
rendis duris succedere, ac pares esse: vt
enim DEI Filius voluit suis supplicijs
omnes iuuari; ita hi quoque gaudent,
suam charitatem, quæ patiens est, alijs
esse fructuosam.

Quis ignorat, quantum ij in simili
occa-

occasione, Feriâ præsertim sextâ, tentarint? pacui adeò ex omni Christianorum numero sunt, qui non aliquo genere honoris, pietatis, ac rigoris hos dies afficiant: quidam Officium de S. Cruce dicunt; alij Euangelij partem de Christi morte legunt, vel audiunt; nonnulli flagellis se lacerant; alij cilicio asperâque veste utuntur; sunt, qui jeiunent, aut quidpiam gulæ subducant; alij SS. Eucharistiam sumunt; hæc omnia noui ab alijs fuisse peracta: sunt alij, qui plura hoc die audeant. Alexander Lusacius ex illis est; is & Officium de S. Cruce persoluit, & jeiunio se acrius afflixit, & flagris in se perquam seuerè animaduertit. Illud in hac re præcipuum est, quòd Deo maximopere gratum sit, hunc honorem ei ipso Dolorum ac Mortis suæ die haberi; quæ ratio inter alias nos imprimis exstimulet, vt hodie statuamus, quid, Christi Mortem ac cruciatus depereuntium imitatione, quauis sextâ Feriâ impòsterum decernere velimus.

B.

B. Petrus Damiani Cardinalis dignus est, quem hîc collocemus, utpote qui in Ecclesiâ DEIVSVM ita religiosè diem Veneris colendi introduxit, aut rectiùs loquendo reuocavit; idque occasione quadam, ex quâ didicimus quanto pe-
re DEVS ijs obsequijs capiatur, quæ hoc die pro honore tormentorum Filij sui suscipiuntur. Hoc certum est, eum approbante Gregorio VII. Pont. Max. per totam Italiam consuetudinem Feriâ V. I. jeiunandi suo tempore introduxisse; hoc, inquam, apud omnes indubitatum est: sed fortassis, quod addam, multi ignorant. Primo die Veneris, quo Religiosos sibi subiectos iussit pro honore Passionis Dominicæ jeiunium instituere, quidam senex de illorum numero, Leo dictus, vir magnæ sanctitatis & rigoris, pridie eius diei mirabili ostento recreabatur: viderat enim templum Religiosis refertum, qui omnes vestibus cælesti quodam candore nitentibus induti, suauissimis modulis illa Hymni verba de S. Cruce.

con-

concinebant: *Cruz fidelis, inter omnes arbor una nobilis; nulla filua talem profert, fronde, flore, germine; dulce lignum, dulces clauos, dulce pondus sustinet*: post-hac ad triclinium deductus, omnes illic Religiosos conspiciebat, mensasque omnes panibus oneratas, quorum candor, præstantia, & sapor fuit admirandus: erat vnâ Venerabilis quidam senex, qui rogatus, quid extraordinarij sibi panes tam rari gustûs vellent, respondit eos ex eadem massâ & genere panis esse, quo manna constabat, filijs Israël olim in deserto è cælo submissum: in vltimâ eius spectaculi scenâ vidit mensam illam, in quâ superior ac cumbebat, ad Occidentem sitam loco moueri, indeque sublatam ad Orientis latus transferri, vbi propè in muro Christi, è Cruce pendentis ac morientis, imago visebatur. a O quàm ingeniosa & admiranda Dei bonitas est, quando vult mortalibus indicio declarare, quâ ex re voluptatem capiat!

a *Surius in vitâ B. Petri Damiani. c. 13.*

EXER.

EXERCITIVM XXXIX.

Pro Sab. V. hebd. Quadrag.

*Paulò ante mensam ab synthium sumere,
ad memoriam felis aceto permixti, quod
Christo fuit in Cruce oblatum, recolen-
dam, exemplo S. Brigitte.*

DE S. Mechtilde habetur, cùm
aliquando extra se posita diui-
na pateretur, domum admiran-
dæ pulchritudinis eam vidisse, simul-
que intellexisse, Cor Filij DEI illud es-
se. Inde humi prostratam ingentem,
illic Crucem reperisse, in quam se abie-
cit: & ecce! confestim de Crucis me-
dio aurea sagitta perquam acuta eru-
pit, eiúsque cordi fuit immersa, quam
secutæ sunt paucae voces, à Christo
sponso eius emissæ: Filia! Mundi to-
tius opes ac deliciae ne vnam quidem
animam possunt solidâ delectatione
explere; sed omnis eius voluptas ac sa-
lus in eo consistit, vt modò hac, modò
aliâ

aliâ ratione aliquid aduersi & acerb-
tatis experiatur.

De hac re, Hagiophile, idcirco, tra-
ctare institui, vt in opinione illâ te con-
firmarem, nihil tam esse salubre, quàm
calicem voluntariæ castigationis ob e-
ius amorem exforbere, qui magnis
haustibus pro te illum exsiccauit: & v-
varietate capiaris, peculiarem tibi po-
tionem miscui, qualem S. Brigitta sibi
attemperauit: ad certas quasdam cor-
poris refectiones illa paulum absynthij
fumebat, vt ciborum gustum corrump-
peret, illâque amaritudinem ob me-
moriam potionis felle mixtæ, quæ IESV
CHRISTO in summâ siti fuit in Cruce
oblata, degustaret. Perfacile est, simi-
lia experiri: initio quidem sensus ab
hac vi sibi illatâ abhorrent; verùm e-
ius recordatio, quæ IESVS eodem sen-
su pertulit, omnem acrimoniam, quæ
inde potest sentiri, quodam melle as-
pergit. Multi sunt tam intra, quàm
extra Religiosas familias, qui in victu
sibi ægrè faciunt, siue in ipsis cibis, siue

in sumendi modo id fiat, solo Deo placendi, eiusque Filium imitandi studio, qui tenui ac frugali mensâ victitabat: & illâ quadra penitus contenti, etiam parabiles cibos, etsi malè cōditos, malè paratos, & gulæ ingratos pro delicijs habent: age! quid dulcem illis hanc vitam efficit, nisi quòd expendat, quātam gloriam sui victoria reportet, eius amore suscepta, qui triginta tribus annis hoc vnum egit, vt nostrâ causâ pateretur: isthac cogitatio totam mentem componit, ac veluti saccharum quodlibet acetum condit, ac domat. Cæsarins ^a refert de Religioso juuene Clareuallensi: qui, quòd olim solitus fuisset delicatius enutrirî, & lautè vitare, cibarium Monasterij panem, qui plerumque probè erat furfure subactus ac durus, non intueri solum, sed etiam de illo cogitare, molestè ferebat; nec persuadere sibi poterat, eo se alimento victurum: nocte igitur quadam Seruator noster ei conspi-

P

cuius

^a *Lib. 4. Dialog.*

etiùs transigere : jure profectò Sancta
 appellatur ob mysteriorum, quæ in
 eâ recoluntur, sanctimoniam : sed &
 inde potest Sanctæ nomen tueri, si ra-
 tio piorum operum habeatur, quibus
 Christiani hoc sacro tempore solent
 vacare : omnia sanctitatem spirant :
 frequentantur SS. Sacramenta, absti-
 netur à publico, ludi cessant, luxus ve-
 stium ponitur, offensi redeunt in gra-
 tiam, ac hostibus ignoscunt, Officia
 Diuina & conciones adeuntur, templa
 visuntur, coniuges religiosiùs castita-
 tem colunt; verbo, alia rerum tunc fa-
 cies est, quàm toto anno reliquo esse
 consuevit. Quòd si oculos ad ea co-
 nijciamus, quæ pietatis ac Dei aman-
 tiores ab ipso huius hebdomadæ exor-
 dio facere amant, longè maiora sancti-
 tatis vestigia deprehendemus: quidam
 ex his arctius sibi jeiunium indicunt;
 alij silendi seueram sibi legem impo-
 nunt; multi admodum sunt, qui aspe-
 riùs suum corpus in priuato recessu
 exercent, dum aut flagris se diuerbe-
 rant,

rant, aut in setosâ veste incedunt, aut in nudâ humo, vel nullâ veste exuti, somnum captant: qui fortunæ lautioris sunt, frequenter ac liberaliter stipem egenis erogant: ij, qui aut vanitatem in vestium nitore aucupantur, aut pro suâ conditione splendidiorē cultu præ cæteris incedunt, seposito elegantiori amictu: simplici modestoque habitu utuntur. Porro ex omnibus, quæ per hanc septimanam sumus dicturi, aliquos eorum agnoscemus, qui in Sanctorum eiusmodi operum exercitio excellere; quæ totidem sunt eius amoris documenta, quo Filium Dei amplectuntur, & honoris indicia, quem eius tristissimæ Mortis, ac diris supplicijs exhibent.

Verum hoc loco, Hagiophile, cum nemine altero mihi res, quàm tecum est, ut intelligam, quem delectum pro primo Sanctæ Hebdomadæ die sis factururus: agam tecum, quàm lenissimè possum, sed te quoque decet pro huius temporis sanctitate aliquantò plus aude.

audere. An tibi lubet, S. Elisabetham Lusitaniæ Reginam imitari ? hac totâ septimanâ paupere vestitu tegebatur : si vis eius exemplum sequi, hodie initium fac, & vestes indue non omnino viles, tales enim penes te non toleras, sed simplices ac modestas : memineris hac hebdomade dilectû Patrem, Principem, amabilissimum IESUM tuum, eumque ærumnis & malis obstitum, tibi inuisendum esse : atqui nemo miseros aditurus festino splendidoque cultu se ornat. An non ridiculum indignumque foret, si filius, qui suis sceleribus causam præbuisset, patrem in vincula coniiciendi, mille dolores perferentem, superbo vestitu, vultu hilari, nullâ mœroris significatione, eum solandi animo adiret ? Apage, apage, Hagio-phile, hoc die, ac reliquâ hebdomade, apage has omnes vanitatis illecebras, omnem vestimentorum luxum, omnes latiori colore tinctas vestes !

Animus mihi dictat, hæc omnia te præstiturum, & id insuper., quod B.

Margarita Regis Hungariæ filia faciebat: erat illa IESV CHRISTI suplicijs, ac morti adeò dedita, vt in colloquijs ordinarium illi hoc thema esset: quindecim tamen diebus ante Feriam VI. Maioris Hebdomadæ aliud nihil aut locuta est, aut legit, quàm quæ de Christo Patiente erant. Nimium tibi est, quindecim dies ita transigere: sæpius saltem de illo sermonem institue, omnesque, quibuscum agis, ad hanc materiem pertrahe: iucundum est nobis de ijs rebus loqui, quas diligimus: quòd si tantum animi habeas; noli hodie de re aliâ, quàm istâ tractare; maiorem inde consolationem percipies, quàm tibi persuadeas: atque vtinam tanta tibi contingat, quantam Serenissima Philippa Geldriæ Princeps persensit! illa enim tanto animi sensu de Christi Morte, ac Cruciatibus, vt gratissimo sermonis argumento, loquebatur, vt ad leuissimam mentionem de clavis, de felle, de spinis sui dulcissimi IESV factam, lacrimæ illi, ac centena suspiria erumperent;

perent; nec rarò tantâ concitatione cor illi palpitabat, vt necesse fuerit, ne amoris magnitudine vitæ periculum adiret, prompta remedia afferre. Verùm vt in eiusmodi colloquijs nihil oblectationis quæras; certè illud commodi consequeris, vt Deo rem mirè gratam facias, qui mirum quantum delectetur, de ijs nos loqui, quæ pro nobis egit, ac passus est; non secùs atque nobilis quæpiam matrona, cuius filius procùl abest, maiorem oblectationem capit, si intelligat, filium suum sæpe sui, & coram alijs, & secum meminisse, gratóque animo recolere, quæ ipsa filij causa tulit fecitque, quàm si pretiosa illi munera, gemmas, atque curiosa dona misisset, vt tamen nihil vnquam de matre loqueretur: hinc colligendum Seruator noster, qui cætera sancti amoris iura, & indolem sequi solitus, etiam in hoc capite illa obseruat, tua colloquia, de ipsius tormentis habita, grata sit habiturus: si dubitas, addam, vnde faciliùs id tibi persuadeas.

B. Bonajunta II. Seruorum B. V. Generalis, vir magnæ sanctitatis, in delicijs reputabat, loqui & sermonem de supplicijs & Morte Christi inferre: út-que imminente morte de rebus illis plerumque moribundis esse sermo solet, quas in amore, & sæpius in ore viui ac valentes habuere, ita & ipse vbi mortem vicinam animaduertit, peractâ re diuinâ, Religiosos ad se cõuocatos de suâ morte admonuit, hortatus, vt Seruatoris nostri Passionem singulari studio venerarentur: tum de præcipuis eius capitibus dicere exorsus, vbi ad Crucifixionem deuenit, magnam vim lacrimarum profudit, & velut ipse esset cū IESV, amore suo, in Crucem agendus, brachia in Crucis modum duxit, eoque situ felicem spiritum amantissimo Seruatori suo reddidit, ijs in agone verbis vsus, quæ Christus v-
surpauit: *In manus tuas commendo spiritum meum.* a

a *Ex hist. Ordinis ad an. 1257.*

EXER.

EXERCITIUM XLI.

Pro die Lunæ hebd. Sanctæ.

*Pro honore Passionis Christi noctu inter
preces excubare, exemplo S. Landra-
da Virginis.*

OPTIMA, ratio, de Christi tormē-
tis dolorem concipiendi, est, e-
ius cruciatibus similes experiri:
in quem sensum S. Paulus in suâ ad Phi-
lippenses epistolâ, & ut eos magnitu-
dinem suppliciorum Christo illatorum
aliquâ ratione doceret æstimare, non
aliud ab eis exigebat, nisi ut hoc idem
in se sentirent, quod Iesus illorum
causâ toleravit. S. Eulalia quoque
hanc artem callebat: cùm enim carni-
fices ferreis vngulis corpus eius virgi-
neum foedè laniarent, eos allocuta, &
mici, aiebat, audacter absque metu sæ-
uite; hæc enim carnificina, quâ corpus
meum laceratis, viam ac occasionem

P 5

mihi

a Cap. 2.

mihi præbet, quâ IESV sponsi mei cruciatus in me ipsâ perferre ac degustare possim.

Non equidem dubito, Hagiophile, quin idem cum S. Paulo, & hac sanctâ Heroinâ sentias, atque ideò præter alias molestias, quas pro te IESVS exantlauit, cupias etiam vigilijs exerceri, eius maximè noctis, quâ ipse captus est, multam ille sæpe noctis partem in precibus exigit, quas ad Cælestem suum Patrem de genibus fundebat, futurorum suppliciorum memor, & tui, cui horum fructum ac meritum attribuere cogitabat: quod istè præsertim nocte omnium supremâ, nocte tam crudeli & deplorandâ, in domo Caiphæ fecit; in quâ tot opprobria, iniurias, & incredibiles ignominias deuorauit. An non igitur æquum est, eius amore te etiam cum aliquâ molestiâ excubias agere; eique tres quatuorue horas, aut horæ dimidium somno subtractas impendere, quas aut eius cruciatus tecum expendendo, aut de reddendis ei vicibus cogi-

cogitando, aut alio pietatis exercitio, siue lectione, siue meditatione, siue precibus, ut tibi libuerit, insumas? Non tibi pro exemplo B. Margaritam Regis Hungariæ filiam è S. Dominici Ordine sisto: solebat enim hæc Religiosa Princeps à Feriæ V. Maioris Vespere usque ad Sabbathi sancti noctem insequentem omni sibi cibo & somno interdicere, perpetuò precibus, & rigori corporis toto illo biduo intenta: nimis asperum hoc est; & ut hoc quispiam imitetur, maiori robore, diuinique amoris profectu opus est, quàm tibi suppetat. S. Landradam Virginem, illustri genere, tempore Clotarij Regis ortam, quæ Pipini regio Prætorio Præfecti neptis fuit, tibi duntaxat exhibeo: solebat illa aliquot noctes nudis pedibus, tenuique vestitu, etsi brumale frigus tunc sæuaret, precibus inuigilare; eius deliciae fuere, de IESU amantissimo Sponso suo, & eius admiranda diuinæque patientiæ meditari: non quòd nullam ex his exercitijs molestiam perciperet;

peret; sed amor IESV eorūque recor-
 datio, quæ eius causâ ipse pertulerat,
 omnes huiusmodi voluntarias castiga-
 tiones ei mitigavit. Neque verò IES-
 VS diu distulit è cælo testatum facere,
 quantopere has eius vigilias approba-
 ret: quippe concubiâ nocte, cū ali-
 quando ita precaretur, cælestis genius
 cælesti luce, ac formâ visendus ei ad-
 fuit, Crucemque raræ pulchritudinis
 ac operis eximij, cui nihil simile in ter-
 ris visum, Spiritûs sancti, & Seruatoris
 nostri nomine obtulit, addiditque: En!
 Virgo Regi gloriæ dilecta, hoc munus
 jussu cælestis Sponsi tui tibi afferro, ceu
 pignus sui in te amoris, arrham propē-
 sæ voluntatis, ac donum ab eo profe-
 ctum, qui summo amore animum tuum
 deperit: magno in amore, ac pretio ti-
 bi hoc donum sit, quod tunc maximè,
 cū penes te habueris, ita tibi præsi-
 dio erit, vt neque dæmon, neque fa-
 mes, neque pestis, neque aëris intem-
 peries, nec aliquod infortunium tibi
 possint

a Ex Surio 8. July.

possint formidini & damno esse. Crux ista fuerat tunc saxo imposita, quod confestim euidenti miraculo Crucis formâ insignitum, sequentibus annis talis omnino visa est, qualis ad initium prodigij apparuit.

EXERCITIVM XLII.

Pro die Martis hebd. Sanctæ.

Frequenter de Christi tormentis, & morte cogitare, exemplo B. Agnetis ex Ordine S. Prancisci de Paulâ.

HAGIOPHILE, frequens cogitatio tormentorum Christi præsentissimum aduersus mala omnia remedium est: nihil tam est salubre, quàm sæpe interdiu eorum, quæ IESVS CHRISTVS DEVS & Homo pro nobis passus est, meminisse: vt ait S. Augustinus. *Domine nolo viuere sine vulnere, quia te video vulneratum.* inquit S. Bonauentura. & idem S. Doctor alio lo-

P 7

CO

● Collat. 7.

co afferit, eum, qui assueuerit cogitationes in Christi tormenta defigere, omnia sibi necessaria illic liberaliter inuenire, nec causam habere, aliquid extra IESVM quærendi.

Vt autem huius cogitationis aliquem usum nanciscaris, & vt sæpe tibi recurrat, nihil ita expedit, quàm hac Sanctâ Hebdomade, & imprimis destinato die totum illi se dare: & potest hæc ipsa dies vsui esse. Cogitationes autem eiusmodi oportet esse breues, quæ nonnunquam eximia commoda cogitanti afferunt. In hunc modum B. Agnes monialis ex Ordine Minimarum, centies in die has pauculas voces animo, & ore iterabat: IESVS amor meus Crucifixus est. Illis porrò quisque utatur, quibus maximè affici se senserit: & vt earum subinde admoneamur, consultum est, occasiones captare, & animum in obuiâ imagine ac signo colligere. S. Francisci Seraphici sigillum, quo litteras obsignabat, figuram Crucis præseferebat: & vt multas epistolas

las


las exaravit, ita toties eius memoriæ IESV morientis inCruce recordatio insculpebatur. Thomas Sanchez è Societate nostrâ vir celebris, ac pius schediasma in Horis Diurnis circumferebat, cui hæ voces erant inscriptæ; *IESVS Crucifixus, Virgo MARIA, Sanctissimum Sacramentum*: quâ de causâ necesse fuit, cùm sæpe in die ad recitandas Horas liber ille aperiendus ei esset, eum illius cogitationis admoneri, quâ conscripta vocabula suggerebant, præsertim, quòd credibile sit, hac chartâ eum pro notâ vsum, quousque Horarias preces persoluisse, vt suo tempore illas resumere atque absolvere posset. P. Cæsar Buzæus ad horologij sonum attendebat, illudque tempus sibi ipse indixit, quo Redemptoris sui Mortis meminisset. S. Carolus Borromæus, qui sæpe ad populum dicere consuevit, (vt munus concionandi labor est, qui quotidie aliquid eorum meditari Oratorem sacrum iubet, quæ vult pro concione dicere) statuit, vt hanc de
Morte

Morte Seruatoris cogitationem sibi familiarem redderet, ita opus illud aggredi, vt tertia cuiusque pars concionis in eo argumento versaretur: vnde occasionem nactus est, & per se illud expendendi, & aliorum cogitationibus idem obijciendi, quoties ad populum verba faceret. Ob eandem causam instituit, vt quauis Feria VI. per annum in summo templo de Christi tormentis quispiam peroraret.

Hagiophile, neque capita istiusmodi cogitationum, neque tempus tibi, illas concipiendi, præscribo; sed tuo arbitrio totum permitto: hoc solum dico, si verum est, quod S. Ignatius Martyr & Patriarcha Antiochenus ad Ephesios perscripsit, videlicet semper recentem cuius IESV memoriam habendam: *nollem, inquiebat, vel semel vos respirare, quin memineritis*: Si, inquam ita est, vt est verissimum, tot beneficiorum, quæ ab ipso accepimus, & eius, qui est omni amore dignissimus, habitâ ratione; certè æquum est, vt inter

ter

ter respirandum, quàm sapissimè per diem illud vitæ ipsius mysterium in memoriam reuocemus, quod Christum nobis multò amabiliorem reddidit, nobisque vrgentissimum eius in nos amorem affectumque detexit, qualis in illius SS. Morte comparuit. Adhæc Anna de S. Bartholomæo Carmelitana illo documento, quòd à Christo didicerat, nixa dicebat, si quotidie semel tantummodò eius tormentorum, & charitatis, quæ illum ad hæc perferenda adegit, reminisceremur, quantumcunque id foret, suffecturum, vt salutem & magna à Deo beneficia consequeremur. Si ergo vnica cogitatio quotidie iterata tanti pretij ac meriti plena est; quantum mereberis, si duodecies aut vigesies eam frequentes?



EXER-

EXERCITIUM XLIII.

Pro die Mercur. hebd. Sanctæ.

Diu coram Venerabili Sacramento in templo commemorari, pro honore Dominice Passionis, exemplo B. Ioannæ Lusitanæ.

ANTEA te præmonui, Hagiophile: aut hac hebdomade, aut nunquam aliquid nobis incommodi vltro subeundum, & pro tantis ac tot malis, quæ IESVM afflixere, non nihil perferendum; & ob eam causam dicta est hebdomas Poenalis: quantum ad huius diei molestiam attinet, illa grandis non est: vnâ enim, alterâ, tres horas ante Venerabile Sacramentum flexis genibus, si vires permittunt, aut alio situ corporis morari, dulcis labor est. B. Ioanna Princeps Lusitaniæ noluit tam locupletem bene faciendi occasionem sibi sine fructu elabi; totos enim eius Hebdomadę postremos dies neque

neque noctu, neque interdiu pedem extra templum posuit.

Sed quid tamdiu in templo agendum? qui precari & colloqui cum Deo nouit, nihil de prolixitate temporis queretur. Occupatio omnium vtilissima, meo quidem iudicio, erit, aut Orationes temporis aptas, Officium de S. Cruce, Litanias de Passione Christi, quatuor Euangelia, vbi de illâ agunt, recitare; aut præcipua Mysteria Christi Patientis meditari, admixtis interim affectibus, qui possunt inde concitari, nunc tristitiæ, ob tam diram crudelitatem, in mitissimum mortalium exercitum; nunc doloris, ob admissa peccata, ceu illius sæuitiæ causam; nunc gaudij, ob Redemptionem tam copiosam, quandoquidem vnica gutta SS. Sanguinis Christi pro nobis effusa ad centum myriades mundorum, longè hoc nostro Orbe nocentiorum, redimendas suffecisset; vnicum suspirium, vnus oculorum nictus fuisset satis, ad infinitos mundos grauissimorum scelerum reos

reos in gratiam recipiendos; nunc admirationis, ob id, quòd, cum Pater æternus ei optionem, ut ait Rupertus Abbas, dedisset, ad nos vel cum maiestate, honorum, dignitatum, ac deliciarum copiâ descendendi, ut nos ab exitio erueret, aut certè in conditione paupere, contemptâ, miserijs & molestijs respersâ, hoc posterius vitæ genus prætulert, omni splendore, & magnifico apparatu insuper habito. Est sanè quod admireris, quod minutim accuratâ consideratione in minimis Christi, tristissima perferentis, actionibus scrutentis: hæc est bonarum mentium abyssus, in quam priusquam se demittant, non comprehendunt, nec deinceps unquam diuini amoris immensitatem, & titulos, quibus ei sumus obstricti, assequuntur. Cæterum, ut olim B. Victoria dicebat, quæ Monialium Cælestium Ordinem instituit, neque suorum amatorum cuiusquam ille potestatem permittit, ad viuum omnia comprehendendi, quæ in eius Tormentis continentur: quòd

quòd videlicet hæc vna cogitatio vel obiter tantum in animum admissa, accedente insuper amore, quo in Deum feruntur, præsentem ijs mortem inferret.

Fortassis idem mihi respondebis, quod alius mihi quondam jactabat, videlicet, te ita esse à naturâ comparatum, ut momento intuearis, quidquid dici, aut cogitari de quopiam Mystero potest, & idcirco te tamdiu versari in vno loco non posse. Quid ais? quæso te, num etiam omnes illicò affectus in promptu habes, qui elici è præclarâ illâ amplâque cognitione queant? num omnibus ijs inhæres? non ita res deproperari potest, ut tu ais: antequam affectum amoris, fiduciæ, spei, fidei, adorationis, admirationis, commiserationis, propositum imitandi, desiderium, ut mortales omnes huic amorì respondeant, dolorem ob commissas culpas, quæ, ceu carnifices, eam in Dei Filium tyrannidem exercuere, elicias, crede mihi, priusquam hæc omnia discutias,

scutias, multū temporis elabetur: quòd si totam seriem per præcipuas & minutas actiones Christi Passi velis euoluere, ac in singulis omnes amoris supputationes facere, non vna hora, imo nec altera tibi sufficiet: adhæc in vnâ eadémque re, in vno eodémque gestu mille diuersæ cogitationes se offerent: & qui hodie exquisitam eruit, cras Deus illi vberiores dabit. Non capio me, quoties mecum illam tantum cogitationum & contemplationum diuersitatem considero, quâ Sancti viri solam SS. Capitis inclinationem Christi è Cruce pendentis fuere profecuti: quid de reliquis actionibus, ac tota Christi Patientis historiâ cogitemus? *Et inclinato capite emisit Spiritum.* ^a Audi quàm diuersimodè hunc vnicum Iesum morientis gestum sancti pertractarint; & posthac gloriari desine, vno te obtutu videre ac perspicere, quidquid in aliquo Mysterio continetur. S. Athanasius, ^b ait, absoluto jam Redemptio-

^a Io. 19, ^b Quæst. 76. ad antio.

ptionis Myſterio nihil niſi mortem de-
 fuiſſe, quæ & ipſa ſuo officio perfuncta
 fit, poſtquam DEI Filius, vt mortis ac
 vitæ Dominus, muneris explendi po-
 reſtatem illi fecerit: atque ita facto ca-
 pitis annutu Chriſtum obijſſe. S. Bern-
 ardus a ſentit, eum caput inclinâſſe,
 vt Patri ſuo Cæleſti ſignum obſequen-
 tis, & ad nutum eius parati filij exhibe-
 ret. Quidam ex Aſoetis credidit, id-
 circo eum Caput demijſiſſe, velut eo
 corporis habitu tam honoratum titu-
 lum recuſaret, qui ſupra Caput affixus
 erat, non aliud imperium, quàm no-
 ſtrorum cordium affectans. Hodier-
 nus quidam auctor ad alium ſenſum
 traducit, aſſerens, hunc actum Adora-
 tionis Patri exhibitæ fuiſſe, quo gratias
 ei egerit pro facultate, quam ipſi de-
 dit, pro ſalute hominum moriendi. A-
 lius iſto antiquior cauſam inclinati Ca-
 pitis affirmat fuiſſe deſiderium, quo
 cupiebat Matrem ſuam ad Crucis pe-
 dem ſtantem intueri, atque ita ſupre-
 mum

a *Serm. de Paſſione.*

num vale illi dicere : quam quod videret adeo afflictam, idcirco tam enormem tunc eum dolorem percepisse, ut statim exspiraret, illo tam tristi Matris suae charissimae aspectu mortem illi accelerante. Alius meditatus est, eum moriturum Caput submisisse, ut extremam suam paupertatem ostenderet ; quando non habuit, in quod suum caput reclinaret, viuis ac moriturus omnis quietis expers, juxta illud : *a Filius hominis non habet, ubi Caput suum reclinet.* Laurentius Iustinianus aliter sentit, putatque eum Caput inclinasse, ut mortalibus eo signo innueret, se noxas illis omnes condonare : *Caput suum Mediator inclinavit ad indulgentiam.* Virgilius scripsit, eum ideo Caput primum habuisse, ut amicis suis bene precaretur : & cum manus eius essent impeditae, Capite ad eam rem usum, quod solum in potestate habuit. A quo piam, didici, eum Capite propendisse, ut mundo valediceret, illudque inclinando

do dicere voluisse: Vale munde perfide! munde fallax & crudelis, qui tam indignis modis tuum Conditorum tra-
 ctaſti, vt eum Cruci affigeres: vale munde!
Et inclinato Capite emiſit Spiritum.
 Eccleſiaſtes quidam pro concione dixit, inclinati capitis hanc cauſam fuiſſe, vt circumſpiceret ſeipſum, num in toto SS. ſuo Corpore pars vlla ſuper-
 eſſet, quæ ſaucia non eſſet: cūque vi-
 diſſet latus & pectus adhuc illæſum, capitis nutu ſignificāſſe, illam etiam partem vulnerandam eſſe: & reipſa vulnus à lanceā ex illā parte accepit.
 Alio loco dixi, quod Onuphrius Mareſchallus crediderit, Caput eum curuāſſe, vt honorem Nomini Ieſu, tituli loco ſupra caput ſuum affixo, haberet.
 Ego cum S. Bernardo & S. Auguſtino dicam, hoc factum ab eo fuiſſe, vt nos ad ſe amandum inuitaret, in eum finem moriturum locum illum aſpexiſſe, quo vulnus poſtea debuit eius Cordi infligi: veluti docere nos voluiſſet, hoc eſſe amoris vulnus, hanc eſſe latebram,

tebram, vbi nostri sint amores collocandi, in quam mens nostra per eorum, quæ pro nobis tulit, recordationem sedeat. *Inspice vulnera, cor habet apertum ad diligendum.* a DEVM bonum! quàm præclaræ ac diuersæ cogitationes de vno Capitis inflexi gestu prodierunt!

Hagiophile, nondum te poenitet, paulò antè tam friuolum te mihi responsum dedisse? post hæc tamen omnia, licet sis planè conuictus, si insuper moroso vultu abnuis, omitte ista. Si verò bene farta tibi crumena est; hodie, cras, ac perendie liberalem stipem in miseros eroga, ob illius amorem, qui hoc sacro tempore liberaliter pretiosum sanguinem suum ad vltimam vsque guttam tibi propinauit. Hoc S. Elisabetha Lusitaniæ Regina toto Quadragesimæ tempore ad dictum finem agere solebat: at tibi Quadragesima tota nimis caro hac ratione stetisset; sufficiet, hoc triduo, aut ad summum, hodie te esse liberalem.

a S. Bern. S. August. lib. de Virg. c. 44.
EXER.

EXERCITIVM XLIV.

Pro Fer. V. Maiori.

Pedes aliquorum pauperum abluere, ad honorem Christi Patientis, exemplo S. Isabella, Sororis S. Ludouici.

Vix audeo, Hagiophile, de pedibus hoc sancto die lauandis apud te mentionem facere; etsi DEI Filius Apostolis suis, ipsi etiam lude, abluerit, ut inde SS. Passionem suam auspicaretur, raræ ac inauditæ humilitatis exemplo, nobis ad imitandum relicto; si quidem commoditas imitandi non desit: cur verò facere id cuncter, naturalis horror facit, quo solemus vitia huiuscemodi opera fastidire, ut quæ nostram conditionem dedeceant, si gradu quopiam celsiore intet homines eminemus. Nihilominus quando mecum reputo, Reges ipsos ac Reginas, Præsules, nobilissimas matronas eò se ob IESV CHRISTI Seruatoris sui amo-

rem demisisse ; non grauabor , postquam eorum tibi exempla exhibuero, hoc etiam pietatis exercitium cæteris adiungere , quæ Dei Filio pro nobis Passo consecrantur.

Semper huius pietatis vsus viguit, postquam Dei Filius isto facto sua tormenta initiauit : & vt non nisi posteriora sæcula excutiam, S. Ludouicus Galliaæ Rex multis pauperibus quouis per annum Sabbatho pedes abluebat, e viginti sex, quos prandio adhibuit, habito quorundam delectur.

S. Elisabetha Lusitaniaæ Regina idem quauis per Quadragesimam Feriâ VI. tredecim egentibus feminis obsequiū præstabat : cūmq; die quodam vna ex illis adesset, quæ carcinomate infectam tibiam habebat, vlcus eius osculata confestim ei sanitatem reddidit.

S. Andreas Carmelita, qui postea Præsul magnæ sanctitatis fuit, omnes per annum Ferias VI. pro hoc charitatis officio certis egentibus exhibendo delegit : in quibus cū aliquando quidam

dam vlceribus plenus fuisset repertus, perfectam sanitatem, post ablutos à sancto Antistite pedes, recepit.

Aliqui tamen hoc genus obsequij hac potissimum Feriâ sibi malunt imponere, haud dubiè ob illam causam, vt maiori cultu tam sacram diem afficiant, qui simili Seruatoris nostri spontaneâ abiectione fuit consecratus. S. Isabella Soror vnica S. Ludouici Regis Feriâ V. Maiori hoc Christianæ submissionis opus erga tredecim inopes mulieres exercere solita fuit, eo numero totidem Apostolis honorem habitura: quo peracto ipsamet mensæ accumbentibus inseruiebat, singulisque triginta solidos, seu Francicos asses, ad recolendum triginta denariorum pretium, quo Christus fuit à Iudâ proditore venditus, pro stipe numerauit. S. Ioanna Lusitaniæ Regina itidem quouis anno hac Feriâ duodecim feminarum, omnium, quæ poterant haberi egentissimarum, pedes lauit.

Robertus Rex trecentos eo die pau-

Q 3

peres.

peres mensæ adhibuit, quibus ipsemet flexis genibus omnia ministrabat: dein duodecim Sacerdotibus pedes abluit, quibus manu suâ eleemosynam porrigebat; quod & egentibus conuiuio fecit.

Hodie, Deo sint laudes, tot sunt Canonorum Collegia, Coetus, Ordines & Sodalitates, quibus hoc sanctum exercitium in usu est; præter priuatos homines, qui ei operi domi suæ vacant, vt necesse minimè videatur, pluribus verbis eam rem commendare. Hoc addi à me possit, ei, qui quocunque demum colore id præstare non queat, auctorem me esse, vt alteri cuidam Christiano facinori hoc die det operam: singula templa ac sacella obire, vbi intra urbem Venerabile Sacramentum exponitur, laudandum opus est; & solent Christiani singulari sensu pietatis perquam frequentes hodie in templis esse. Cui parùm hoc est, poterit hodie saltem, nisi velit etiam crastinum diem adiungere, seuerum linguæ suæ silentium

tum imperare, ut nulli absque necessitate loquatur, sed in sanctâ quadam solitudine, pijs cogitationibus, colloquijs ac sermocinatione cum Deo occupatus, se contineat. Hunc morem Sanctus ille Aruernensis Episcopus per singulos Quadragesimæ dies tenuit; quem tamen Feriâ V. & VI. Maiori multò rigidiùs obseruabat.

EXERCITIUM XLV.

Pro die Parasceues.

*Magnam corporis austeritatem subire.
ieiunando, aut corpus affligendo, exemplo
S. Hedvigis Principis.*

HAGIOPHILE, hodie planè aliquid audendum est, & IESV CHRISTI amore quiddam amplius amori indulgendum: dies nimis sacer & religiosus est; detrectare non potes: ecce! diem agimus immodico sanctoque Filij Dei amore insignem: quid pium pectus, quod Christi amo-

Q 4

rem

rem profitetur & jactat, agere aliud possit huic diuino amorì maximè conforme, quàm paria tentare, & aliquà saltem ratione in amando modum excedere?

Explanabo tibi, qualiter Christi amor excederit; vnde discas tui etiam amoris mensuram capere; etsi; vt rectius loquamur, nullos deceat nos in amando illo, eiusque causâ aduersa tolerando fines tenere, quando nec ipse patientissimus amator modum seruauit. Atque idcirco tantò libentius hac voce, *Excessus*, vtar, quòd obseruem, eam ab Euangelistâ adhiberi, & ubi colloquium Christi cum Moyse & Eliâ in monte Thabor institutum exponit, *Dicebant excessum eius*, aut vt S. Hieronymus vertit, *Loquebantur de excessu eius*. At enim qualis hic *Excessus*, de quo inter se colloquuntur? S. Cyrillus ait, hunc bonitatis in Seruatore nostro excessum esse, quem in assumenda nostrâ carne ostendit. S. Augustinus credit, hunc esse excessum poenarum

a Luc. 9.

rum & suppliciorum, quæ perferre debuit. S. Chrysoſtomus exiſtimat, exceſſum incredibilis humilitatis toto, quo patiebatur, tempore fuiſſe. S. Bernardus affirmat, fuiſſe paupertatis exceſſum, quando voluit omnino nudus in Cruce mori, omnium ſpectantium oculis expoſitus. Audi nunc, quid S. Ambroſius *a* & S. Hilarius *b* hac de re ſentiant; quibus & ego me adiungor in hoc enim potiùs, quàm omnibus alijs eius geſtis exceſſus amoris apparet, utpote in quo contineatur, quidquid egit, aut agere ac pati cupiebat, ſi per ſuum Patrem ei licuiſſet. Loquebantur, aiunt iſti, de hoc admirando charitatis exceſſu, verbis illis comprehenſo, quæ in Cruce protulit, Patrem, inclamans: *Deus, Deus meus! quare me dereliquiſti?* *c* velut dicere ac amanter expoſtulare voluiſſet, quòd ſibi pro mortalibus plura tolerare conſeſſum non eſſet: perſpexerat IESVS, actum

Q 3

jam

a In cap. 23. S. Luca. *b* In Matthæum. item Mag. ſentent. in 3. diſt. 21.

c Matth. 27.

jam de suâ vitâ esse, sibi que viuendi finem imminere; jam sensit vires sibi deficere, ac sanguine omni penitus è venis profuso, nihil superesse: desiderabat interim, diutiùs pro animarum salute maiora supplicia & longè diriores cruciatus sufferre: atque hoc desiderium tam immodicum, hic amor omni admiratione maior has ab eo voces expressit: *Deus, Deus meus! quare me dereliquisti?* Deus meus! Pater meus! potes etiam post omnium dolorum incrementum vitam mihi prorogare, vt mihi spatium suppetat, tristiora pro humano genere perferendi, quod arctissimo amore complector: exiguum iudico, quidquid illorum causâ sustinui. Ah! Pater mi! cur petitioni meæ non annuis, cùm in hanc horam, quidquid à te postulauì, protinùs impetrârim? Deus meus! Pater meus! cur me dereliquisti? Pater mi! vitam mihi in Oliuarum horto conseruâsti, vbi debebam præ tristitiâ & sanguineo sudore mori: in Prætorio miraculo mihi
vitam

vitam sustentâsti, quam præ magnitudine dolorum, quos flagellatio, & corona è spinis capiti crudeliter impressa, intulêre, amittere necesse fuerat: atqui nunc æquè omnipotens es, ac tunc fuisti; amor tuus aduersus me, vt & in cæteros mortales, fratres meos, nihil est subinde imminutus: ergo & nunc in gratiam Filij tui, & gregis mei miraculum hoc ede: patere, quæso, etiamnum me pati, atque animam in corpore tantisper retine, ne tam citò discedat; nondum satis fui ærumnarum perpeffus: vísne vt hinc inuitus discedam, neque priùs amoris meo satisfaciam? Deus! Deus meus! vt quid me dereliquisti? Pater mi! erit olim, cùm seruis tuis vitam ad perferenda supplicia liberaliter prorogabis, vt illis tempus indulgeas, quod prolixâ malorum tolerantiâ fortiter impendant: vires igni subtrahes, ne sæuire in eos possit; gladiatorum acies hebetabis, vt vitam retineant; illorum causâ mira patrabis, & ipsas naturæ leges violabis: Clementis

Ancyranī vitam ipsos viginti annos
olim inter perpetua, ac identidem re-
centia tormenta, quibus quotidie ex-
cruciabitur, sustentabis; etsi multa il-
lorum præsentem illi poterunt mor-
tem afferre: & mortem eius ad maiora
supplicia diutius tui amore ferenda
differes. Ah! Pater amantissime! cur
non idem mihi beneficium impertis,
mihi, qui æquè te amo, mihi, qui eodem
studio in tuam gloriam feror? si in hac
causâ nolis mihi morem gerere, an non
satis causæ habeo, vocem extollendi,
tibiq; denuo ingeminandi: *Deus meus!*
Deus meus; ut quid me dereliquisti? Pa-
ter mi! hominum amore sum homo fa-
ctus; adhuc præter modicum in stabu-
lo frigus, cum fui in lucem editus, ni-
hil tuli: non nisi triginta tres annos in-
ter ipsos exegi, incommodis perquam
levibus oneratus: pro cibo ac potu ni-
hil illis quàm Corpus & Sanguinem
meum dedi: viginti quatuor duntaxat
horæ sunt, quibus pro ipsis excrucior;
ac tamen si supplicia sint acerba, brevi-
tate

EXERCITIUM XLV. 345

tate tamen temporis mitigantur. Vide
quæso, num in his omnibus aliquid
meo pro illis laborandi desiderio queat
par esse: parùm hoc est, mi Pater! si
cum illo igne comparetur, quo cor
meum æstuat, illis palàm testandi, me
totum esse illorum saluti deuotum, ac
illius summo desiderio accensum: ni-
hilne potero à tuâ bonitate obtinere;
seruique citiùs petita, quàm Filius fa-
milias, consequentur? an non ego sum
vnigenitus, dilectus, vnicè tibi charus?
an non ille ego sum, qui ab omni retrò
æternitate à te exiui & requieui in sinu
tuo? sine igitur, me hominum, ac tui a-
more non viginti & octo annis, (hanc
enim metam vni seruorum tuorum
concedes) sed vigesies & octies cente-
nis, sed millenis annis, aut saltem ad
mundi finem vsque cruciari, Pater mi!
en desideria mea, en preces subiectio-
ne debitâ profusas! & quoniam video
votorum meorum me compotem non
factum, idcirco exclamare cogor: *Deus*
meus! Deus meus! ut quid me dereliqui-

Q?

sti?

ſi? Pater mi! ſancti olim in extremi Iudicij magno die deijs conquerentur, à quibus retracti ac impediti fuêre, quò minùs pro tuâ gloriâ, ſuâ ſalute, ac bono proximi laborarent ampliùs, ac plura ſuſtinerent: ſtabunt juſti in magnâ conſtantiâ aduerſus eos, qui ſe anguſtiauerunt, & qui abſtulerunt labores eorum. a Ah! quantos clamores aduerſus eos extollent, qui abſciſſâ vitæ longioris morâ, eos fecerunt malorum impotes, & laboris ſudorisque omnis expertes! atque hæc illorum querela fauentes apud te aures habebit: cur non & me pari gratiâ eadem poſtulantem clamântemque audias, ſi amanter prophetiſis illis proavi mei vocibus querar: Deus meus! Deus meus! ut quid me dereliquiſti? b

Hagiophile, hic eſt ille amoris exceſſus, de quo ante prophetico ſpiritu Moſes & Elias in monte Thabor ſunt collocuti; hic eſt exceſſus IESU CHRISTI in die Mortis ſuæ; hic eſt exceſſus

Amo.

a Sap. 5. b Pſal. 21.

Amoris hac Feriâ VI. patratus. Si itaque modum amandi amantissimus Servator omni imitatione dignus excessit, decet te quoque hodie limites transire, cuius rei præclaram occasionem habes: Deus, Angeli & homines, qui id viderint, hoc facto intelligent, num IESVM ames: quid à me expectas audire? an vt te jubeam generosum aliquod facinus aggredi? magnæ offensæ ac ignominix veniam ex integro te dare? hoc sanè S. Ioannes Gualbertus nobilis Florentinus est ausus, qui ab hoste veniam per IESV CHRISTI amorem rogatus, ipsi ob eam causam ex animo ignovit: quod facinus DEI Filio tam fuit acceptum, vt, quamprimum Gualbertus in genua coram Crucifixi imagine se prostravit, imago prodigiosè caput submiserit, velut gratias illi ob tam heroicam hosti suâ causâ impensam humanitatem egisset.

An verò auscultas, num de rigido jeiunio tibi dicam? quale esset, quod pane & aquâ suscipitur: fuitque à S. Hed.

Hedwige Poloniae Principe vſurpatum, quæ non hoc ſolùm die, ſed quauis Feriâ VI. totius anni ita ieiunium coluit: eum rigorem Deus miraculo probauit; quando Dux maritus eius, qui minimè illius pietate capiebatur, volebâtq; eius potum explorare, perſuaſus, neque falſò, aquam ab eâ bibi, guſtando ſenſit ſe generoſum vinum delibâſſe: plures alij hac Feriâ VI. eodem exemplo non niſi pane & aqua victitant. Traditur, S. Iacobum Minorem in Cœnâ vltimâ ſanctè jurâſſe, cibum ſe, neque potum admiſſurum priùs, quàm Dei Filius reſurrexiſſet; eique poſtea Chriſtum ſeoriſim ſe videndum præbuiſſe, vt loqui S. Paulus videtur. Hoc ieiunium magnum vocant, quoniam à Feriæ V. maioris Veſpere vſque ad Sabbathi ſequentis crepuſculum nihil omnino cibi ſumitur. S. Margarita Hungarica hoc religioſè obſeruabat, vt & Stephana Seraphina ex Ordine S. Franciſci; niſi quòd iſta fellis aliquid deguſtaret, vt eo facto

Chriſto

Christo se conformaret. Sed nos magnum hoc jeiunium miremur tantum: laudandum potius est, quam imitandum: satis foret, die Parasceves præter aquam & panem nihil se alimenti admittere.

An putas, me de severâ sui ipsius diuerberatione, de aspero cilicio, aut similibus, asperitatibus tibi auctorem fore? hanc sui diuexationem sancti sæpe toto anno adhibuerunt, ad memoriam cruentæ flagellationis Christi, aliorumque dolorum, eorum imprimis, quos die Parasceves sustinuit, recolendam. Horum è numero S. Catharina Senensis fuit, quæ ter in die flagrum catenamque ferream corripuit, seque qualibet vice prope per sesqui horam tam inclementer concidit, ut ex omni parte sanguis deflueret; ut videlicet, quæ admodum ipsa dicebat, ei vicem redderet, qui suum omnem pro ipsâ effudit. B. P. Casparus Bonus adeo sanctè hunc morem tenuit, ut die Parasceves, etsi gravis eum morbus lecto affigeret, inde

inde se leuaret, seque tam atrociter flagris exciperet, vt humi prostratus sit à suis repertus, humeris vndique sanguine manantibus. Ad hanc classem etiam B. Columba Reatina Ordinis S. Dominici spectat, quæ à quinto ætatis anno ad dura pro IESV sufferenda se assuefecit, sæpissime cilicio è pilis equorum texto incincta: huc etiam P. Franciscum Arnam è nostrâ Societate referamus, virum opinone sanctitatis illustrem, qui, præterquam quòd singulis hebdomadibus tres totos dies cilicio esset indutus, toto Aduentûs & Quadragesimæ tempore neque noctu, neque interdiu vnquam illud exuit. In his omnibus admirari istorum excessum amoris possumus, non verò imitari, nisi quantum nostræ vires, & illorum, qui animæ nostræ curam gerunt, auctoritas nobis permittunt: atque iste tã in hoc capite, quàm alijs animi mei sensus est. De reliquo satísne clarè videor tibi meam mentem explicasse? ostendi equidem, in quibus rebus possit

sit

sit flamma diuini amoris, quæ in se ar-
 det, luculentiùs erumpere : tu modò
 audacter prudentérq; age, quod Deus
 tibi faciendum dictârit. Omnino Ie-
 sys tam eximiè de nobis est meritus, vt
 eius causâ semel in anno, & hoc die,,
 qui nihil nisi sanctitatem & dolores
 spirat, eius exundantem charitatem
 imitandi studio, omnes difficultates
 perfringas : atq; idcirco quidquid fa-
 cere decreueris, magnâ tui abiectiõne
 aggredere, ac tecum statue, peccata
 tua sæuiiores longè cruciatus prome-
 ruisse; neq; puta, te aliquid eximium
 præstitisse: quantacunque enim con-
 tentione neruos ac pietatem intendas,
 parum atque exile tamen id erit : tan-
 tillum est, quidquid mortales agant,,
 si cum ijs comparetur, quæ Iesus illo-
 rum amore peregit. Et quid est vnus
 dici tolerantia, ieiunium pane & aquâ
 contentum, asperitas centenorum
 ictuum flagelli, è funiculis, aut serico
 texti, cilicij paulò molestiores aculei,
 aut setosæ vestis duodecim horis tole-
 rata

ratae punitiones? quàm exile hoc totum pro IESU est, pro quo, si nobis esset concessum, totâ Æternitate, aut certè vitæ nostræ dimidio, essent omnes cruciatus perferendi. O quàm præclarum sanctumque responsum Mariæ Diazia fuit, quæ cùm aliquando cum S. Terefiâ de felicitate, quam animæ nostræ ex DEI intuitu percipient, colloqueretur, ac S. Teresia pro se diceret, se mori percupere, vt eò citiùs recreare se aspectu dilecti sui Sponsi posset, at ego, respondit, vehementer cupio mihi vitæ spatium extendi, vt excerci diutiùs aduersis possim; quando nobis Æternitas ad tolerandum pro Deo nõ est ita concessa, quemadmodum ad eum amandum ac videndum consequemur! Hagiophile, quid tu ad hoc responsum? & de rigore vnius jeiunii ac flagelli, de cilicij morsu unculâ conquerere: diu tecum luctare, num parvum & perexiguum incommodum ad unum diem subeas, qui ambire potiùs tota sæcula deberes dolorum toleran-
tia

tia ob DEI amorem consecranda, quā
tui amore mortuus, felicem interim
tibi Æternitatem comparauit.

EXERCITIUM XLVI.

Pro Sab. Sancto.

*Singulari affectu DEI Matris solitudinem
prosequi, in quā toto illo tempore vixit, quo
SS. Corpus Christi in sepulchro fuit, ex-
emplo S. Bonaventura.*

SERAPHICVS Doctō S. Bonaventura
æternā laude dignus est, tum ob
singulare in DEI Matrem studium,
honoremque quo eius sanctæ vitæ my-
steria fuit persecutus, tum maxime ob
affectum, quo eius solitudinem, Filio
in sepulchro latente, colebat. De hoc
argumento quoddam officium com-
posuit, cui nomen, *de Compassione glo-
riosa Virginis*, prorsus hoc Sabbatho
sancto dicendum, utpote die magnæ
illius ac primæ solitudinis, quæ illam
à Filio abstraxit. Illud Officium inter
Sancti

sancti illius viri opera habetur, vti etiam in Manuali precum, huius temporis pietati seruientium. Si iusto tibi prolixius illud Officium videtur, poteris ei Rosarium quinque decadum ad honorem B. V. substituere, animo interim tristia mysteria recolente. Equites Ordinis à stellâ dicti, quem Robertus Rex inchoauit, olim lege tenebantur, hoc quinque decadum Rosarium ad colendam Cæli Reginam dicere. *a*

Hagiophile, si Officio illo de Compassione DEI Matris careas, aut à longis precibus abhorreas, paratus sum tuo me genio accommodare; neque me difficilem in assignandâ ad diem hunc tam sanctum occupatione habebis. Dixi in Octauâ, mense Aprili occurrente, & Deiparæ honori consecratâ, cum de cōmiseratione agerem, quâ sit illius doloribus indolendum, 16. die eiusdem mensis, *b* quid agere S. Brigitta hac ipsa occasione consueuerit

a Fauinus lib. 4. thea. honoris.

b Paradis. Apert. cap. 4. Exerc. 1.

rit; quod & nos poterimus facere, eo planè modo, quem illo loco adduxi, ut ritè sanctum hoc Sabbathum colamus, Hoc loco S. Mechtildis duntaxat pium studium commemorabo, eo ipso tempore ab illâ Christo impensum, quo Ecclesia Servatoris in sepulchro jacentis memoriam recolit: tunc enim, ô delictum cordis mei! aiebat, utinam anima mea nunc ex ebore esset, illamque tibi possem pro sepulchro aptare, ut, te, quàm maximo apparatu, honore, pompâque omnium mearum interiorum facultatum in eo tumularem! Si verò nolis aliam cogitationem hodie animo versare, quàm de DEI Matre, ac doloris eius gladio; tres considerationes huc appono, quæ tibi extremum dolorem explicent, quo B. Virgo in diurnâ illâ solitudine fuit affecta; pròque totidem Meditationis hodie obeundæ capitibus inseruiant.

I. Magnum fuisse illum dolorem, necesse est, quoniam ex rebus omnibus

a Lib. 2. gratia cap. 16.

bus creatis omnium amabilissimam
 perdidit, quæ tamen ad eam tanto ju-
 re spectabat, quàmque illa ultra om-
 nium matrum amores teneriùs dilige-
 bat. *Nullus dolor amarior, quia nulla pro-
 lis charior,* ait S. Bouaventura: & tan-
 to dolore afficiebatur, vt tota in lacri-
 mis nataret, vt S. Bernardus loquitur. *b*
 Deus etiam quibusdam Contemplatio-
 nis studiosis aperuit, eam præ amore
 & commiseratione, quâ Filij moribun-
 di & mortuû mala deplorabat, triginta
 lacrimarum millia & nongentas pro-
 fudisse, quarum multæ, vt S. Germa-
 nus ait, sanguineæ fuere.

II. Oportuit, summum eum dolo-
 rem fuisse, sola enim ad Crucis pedem,
 ac in illâ solitudine plura pertulit,
 quàm omnes SS. Martyres sint vnquam
 perpeffi, si S. Anselmo tribuenda sit
 fides: *Quidquid crudelitatis corporibus
 Martyrum influctum est, leue, aut potius
 nihil est, conparatione sua Passionis.* *c*
 Marty-

a In Officio de Compass. B. V.

b In planctu B. V. c Lib de Excell. Virg. cap. 5.

Martyres prius corpore affligebantur, deinde animo; at MARIA in animâ captos dolores, postea per Sympathiam redundantes etiam in corpore perferens. Cor eius, quemadmodum eleganter S. Laurentius Iustinianus disserit, & tunc prorsus simile nitenti speculo fuit. Si hominem saucium speculo admoveas, imago illic exhibita intus omnia tibi ostendet, quæ foris fiunt; si læsus manet sanguine, si colorem in vultu mutet, omnia in speculo videbis. Tale omnino speculum animatum, Cor MARIE fuit; speculum fuit Filij sui morientis, funium, spinarum, claudorum, dolorum & ipsius mortis: hæc omnia comparuere in Corde Virginis, ac sensu percepta, velut in animato vivoque speculo, fuerunt; ipsam etiam mortem illic representatam vidisses. Cor MARIE aut ille, clarissimum Passionis Speculum, & perfecta mortis imago effecta est. Ipsa DEI Mater olim S. Brigittæ significavit, Filio suo mortuo ac

R

sepul-

a *Lib. de triumphali agone.*

sepulto idem fuisse, atq; si duo corpora fuissent eodē sepulchro tecta: se fuisse veluti mortuam, neq; pati post mortē Filij sui desijisse, siue quòd eius iacturā, ac præteritorum suppliciorum, quæ Filio illata etiam nū eius animo obuersabatur, meminisset, siue quòd cōtumelias mortuo etiam Filij sui Corpori irrogatas, ipsa persentisceret. Quam ob causam Landspergius asseuerauit, Matrem similem omnino dolorem ictu lanceæ, quo Iesus post mortem est cōfossus, fuisse expertam, qualem eius Filius percepisset, si adhuc viuenti fuisset illud vulnus factum.

III. Summus vique & incredibilis ille dolor fuit: equidem Dei Mater et si in partu nihil sit doloris ac molestiæ perpeffa; luculenter tamen illud ad pedem Crucis compensauit, vt Rupertus Abbas ait: amisit enim eum, quem ipsa Patris, Sponsi, Filij, & omnium rerum loco habuit. Ipsa S. Anselmi ore lamentatur: *Nunc orbor patre, viduor sponso, desolor prole, omnia perdo, te vno perdisse.* Hoc est, quod eam ad extremam

orbitatem deduxit, quando eo se priuatam animaduertit, quem instar omnium amabat: præterea, cum Mater esset defuncti, hoc est, Iesv, qui Patrem in terris non habuit, sed in Cælo duntaxat; debuit illa non eum solum dolorem, quem Mater tali Filio debebat, experiri, sed eius magnitudine illam tristitiam supplere, quam decuisset eius Patrem concipere, si cadere in illum sensus alicuius mœroris posset. Idem de S. Iosepho Patre illius putatio & legali dixerim, qui paulò antè fuerat vitâ functus: eius igitur etiam loco eam tristitiam admisit, quâ ille, si superuixisset, in cunctis hisce malis fuisset per-fusus. Hæc omnia fatis ob oculos dolorum magnitudinem nobis ponunt, qui pectus DEI Matris in Mortē & absentia Filij sui lancinârunt: vt nihil de eo dicam, quod S. Bernardus in suis meditationibus annotat; quoniam scilicet peccata nostra causam suppliciorum & Mortis Christi præbuerunt, illam hinc millies plus tristitiæ ac mœroris

roris à nostris sceleribus accepisse,
quàm è cunctis cruciatibus, qui IESV
CHRISTO dilectissimo Filio suo fuerunt
illati: *Plus doluit super peccatis nostris,
quàm super proprij Filij pœnis corporalibus,*



C A P V T III.

**OCTO PIETATIS EXER-
CITIA ERGA FILIVM DEI,**
pro Festo & Octauâ gloriosæ Resurre-
ctionis D. N. IESV CHRISTI, ad diem
& Octauam Paschatis.

EXERCITIVM I.

Pro die Paschatis.

*Filio Dei illa gaudia gratulari, quæ die S.
Resurrectionis suæ percepit, exemplo.
S. Mechtildis.*



AGIOPHILE, diu non nisi tri-
stibus argumentis de sangui-
ne, de vulneribus, de dolo-
ribus

ribus ac mœrore fumus immorati: bono animo es! posthac de meris gaudijs, venustatibus, delicijs, ac hilari materiâ loquemur: IESVS enim, quem perfusum sanguine & ignominijs fuisti contemplatus, hodie gloriosus, victor, formæ miraculum ad vitam redijt. Quare hoc Octiduo conabor, quantum potero, Mysterij huius rationem habere: & quia difficile est, toties nova exercitia pietatis idoneâque huc collocare; ad illa saltem aliunde supplenda, quædam hîc apponam, quibus vehementiùs ac solidiùs possimus ad IESV amorem accendi, aut si illo antè calamus, eundem augere.

Hodie itaque à mentis nostræ gaudio, quod de IESV hodie à Mortuis rediuiui gaudio concipimus, auspicabimur, vtei ingenuâ, piâ amabilique cōgratulatione applaudamus: huic sanctæ hilaritati olim S. Mechtildis festo Paschatis die vacabat. **¶** Quod vt rectiùs à nobis fiat, existimo, lectum ho-

R 3

dic

¶ *Ex lib. Gratia c. 30. & 31.*

die paulò tibi maturiùs deferendum, vt tergemina Mariæ exemplum sequaris, quando tres illæ nondum orto sole ad sepulchrum festinârunt, dilectissimi Magistri sui Corpus vnguentis & balsamo inuncturæ : ea promptitudine posses aut omnino primus, si quidem fieri queat, aut inter primos eam Resurgenti gloriam ac felicitatem gratulari, animiq; tui lætitiâ ob admirandam hanc vitæ immutationem ei testari, atque id eo mentis ac verborum apparatu, quem cælestis amor IESU tibi suggeret, vt ei ob tam eximias dotes ac pulchritudines Corporis, claritatem, patiendi immunitatem, subtilitatem, agilitatem, gaudium & alia cælestia ornamenta ac perfectiones applaudas : vt tamen nulli rei te adstringas, nisi quam à Deo tibi senties intus subministrari.

Si tamen scire aut vsurpare velis illam congratulationem, quâ S. Mechtildis fuit vsa ; eam tibi mox attexo :
 a Adoro, laudo, magnifico, glorifico
 re,

a *Ex libro 1. gratia cap. 32.*

te, gratulor & benedico tibi, ô pulcherrime IESV! ob inæstimabile gaudium, quod momento gloriosæ tuæ Resurrectionis percepisti! obsecro te, ô amor cordis mei! per incomparabile gaudium Cordis tui, & Corporis iterum Animæ tuæ sanctissimæ coniuncti, ut possim refrenare gaudia mea, neque aliam mihi lætitiā permittas, quàm quæ ob tuam gloriam me exhilarat. Lætare, ô IESV lætitia cordis mei! ob inexplicabile gaudium, quod amabilis Maiestas tua ob honorem membrorum tuis in Resurrectione habitum concepit, quando tanta fuerunt pulchritudine donata, quantis antè in Cruce fuisse doloribus probrosè affecta. Obtestor te, ô speciose formâ præ filiis hominum! per hoc ineffabile gaudium, ne mihi quidquam des ac indulgeas, quàm quod possit exhilarare cor tuum, tibi que acceptius in tempore & Æternitate sit futurum. O ut te Angeli ac Cælites omnes laudent, tibi que æternum infinitis vicibus eam lætitiā.

R 4

gratu-

lentur, quâ SS. Anima tua expletur, ob innumeram multitudinem beatarum mentium libertati restitutam, ac tuo jussu è limbo eductam! Quæso te, divine amator mentium nostrarum! per eandem inexplicabilem hilaritatem tuam, cor meum ab omnium cupiditatum seruitute absolue, & in horâ mortis tuam pro me magnopere timēte, ne soluendo non sim, tuam fidem interpone, ad debita mea præstanda, quæ vnquam te offendendo meis noxis contraxi. Applaudo tibi, ô princeps amicorum meorum! ob imensum gaudium, quod te recreauit, quando Deus Pater tuus potestatem tibi contulit, tui amantes remunerandi, pro æternâ hæreditate ac possessione ijs tibi concessis, qui tuæ Crucis & suppliciorum fuerunt amantes, vt eos olim ad gloriam tuam similem deducas. Ad SS. pedes igitur adorandæ Maiestatis tuæ prostrata, infinitam bonitatem tuam per hoc incomprehenfum gaudium imploro, velis hac me gratiâ beare, vt in-

ter

ter Elector tuos adnumerer, quò in illorum Societate de supremâ tuâ felicitate ac teipso æternum gaudeam, ô vnicum gaudium meum! ô summum bonum! ô amor meus vnicus in æternum! Amen.

EXERCITIUM II.

Pro Fer. II. Pasch.

Frequenter de Filio DEI cogitare, eâ præsertim venustate prædico, quâ post Resurrectionem suam nitebat, exemplo B.

Virginis.

HAGIOPHILE! Dulce est, de Filio DEI cogitare ac IESVM, vt vnicum ac præstantissimum elegantiæ omnis exemplar, memoriæ obijcere: cùm adhuc inter mortales degeret, tanta in eo pulchritudo etiam foris elucebat, vt miseri ad calamitatis suæ solatium, omnesque alij vulgò inter se dicerent: *eamus & videamus Filium*

MARIÆ: a eius forma tam erat.

R 5

VC-

a Lib. 4. reuel. S. Brig. cap. 70.

venusta, rara & venerabilis, vt multi eius amore capti, ab eo discedere nequirent, eumq; quoquouerſum ſequerentur, ne illius aſpectu carerent. ^a Cæleſte quidpiam præſerebat, quod oculos intuentium quibuſdam lucis radijs ceu blando fulgure perſtingeret; vnde in admirationem rapti, ſenſu tenerrimæ ac incredibilis voluptatis perfundebantur: alioqui nunquam eum Apoſtoli ad ſimplicem vocem fuiſſent ſecuti. Nulla vnquam pulchritudo, illius par fuit, aut vnquam poſthac tam abſoluta conſpicietur. *Vniuerſis pulchrior eſt Virgo de Virgine*, ait S. Hieronymus. ^b S. Antoninus affirmat, præcipuam cauſam, cur S. Petrus continuis lacrimis poſt Seruatoris mortem maderet, fuiſſe, quòd ſentiret, Ieſu chariſſimi Magiſtri ſui ſe poſthac aſpectu cariturum; ſolamque dulciſſimæ eius conſuetudinis, gratiæ in vultu promicantis, ac obtutûs tam gratioſi, quo

^a S. Chryſ. hom. 28. in Matth.

^b S. Hier. Epist. 140. ad Princip. Virg.

quo imposterum frui nō posset, recollectionem perpetuò illi lacrimas excussisse. At postquam ad vitam immortalem reuocatus, atque corpore glorioso, nouâ prorsus gratiâ & maiestate donato, fuit ornatus; tunc enim verò centies ac millies pulchrior comparebat: etenim vnius corporis gloriosi venustas augustior & dignitate plenior est, quàm quæ omnium totius mundi corporum etiam humanorum à condito orbe fuerunt, aut ad supremum vsque diem subnascentur; quandoquidem ea pulchritudo naturalis formæ gratiam longè excedit: qualis igitur pulchritudo, venustas, decor, & quàm perfecta symmetria in Corpore fuerit Regis gloriæ & venustatis? solet enim gloriâ & eximia beatorum corporum forma animarum gloriæ & pulchritudini respondere: quemadmodum igitur Seruatoris nostri SS. Anima sola plus gloriæ habuit, quàm omnium simul Sanctorum & Angelorum sunt consecuti, corpus quoque erit si-

R 6

ne

ne comparatione pulchrius, amabilius, maiori gratiâ perfectionéque præditum, quàm omnium simul aliorum, corporum, quantacunque gloriâ emineant: vt interim nihil dicam de illâ pulchritudine, quæ ei omnino soli ac vni propria est, pulchritudo videlicet Verbi infinita, quod est illi intimè ac hypostaticè coniunctum: atque ea non est alia quàm DEI pulchritudo, in humanâ IESV CHRISTI naturâ, neque solum in eius SS. Animâ, sed & sacrosancto Corpore collocata: *In ipso habitat omnis plenitudo diuinitatis corporaliter.* a Illa pulchritudo ita corpori iuncta, naturali consecutione ei extraordinarium eximiûmque splendorem, planè diuinum & aliquo modo infinitum cõciliat. Quàm felices illi fuerunt, quibus contigit IESVM videre, eique in hoc statu gloriæ, in tantâ venustate Resurgenti assistere!

Iterum dico: dulce ac pulchrum est, IESV recordari, eûmque sibi eâ formæ excellentiâ, quæ fingi potest, præsentem

a Coloff. cap. 2.

tem fingere. O quàm dulcis est memoria huius diuini Amatoris, Dei. Hominis, huius omnium elegantiarum miraculi, huius supremæ se intuentium illecebræ ! Eiusmodi cogitationum assuetudo omnes molestias, ac vitæ languentis fastidia in ijs abstergit, qui non nisi Cælum, & Seruatoris sui vultum suspirant. Hæ cogitationes mentem S. Catharinæ Genuensis, B. Magdalænæ, de Pazzis, B. Angelæ de Fulginio, & plurium Sanctorum recreârunt, qui nihil ita in animo quàm IESVM circumferebant. Ipsa DEI Mater, vt eius ante omnes alios amans, animum perpetuò habuit IESV Filio suo affixum, cuius amore fuit vulnerata: *Vt nuntietis ei*, dicebat illa filiabus Ierusalem, *quia amore langueo*: a Et juxta Septuaginta, *quia vulnerata charitate ego sum*. En, vt genus amoris ponitur, qui amanti vulnus infligat ! quemadmodum enim homo vulneratus aliud nihil nisi suum vulnus & auctorem vulneris cogitat; ita MARIA non potuit aliò animum, ni-

R 7

fi

a Cant. 3.

Ad Filium applicare, cuius fuerat amore vulnerata: atque hac ratione vitæ reliquum, etiam absente Dilecto suo, suauiter exegit. Vt sanctè viuere, ac mori beatè possis, id maximè cura, vt frequenter IESVM cogites: quod luculenter sanè in S. Agnetis Virginis & Martyris vitâ ac morte apparuit: IESVM enim cogitâdo & suspirâdo vitam traducebat; cùmq; moriendū illi esset, hæc ei verba amore plena in ore, hæc cogitationes ad IESVM directæ in animo versabantur: *Ecce venio ad te, quem amavi, quem quæsi, quem semper optavi.*

Hagiophile, si te hodie decies aut trigesies jubeam de IESU cogitare, ac semel tandem eius admirandam pulchritudinem probè tibi repræsentare, vt alias cogitationes, per vitæ reliquum circa hoc argumentum à te suspiciendas, fortiùs animo infigas; num tibi nimius in hac re videbor? noli diuini amoris vulnus formidare: *Præbe te jaculo formoso, siquidem Deus sagittarius est,* ait

a Homil. 2. ex duabus in Cant.

ait Origenes. Eius sæpe juxta legem
 atque consuetudinem amoris memi-
 nisse, multum tibi conducet: amor
 enim ut primum intra cuiuspiam pe-
 ctus se insinuavit, illico suscepto cogi-
 tationum imperio, eas propè omnes rei
 amatae impendit. Quòd si decreueris,
 istiusmodi cogitationibus vacare, sæpe
 IESU pulchritudini immorare; cui con-
 siderandæ hoc maximè gloriosæ Re-
 surrectionis tempus congruit: & hæc
 venustas ita considerata, ostendet tibi,
 quàm IESVS sit amabilis: amamus enim,
 quæ pulchra sunt; & quantò quidlibet
 est formosius, aut à nobis æstimatur,
 tantò eius amore ampliùs accédimus.
 Hoc vnum, quod te moneam, superest,
 te videlicet has erga DEI Filium cogi-
 tationes posse nunc hoc, nunc isto mo-
 do concipere; nunc admirando: ô
 quàm pulcher es, dilecte mi! ô IESU
 quàm es amabilis! ô dulcissime Serua-
 tor! quàm volupe est, te in gloriâ vi-
 dere! ô Rex pulchritudinis, quàm li-
 beraliter dolorum tuorum præmium
 accipi-

accepisti! ô amabile lumen oculorum nostrorum, quàm es admirabile! Nunc desiderando : ô IESV fratrum primogenite! quando in comitatu tuo omnes fratres tuos numerabis corporum suorum gloriâ vestitos? ô magnes incomparabilis! quando tandem in tui amorem mortales omnes rapiuntur? Modò per breuia suspiria : ô IESV formose! Fili MARIÆ! miserere egentis animæ! ô IESV gloria mea! cùm olim resurgam, gloriam corpori meo concede : aliàs per exercitium Fidei, Amoris, spei in illum conceptæ, eo modo, quem proximè sequentibus tribus Exercitijs adducam.

EXERCITIVM III.

Pro Fer. III, Paschæ.

Circa mysteria Vitæ Christi æctus Fidei exercere, præsertim circa Resurrectionis veritatem, exemplo B. Gratia Valentiana.

HAGIOPHILE, parùm abfuit, quin te hodie ad pium quoddam opus

pus inuitarem, eodem fine obeundum, quem olim in hoc sacro triduo Florentini spectârunt. Pia apud ipsos quondam ac imitatione digna consuetudo viguit, quotannis Feria II. & III. Paschatis solennem supplicationem instituendi, quâ gratias peccatorum loco agebant, qui his Christo Resurgenti sacris diebus ad frugem & cum Deo in gratiam rediêre; additis etiam precibus, quibus ijsdem sanctioris vitæ proposita exequendi gratiam, ac bene viuendi in reliquum annum constantiam impetrarent. *a* Verùm, quia mihi persuadeo, id te quouis festo die obseruare, malo tibi pro hâc III. Paschatis feriâ sanctam de Christi Seruatoris nostri Resurrectione cogitationem circa Fidem suggerere, in quâ hodie præsertim jubeo te frequentem esse, siue ut aliquid tibi meriti accrescat, siue ut Christum Resurgentem, totâmq; triumphantem eius Curiam exhilares.

Actus Fidei circa Mysteria Vitæ
Chri-

a Ex vitâ S. Zenobij Archiep. Florent.

Christi omnes eiusdem pretij ac ingentis meriti sunt, illisque animi nostri in studio perfectionis recreantur; qui magno numero, totius anni decursu ad præcipua Christi D. N. festa, aut etiam quotidie exerceri possunt, minimum, saltem, dum symbolum Apostolorum recitatur. Sed ut verum fatear, actus illi, quos occasione gloriosæ Resurrectionis iteramus, nescio quid plus blauditiarum ac fructûs habent; unde mentes nostræ magis exhilarantur: quando, præterquam quòd magnopere nos recreemur, recolendo IESVM in suo SS. Corpore nouam gloriam consecutum, dulci nos insuper cogitatione permulcet, persuasos, nunc demum facto initio, corpora nostra olim in eius felicitatis partem ventura: quâ in consideratione obseruavi quosdam frequentes ac totos fuisse.

B. Gratia Valentiana, è tertio Ordine S. Francisci de Paulâ semper hæc verba in ore habuit, quæ sunt ad hoc tempus admodum idonea; neque dubito,

bito, te illa trigesies hodie repetiturū :
Christus vivit, Christus regnat, Christus
imperat, Christus ab omni malo nos defen-
dat. *a* S. Mechtildis hoc imprimis
tempore præclaras illas voces vsurpa-
pabat : *Credo, quòd Redemptor meus vi-*
vit. Cui Christus significavit, quoties
illa verba quispiam efferret, quibus fi-
dem Resurrectionis IESV CHRISTI ad-
struimus, sanctos in cælo Regis sui Re-
surrectione, vt & eâ, quam ipsi exspe-
ctant, delectari; eodémque tempore
pro illis eos precari, qui in terris seu
cantu seu simplici voce verba illa pro-
nuntiant, vt olim possint eiusdem glo-
riæ participes fieri. *b*

a In hist. Ordin. lib. 7.

b Lib. 5. gratie cap. 17.

EXERCITIUM IV.

Pro Fer. IV. Paschæ.

Spei ac fiducia actus erga Dei Filium fre-
quentare, exemplo S. Francisci Se-
raphici.

VBINAM rectiùs nostræ spes col-
locentur, quàm in IESV CHRI-
STO,

STO, qui est *Spes omnium finium terre*, *a* qui nos præ alijs eripere à nostris malis, & vicissim cumulare bonis potest, qui omnium amicorum est fidissimus? Hinc S. Petrus, ad eum conuersus, dixit: *Ad quem ibimus? verba vita aeterna habes.* *b* Hæc eadem causa fuit, cur tot viri probi illa S. Ambrosij verba toties in ore habuerint: *In te, Domine, speraui, non confundar in aeternum.* *c* Id ipsum effecit, vt S. Franciscus Seraphicus tam in suâ quàm suorum causâ spe ac fiducia in IESVM se sustentaret: nihil magnum, nihil modicum aggredi sustinuit, quin prius spes suas illuc, vt ad Cynosuram, verteret, & IESVM suis negotijs præficeret, curâ omni penitus ei permisâ: *proponebat Christo duce se facturum ingenia*, ait S. Bonaventura, dum eius vitam describit. *d*

Quando igitur ita se res habet, decet sanè illos me imitari, ac sæpius hodie præsertim, ad acquirendum vsum, cum S. Petro dicere; *Domine, ad quem ibi-*

a Psal. 64. *b* Ioan. 6. *c* Ex Psal 30.
d Ex vitâ. cap 14.

ibimus? *verba vita aeterna habes*: aut
 cum S. Ambrosio: *In te, Domine, spera-
 ui. & spero; non confundar in aeternum.*
 aut cum Regio Prophetâ: *Domine tu es
 spes mea ab uberibus matris meae: a amā-
 tissime IESV! in te omnis mea fiducia:
 & ut ampliùs illam aduersum te exse-
 ram, spero in te, DEVS cordis mei! spe-
 ro, Ô IESV cōmune tuorum præsidium!
 te mihi auxilio, te ducem in viâ salutis
 fore, te mei, corporis & animæ, bono-
 rum, sanitatis, morborum, honoris
 mei, & quidquid me attingit, peculia-
 rem rationem habiturum: spero, tibi
 vitam & mortem meam curæ fore, lo-
 cūque in Cælo inter sanctos tuos da-
 turum: spero, pulchritudine tuâ non
 perpetuò me priuatum iri: spero, me
 quondam diuini vultûs tui compo-
 tem, ac dignum futurum, qui ad SS.
 manuum tuarum osculum admittar:
 Spero, me totâ æternitate tuum fore:
 possūmne melius quidquam sperare?
 Speret alius, quod volet: IESVS est, in
 quo*

a Psalm. 21,

quo spes meas omnes habebō sitas; eī-
que centies millies, dum viuo, dicam:
IESV DEVS vitæ meæ! spero in te, spe-
ro, spero: nemo me vnquam arguet,
spes me tam gloriosas animo fouisse.


Ad spem longē quā fui antē soli-
tus, fortius ac frequentius per iteratos
eius actus in Christo defigendam, ve-
hementer incendor, quando mecum
illa beneficia recolo, quæ Valgius pro-
bus senex ab eius diuinā liberalitate
accepit, quod semel aut iterum, ad
summum sexties, animum ad spem in
IESV CHRISTO ponendam excitārit: S.
Paulinus a eius felicitatis seriem enar-
rat. Is igitur senecio paucorum die-
rum Catechumenus naui vehebatur,
quæ ex Insulā Sardinia soluens, à nau-
tis metu naufragij fuit prorsus defer-
ta, rabie tempestatis alijs quibusdam
nauigijs, quæ illam præibant, jam ma-
ri haustis: cūque festinatō scapham
conscenderent, Valgij, qui in carinā
navis sentinam haustro exhauriebat,
im.

a *Epist. 34. ad Macorium.*

immemores ; fenſit Valgius inuſitatâ
 agitatione nauim jactari, quâ diu præ-
 ter modum vacillante , in ſuperius
 tabulatum progreſſus, vbi ſe ſolum, ac
 in præſentiffimo discrimine deprehen-
 dit, metu propè exanimatus , aliquo-
 ties ſpem in Seruatorem noſtrum eli-
 cuit, prout doctus, & jam Catechume-
 nus ſolitus eſt facere ; eîque animo fi-
 duciâ pleno ſuam ſalutem commiſit.
 hac tempeſtate & periculo circumuen-
 tus jam ſex dies ac noctes abſque cibo
 & potu exegit ; cùm ad extremum
 Chriſtus ei palàm apparuit, aliquot
 Angelis comitatus, qui poſtquam eum
 conſolatus bono juffit animo eſſe , ci-
 bum ei obtulit. Poſthæc vt euidenti eū
 periculo eximeret, de incidendo malo
 admonuit ; quod ille duobus iſtibus
 effecit ; etſi alioqui à multis junctâ o-
 perâ non niſi maximo labore vix tan-
 dem fieri potuiſſet. Inde Seruator no-
 ſter ordine ad ſingulos eum labores ci-
 tabat, ſiue neceſſe foret, anteriorem in
 prorâ malum explicare , ſiue nauim a-
 quis

quis exonerare; vt qui nollet eum otiosum & laboris immunem esse, quantum in ipso esset : etsi Angeli manus illi ac operam suam ita comodârint, vt molestiores labores ipsi occuparêt. Quòd si tempore illo, quo laborandum illi erat, somno indulgeret, mitissimus Seruator manu auriculæ admotâ, leniter, ne subito horrore percelleretur, eum excitabat : vicissim, cùm quiescendi tempus esset, dormientem modò suis genibus sustentabat ; modò sinu excepit : iterum euigilantem consolatus, de cælesti gloriâ sermonem instituit, admirabili comitate ac blanditijs in senem vsus ; cui ipsum adeò Valgij nomen in Victoris commutauit. Tres ac viginti dies in hunc modum ea nauigatio tenuit ; quibus elapsis tandem ad Calabria portum quemdam naus apulit : vbi re totâ, vt erat gesta præsentibus expositâ, ad S. Paulinum Victor adducitur ; quem ille Baptismo ablutam, iussit sibi omnia prodigiosi itineris miracula percensere: quod dum faceret

ceret Victor, præ IESU Nauarchi sui amore vbertim lacrimatus est : neque minùs madentibus oculis S. Paulinus aurem narranti præbuit, neque fatiari attactu illius auriculæ potuit, quam Christus SS. suâ manu tractâset, ita quidem, vt frequenti illius contrectatione supremam illi cutem abstraheret. O Hagiophile ; quàm multa mihi dicenda super hoc argumento forent ! lege ac relege ; ac omnino certus, deinceps spem omnem in diuinâ bonitate, & infinitâ IESU te diligentis dulcedine reponere, posthac sæpius, quàm vnquam fuisti solitus, in eâ te fiduciâ exerce : polliceor tibi, tam pium Seruatorum multò humaniùs ac excellentiùs, quàm Victori fuit quondam blanditus, saltem in Cælo te olim habiturum.



EXERCITIUM V.

Pro Fer. V. Paschæ.

*Frequenter ad IESV CHR ISTI amorem
se excitare, exemplo B. Magdalene
de Pazzi.*

NOV, quosdam magnopere in
eo laborare, ut intelligant, quo
loco possit vera sapientia reperi-
ri, ubi illa domicilium & sedem figat:
hos ego tam curiosos cum ipso etiam
lobo cuperem vehementer, ad cor IE-
SUM amantium divertere, illudque
scrutari, ac digito tentatis eius foribus
explorare, num illic sapientia commo-
retur: si enim hoc loco illam reperire
non est, nusquam est: non est Sapientia
nisi in horum cordium Regno quæren-
da: quantus enim abusus, sapientis no-
men profanis ac stultis mortalibus tri-
buere, quos ægrè sol luce suâ digna-
tur? nemo est sapiens, nisi qui scit, IE-
SUM amare: & quæso te, ubi domina-
tur,

tur, in quâ re Sapiencia Christiani hominis consistit, nisi, vt metuas & ames IESVM? *Quid est, quaeso, sapientia Christiani, quid nisi timor & amor Christi?* ait Saluianus Episcopus Marsiliae. **a**

Sapientiae suae fines ponant alij, quos volent: habes, Hagiophile, compendium, ad sapientiam pertingendi; si IESVM ames, eumque centenis exemplis re ipsa in amoribus tibi esse testaris, siue vt ignem jam conceptum his alimentis foueas, siue vt nouiter animum ante hac frigidum accendas, aut hominibus & Angelis ostendas, te rem nullam, quàm IESVM, omnium maximè de te meritum & à te diligendum, tuo amore dignari.

Ah! cur facultas mihi deest, omnium IESVM amantium amabiles voces & suspiria per otium arbitrandi, vt eorum animos, qui hæc lecturi sunt, illis flammis accendam! Certè si mecum illas B. Magdalene de Pazzis amantes voces reputo, vix me contineo, putoque mihi ne-

S 2

cessi-

a. Lib. 4. ad Eccles. Cath.

essitatem imponi, vt palàm edicam, me IESVM infinitè pulchrum, infinitè sapientem, infinitè bonum toto amoris mei impendio deperire. Sæpe sæpius illa ingeminabat ac vociferabatur: O IESV amor meus! amo te medullitus! ô amor! quàm paucite æstimant, & amant! si nemo est, qui te amet, ad me diuerte, amabo te: in pectore meo sedem fige; experieris, in amando fidem me colere. Aliàs nonnunquam seipsam allocuta, Magdalena, dicebat, an non amas amorem? ah! facit amor, vt moriar viuendo, & moriendo viuam. Si interim, dum Monasterium obiret, aut alio loco è Monialibus aliquam haberet obuiam, amore IESV totam illà amandi cõtentione abripiente, ad illam conuersa, ô Soror mea! inquebat, ama amorem, ama IESVM velut vitam tuam; & nunquid moreris præ amore? ô amor! ô IESV! quis te non amaret? amo te, cuperémque te tanto amore complecti, quanto amari dignus es.

Hagiophile, persuade tibi, omnes

IESV

EXERCITIUM V. 385

IESV amantes hoc ore loqui, neque pa-
rem ei voluptatem esse, quæ percipitur
horum linguam intelligenti, neq; ma-
iorem esse sapientiam, aut gloriam am-
pliolem, quàm illorum ore & sensu lo-
qui. Nihilominus, vt tibi aperiã, quid
de hoc amoris exercitio sentiam, quis
tibi in eo modus sit tenendus, ad
duo capita illud reduxi. Eius actus alij
sunt breues, ac ideo grati, qui & cun-
ctis alijs ad iterandum faciliores, qui
variari augerique pro amantium inge-
nio studiòque possunt: & hos decet
nobis esse familiares; ijs possumus ac
debemus quauis occasione, interdiu,
noctu, soli, cum pluribus, quouis deni-
que loco vti, si vulnerati IESV amore
sumus: eos decet aut cogitationi, aut
voci seu submissæ, seu elatæ sæpius ob-
repere; vt nunc nostrum amorem sim-
pliciter profiteamur, dicendo: IESV mi
dulcis! toto corde te amo! aut: dilecte
Seruator, amo te plùs quàm vitam
meam, plùs quàm res vniuersas: nunc
in amore delectum faciamus: Domine

S 3

IESV

IESV! te æternum amoris mei scopum
præfixi: modò gratulemur: ô quàm
gaudeo, dilecte mi; te Filium DEI esse!
ô DEVS Homo! triumpho & præ latti-
tiâ gestio, quòd sciam, te Gloriæ Re-
gem esse! ô delictum cordis mei! dele-
ctor ob omnes diuinas perfectiones &
dotes tuas: aliàs sit amor beneuolus: ô
IESV amabilis! vtinam res omnes crea-
ræ totas tibi laudum myriades persol-
uerent! ô IESV omnipotens! benedico
tibi, magnifico & glorifico te, vt Re-
gem sancti amoris, & delicias Patris
æterni: nunc amor Christum sibi vin-
dicet: IESV mi dilecte! tu es spes mea:
extra te & absque te nihil volo, nihil
exspecto, nihil ambio: ô IESV Rex cor-
dis mei! ô quàm desidero, in illo feli-
cissimo gloriæ regno clarè te intueri!
modò sit amor conformis & vnanimis:
O amantissime IESV! amo & adoro vo-
luntatem tuam: ô amicorum amiciissi-
me! intra brachia suauissimæ prouidē-
tiæ tuæ me proijcio, exequi paratus,
quidquid me facere iubebis: nunc do-
leat:

leat : ah ! chare Redemptor ! non audeo ad cælum oculos attollere, tanto pere me excruciat, à me tam bonum Dominum fuisse offensum : ignosce, Domine ! fateor, maluisse me mortuum fuisse, quàm meis peccatis tuam iram, prouocasse : modò amor Christo Patienti indoleat : O corpus innocens IESU mei ! quàm libenter pro dolente dolerem ! ego sum, cui pro te pati & volupe & necessarium esset : alio tempore amanter aspiremus : Ô IESU amor amoris mei ! vita vitæ meæ ! ad te omnia desideria collimant : posthæc amor summi Christi amorem faciat : O Seruator mi ! fixum mihi ac decretum est, quidquid mihi felicitatis aut sinistri acciderit, nunquam passurum à tuo me amore auelli. Huius igitur primi generis aliquot specimina vides ; quæ pluris ego facio, tum ob suam breuitatem, tū facilitatem, ijs nunc hac, nunc illâ formulâ vacandi, juxta varietatem illam, & exempla hîc à me allata : ad quorum similitudinem poterunt alij



ſcò amoris exercitationes, quæ pro tuo ingenio ſint omnino factæ, non poteris aliunde, quàm è fundo Cordis tui depromere; librorum inopiâ, qui te illas doceant. Senaſtibi ad ſcribo: flecte genu, & ſaltem hodie domi tuæ illas uſurpa; erit fortaffis vna illarum huic ſacro tempori maximè accommoda.

I.

O IESU glorioſe dominator cordis mei! nescio, vtrum mihi vanè blandiar; certè videor mihi, amare te, aut ſaltem velle me tui amore affici. A puero didici, alterum amare, eſſe idem, ac illi bene velle: vide igitur, quantos in tui amore progressus fecerim: vellem potiùs, me adhuc in nihilo ſepultum, nihil mei habere, quàm vt id non eſſes, quod modò es: magis me delectat, te diuinis & adorandis tuis perfectionibus eſſe præditum, quàm ſi eas ipſe poſſiderem. Summo ſtudio diuinam tuam gratiſſimâmq; voluntatem, omnem excellentiam & gloriam tuam depereo; illiſque grauiter indignor, qui

S 5

ſuas

suas tantum cupiditates ac sensum sequuntur, honorésque prestant & adorant; cum debeant suas voluntates tuo arbitrio submittere, omnesque tibi dignitates cedere. Ego quidem tantopere sentio me tuis commodis addictum, ut Inferorum poenas eligerem, modò tuâ gratiâ non exciderem, quàm ut Filius DEI non esses, aut minimum de tuâ gloriâ decederet: existimo equidem, si ita loquar, si verbis animus consentiat, si paratus sim, hæc omnia meo sanguine consignare, hoc demum esse, tibi bene velle: quod si ita est; amo te, IESU amabilissime! téque tamdiu amabo, quamdiu eris amabilis, hoc est, totâ æternitate.

II.

O IESU! ipso amore amabilior! inest nescio quæ vis occulta, quâ ad amandum natiuâ propensione impellor, quidquid pulchrum est: quantas igitur causas habeo te amandi? Si enim tuam venustatem, eamque imprimis considero, quæ in Resurgente resplendet, agno-

agnosco, vniuersi orbis pulchritudines
te vnum longè superare. SS. Corpus
tuum & Anima tua omnium elegan-
tiarum sedes est : tu es illud formarum
omnium compendium & miraculum.
Incredibili gaudio perfundor, mirèq;
acquiesco, si vel cogitem, tam formo-
sum te esse : quid igitur me prohibeat,
rem omniū amores promeritam ama-
re ? accedit insuper, quoniam nihil v-
spiam præter te verè pulchrum inue-
nio, non posse aliò meos amores nisi in
te deriuari. Multi mihi Phœnicem, a-
podem Indicam (seu Paradisiacam a-
uem) Iridem cælestem, Orientem so-
lem, adamantes ceu pulchritudinis ex-
empla jactârunt; sed comperi, totidem
mendacia fuisse : si vspiam reperiri ve-
nustas posset, existimo, eam in vultibus
virorum ac mulierum quærendam,
quos per errorem pulchros vocamus,
etsi reuera non sint : omnis enim Caro,
vir, femina, mortalis adhuc vitæ inqui-
lini, nihil sunt nisi fœnum : omnis eo-
rum factus, decor, ac deliciae euane-
scunt

seunt & marcescunt instar floris cum
foeno succisi: *Omnis caro scenum, & om-
nis gloria eius, quasi flos agri. a* Extra te
nihil pulchrum, ô venustas vnicè pul-
chra! omnes aliæ adulterinæ formæ,
quantò à me accuratiùs inspiciuntur,
tantò magis animum perturbant, sitim
accendunt, ac opinionem mihi ingene-
rant, eas omnes nihil omnino venusta-
tis habere, te solum omnes pulchritu-
dines possidere. Equidem libenter cæ-
lestem spòsam erroris arguerem, quòd
dicat te esse *Speciosum formâ*, & idcirco
amabilem, *præ filiis hominum: b* neque
enim mihi persuadeo, vel vnum homi-
nem posse pulchrum dici: audebône
illam admonere, vt impòsterum te
Sponsam suam dicat vnum vnicum in-
ter filios hominum formosum? profe-
ctò tu solus pulcher, & ideo solus ama-
bilis, solus amor meus.

omnino III.

**Amate, ô IESU amabilissime! Fili
Dati cuperémque te ab vniuersis re-
bus à te conditis pro dignitate amari:**

næ

a Isa. 40. b Psal. 44.

nã ille parùm egit, qui optavit in crea-
 tis rebus aliquid nihil nisi vocem esse,
 quæ diuinis perpetuò laudibus perfo-
 naret! eccur non mecum potiùs voluit,
 aliquid in hoc Orbe existere, quod to-
 tum sit amor, ad IESVM nullâ interpo-
 sitâ morâ diligendum? sed parùm ad-
 huc dixi; centum sint myriades eius-
 modi amorum, aut rectiùs centenæ
 mundorum myriades plenæ ac vbiq̃ue
 confitæ viuis amoribus, quorum vnus
 semper altero in diligendo IESV vnicè
 amabili sit præstantior. Non ignoro,
 post hos omnes ac tantos conatus, ab
 his vniuersis neque dimidium quidem
 debiti amoris illi impendi; sed nihil
 interest: decet enim, ô IESV amor cor-
 dis mei! meum tibi studium explica-
 re, quo contendo, te à nobis diligi; &
 solus desidero, amoribus hisce vniuer-
 sis te amplecti.

IV.

O IESV! fidelis & perfectus amator!
 alij desideria concipiant, quæ volent;
 ego nulli omnino mortalium inuideo,

S 7 quàm

quàm illis, quibus in te IESV meo amando sum inferior. O vt ita possim, quem admodum cupio, in hac dilectione primas referre, esse amoris huius Monarcha, & amoris palmam ei eripere, qui modò IESVM amando solus triumphat! Ei qui hoc me beneficio bearet, orbis vniuersi imperium, omnem mundi fastum, honores omnes, quos stulti mortales adorant, vltro illi cederem. Ah! me miserum! sed quid dico? animus mihi clàm suggerit, in me vno situm esse, vt eum gradum obtineam; eum triumphare, qui amore vincat: hunc prærogatiuum honorem plura offerentis, plura perferentis esse; hanc dignitatem ei deberi, qui nihil cogitet, nihil loquatur, nihil agat, nisi pro IESV gloriâ, obsequio & amore: hoc est amare. Anima mea! eadem tibi facultates sunt, quæ alijs, pro IESV, pro eius honore, & vel maximè pro eius amore omnia offerendi, perferendi, cogitandi, loquendi & agendi: si ad illud fastigium non euadas, nulli alteri quàm
tibi

tibi ipsi succenseas. Verum ô Rex cordis mei ! nunquid temerarij hominis hoc est, velle illud regnum atque coronam inuadere, quæ vni è tui longè amantioribus debetur ? quocunque dignitatis nomine ille appelletur ; non possum tamen animi mei sensum dissimulare : vellem in te diligendo omnes mortales ita possem superare, vt ab vniuersis plus amoris experiri nequires !

V.

O IESV ! mi liberalissime Redemptor ! non vanis indicijs mihi persuadeo, me tui amore præditum : adeò delector, quando intelligo, te amari, neq; bonam mentem, præstantem indolem, exquisitum ingenium esse, quod non inter sua decora numeret, tibi suum cor addicere, tuorúmque amatorum atque clientum insignia præferre : doleo, me omnipotentem non esse ; tunc enim aliam Orbi faciem inducerem ; efficerem, ne in orbe vniuerso vllus angelus esset, vbi non sermo omnis de te amantium suâ luce illustraret ; ne felicitas
aut

aut successus alteri, quàm ijsdem obueniret: ex eorum numero & ego essem; neque aliud mea vita quàm amor foret: in omni actione, motu ac totâ vitâ quidquam præter tuum amorem spirarem.

VI.

O IESU! incomparabilis amator! meus amor omnino cogitabundus est: futuris prospicio, & jam nunc curis sollicitor, num sæculis insecuturis eum amorem sis experturus, qui desiderijs meis respondeat: parùm interest, memori; dummodo ante supremam horam sim certus, te omni amore omnium dignissimum à mortalibus agnoscere, ac cordium omnium amores supremo imperio ad finem usque sæculorum obtinere. Eia moriar! nihil formido, quando animus meus diuinat, paulò post amoris tui te Imperium aditurum, adesse tempus, quo tuus amor dominetur, & ad summum fastigium euehatur: hæc jam præuideo: maxima Regnorum negotia tunc erunt, vnicè ama-

amabilem diligere, stabilire consuetudines, æternas IESVM meum amandi leges ferre. Si hoc impetrauero, uiuam beatè; si hoc fuero consecutus, tranquillè moriar; neque superest amplius, quod desiderem.

EXERCITIUM VI.

Pro Fer. VI. Paschæ.

*Ad postulata Filij DEI respondere, si .os
rogaret, num eum diligeremus, exem-
plo S. Petri Apostoli.*

PERITVS Oeconomus amor est, & imprimis amor IESV, qui è re quauis nouit quæstum facere. Occasione illius, quod Seruator noster ter à S. Petro fuit percontatus: *Petre, amas me?* a cui S. Petrus respondit: *Domine tu scis, quia amo te*: est quod tibi dicam, Hagiophile; de quibusdam scilicet IESV amatoribus mihi constare, qui Rosarium suum in hunc modum percurrant: ad maius granum DEI Filium
sibi

a Ioan. 21.

sibi repræsentant idem ab illis postulantem, ac suo nomine compellatos ita alloquentem : amas me ? tum illi ad quemuis sequentium decem orbiculorum responsi loco interroganti annuunt, modo tamen respondendi semper pro diuersitate argumenti diuerso : amo te ex toto corde meo : amo te magis quàm oculos meos , quàm vitam meam , quàm hunc ilkúmue amicum , quàm consanguineum, quàm hanc vel illâ rem, plùs quàm solem, quàm hunc, aut istum sanctum, quàm B. Virginem, & ita de alijs amorem prouocantibus : tum ad maius aliud granum progressi, priora repetunt, contentique tres decades, pro memoriâ trium rogationû, quibus S. Petrus vrgebatur, persoluisse, triginta minoribus orbiculis magnitudinem & documentum exercitati amoris ei exhibent : hunc loquendi Christóque respondendi modum, Rosarium Amoris Iesv, appellârunt. Ad te pertinet, Hagiophile, num illo tibi uti libear ; illi certè, qui hunc modum tenuê-

tenuère, plurimum inde fructus & consolationis retulère. Illud mihi plus quàm certum est, IESVM eiusmodi interrogationibus ac responsis amantiũ delectari. S. Mechtildi, cùm quondam illa Euangelij, verba percepisset, *Simon! diligis me plus his?* animoque has pauculas voces expenderet; subito in extrasin raptæ Deus locutus, Ego quoque, aiebat, ex te quæro, responde mihi: Mechtildis! estne aliquid in hoc mundo adeò tibi charum, quod mei amore nolles abijcere? scis, ô Deus meus! respondit illa, nihil vspiam esse, quod tibi obsequendi studio non libenter velim. Instat denuo Deus: Filia! estne labor aut calamitas vlla, quam mei amore non suscipias? Parata sum, ait illa, Domine mi! omnia pro te acerba tolerare: Iterum ille, Mechtildis, inquit, si enormes illæ ærumnæ forent, num acceptares? etiam, Domine mi! respondit, præstò sum. Tum Servator illi asseruit, hanc tam promptam eius voluntatem æquè sibi fuisse acceptam, atque

atque si hæc omnia reipsa præstitisset.
 a Hagiophile, si dilectus tuus aut Petri
 postulatis, aut Mechtildis non ab simi-
 lia te rogaret, quid responderes? sepo-
 ne tantisper hunc librum, sepone; &
 ad quæ sita omnia tam hæc, quam quæ-
 vis alia responde, quibus mentem tuam
 Deus prouocabit.

a *Ex lib. s. gratia Spirit. cap. 30.*

EXERCITIUM VII.

Pro Sab. in Albis.

IESVM CHRISTVM *auscultare,*
intus nos ad sui amorem inuitantem,
exemplo B. Victoria.

HAGIOPHILE ! quàm iucundum
 mihi foret, si IESVM ante fores
 cordis tui loquentem, teque ad
 sui amorem adhortantem, audiendi
 studio exardesceres! Non equidem te
 latet, quanto desiderio cupiat se à no-
 bis amari: estque illud tam in Deo ac-
 census, uti vir magnus affirmat, a ut,

si

a *Anila epist. 9.*

si in illum doloris sensus caderet, ei
 posset aut morbum, aut mortem affer-
 re. Neque simplici quodam desiderio
 ad sui amorem nos pertrahere contē-
 dit; sed Filium quoque suum nobis
 submisit, voluitq; hominem fieri, eius-
 dem nobiscum naturæ compotem; &
 quoniam corpore constamus & ani-
 mâ, occasionem nobis subministrare,
 eum omni ex parte amandi, & corpo-
 ris nostri sensibus dignum æternæ vo-
 luptatis spectaculum obijcere: & quā-
 do Divina natura animam duntaxat
 faceret beatam, voluit eum corpus ex-
 cellenti pulchritudine, ac omnibus
 gratijs præditum induere, quod dein-
 ceps voluptatem cælestem corporum
 nostrorum sensibus crearet, ac ultimus
 illorum scopus esset: atque ita cautum
 à Deo mortalibus fuit, ne quam neces-
 sitatem, aut occasionem haberent, su-
 um amorem diuidendi, aliudque præ-
 ter ipsum amandi; quòd corpori ma-
 teries deesset, quæ sui lenocinio eius
 animum sibi devinciret, Ac longè am-
 pliùs.

plius ipsemet Dei Filius progressus, cum adhuc in terris degeret, voce & tolerantia dolorum nos inuitauit, ut toti quanti sumus, cum diligeremus: postquam verò ad Cælum fuit sublatus, nunquam desijt per temporum vi-ces quemuis interiùs alloqui, & ad amandum hortari: quoties sanctas animo cogitationes versamus, nihil in terris esse nostri cordis possessione dignũ, Deo nos omnes amores debere, totos nos esse IESV deuouendos; extra illum nihil diligendum; quid sunt hæc omnia, nisi arcana adhortationes, quibus Dei Filius nos inuitat: Admodum salubre est, ijs aurem præbere, seque coram Dei Filio, in quo formæ supremæ decus, diuinus quidam lepor, cælestis splendor emicat, præsentem sistere, qui hoc sensu secretò apud nos perorat: Fili mi! ama me, qui sum pulcher: filia mea! ego sum, cui debes amorem; ego sum formæ miraculum. Hagio-phile, sæpe tibi hæc cogitatio redeat, hodie præsertim: ac tum age, quod IES-

svs te docebit. B. Victoria olim cum suis monialibus miros ex hoc exercitio fructus referebat : eas enim cum ipsarum Ecclesiastes pro concione fuisset adhortatus, vt, si vellent magnos in perfectione, ac Dei amore progressus facere, fingerent, sæpe intra animum. IESV Sponsi sui istas se voces exaudire:

Amame, qui sum formosus,

Dulcis, bonus, generosus.

Eius tam sancto consilio in amandâ IESV Sponsi sui pulchritudine obsecuta, omnem laborem eius amoris ac gloriæ consecrârunt; idque animorum longè maiori ardore ac contentione, quàm antehac, præstiterunt.

EXERCITIUM VIII.

Pro Dom. in Albis.

Adorare Filium Dei, omnisque generis encomijs ac laudibus ornare, exemplo S. Augustini.

HÆc adoratio & compellatio per titulos & encomia pro Christi hono-

honore instituta, duplici ratione fieri potest; aut ad modum B. Caspari Boni, Minimi, cui perpetuò ferè in animo ac ore hæ sanctæ voces versabantur.:

Adoramus te, quoniam tu solus sanctus, tu solus Dominus, tu solus Altissimus, IESUS CHRISTE! centies per diem tampias voces iterabat: vt paruam reprehensionem incurreret, quòd perpetuò illud suum, *Tu solus Sanctus*, ingeminarer: ille tamen non idcirco destitit: quid enim? an metu, ne duorum aut trium obtrektorum in te linguas prouoces, qui in omni scirpo nodum reperiunt, virtutis cursum sistamus?

Aut potest S. Augustini modus teneri, qui Deum ac IESVM Filium eius tam in soliloquijs, quàm Meditationibus suis, omnis generis exquisitis verbis & eximijs honorum titulis compellat, ingeminat, & adorat: vt si eum appellat optimum, clementissimum, piissimum, misericordissimum, perfectissimum, amantissimum, amabilissimum, sapientissimum, potentissimum, & ceteris

tenis alijs eum encomijs ornat. Hagio-
phile, hodie, & aliàs pro occasione
IESVM utroque modo saluta & adora
eumq; , quibus potes, præconijs, ac ti-
tulis affice; siue domi tuæ, siue interdiu
inter varias curas, ac negotiosas obam-
bulationes id fiat: amor enim ubique
domi est. Hæreret utique attonitus, si
tibi significarem, IESVM tibi salutanti
salutem vicissim & fructus insignium
laudum, quibus eum exornas, redditu-
rum, quantum illorum capere possis:
sed ita est: certè hunc modum aliquan-
do cum S. Mechtilde tenuit: atquæ ille
non minùs hodie beneficus ac pius est,
quàm olim fuit. Illa Christum olim
salutatum à se, magnis gloriòsisque
appellationibus toto virium animique
suo impendio venerabatur: qui eam
allocutus, filia, inquit, quando me sa-
lutas, ego quoque te resaluto; quando
me laudas, me ipsum in te laudo, quan-
do gratias mihi agis, ego quoque Patri
meo in te & pro te gratias persoluo: at-

T

que

que hæc ita fiunt, vt nihil eorum percipias. *a*

Cuperes fortassis eiusmodi præstantes titulos in promptu habere, vt non necesse foret, te ipsum illos excogitare: non decet me hanc operam de tractare; & quoniam nihil apud te dissimulo, eos hîc subiungam, quibus ipse vti soleo: spernendi non sunt: confestim hoc ipso momento IESVM adora.

Saluto, & adoro te, ô amabilissime, Fili Dei! dulcissime, humanissime, affabilissime, amabilissime, ditissime, liberalissime, sapientissime, benignissime, desideratissime, optime, pulcherrime, potentissime, gratiosissime, blandissime, prudentissime, nobilissime, fidelissime & perfectissime IESV !!

Saluto, & adoro te, ô IESV mi gratiosissime! vt Verbum increatum, & carne vestitum, vt Filium MARIE, vt cum Patre tuo Spiritus Sancti principium, vt Redemptorem generis humani, vt summum amicum naturæ nostræ, vt fratrem,

• Lib. 3. gratia cap. 3.

tem, Principem, Regem, Pontificem,
& amorem nostrum.

Saluto, & adoro te, Domine mi: splē-
dor paternæ gloriæ, & figura substan-
tiæ eius, primogenitus creaturarum,
Rex virtutum, omnis sanctitatis exem-
plar, Ecclesiæ caput, delictum mundi,
desiderate cunctis gentibus, expecta-
tio Iustorum, Rex Regum, Domine Do-
minantium, idea omnis pulchritudi-
nis, pulcherrimum & æternum cor-
poræ beatitudinis illicium!

Saluto, & adoro te, Sapientia Dei
carne induta! Sponse animarum, Rex
cordium nostrorum, vita spiritûs no-
stri, amicorum fidissime, omni laude,
omni honore, omni adoratione dignis-
sime, semper gloriose, semper beate,
bonorum nostrorum summa, amator
noster, lux nostra, gloria nostra, felici-
tas Vniuersi, Cæli & terræ honor.

Saluto, & adoro te, Principem Pacis,
magnum Pacificatorem, misericordem
Aduocatam, Patrem dulcedinis, pro-
digium patientiæ, miraculum amoris,


TV 113

T 2

ado-

adorandam sedem omnium perfectio-
num, amantem, amatum, & amabilem,
salutarem medicum, pastorem admi-
rabilem, per omnia magnificum, spe-
culum iustitiæ, misericordiæ abyssum,
solem Paradisi, Inferorum victorem,
Magistrum & ductorem nostrum, the-
saurum spei nostræ, omnium solida-
rum deliciarum cumulum, pulchritu-
dinem, quæ pro dignitate nunquam
satis potest amari, terminum omnium
oblectationum, quas Deus extra sei-
psum capit, excellentiarum apicem,
meorum omnium amorum scopum,
& omnia in omnibus.





C A P V T IV.

**QVATVOR PIETATIS
EXERCITIA ERGA DEVM**
Patrem pro Dominicâ , quæ Christi
Ascensionem antecedit , & sequenti
triduo : quo tempore quidam pietatis
studiosi peculiari cultu PATREM D. N.
IESV CHRISTI venerantur.

EXERCITIVM I.

Pro Dom. ante Ascens. Christi.

DEVM PATREM, adorando, genua
flectendo, & benedicendo colere, ex-
emplo S. Pauli Apostoli.



VIDAM DEO PATRI primæ è
SS. & Augustissimâ Triade
Personæ peculiariter deuoti,
vt suo in illū pio studio libe-
raliùs indulgeant , quintam Domini-
cam

T 3

cam

cam post Pascha, quæ Ascensionem proximè antecedit, eligunt, eoque die ac insequenti triduo pijs operibus & orationi pro eiusdem Diuinæ Personæ honore vacant.

Quòd verò hanc potissimùm Dominicam sibi ad eam rem deligant, temporis ratio, & Festorum sese insequentium ordo ipsis dictavit: postquàm enim debito honore DEVM PATREM affecere, suum etiam dein Filio, quo die illius Ascensio celebratur, tribuunt; Spiritum S. in Pentecoste, tres verò diuinas Personas insequenti Dominicà simul venerantur; qui festi dies ordine sequuntur: adhæc Euangelium huius V. Dominicæ adeò est ad hanc Primam Personam factum, vt diceres, datà operâ ad excitandam in DEVM PATREM Fidelium pietatem ita fuisse collocatum.

Percuperent illi sanè, ab Ecclesiâ cultum illum, quo priuatim eum prosequuntur, toto orbe publicari, & vtique confidunt, euenire id olim posse:



ipsius etiam Dei Filij ore in Evangelio inculcat: quæ missio & legatio immensum profectò beneficium, & scaturigo est ceterorum omnium, quibus mortales omnes DEO PATRI sunt quàm maximè obstricti. Hoc vnum posset istorum desiderijs obijci, satis videlicet honoris ab Ecclesiâ Deo PATRI aliâ memorabili ratione haberi; quoniam pleraque preces, quas peragit, ad eum instituit, precata, velit illas per merita Filij sui ratas habere. Sed hæc ratio sua spe illos minimè deijciat; cùm multæ Orationes nunc sint ad Filium, nunc ad Spiritum S. factæ, quibus vterque collatur, neque tamen inde effectum est, quò minùs peculiare dies Ecclesiâ deligeret, quibus honor illis & gratiæ pro beneficijs, quæ Fidelibus totique mundo contulerunt, palàm haberentur: & quamvis magnus honor ille sit habendus, quo Ecclesiâ DEVM PATREM in eo afficit, dum pleraque publicas preces ad eum conuertit, longè tamen maior ac dignior tunc foret, si peculiaris

ris ei festusque dies insuper adderetur: vulgò etiam ad maius in illum obsequium animi excitarentur.

Porro, si Deus Ecclesiæ, ac ijs, qui illi præsunt, suggerere fuerit dignatus, ut votis piorum æmulatorum reipsâ obsequantur; non video, qui dies ad hanc rem aptior possit hæc ipsâ Dominicâ excogitari: ita enim caueretur, ne festorum dierum numerus excresceret, dum Dominica ipsa festi locum tenet: Officium verò diuinum ac Sacrificium, quod ei solennitati esset sacrum, non plus incommodi huic Dominicæ inferret, quàm festum SS. Trinitatis Dominicæ I. post Pentecosten officit; & esset omnino grata quatuor Festorum dierum series, ut antè diximus.

Sed quantacunq; illi spe, & desiderijs agantur, & ego quaslibet illis curas subijciam; diuini consilij hoc arcandum est, ac tantisper expectandum, dum Spiritus sancti instinctu permota Mater Ecclesia sententiam ferat. Istorum sancta desideria plurimum laudo;

sed aliud, quàm eorum priuatam pietatem non vrgeo, quæ, seu modum, seu tempus spectes, digna mihi approbatione videtur. Primum igitur Exercitium aggredior, siue illud, quod hodie potest exemplo S. Pauli Apostoli assumi.

Fuit utique S. Paulus singulariter cultui DEI PATRIS deuotus, sed si fas est, mentem aperire, fatendum est, DEO PATRI ante omnes fuisse IESVM CHRISTVM Filium eius addictum: is quamdiu inter mortales vixit, dies ac noctes eum precibus fatigabat, ad eum in aduersis omnibus confugit: id quod in horto Oliuarum ter ab eo factum: *Pater! si possibile, transeat à me calix iste: a* & in Cruce: *Pater! in manus tuas commendo Spiritum meum: b* cùm ei iunctis manibus gratias ageret: *Pater! gratias ago tibi, quoniam audisti me. c* Eum honorandi, laudandi, mundum vniuersum ad eius amorem inuitandi, & similia officia illi exhibendi, nullum finem fecit: i

a Matth. 26. b Luc. 23. c Ioan. 11.

fecit : quæ omnia singularis ac raræ pietatis opera & documenta sunt.

Verum de S. Paulo agamus: Discipulum imitati, etiam censebimur Magistrum sequi. Ut dicamus, quod rest est, eximius iste Apostolus omnino singulari in DEVM PATREM affectu rapiebatur: eius nomen in suis Epistolis quadragies adducit : ab eius nomine omnes alias, vnâ ad Hebræos exceptâ, sic auspiciatur: *Gratia vobis & pax à Deo Patre.* a Eum flexis genibus adorat: *Flecto genua mea ad PATREM Dominum nostrum IESV CHRISTI.* b Ei benedicit: *Benedictus DEVS & Pater Dominus nostri IESV CHRISTI.* c Et nos quidem hæc postrema duo capita hodie, ac deinceps in colendo Deo PATRE imitabimur.

Hagiophile, flecte genua, Diuinam hanc Personam adoraturus, & ad quâlibet flexionem ei gratulare, quod sit Pater amabilis Seruatoris tui, S. Pauli verbis vsus, quæ multum in se conso-

T 6 latio-

a Ephes. 6, 4. b Ephes. 3, 6 2, Cor. 1,

lationis habent: *Benedictus Deus & PATER Domini nostri IESV CHRISTI, Pater misericordiarum, & DEVS totius consolationis, qui consolatur nos in omni tribulatione nostrâ. a* Si longiorem iusto periodum putas; illis Ecclesiæ verbis vtere: *Pater de Calis Deus! miserere nobis; neque nimium erit, habitâ beneficii illius ratione, quòd dilectum Filium suum nobis donârit, si vigesies, aut trigesies eos adorandi gestus & apprecationes vsurpes. Noui quendam Dei Seruum, qui aliquid istis superaddit: Mulier illa Euangelica Filium Dei conspiciens, Matrem IESV laudauit, eique bene precata est; *Beatus venter, qui te portauit, & ubera, qua suxisti: b* Etiam ipse viso in Arâ DEI Filio cum Sacerdos S. Hostiam leuat, Deum Patrem, eius laudat, eique benedicit: *Benedictus Deus & Pater, &c.* Idem totum Rosarium in honorem DEI Patris percurrit, solitus, ad Crucis signum dicere: *Pater de Calis Deus! miserere nobis; ad maiora verò grana: Benedictus Deus & Pater, &c.**

a 2. Cor. i. *b* Luc. ii.

ter, &c. ac demū ad quodlibet minus: Pater! in manus tuas commendo spiritum meum. Cogitabas utique, magnopere me laborare, vnde tibi rationem aliquam Patris æterni colendi suppeditarem: sed vide, quā abundem! forsā plura dixi, quā præstabis: & adhuc superest, quod addam.

EXERCITIUM II.

Pro Fer. II, ante Ascens.

*Certum intra quamvis hebdomadem diem
 seligere, qui seorsim DEO PATRI sit
 sacer, exemplo B. Aloysij
 Gonzaga.*

HAGIOPHILE, possem tibi, juxta quorundam hodiē piorum hominum consuetudinem, singulos hebdomadæ dies partiti: illi enim diem Dominicum SS. Trinitati, Feriam II. Deo Patri, III. Filio DEI, IV. Spiritui Sancto, V. Venerabili Sacramento, VI. Christi SS. Passioni, Sabbathum.

Dei Matri consecrant: sufficeret hoc, ut te docerem, diem Lunæ cuiusvis hebdomadæ tibi eo fine deligendum, ut cum peculiari cultu ac precibus Deo Patri dicares. Volo nihilominus consilio meo auctoritatem, B. Aloysij Gonzagæ exemplo adstruere, qui simili pietate hunc diem traduxit: Feriam enim II. gratijs Deo Patri ob heri acceptum cum SS. Synaxi beneficium agendis impendit.

Non autem committam, ut omnia tibi tradam, quæ quouis die Lunæ ad fouendam in te hanc pietatem deprobas: legisti utique, quæ paulò antè tractavi, legesque illa, quæ in sequens destinaui: modò hanc à te rationem teneri, modò aliam, expediri mihi videtur: nam & pietati varietas est accepta. Si tamen idoneum in hunc diem exercitium à me dictari tibi cupis, quo illà pietate ritè fungaris, non aliud facile tibi assignauerim, quàm sanctum Missæ Sacrificium, cui singulari studio DEVM PATREM honorandi illis diebus inter-

sis;

sis; hoc enim potissimum obsequio capitur, quando Filius illi suus in Sacrificio offertur; quod munus apud eum pluris habetur, quàm si infinitos ei mûdos, à Cherubinis & Seraphinis habitatos, offerres: neque mirum est; quoniam IESVS, qui ei offertur, imensi pretij, ac dignitatis est vnde quaque infinitæ. In hunc itaque modum si rei diuinæ eâ mente, quâ te iussi adesse, intersis, ac ipsemet DEO PATRI diuinum hoc Filij sui sacrificium consecres, (omnes enim Christiani hunc illi offerunt, in sacrificij partem cum Sacerdote admissi, vnde suo modo à S. Petro Apostolo Sacerdotes sunt appellati, *a Sacerdotium sanctum, regale Sacerdotium*) quodnam opus possis maiori gloriâ adorandæ Primæ in Sacrosanctâ Trinitate Personæ dedicare, quàm hoc ipsum? Vtinam possem quavis vocolâ, dicebat sancta quædam anima, infinitos mundos creare, Angelis infinitè perfectionibus, quàm sunt ij, qui in Cælis modò

de.

a S. Petri 2, 5, & 9.

degunt, penitus refertos, ut gloriam
DEI decantarent ! cui Christus intra-
mentem, quid, inquit, tantopere con-
cupiscis ? in tuâ facultate situm est, his
longè maiora efficere, si nimirum cum
Sacerdote, rem diuinam peragente, me
cælesti meo Patri offeras.

EXERCITIUM III.

Pro Fer. III. ante Ascens.

*Litánias recitare ad DEVM PATREM
factas, exemplo P. Thomæ Sallyè
Soc: IESV.*

S GREGORIUS Nyssenus, a dum il-
la Sponsi verba considerat, quibus
pulsatis Sponsæ foribus, quatuor
dotes illi attribuit, eam sororem, ami-
cam, columbam & immaculatam suam
appellando : *aperi mihi Soror mea, ami-
ca mea, columba mea, immaculata mea.* b
ait has quatuor laudantis voces, esse
non secus ac totidem claves aureas, per-

a Hom. 20. in Cant. b Cant. 5.

perquam idoneas, ut divinæ illius spō-
sæ cor pateat, eiúsque amor possidea-
tur.

Hagiophile, auésne profundius in
Patris cælestis Cor penetrare, apud eū
bono loco, & in amoribus esse? hæc illi
encomia, has laudes tribue, quæ Lita-
nijs eius gratiâ compositis continen-
tur; quibus P. Thomas Sallius è nostrâ
Societate & ipse fuit usus, & dicenda-
rum alijs in precum libello, quem pu-
blicavit, auctor fuit. Proinde quot-
quot perfectiones & attributa divina
hæ Litaniz complectuntur, totidem
claves habebis, quibus ad Paternæ il-
lius liberalitatis thesaurum aditum ti-
bi facias: neque ijs interpositis nomi-
nibus atque titulis quidquam tibi ne-
gabit. Si verò maiorem desideres apud
eius bonitatem gratiam inire, S. Mech-
tildem imitare, quæ sæpe has preces è
Christi Domini consilio adhibebat, à
se persolutas laudes illis laudibus con-
iungens, quas Servator noster Patri cæ-
lesti in terris persoluit. a Atque hoc
exer-

exercitium ac methodū precandi Deo PATRI mirè gratam esse, ipsemet Dei Filius Mechtildi affirmavit, illasq; preces eodem apud illum in pretio esse, quo illæ fuerunt, quas Christus adhuc in terris positus ipse peregit.

EXERCITIUM IV.

Pro Fer. IV. ante Ascens.

*Precibus illis vacare, quæ DEO PATRI
ante alias acceptæ sunt, exemplo S.
Lutgardis.*

S LVTGARDIS Ordinis Cisterciensis
magnum decus ab ipso Dei Filio,
año integro priusquā moreretur,
iussa fuit ad illud supremum iter se di-
sponere, addito insuper mandato, ut
reliquo vitæ tempore tribus præcipuè
rebus sedulam operam navaret: qua-
rum prima fuit, sæpissimè ob accepta
beneficia, quæ liberali manu in illam
erant collata, gratias agere, precarique
sanctos, velint eius defectum supple-
re,



DEI Filius dignatus est ad has institue-
 re : quas verò preces ad hoc negotium
 assumas, tuæ pietati ac otio relinquo;
 Orationem Dominicam aliquoties re-
 petere, abs re non erit: Litanię quoque,
 de quibus suprâ mentionem feci, ad-
 modum idoneæ sunt ad gratiam pec-
 catoribus exorandam: expediet etiam,
 hodie paruum Officium ad Patris cæ-
 lestis honorem factum, quod in Ma-
 nuali precum ad hoc tempus seruien-
 tium continetur, hoc sine recitare:
 quidquid agas, DEVM PATREM stude
 peccatoribus conciliare; sunt enim
 fratres nostri, & eius gloriæ capaces,
 quam IESVS non illorum minùs, quàm
 nostrâ gratiâ, SS. suo Sanguine
 comparauit.



CAPVT



CAPVT V.

DECEM PIETATIS EXERCITIA ERGA FILIVM DEI
pro Fefto Admirabilis Afcenfionis, &
fequentibus diebus, vſque ad
diem Pentecoſtes.

EXERCITIVM I.

Pro Feſto Aſcenſ.

*Frequenter, ac pio animi ſenſu Cælum,
quod Filius Dei conſcendit, intueri, exem-
plo SS. Apoſtolorum hoc ipſo Aſcen-
ſionis die.*

MAGNA eſt mortalium felici-
tas, poſſe cælum intueri; illic
enim patria noſtra, hîc in ter-
ris iter peregrinantium eſt, vt
olim S. Varus Martyr tyranno, eius
constantiam tentanti, reſpondit. Quis
igitur non acquieſcat, quando tam fe-
lix

fix patria nunquam potest nostris oculis subduci, cui perpetuo propius accedimus, quantumuis lentis passibus progrediamur? hanc quidem infra positam patriam sæpe intueri prohibemur; illa verò semper nobis ob oculos versatur. Solus Cæli aspectus sapere nos docet, ac rerum infimarum nobis fastidium ingenerat, ne nobis fraudi sint, nostròsque sensus lenocinijs suis fascinent: atque ob eam causam S. Patriarcha noster Ignatius toties exclamauit: *Quàm sordet mihi terra, cùm Cælum aspicio!* vnicus Cæli obtutus omnes præclaras actiones nostras animat, neque supplicium aut labor vllus est, qui non fortiter suscipiatur ac mitescat, meliori oculo Cælum contuenti: Generosa mater S. Symphoriani, cùm ei fuisset ad supplicium pro fide obeundum procedenti obuia, non nisi paucas ei has voces innuit: Fili mi! cælum respice, animòque illum contemplare, qui cælos gubernat: adimitur tibi modo vita multis calamitatibus obnoxia;

sed

sed tuâ constantiâ in aliam longè felicissimam commutatur, quæ omnium, quæ fingi possunt, felicitatum copiâ æternum abundat.

Si quis grauioribus malis premitur, oculorum aciem tantummodo sursum attollat, illico diuinæ consolationis ac fiduciæ radius ei desuper illucescet, animumque demulcebit: & quamuis tunc Cælum foret nubibus obductum, aut nocturnâ caligine obscurum; eius tamen occulta vis per ipsas etiam nubes non omittit, nostris mentibus se insinuare, vt eos exhilaret, & mœstitiam omnem animis abstergat. Femina quædam Mexicana grauissimo mœrore ob mariti absentiam, qui duodecim jam annis aberat, oppressa, multasque insidias quotidie perpeffa, quibus eius pudori hætenus fortiter defenso ad-
ulteri imminebant, cum esset jam omnis consilij inops; nocte quadam, quâ tristitiæ magnitudo somnum illi excus-
sit, hoc vnum solatij reperit, vt è lecto progressa ad fenestram concederet at-
que

que inde cælum, etsi tunc obscurâ nocte oculis imperuium, suspiceret, malorum suorum solatium, & tædij leuamen petitura : nec infeliciter illi successit, eo aspectu admonita, DEI Matris meminisse, eiûsque opem implorare : quod vbi magno affectu fecit, DEI Mater & luce, cuius radijs diuinitus erat cubile illustratum, & voce animos illi addidit ; exinde adeò animum sibi mutatum ac serenatum persensit, vt affirmaret postea, se, auditâ DEI Matris voce, nihil vltra desiderâsse, quàm vt olim in cælo conspicere illius sanctissimum vultum posset. Ipsi adeò desperati penitus mortales non se contentent, quin oculos in Cælum attollant : estque illud homini à naturâ insitum, ac tantopere mentibus hominum infixum, vt ipsi damnati apud Inferos manes illius aspectûs nondum possint obliuisci, quin in hoc sulphureo ac Tartareo carcere viuis carbonibus iniecti, omnium primò in Cælum oculos leuâ-
rint,

• *Ex Annalibus Benci.*

rint, veluti amabilem illam pulchritudinem requirerent, quâ totâ æternitate essent carituri. *a*

Hagiophile, omnes hæc considerationes, & hæc insuper, quòd Apostoli Christo ad Cælos ascendente, locum illum, quo Magister illorum in altum leuabatur, tam constanti ac fixo vultu sunt intuiti, vt necesse fuerit, Angelum illis submittere, qui desistere illos ab eo spectaculo juberet; hæc inquam meditationes ad scribendum me animant, vt te inducam, sæpe in illam regionem oculos conijcere: quod modò facies, oculis blandè in illud elegantia omnis theatrum defixis, submissâ voce suspirando: O Cæli venustas! quando te propius videbo? aut: ah! quando in beatum illud domiciliũ transibo? aut: ô Cælestis vrbs Ierusalem! ecquando omnes mihi tuas pulchritudines sine tegumento exhibebis? modò obfirmato vultu ac attentâ cogitatione cum S. Ignatio cæli amoenitatem inter hæc

V

ver.

a Luc. 16.

ba expendendo: *quàm sordet mihi terra, cum Calum aspicio!* vt interim in hoc admirandi operis palatio mentem occupes, quod in se omnem Paradisi voluptatem complectitur.

Malo autem hac potissimum ratione iucundum tibi hoc exercitium efficere, quàm vt te jubeam totis diebus agere, quod glorioso Martyri Gonsaluo Sylueriæ è nostrâ Societate vſitatum fuit; is enim perpetuò, seu sederet, seu rectus assisteret, seu obambulet, cælum respiciebat, fassus, ex eo se aspectu maiorem voluptatem percipere, quàm si omnes mundi illecebras oculis subijceret.

EXERCITIVM II.

Pro Fer. VI. post Ascens.

Rosarium dicere, ubi per quinque decades quinque gloriosa Mysteria recoluntur, aut eadem secum expendere, exemplo

Letbaldi viri Nobilis.

OMNIA quidem Vitæ Christi Mysteria consolatione abundant; sed illa imprimis, quæ Gloriosa appel-

appellantur, quorum gratiâ multi Fide-
 lium recitare Rosarium solent quin-
 que decades continens, quæ tertia pars
 est totius Rosarij: & quoniam illi inter
 recitandum solent illa mysteria expen-
 dere; hinc causam sumpsi, cur & ego
 hisce precibus vnâ quoque istiusmodi
 considerationes adiungerem.

Non autem cogito circa hoc argu-
 mentum, considerandi capita tibi ad-
 scribere; satis est, te vim & sensum
 Mysteriorum assequi, quorum cogita-
 tione te distineas, siue Rosarium illud
 recites, siue seorsim animo duntaxat
 reuoluas. Vt verò non aliud tractem,
 quàm quod ad Dei Filium refertur, ea
 capita tibi ordine adiungam: Transfi-
 guratio, Descensus ad limbum, Libe-
 ratio SS. animarum illic detentarum,
 Resurrectio, Ascensio, & locus, qui ei
 est ad Patris dexteram attributus: hæc
 omnia Christi decora pias & pulchras
 cogitationes suppeditant. Reprehen-
 sionem mererer, Hagiophile, si meas
 tibi eâ super re propinarem; erit tibi
 V 2 harum

harum copia maior & melior, si hodie, aut alio tempore serió velis ad hoc negotium mentem & curam adijcere. Illud tamen nolim dissimulare, animos illos Deo charos esse, qui hac occupatione se oblectant: & quoniam in hoc tempore Christi Ascendētis versamur, id quod subiungam, huc aptè quadra- bit, fidemque dictis & assensum apud te mihi conciliabit.

Augustoduni vir nobilis, Letwaldus nomine, pietatis causâ iter in Palæsti- nam suscepit; quam cùm attigisset, corámque oculis illa loca sacrosancta, à IESV CHRISTI vestigijs & gestis re- bus nobilitata, piè perlustrâset, diu- tiùs in Oliueti monte substitit, vnde Christus in Cælum emigravit: cuius gloriosi mysterij consideratio tam po- tenter ac validè illius animum occu- pavit, vt exuto omni rerum humana- rum, cognatorum, ac patriæ amore, magnis apud DEI Filium lacrimis ac suspirijs institerit, mori sibi eo loco li- ceret, vt anima eâdem viâ posset ad
Cælum

Cælum euolare, quam pridem ipse admirabili suâ Ascensione strauisset. Inde humi toto corpore prostratus, distentis in Crucis modum brachijs, rupis illius, cui pedum Seruatoris ad Cælum euntis vestigia fuere impressa, monumentis osculum impressit, piâque obtestatione negauit, se loco discessurû, nisi anima corpore egressa Domini ac Seruatoris sui iter adiret, Amabilis Redemptor! inquit, si hoc anno finienda mihi vita est, cur non hodie finem impono, dum in hoc loco versor? Eo dein' situ fatigatus, in genua se erigebat manibus junctis & ad Cælum leuatis, quod ardentibus oculis ac desiderijs contuitus, aspectu illo tam amabili IESVM in sua vota traxit, precésque illic tam calentes profudit, vt amoris illius suspirijs Angelos ac Cælites omnes ad suscipiendum eius patrocinium permouere potuerit. Verùm vbi frustrari suas spes & carere euentu animaduertit; velut amor, quo totus jam aestuabat, illum in altum efferret, toto

V 3 impe-



tiæ fructus dulcissimos eodem die ipsi
largiente. Ita mortuus est, ita Cælum
petijt, Christo Ascendenti & glorioso
huic Mysterio tantopere deuotus,

a Rudolph. l. 4. hist. c. 6.

Greiser. in Apologet..

EXERCITIUM III.

• Pro Sab. post Ascens.

*Paruam Christi Coronam recitare in ho-
norem triginta trium annorum, quibus in-
ter homines vixit, exemplo B. Mi-
chaëlis Florentini.*

I DONEVM omnino hoc tempus est,
quo honori ac memoriæ triginta-
trium annorum, quos Seruator no-
ster inter nos exegit, pium quoddam
opus suscipiatur; quando his ipsis die-
bus finem illis imposuit. Obseruaui,
hunc numerum multos Christi amato-
res vt sacrum coluisse: & alio loco di-
xi, P. Cæsarem Buzæum quot annis
tres ac triginta dies expendenda Christi

sti Morti ac doloribus destinâsse. B. Victoria diem in tres ac triginta partes diuidebat, quorū videlicet annis Seruator noster in terris vixit; eas ipsa stationes appellabat; cuilibet enim aliud quod mysterium vitæ aut mortis illius assignauit, quod ipsa cæteræque Moriales ordine ad initium suarum actionum considerarent. B. Stephana Soncinas, è S. Dominici familiâ pari honore consuevit hunc tricenarium venerari: in quem finem longo tempore funiculum gestabat triginta tribus nodis contortum, eūmq; nudæ carni tam diu, ac tantâ austeritate applicuit, vt, cum eo se vellet discingere, magnos cruciatus experiretur, tot nodis totidem vulnera casto corpusculo affricantibus.

Quid expallescis? Hagiophile, auereri, ne eundem tibi laborem imponam? Profectò si ita malè corpus haberes, id seriò tibi interdicerem, ne funem triginta ac tribus nodis asperatum, ad recolendos Seruatoris nostri annos,

annos, adhiberes, qui adeò te seuerè constringeret, vt cruenta tibi vestigia imprimerent: si tamen non nisi modicè fodicando leuem doloris sensum ferenti inferret, dissimulemus; neq; tunc grauitè me posses incusare. Ast ego sanctæ lætitiæ destinatis diebus non cogito quidquam de rigore loqui: mihi satisfiet, si in animum inducas, hunc numerum, de quo agimus, venerari; ac hodie & aliàs pro tuâ commoditate, Festis præsertim Christi diebus Coronam recites, quam eâ mente B. Michaël Florentinus ex Ordine Camaldulensium dicebat, cuius vsum primus inuenit, & in suos mores ac chariora pietatis exercitia induxit. a Eam Leo X. Pont. Max. approbavit, ac dicenti Indulgentias, & plenarias maximè, in horâ mortis concessit, si quis eam quotidie in viuis recitaret. Sixtus V. eas ratas habuit, ac pœnas item omnes remisit, quocunque anni die vellet eas sibi ex illis aliquis relaxari, qui quauis

V 5

heb-

a *Ex Vionio ad 21. Ianuarij.*





Iesu amantiore conantur pro dignitate non sine eximijs honoris ac reuerentiæ indicijs celebrare, aut pridie ieiunando, aut illis diebus SS. Eucharistiam sumendo, aut vacando piæ lectioni meditationiue, præsentis mysterio accommodatæ, aut protractioribus ad Christum precibus indulgendo, id maxime postulantes, vt eas possint virtutes consequi, quæ in eo mysterio elucet; aut deniq; pro eiusdem diei honore pijs operibus se impendendo, quæ seu corporibus aliorum, seu animis profint. Dixi, hæc esse festa, quæ semel tantum in anno redeunt, vt à Feriâ III. cuiusvis hebdomadæ distinguerem, quæ apud Christi amantes solet Verbo Increato Deo. Homini esse sacra, & à Feriâ V. quæ Venerabili Sacramento, item à Feriâ VI. quæ Christo Patienti, longâ Ecclesiæ consuetudine, dicata habetur: quibus diebus animi ardentiores ad amorem atque obsequium suum demonstrandum non omittunt, seu maiori aliquo, seu tenui saltem officio pietatis cum demereri,

Hagio-

Hagiophile, Ante tibi familiaria hæc pietatis exercitia esse, non dubito: quòd si secùs id esset, hodie illorum tibi vsum indiceres. Sed hoc præcipuè velim à te in cultu horum festorum, ac Mysteriorum obseruari, vt vnum potissimùm deligas, cuius venerationi præ reliquis te addicas. Eam rationem comperio Sanctos tenuisse, quorum alij in hoc, alij in aliud mysterium magis propendebāt, soliti plùs apparatus & honoris in illis ornandis insumere. Et vt ne ad experimentum singulorum te inducam, satis mihi est, scire te inter mysteria omnia, quæ video ab alijs religiosè culta, Christi Natiuitatem primas ferre. B. Cæcilia Panormitana, è tertio Ordine S. Francisci de Paulâ. quindenos dies ante illud festum ieiunio transegit, vt aptè se ad id præpararet, & antè IESV nascituri gratiam aucuparetur.

S. Radegundis Regina, attendebat, in quam septimanæ diem Christi Nati dies quouis anno incideret; ac tum

eam diem per quasuis hebdomades illius anni ita transigebat, precibus, pietati ac pijs operibus intenta, atque si solennis illa dies fuisset. Et hoc sancti amoris in hoc sacrum mysterium, inuentum, maximopere sibi placere, Deus præclare testatus est; quippe die Christi Natali in diem Mercurij anno 590, incidente, quodam Mercurij die mori promeruit, quem illa vt maximè sibi solennem & celebrem eo anno colebat. Plures alij huic Seruatoris nostri Natiuitati se dediderunt; sed quoniam hoc pietatis Exercitium separato Capite est à me paulò inferiùs tractandum, nihil hîc addam: idipsum etiam, quod huc retuli, non nisi pro argumento piæ consuetudinis adhibui, quâ Sanctarum mentium aliquæ vni potiùs Mysterio, quàm alijs se impenderunt, prout eorum animi erant variè affecti. Tuum erit, Hagiophile, hodie ista mysteria, à me proposita, percurrere, ac vnum ex illis deligere, cui præ cæteris animum adijcias.

EXER.

EXERCITIUM V.

Pro Fer. II. infra Ascens.

*Habere Christi imagines, ac earum pio
aspectu se recreare, exemplo S.**Teresa.*

QVI IESVM intueri nequit, eius pulchritudinem olim non nisi in Regno gloriæ visurus, interim jure gaudeat, eius imaginem se videre: quòd si quilibet, qui IESVM, vt decet, ceu cordis sui delictum amat, erga omnia monumenta ad illum spectantia, nullo prorsus excepto, piè afficitur; consequens ac necesse est, ei præ cæteris rebus charum ac iucundum fore, illius imagines oculis vsurpare, quibus ipse repræsentatur: illi enim, cui concessum non est, prototypum contueri, satis est, ectypum exhiberi, cui pari propemodum auiditate inhæret.

Ludouicus XI. famâ didicerat, B. Ioannam Lusitaniæ Principem inter sui temporis feminas formæ ac virtutis mira-

miraculū esse; hinc cū de eā Delphino suo in matrimonium collocandā ageretur, quandoquidem, inquiebat, videre corā pręstantem illam formam nondum licet, volo mihi eius effigiem exhiberi: quę vbi pictoris penicillo elaborata, oculos illius subiit, adeo Rex illam deperiit, vt non in gēua solū se demitteret, quò occasionem ab hoc venustatis prodigio mutuatus, increatam pulchritudinem, ceu fontem omnis elegantię adoraret; sed adiungeret, sæpius in tam amabilem picturam se oculos coniecturum, ac posse interea, dum de matrimonio filij sui cum illā Principe ineundo transigeretur, omnia se fastidia illius morę abstergere. *a* Sed multò rectiùs de sancto desiderio Principis Edesseni loquar, quo Seruatoris imaginem obtinere gestijt: cū enim ab eo magno intervallo abesset, nec idcirco corā oculos suos pascere in eius contemplatione posset; pictorem in Palęstinam ablegauit, qui
eius

Vasconcell, in Ioannā,

eius vultum coloribus exprimeret. Sed penicillus officium minimè fecit, nec assequi pictor vlllo artificio, aut colorum attemperazione tam excellentem formam potuit; vt necesse esset, ipsum DEI Filium heri, & pictoris conatibus succurrere; igitur tabulæ loco linteum diuino vultui applicuit, qui confestim lino impressus prodigiosè comparuit: eam effigiem Edessenus Princeps omni suâ ditione pluris deinceps fecit: **a** vt verum sit, si quis amantium intueri coràm rem amatam nequeat, illius imagine ipsum tantisper oblectari. Et vt de IESV ac ijs, qui IESVM amant, tantummodò loquamur, magni illam S. Terefiæ vocem facio, dicentis: magnæ mihi consolationi est, imagines nostri Seruatoris dilectissimi conspicerè; cuperémque ex omni angulo, in quem oculos conijcio, earum conspectum offerri. **b**

Hagiophile, habes vtique, amas & adoras MARIE icones: atqui IESV Filij
eius

a *Ex Niceph. lib. 2. cap. 7.*

b *In viâ perfect. cap. 34*

eius plus gratiæ, plus venerationis continent; cura, vt eas auidè inspicias, nec alteri spectaculo quàm huic tuos oculos magis impendas. B. Coleta eâ de causâ oculos suos magno in pretio habuit, quòd ijs liceret sibi Species Eucharisticas intueri; quòd si, aiebat illa, oculorum vfu ante vitæ finem priuarer, ob id præcipuè acerba mihi eorum iactura foret, quod deinceps prohiberer, diuinas illas species, & IESV latentis tegumenta, vt & eius venerandas imagines atque Matris amabilis icones aspicere. Non hæc dico, quòd nolim te semper MARIE aliquam penes te imaginem circumferre, sed aio, hunc honorem & locum apud te IESV quoque effigiem promereri; vt eius aspectus memoriam tibi Seruatoris tui refricet, centies in die illam respiciendi, exosculandique occasionem præbeat, & deniq; vt ceu felicitatis quoddam pignus amplectaris. Mille benedictiones ac beneficia sibi promittat, quisquis amore ac cultu illam dignabitur,

tur, secúmque amuletum tam boni omnis gestauerit. Eius rei fidem mihi sequens historia facit. Dominus quidam gentilis longâ paralyfi attinebatur, quem post adhibita omnis generis remedia, pertinax malum grauiter nihilominus exercuit : donec ab homine Christiano persuasus, fiduciam salutis in DEI Filio collocare, ab eius manu Christi ad Cælos ascendentis imaginẽ sumpfit; cuius consilij obsecutus dum iconem eam videt, tractat, ac osculatur, tantoperè fuit recreatus, vt à morbo penitùs desertus, ex toto conualesceret, præsentibus tunc eius pietatem ac reuerentiam, quam ei picturæ tribuebat, admirantibus : gemina tunc illius curatio fuit, cùm & corpore & animo sanitatem recuperâset, IESU imagine hanc omnem felicitatem illi procurante.

EXER-

EXERCITIUM VI.

Pro Fer. III. infra Ascens.

*Amare ac peculiari affectu Sanctos illos
prosequi, quorum studium ac pietas in a-
mando IESV præcipue eluxit, aut quos IE-
SVS præ cæteris amavit, exemplo S.
Eduardi Regis.*

EXEMPLI causâ hunc maximè
gloriosum Angliæ Regem assu-
mo; quoniam toti orbi notum
est, quanto studio S. Ioannem Apосто-
lum & Discipulum, *quem diligebat IE-
SVS*, & ob eum amorem coluerit, quo
IESVS illum dignabatur, & ipse vicissim
IESVM magistrum suum diligebat: cu-
ius Regis amor in illum eousque excre-
vit, vt nihil cuiquam negaret, nomine
& amore S. Ioannis postulanti,

Hagiophile, si apud Christum sum-
mo esse loco nō potes, stude, vt saltem
sis aliquo: considera quæso Aularum
affectas, qui si apud Principes nequeūt
esse gratiosi, in eorum saltem student
se

a Ioan. 21.

se gratiam insinuare, qui Regis aures
& animum occupant; quod ij, quibus
ad summam gratiam aspirare non li-
cet, vtcunque pro magno habent, ma-
gnatibus se placere. Te, cuius conatus
omnes ad Caelestem Aulam collimant,
non decet his inferiora facere; & quo-
niam neuter nostrum meretur, inter
primæ admissionis amicos apud IESVM
Regem gloriæ esse, nostris obsequijs il-
los demereamur, quos ille arctius est
amplexus, quique sanctâ quadam vi-
cissitudine eum amare & colere non
destiterunt.

Hinc velim te diligenter perquirere
ac observare, quinam illi sint: neque
illos ignorabis, è rebus gestis Sancto-
rum vtiq; edoctus; & ego ipse suo lo-
co id significavi, quando de cultu Cae-
litum disserui. Si hoc feceris, duode-
nos ex hoc Amantium & Amatorum
numero tibi delige; eosque saepe pre-
care, & illius amoris, quo ipsi ardent,
aliquam tibi dari scintillam postula,
evolve illorum gesta; magno illos af-
fectu


fectu prosequere, ac palàm profiteri; te illorum gratiarum prensare; quam si es consecutus, puta te saltem in secundis consistere.

Quo in negotio decens omnino est, gloriosam Virginem DEI Matrem primas tenere: quam etsi tuâ sponte ames, præcipua tamen apud te amandi causa sit, quòd ipsa tantopere IESVM Filium suum dilexerit: ac vt semel rem totam assequaris, IESVS amari se non existimat, si Mater eius fuerit illius expers: & quemadmodum MARIA tantum amorem illum facit, quo in Filium eius mortales feruntur, vt mallet non amari, imò prorsus non esse, quàm IESVM amore priuari, aut leuissimam etiam illius diminutionem pati; pari ratione IESVS dilectus eius Filius gloriosum sibi putat, videre Matrem suam apud nos in pretio & amoribus esse: desideratque ab illâ obsequiorum illorum initium fieri, quæ ipsi præstare cogitamus.

Post illa liber tibi ac ingens eligendi
cam-

pus patet, quos è tot eximijs Sanctis aut IESV amore, aut fauore præ alijs celebres adoptes. Ego inter cæteros S. Franciscum Seraphicum delegi, qui pro documento sui amoris à sancti amoris Magistro sacra Stigmata suscepit: S. Ignatium Martyrem Episcopum Antiochenum, cuius cordi IESV dilecti sui Nomen potiùs caractere amoris, quàm aureis fuit inscriptum: S. Ignatium Patriarcham nostrum, cui Romam eunti visus Christus blandis hisce verbis est locutus: *Ego vobis Roma propitiu-
ero*: B. Franciscum ab Infante IESV, qui cum millena pia opera ob amorem IESVLI ac delicij sui patrâsset, videret-
que, innumera adhuc superesse, quæ confici potuissent, optabat vehemen-
ter, corpus suum in infinita frustra ac particulas diuidi, quarum quælibet aliquis Franciscus à IESV Infante esset, qui totidem diuersis locis laborare ac inservire IESV posset: S. Catharinam Senensem tantopere DEI Filio dilectam, vt cum illâ Officium diuinum re-
cita-

citaret : S. Catharinam Genuensem, quæ illum non alio, quàm Amoris sui nomine compellabat : B. Catharinam de Raconis, quam Christus legere prima litterarum elementa docuit : S. Tereſiam, quæ pro ſuo ſymbolo his verbis, *aut pati, aut mori, vſa*, mori potiùs optauit, quàm nihil pro IESV trifte perferre : B. Columbam Reatinam, quæ SS. Euchariftiam ſæpe è manibus Seruatoris accepit. Hos magnos Dei Hominis amatores datâ operâ huc appoſui, vt digitum ad ea tibi facinora intenderem, ob quæ illos in hanc claſſem retuli ; vt, ſi quando tibi eiufmodi occurrerint, ad eos colendos ſtimuleris, & allabores, officijs ipſorum honori exhibitis, eorum tibi beneuolentiam, conciliare, téque illorum numero adiungere, qui eorundem venerationi ac obſequijs præ vulgo ſe mancipârunt.



EXER.

EXERCITIUM VII.

Pro Fer. IV. infra Ascens.

Amare, quidquid IESVS amat, aut ad IESVM refertur, exemplo S. Francisci.

SANTONIVS sæpe discipulis suis inculcabat, Dæmonem jeiunia, vigiliis, preces & pia iustorum hominum opera, & imprimis magnum, ergo IESVM amorem formidare. Hagiophile, ob ingens desiderium, quo cupio te omnes hostes subigere, ac triumphare, magnum tibi arcanum comitto, vt scilicet ames, quidquid IESVS amavit, adhuc amat, & ad eius divinam Maiestatem aliquâ ratione refertur: in hac enim tenerâ affectione erga omnia, quæ illum concernunt, magnus ille IESV amor situs est, de quo sanctus Anachoreta loquebatur. Certe videmus eos, qui alterum amant, amorem suum in ipsas adeò ædes, vestimenta, litteras, & omnia alia amico-

X

ruo

rum suorum supellectilia extendere. Atq; in hunc modum existimo, IESVM nobis amandum esse, & illius causa animarum nostrarum quoq; salutem, quoniam & ipsæ illius sunt, utpote pretioso illius sanguine redemptæ; præterquam quòd hominum & Christi fratrum sint: amandi quoque sunt iusti & serui DEI, qui ad ipsum ut Regni cælestis cohæredes pertinent: templa quoque ac sacella ei consecrata; sunt enim honoris diuini palatia: alia loca sancta, velut adorandæ illius Humanitatis domicilia: virtutem & sanctitatis functiones, quibus tanquam gratissimo spectaculo mirum in modum capitur: SS. Sacramenta, velut canales gratiæ: eius SS. Verba, siue ab ab alio prolata; quoniam eius voluntatem nobis exponunt: denique quidquid eum aliquâ ratione contingit: & cur id non fiat? quando totus per omnia est desiderabilis; ut Sponsa ipsa umbram illius expeteret, facta, in illâ se suauiter conuiuiscere?

Hanc

a Cant. 2.

Hanc amandi methodum sancti seruârunt, præsertim S. Franciscus Seraphicus, qui amoris suo ad omnia, quæ quavis ratione ad eum pertinebât, aut quadam similitudine, alioue jure accedebant, habenas laxauit. Hinc agniculis blandiri consuevit, recordatus, IESVM verum esse Agnum, qui peccata mundi sustulit; hinc oues libenter spectabat, memoriâ repetens, eum instar innocentis ouis sine voce, in hostium, furorum, luporum rabiem vincentium, ungues incidisse; Soli præcipuè faucebat, quî, quod præstantissimum esset naturæ opus, videbatur illi non nihil ad pulchritudinem IESV accedere; quî est speciosus formâ præ filiis hominum, & sol verus Iustitiæ: neque hic eius in solem amor desinebat, sed ob eam similitudinem, quâ cum Filio DEI in comparationem venit, mille encomijs ornabat, de quo si loqueretur, fratrem suum solem vocitabat: de eodem Canticum composuit, in quo IESVM cum sole comparabat; si recreare suos

X 2

rum

rum animos vellet, decantari illud iubebat, canendi prouinciâ illorum vni mandatâ, qui à puero fuissent Musica, melodiæ ac Musicorum instrumentorum periti. Illo ipso Cantico ad patrandâ miracula vsus est. Grauitè & magnâ ciuium offensâ Episcopus & Gubernator Assisij inter se dissidebât; quorum alter Gubernatorem è communione Fidelium eiecit ! iste edicto vetuit, ne quidquam Episcopo, aut eius ministris vendere cuiquam liceret : hanc litem finire S. Franciscus statuerat ; qui postquam Gubernatorem eò permouisset, vt vellet ad Episcopale palatium concedere, quamprimùm ad componendam discordiam pars vtraque conuenit, duos suorum iussit Canticum solis exordiri, cui aptam ad eam rem stropham ipse subiecit, solem Iustitiæ clementi eos radio dignari, qui nullâ odiorum flammâ accensi, veniâ hostibus darent. Fuitque tam felix eius negotij consilijque successus, vt Gubernator, nondum causâ in medium alla-

tâ, se ad Episcopi pedes abiecerit, veniamque rogârit : hic totus restituenda pacis apparatus fuit, in quo arbitri locum Canticum solis occupavit, ac utriusque animos conciliavit, qui deinde in stabilem amicitiam coaluere.

EXERCITIUM VIII.

Pro Octavâ Ascens.

*Singulari animi sensu erga Cor I E SV
CHRISTI affici, exemplo S. Mech-
chidis.*

HAGIOPHILE, nulla pars in hoc corpore animato, quod circumferimus, corde nobilior est; hæc est portio omnium præstantissima: hinc est, quod S. Lucianus Martyr, cum captivus detineretur, ac pro re divinâ illi Ara deesset, ad peragendum sacrificium & Venerabile Sacramentum apto loco reponendum, suum pectus adhibuerit: illa enim sedes amoris est, unde amor sua oracula flammis inde erumpentibus edere solet. Hæc causa fuit

cur generosa illa Sigismunda cor mariti sui defuncti suo pectori applicuerit, ut aut cor mortui vi caloris reuiuisceret, aut suum mariti fato periret: atque ita posterius euenit, amoris ardore, quem incredibilis ob mariti sui iacturam dolor comitabatur, vitam illi suffocante.

Necesse est sanè, corda nostra aliquid eximij habere, & opus melioris notæ ac pretij esse, vel ob id solum, quòd IESVS illa tot modis depereat. Corda nostra sibi vendicat, hæc primo ac præcipuo jure sibi arrogat. S. Lutgardis omnis generis morbis prodigiosè medebatur, ut eà de causâ ex omni parte maximi ad illam accursus fierent: vnde mille modis à pietatis consuetæ exercitijs ac mentis solitudine abstrahabatur: quod illa apud Dei Filium quæstâ, Dilecte mi, aiebat, quæso te, aliam mihi gratiam præsta, ac morbos curandi facultatem adime, quæ me tam violentè à tuis obsequijs auellat; omnium gratiarum loco Cor tuum
 mibi

mihi dona, tum cæteris omnibus vale-
dicam: cui Christus, Lutgardis! inquit,
tuis precibus obsequi paratus sum, sed
eâ conditione, vt mihi vicissim tuum
præbeas: cor tuum volo, ab eo capien-
da sunt sanctitatis initia. Corda ergo
nostra IESVS appetit, quæ vt gratissima
sibi domicilia deligit; hæ illius volu-
ptariæ domus sunt. S. Mechtildis ma-
gno desiderio expetebat, DEI Filio li-
berale ac splendidum munus è suo cor-
de parare; qui illi mox respondens, Fi-
lia; dicebat, nullum à te potest gratius
mihi munus obtingere, quàm si cor tu-
um in modum domûs efformes ac di-
sponas, in quâ me oblectare, & com-
morari pro meo libitu ac perpetuò
queam, & Nimirum in cordibus no-
stris arcana sua consignat, eis loquitur,
ac operum suorum rationem exponit.
De P. Rocho Gonzalez è Societate no-
strâ, qui in Brasiliâ Fidei causâ fuit in-
teremptus, refertur, cor eius fuisse lo-
cutum, etsi caput eius fuerit à corpore

X 4

auul-

- *Lib. 2. grat. cap. 26.*

uulsum, ijs, à quibus ipse fuit perem-
 ptus, tyrannidem exprobrans, cur ausi
 fuissent ei vitam eripere, qui ipsorum,
 salutis gratiâ ex altero orbe aduenisset;
 & his similia: Cor Filij DEI multò ma-
 iori miraculo corda nostra alloquitur.
 Eadem S. Mechtildis quondam ama-
 bilis Redemptoris sui Cor loqui au-
 dijt, quod insolitâ sui palpitatione eâ
 allocutum, veni, dicebat, veni filia mea!
 vt ritè de tuis peccatis doleas: veni a-
 mica mea! vt consolationem ac bene-
 dictionem percipias: veni Soror mea!
 vt possideas Regnum Patris mei, quod
 tibi meo sanguine comparavi: veni
 Sponsa mea! vt de meâ Diuinitate gau-
 deas. *a* IESVS omnes motus & cogita-
 tiones cordium nostrorum obseruat,
 quasi nullius rei alterius, quàm horum
 cura illi incumberet: id quod Angelus
 eidem S. Mechtildi testatus est, qui
 Christi jussu è corde sanctæ huius Vir-
 ginis schedulam extraxit, eiusdè cor-
 dis sanguine hoc sensu inscriptam; ma-
 lo millies mori, quàm à te ô IESV mi!
 per

a Lib. 2. grat. c. 1.

per peccatum separari: schediasma illud postea ab eodem Angelo fuit Christo oblatum, qui S. Mechtildī affirmavit, has ipsas eius cogitationes esse, quibus eo manē studuisset, cum importuniùs molestis alijs inuaderetur: addebat, Deum generosā sanctāque cordium nostrorum pugnā oblectari, eosque omnes conflictus observare, ut suo tempore præmijs remuneretur. IESUS corda nostra etiam expurgat, & in meliùs mutat; hoc B. Catharina de Raconis experta est, cui cor omnino pallidum & malè affectum exemit, nisi quòd illā sui parte meliùs haberet, in qua litteris argenteis erant hæc verba expressa: *IESVS spes mea!* tum postquam cor emundasset, purgasset, & litteras argento factas mutasset in aureas, pristino loco restituit, ut tamen vulnus & hiatus, quā cor extrahebatur, deinceps appareret.

Vtcunque corda nostra in se contineant, quidquid alicubi pulchrū, eximium, & amabile existit, adhuc parum

est id totum, si cum Corde Filij DEI comparetur: Cor enim illius est Cor cordium, Rex bonorum cordium, & idea summæ sanctitatis, quam corda præstantiora omnia complectuntur: hæc est amantium regia domus. *S.* Mechtildis die quodam paruum è Cedro pulchrâque domum vidit, intus argenteis laminis mirè splendentibus obductam, in cuius medio Christus visebatur; ædis huius porta aureo pessulo claudi & aperiri potuit: hanc verò domum tam illustrem Cor esse IESV CHRISTI, diuinitus intellexit. *a* Eius sanè Cor amicorum suorum habitaculum est; in cuius rei fidem legimus, olim in ditione Inculismensi Monasterium quoddam à S. Francisci Religiosis habitatum, Cor IESV CHRISTI fuisse appellatum; quemadmodum aliud in Montepessulano Paradisus dicebatur. *b* Cor eius est domus refugij: Cor meum instar asyli tibi patet, inquebat olim Christus, cum S. Mechtildi loqueretur,

a Lib. 1. gratia. cap. 29.

b In Annal. Minorum ad An. 1288.

retur, ut post obitum tuum non alio loco quàm in meo Corde quietem capias. ^a Cor eius est quoddam promptuarium armorum, est armamentarium, est quoddam Copiæ Cornu, unde omnes gratiæ ac fauores rariores depromuntur: quòd si hæc S. Virgo, quod ei frequens erat, diuinum munus accepisset, dabat operam, ne aliunde quàm ab admirabili Corde in se deriuaretur: & ipsamet dicere religiosâ planè simplicitate solebat: si dona omnia, quæ à IESU sponsi mei Corde in me sunt profecta, essent litteris consignanda, ingentia plurimâque volumina multùm excederent. Cor eius est Liber Electorum, in eo IESU amatorum nomina profundè impressa atque cælata sunt: S. Mechtildis animaduertit, nomen suum illic fuisse aureis characteribus incisum, qui septem diuersis admirandi splendoris gemmis distinguebantur: eorum quælibet innuebat, quid ab illâ Deus exigeret, videlicet, puritatem cordis, memoriam Cælestis

X 6

pa.

^a Lib. 2. gratia cap. 16.

bus amantissimi Seruatoris sui ardentis amoris admonebatur.

Ex eâ pietate, & Cordis huius memoriâ illud etiam fructu non caret, Christum per bonitatem sui Cordis obsecrare, velit ea nostris precibus cōcedere, quod pro illius maiori gloriâ postulamus, professi, nos nulli alteri cor & amorem nostrum, quàm illi dicaturos, ita quidem, vt etsi ille nos minimè amaret, (quod fieri non potest, si à nobis ipse ametur) nos tamen nunquam vellemus ab eo diligendo desistere: hanc precandi formam ex parte à S. Mechtilde desumpsi. a Eadem sancta Virgo sæpe solita est, hoc sacrosanctum Cor salutare, ad expiandas maximè præteritæ vitæ negligentias, quemadmodum Seruator ipsemet illam edocuit. Quâ salutandi formulâ sit vsa, equidem ignoro; sed facile est, honorificas salutationes per insignia encomia, quibus hoc diuinum Cor potest ornari, ad eum instituere, siue illæ desumantur ex ijs, quæ hoc loco diximus,

X 7

mus,

a Lib. 3. gratia cap. 7.

mus, siue illas malimus præferre, quas ipsi inuenimus.

Vltimum genus pietatis, quod amabili Cordi IESV potest deferri, est, ei mentis inter orandum euagationes, defectus in vfu piorum operum obrepentes, tempus inutiliter collocatum, & similes nauos offerre, vt illos veniam donet. Seruator noster S. Gertrudem docuit, Cor suum mirâ lætitiâ perfundi, quoties eiusmodi offensarum dolorem illi testaremur, seipsum omnes eius negligentias supplere; & reum æquè esse diuinę suę bonitati acceptum, quàm antè fuisset. ¶ Vt ergo perpetuò in pristina errata relabimur, ita semper inde emergendi, animúmque ad nouum ardorem excitandi facultas præbetur: neque aliâ re opus est, nisi vt ad finem precum, aliarúmque tuarum actionum dicas: IESV mi dulcissime! Cordi tuo hoc meum opus offero, ac dedico; ah me miserum! qui tam malè hoc tempus impendi, tam parùm attentionis &

a Blosius in moni. c. 4. & in spec. spir. c. 7.

& sanctæ intentionis habui, vt meo muneri satisfacerem: quæso te, dignare meos defectus supplere, ac omnis hic admittæ desidiæ obliuisci!

EXERCITIUM IX.

Pro Fer. VI. post Octau. Ascens.

Nil prudenter negare, quod à nobis amore & nomine IESV CHRISTI D. N. postulatur, exemplo DEI PATRIS.

AMO IESVM animitus, sæpe dicere quidam Dei Seruus, olim mihi nõ ignotus, consuevit: alium noui, cui sæpe inter agendum hæ voces exciderant: quid non æquum est pro IESV nos agere & pati? Hagiophile, aliam tibi gnomen affero, quam tibi posthac familiarem reddes: Pro amore & Nomine IESV quid non æquum est, me concedere? Ego quidem capere duritiam cordis illius non possem, quod eleemosynam, commodum, veniam, motuum,

mutuum, charitatis obsequium negaret, amore aut nomine IESV CHRISTI postulanti; si quidem id alioqui fieri aut sine grauiori incommodo, aut noxâ possit, quod rogaris. Honorificum habetur, neque negatur quidquam, quod interposito Principis, seu viri, seu feminae, Monarchæ, aut magnatis aut alterius, quem magno loco, & in amore habemus, nomine postulatur: & terræ viles vermiculi, ac illi ipsi, qui IESVM vt supremum Dominum & summè in se beneficium, quique apud suum Patrem omnia possit, vt suum amicum, quemadmodum quidem cupiunt videri, agnoscunt, audebunt aliquid negare, ac eos repellere, qui per amorem, & nomen Filij DEI precantur? hoc ego non capio: homines eiusmodi jactant, se IESVM amare; sed gratis hoc dicunt: veri amoris documentum est, nihil ei negare, quem amas, & eius gratiâ quilibet poscenti indulgere. Molossi, si quando voluere quidpiam à suo Rege impetrare, soliti sunt filium eius paruulum

vulum intra brachia recipere, veluti dicerent, nomine filij se ad eum supplices accedere; quo facto nihil non consequerentur. Apage profana exempla! nos de filiis, de populo DEI loquimur: ita Christiani sunt à suo amabili Magistro instituti, ut ad eum omnino modum preces suas peragerent, si ad DEVM Patrem illas fufuri essent; eo facto vota illorum rata omnia fore pollicebatur: *Si quid petieritis Patrem in nomine meo, dabit vobis. a* Vero verius est, orationes ritè ad DEVM Patrem per nomen Filij eius profusas seriùs aut citiùs postulata ac assensum obtenturas esse: ob quam causam Ecclesia constituit, ut omnes publicæ preces ad eam methodum fierent, probè gnara, præter facta sibi promissa, quoniam IESVS CHRISTVS est omni amore ac honore dignissimus, mereturque, ut nullius omnino postulati ferat repulsam, Patrem eius facilem in admittendis fidelium supplicantium precibus illius causâ fore, quòd aliunde existimet, quid.

a Ioan. 16.

quidquid illis concesserit, tantundem fore, atque si proprium Filium suum, voti damnâsset.

Ob has rationes caue, Hagiophîle, ne vnquam patiaris aut vacuum à te, aut tristem quemcunque discedere, si quidem occasionem tibi pij operis præbeat, per nomen & amorem Seruatoris nostri te obtestatus: ac ne in hoc negotio fortè offendas, S. Gregorij magni sententiam sequere. Is, quoties pauper stipem siue coràm siue per alium Christi amore rogabat, etsi sæpius idem rediret, iussit ei satisfieri: quid si, aiebat, Seruator noster mendici formam indutus in quopiam mendicabulo lateret? quantopere tunc dolerem, ei me nihil fuisse largitum? Atque reipsâ Mercator, qui assererebatur, se fortunarum omnium jacturam fecisse, illi se obtulit, opem eius implorans; cui cum sex Philippæos porrigeret, negabat mercator, eam sibi summam sufficere; igitur S. Gregorius Monasterij Oecononum, cuius tunc ipse Abbatem

age-

agebat, jubet sex alios numerari: ijs acceptis mendicus euauit; sed paulò post eadem de causâ reuertenti S. Gregorius, ne quidquam egenti negaret, cum argenti inopia ipse jam laboraret, iussit pateram argenteam donari, quâ mater eius ad submittenda illi legumina utebatur: eius liberalitatis eandem semper ac pręnantem causam attulit; quid si Iesus ipse Mercatoris in personâ adesset? Neque se fefellit; cum enim ad summum Pontificatum fuisset euectus, ac duodecim pauperes mensę admouisset, numeratis in illâ tredecim egentibus, ad ignotum illum conuersus, rogabat, ecquis esset; cui alter respondit, eundem se Mercatorem esse, cui bis diuersis vicibus nuper sex Philippęos ac pateram ex argento dedisset: de cetero Angelum se esse è cęlo aliquoties missum, vt eius in Deum amorem exploraret; modò verò se adesse, vt ei significet, DEVM suas in terris illi vices commisisse, vt aliquā ratione magnas ipsius ac pias in miseros largitiones

tiones remuneraretur. Quin ipse quoque DEI Filius nonnunquam in alienâ specie comparuit, vt quosdam ad obsequia quædam certa prouocaret: pro cuius rei teste seruit, quod in Vitâ S. Lutgardis habetur. Quidam enormi vtcunque peccato obstrictus, tantâ verecundiâ laborabat, vt confiteri prorsus abhorreret: eius vicem miseratus Redemptor noster, habitâ præteritæ vitæ ratione peregrini habitu ei conspicuus, eum multis precibus vrgebat, vellet ad obtinendam peccatorum suorum, quibus excruciaretur, veniam, manum suam aliquantum eius capiti admoovere: quod officium alter minimè detrectauit: sed cum caput illius attigisset, in eius vertice oculum omnino viuidum conspexit; quo viso ostento attonitus, DEVM bonum! quid hoc est? exclamat, en hominem, qui in summo capitis oculum habet! tum peregrinus, hic est oculus ille, respōdet, qui te in arcano peccantem arbitratus est, cuius aciem effugere nihil vspiam potest.

test. *a* Hoc facto admonemur, perutilem esse, cogitationem istam: Deus mihi hunc hominem submisit, & per illum hæc, vel illa à me postulat, ut mentem meam experiatur: neget, qui volet; ego negare non ausim, quoniam per eius amorem & nomen sum rogatus: adhæc decorum mihi hoc erit. me tali charitatis officio functum fuisse, quod IESVS non secus acceptet, atque si ipsumet fuisset præsentì exhibitum: *Quod uni ex minimis meis fecistis, mihi fecistis. b*

a In vitâ S. Lug. l. 2. c. 20. per Cantipr.

b Matth. 25.

EXERCITIUM X.

Pro Sab. & Vigiliâ Pentecostes.

Ardenti desiderio flagrare, Filium Dei videndi, exemplo S. Augustini.

QUIS tantorum desideriorum, quorum plerique mortalium tyrannide excruciantur, fructus est? quid possit à quoquam excellentius

ius desiderari, quàm IESVM in gloriæ sede cælesti pulchritudine splendenter intueri? S. Augustinus inter tria desideria potiora etiam hoc laborabat, IESVM in illâ humanâ Maiestate, ac diuinâ humanitate inter homines versantem videndi: sed si fas est, animi mei sensum & studia explicare; multò maiori cupiditate contenderem, eum pulchritudine gloriæ suæ ac statu supremæ felicitatis inter Cælestis Hierosolymæ ciues intueri: longè aliud est, diuinam eius Maiestatem in cælis contemplari, quàm cum in terris visus olim fuit; etsi enim ubique animos conuentium capiat, in Cælis tamen multò potentiùs spectantium oculos ac mentes in se conuertit: *IESVS, qui dulcis est in voce, dulcis in facie, dulcis in nomine, dulcis in opere, dulcior apparebit in Deitatis visione*, ait S. Bernardus. a Illic tam pulcher, tam numeris omnibus absolutus, tam admirandus apparet, ut summa sit Angelorum voluptas, post
 Diui-

a *Serm. de Cœnâ Domini.*

Diuinitatis intuitum, hanc tam amabilem ac adorandam IESV CHRISTI Hominis naturam cōtemplari: *in quem desiderant Angeli prospicere*: a neque contenti intellectu solummodò illum agnoscere, optarent nostra etiam corpora subire, vt oculis ad hominum exemplar factis, possent illam formam considerare.

Mirare nunc, IESV amantes tanto studio, Seruatorem omnium gloriosissimâ venustate præditum videndi flagrâsse; iucundum foret, eis omnibus auscultare: diceres, eos inter se contendisse, quis ardore ac desiderio eum cōspiciendi primas ferret. S. Ioannes dilectus illi Discipulus, etsi jam nonaginta nouem annorum senex, tam auidè suspirabat, tâ claris verbis suos gemitus explicabat, vt iuuenum etiam contentionem æquaret: *Veni Domine IESV!* b veni! tui videndi desiderio emorior. *Coarctor*, ait S. Paulus Apostolus, *desiderium habens dissolui, & esse cum Christo.* c Domine, exclamat S. Gregorius

rius;

a 1. Petri. 1. b Apoc. 22. c Phil. c. 1.

rius Nazianzenus, *solve hanc tunicam, ita mihi grauem & ponderosam, & da mihi leuiorem.* S. Bernardus millies vocem intendit, vt animi sui æstum prodatur: *Desidero te millies, mi IESV! quando venies?* S. Augustinus paratus ac cupidus est mori, dummodo fas illi sit, faciem IESV contemplari: *Ubi es absconditus pulcher, quem desidero? cur faciem tuam abscondis? forte dicis, non videbit me homo, & viuet? Eia Domine! moriar, vt videam te, videam vt hic moriar: nolo viuere, volo mori, dissolui cupio, & esse cum Christo.* a S. Ignatius gloriosus Martyr Antiochenus, nullam mortis sæuitiem & crudelem illius apparatus pertimescit; exquisita quæuis tormenta prouocat, eâ tamen conditione, vt post totam hanc carnificinam possit IESV dilecti sui aspectu perfrui: *Ignis, Crux, Bestia, confractio ossium, membrorum diuisio, & totius corporis contritio, & tota tormenta diaboli in me veniant: tantum Christo fruar: hi omnes, hæc tam accensa desideria, non nisi per intervallos*

a Soliloq. 1.

nalla reuocabant: S. Maria Ogniacensis verò per duodecim menses, hoc est, supremum vitæ suæ annum, nihil aliud animo ac ore voluebat, nisi quòd miserabili clamore, ac amatis animi languore ingemineret; *Domine! non cupio hic morari amplius, volo ire domum.* a S. Cyprianus credit, non sufficere, si omnino ipse solus cupiat Seruatorem videre; sed ad idem votum mundum vniuersum inuitat; & tantò maiorem gloriam ac magis admiranda illic spectacula pollicetur, quantò desideria erunt magis accensa: *Optemus, ut citò ad Christum venire contingat: daturus est enim maiora gloria premia, si maiora fuerint erga se desideria.* b

Nunquid prædixi, perquam iucundum fore, illorum desideria percipere, intelligere suspiria; cùm celestis Sionis portas, & Cor Iesv, vnicum piarum mentium votum, suis suspirijs, & miserabili vociferatione pulsarent? Hagio-
phile, quid tu cum tot amantium ex-

Y

emplis

a *Vita lib. 2. cap. 1.*

b *Tractatu de mortalit.*

mutuum, charitatis obsequium negaret, amore aut nomine IESV CHRISTI postulanti; si quidem id alioqui fieri aut sine grauiori incommodo, aut noxâ possit, quod rogaris. Honorificum habetur, neque negatur quidquam, quod interposito Principis, seu viri, seu feminae, Monarchæ, aut magnatis aut alterius, quem magno loco, & in amore habemus, nomine postulatur: & terræ viles vermiculi, ac illi ipsi, qui IESVM vt supremum Dominum & summè in se beneficium, quique apud suum Patrem omnia possit, vt suum amicum, quemadmodum quidem cupiunt videri, agnoscunt, audebunt aliquid negare, ac eos repellere, qui per amorem, & nomen Filij DEI precantur? hoc ego non capio: homines eiusmodi jactant, se IESVM amare; sed gratis hoc dicunt: veri amoris documentum est, nihil ei negare, quem amas, & eius gratiâ quilibet poscenti indulgere. Molossi, si quando voluere quidpiam à suo Rege impetrare, soliti sunt filium eius paruum

vulum intra brachia recipere, veluti dicerent, nomine filij se ad eum supplices accedere; quo facto nihil non consequerentur. Apage profana exempla! nos de filijs, de populo Dei loquimur: ita Christiani sunt à suo amabili Magistro instituti, ut ad eum omnino modum preces suas peragerent, si ad Deum Patrem illas fusuri essent; eo facto vota illorum rata omnia fore pollicebatur: *Si quid petieritis Patrem in nomine meo, dabit vobis.* a Vero verius est, orationes ritè ad Deum Patrem per nomen Filij eius profusas seriùs aut citiùs postulata ac assensum obtenturas esse: ob quam causam Ecclesia constituit, ut omnes publicæ preces ad eam methodum fierent, probè gnara, præter facta sibi promissa, quoniam IESVS CHRISTVS est omni amore ac honore dignissimus, mereturque, ut nullius omnino postulati ferat repulsam, Patrem eius facilem in admittendis fidelium supplicantium precibus illius causâ fore, quòd aliunde existimet, quid.

quidquid illis concefferit, tantundem fore, atque fi proprium Filium fuum, voti damnâffet.

Ob has rationes caue, Hagiophîle, ne vnquam patiaris aut vacuum à te, aut trîstem quemcunque difcedere, fi quidem occasionem tibi pij operis præbeat, per nomen & amorem Seruatoris noſtri te obteſtatus: ac ne in hoc negotio fortè offendas, S. Gregorij magni ſententiam ſequere. Is, quoties pauper ſtipem ſiue coràm ſiue per alium Chriſti amore rogabat, etſi ſæpius idem rediret, juffit ei ſatisfieri: quid ſi, aiebat, Seruator noſter mendici formam indutus in quopiam mendicabulo lateret? quantopere tunc dolerem, ei me nihil fuiſſe largitum? Atque reipſâ Mercator, qui aſſerebatur, ſe fortunarum omnium jacturam feciſſe, illi ſe obtulit, opem eius implorans; cui cùm ſex Philippæos porrigeret, negabat mercator, eam ſibi ſummam ſufficere; igitur S. Gregorius Monafterij Oecononum, cuius tunc ipſe Abbatem

age-

agebat, jubet sex alios numerari: ijs acceptis mendicus euauit; sed paulò post eâdem de causâ reuertenti S. Gregorius, ne quidquam egenti negaret, cum argenti inopia ipse jam laboraret, iussit pateram argenteam donari, quâ mater eius ad submittenda illi legumina utebatur: eius liberalitatis eandem semper ac prægnañtem causam attulit; quid si Iesus ipse Mercatoris in personâ adesset? Neque se fefellit; cum enim ad summum Pontificatum fuisset euectus, ac duodecim pauperes mensæ admouisset, numeratis in illâ tredecim egentibus, ad ignotum illum conuersus, rogabat, ecquis esset; cui alter respondit, eundem se Mercatorem esse, cui bis diuersis vicibus nuper sex Philippæos ac pateram ex argento dedisset: de cætero Angelum se esse è cælo aliquoties missum, ut eius in Deum amorem exploraret; modò verò se adesse, ut ei significet, DEVM suas in terris illi vices commississe, ut aliquâ ratione magnas ipsius ac pias in miseros largitiones

tiones remuneraretur. Quin ipse quoque DEI Filius nonnunquam in alienâ specie comparuit, ut quosdam ad obsequia quædam certa prouocaret: pro cuius rei teste seruit, quod in Vitâ S. Lutgardis habetur. Quidam enormi vtcunque peccato obstrictus, tantâ verecundiâ laborabat, ut confiteri prorsus abhorreret: eius vicem miseratus Redemptor noster, habitâ præteritæ vitæ ratione peregrini habitu ei conspicuus, eum multis precibus vrgebat, veller ad obtinendam peccatorum suorum, quibus excruciaetur, veniam, manum suam aliquantum eius capiti admouere: quod officium alter minime detrectauit: sed cum caput illius attigisset, in eius vertice oculum omnino viuidum conspexit; quo viso ostento attonitus, DEVM bonum! quid hoc est? exclamat, en hominem, qui in summo capitis oculum habet! tum peregrinus, hic est oculus ille, respōdet, quæ te in arcano peccantem arbitratus est, cuius aciem effugere nihil vspiam potest.

test. ^a Hoc facto admonemur, perutile esse, cogitationem istam: Deus mihi hunc hominem submisit, & per illum hæc, vel illa à me postulat, ut mentem meam experiatur: neget, qui volet; ego negare non ausim, quoniam per eius amorem & nomen sum rogatus: adhæc decorum mihi hoc erit, me tali charitatis officio functum fuisse, quod IESVS non secus acceptet, atque si ipsimet fuisset præsentì exhibitum: *Quod uni ex minimis meis fecistis, mihi fecistis.* ^b

^a In vitâ S. Lug. l. 2. c. 20. per Cantipr.

^b Matth. 25.

EXERCITIVM X.

Pro Sab. & Vigiliâ Pentecostes.

Ardenti desiderio flagrare, Filium Dei videndi, exemplo S. Augustini.

QUis tantorum desideriorum, quorum plerique mortalium tyrannide excruciantur, fructus est? quid possit à quoquam excellen-
tius

tius desiderari, quàm IESVM in gloriæ
 sede cælesti pulchritudine splenden-
 tem intueri? S. Augustinus inter tria
 desideria potiora etiam hoc labora-
 bat, IESVM in illâ humanâ Maiestate,
 ac diuinâ humanitate inter homines
 versantem videndi: sed si fas est, animi
 mei sensum & studia explicare; multò
 maiori cupiditate contenderem, eum
 pulchritudine gloriæ suæ ac statu su-
 premæ felicitatis inter Cælestis Hiero-
 solymæ ciues intueri: longè aliud est,
 diuinam eius Maiestatem in cælis con-
 templari, quàm cum in terris visus o-
 lim fuit; etsi enim ubique animos con-
 tuentium capiat, in Cælis tamen mul-
 tò potentiùs spectantium oculos ac
 mentes in se conuertit: *IESVS, qui dul-*
cis est in voce, dulcis in faciè, dulcis in no-
mine, dulcis in opere, dulcior apparebit in
Deitatis visione, ait S. Bernardus. *a* Il-
 lic tam pulcher, tam numeris omnibus
 absolutus, tam admirandus apparet, vt
 summa sit Angelorum voluptas, post
 Diui-

a Serm. de Cœnâ Domini.

Diuinitatis intuitum, hanc tam amabilem ac adorandam IESV CHRISTE Hominiſ naturam cōtemplari: *in quem deſiderant Angeli proſpicere*: a neque contenti intellectu ſolummodò illum agnoſcere, optarent noſtra etiam corpora ſubire, vt oculis ad hominum exemplar factis, poſſent illam formam conſiderare.

Mirare nunc, IESV amantes tanto ſtudio, Seruatorem omnium gloriſſimã venuſtate præditum videndi flagraſſe; iucundum foret, eis omnibus auſcultare: diceret, eos inter ſe contentiſſe, quis ardore ac deſiderio eum cōſpiciendi primas ferret. S. Ioannes dilectus illi Discipulus, etſi jam non aginta nouem annorum ſenex, tam auidè ſuſpirabat, tã claris verbis ſuos gemitus explicabat, vt iuuenum etiam contentionem æquaret: *Veni Domine IESV!* b *veni!* cui videndi deſiderio e-
mior. Coarctor, ait S. Paulus Apoſtoli-
lus, *deſiderium habens diſſolui, & eſſe cum Chriſto.* c *Domine* exclamat S. Grego-
rius

a 1. Petri. 1. b Apoc. 22. c Phil. c. 1.

nalla reuocabant: S. Maria Ogniacen-
 sis verò per duodecim menses, hoc est,
 supremum vitæ suæ annum, nihil aliud
 animo ac ore voluebat, nisi quòd mi-
 serabili clamore, ac amātis animi lan-
 guore ingemineret; *Domine! non cu-
 pio hic morari amplius, volo ire domum.* a
 S. Cyprianus credit, non sufficere, si
 omnino ipse solus cupiat Seruatorem
 videre; sed ad idem votum mandum
 vniuersum inuitat; & tantò maiorem
 gloriam ac magis admiranda illic spe-
 ctacula pollicetur, quantò desideria
 erunt magis accensa: *Optemus, ut citò
 ad Christum venire contingat: daturus est
 enim maiora gloria pramisa, si maiora fue-
 rint erga se desideria.* b

Nunquid prædixi, perquam iucun-
 dum fore, illorum desideria percipe-
 re, intelligere suspiria; cū celestis Sio-
 nis portas, & Corlesv, vnicum piarum
 mentium votum, suis suspirijs, & mise-
 rabili vociferatione pulsarent? Hagio-
 phile, quid tu cum tot amantium ex-
 Y emplis

a Vita lib. 2. cap. 1.

b Tractatu de mortalit.

emplis ages? Desideras vtique incomparabilem illam pulchritudinem aliquando videre, quæ vna plus habet venustatis, quàm vnquam fuit, aut inter maxima fluxæ elegantiae decora deinceps futura est. Hunc igitur diem tuis desiderijs indulge, & illam consolationem si non hominibus, quorum oculos cupis luculentiores animi tui flammæ effugere, saltem Angelis concede, votorùmque tuorum arbitros constitue, centies cum S. Ioanne dicendo: *Veni Domine IESV!* & quingenties cum S. Bernardo: *Desidero te millies, mi IESV! quando venies?* Si me audis, in cubili tuo, omnes hæc calentes sententias, quas suprà adduxi, pronuntia bis, ac insigniores cæteris retinebis, vt pro opportunitate illas vsurpes, ac toties repetas, quoties rerum creatarum fastidium, aut fraudes consideranti in mentem veniet, IESVM centies millies pulchriorem & amabiliorem illis esse, adulterinam fictamq; speciem iactantibus. Hæc vna demum ratio ac egregium

gium inuentum est, ut patienter vitam toleres, & mortem in voto habeas, ut S. Augustinus loquitur : *Qui desiderat dissolui & esse cum Christo, patienter vivit, & delectabiliter moritur.* Adeste, adeste vanitatis sectatores, & IESU dilectæ Virginis mortem spectate, quæ centies millies in viris ingeminabat. *IESU mihi non capio hinc morari amplius; domum ire volo*: obseruate postremas vitæ illius actiones, dicite, si potestis, num vllus vestræ factionis mortalis tantâ hilaritate mortem oppetat. Hæc est S. Maria Ogniacensis, quæ sub anni illius quæ tantopere exoptabat IESUM in gloriâ intueri, finem, felici nuntio recreata, se post pauculos dies *Sancta Sanctorum* ingressuram, præ gaudio exsiliit, ac sui propè impos, perpetuò has voces iterabat : Clementia! (id ancillæ nomen erat) quæ sunt hæc *Sancta Sanctorum*? quid *Sancta Sanctorum* sibi volunt? hoc identidem rogabat; sed ego mihi persuadeo, heram multò probiùs intellexisse, quænam illa essent, quàm famula

potuerit assequi : posthæc tres dies ac noctes aliud nihil egit, quàm vt Canticum laudis diuinæ gloriæ, & Hymnos Sponso suo IESV decantaret, Seraphico Spiritu aures eius occupante, quî singulas illi strophas ordine suggerebat : cæterùm vultus erat ridenti similis, vox Angelica, amor eius diuinus : ita exacto triduo, quod vitæ tam cælestis extremum fuit, totâ vltimâ horâ, quæ mortem antecessit, non aliud quàm intercalare hoc ac cæleste carmen occinuit : *Quàm pulcher es, Rex noster Domine ! Alleluia* : ita mortua est Maria, vt hinc egressa, illic MARIAM, & MARIE Filium videret.



CAPVT



C A P V T VI.

SEPTEM PIETATIS EXERCITIA ERGA SPIRITVM sanctum, pro festo Pentecostes, & sequentibus diebus, vsque ad Festum SS. Trinitatis.

EXERCITIVM I.

Pro Festo Pentecostes.

Precari & colere SPIRITVM S. frequenter cum iuuocando, exemplo Gallice Antistite.

AGIOPHILE, nã tu me hodie jubebis in malam rem abire, si hoc tam festo hilarique die precari tibi sustineam, vt viuus concremeris: bona verba! compe-
sce furorem; ignem diuini amoris & illas flammæ tibi imprecor, quæ supra

Y 3 Aposto-

Apostolorum capita comparuere: neque crudeliùs tecum ago, quàm B. Felix Capuccinus S. Philippum Nerium excepit: is si S. Philippum haberet in plateâ obuium, dicere illi noñ unquam consuevit: vt ardeas! puta pro DEI amore & causâ IESV CHRISTI. Eodem aduersum te rigore vtor, quo Cæli ciues festo Pentecostes die B. Sybillinam Patauinam, è tertio S. Dominici Ordine, quæ singulariter erat Spiritui Sancto deuota, inuaserunt: eo igitur die parua fenestra casæ primò impellebatur; dein audiit clarâ se se voce compelli: Sybillina! vt tu possis ignibus illis ardere, qui hodie in SS. Apostolos delapsus est! Alio tempore Diuorum aliquis ei se visendum obtulit, ac flamas in eius faciem coniecit, à quibus, vt & à prioribus, sensit se Spiritu S. repletam, & ardentissimo DEI amore succensam, vt nihil vnquam simile antè fuerit experta. Atque hic est ignis, quem cupio in corde tuo accendi: sed optima ratio, in mentem tuam è Cælo
has

has flammās prouocandi, est, assiduīs aspirationibus diuinum Paracletum precari, dignetur ad te diuertere, & omnes animæ tuæ facultates occupare. Semper quidem expedit, quouis tempore, aut sæpius ita suspirare; sed imprimis in hoc tempus, & hunc diem aptè cadit. B. Sybillina, de quâ feci mentionem, toties iterabat: Veni S. Spiritus intra cor meum, & animam meam diuini amoris flammâ accende; vt tandem liberaliter obtinuerit, quod tanto desiderio atque constantiâ expetebat. Galliota à S. Annâ, Antistita vitæ sanctitate celebris, hoc die ac tempore longè solito frequentius eiusmodi Spiritûs sancti inuitationes repetebat; quin millies hodie carmen illud ordine dicebat: *Veni sancte Spiritus, & emitte talitus lucis tuæ radium!* Forsan à S. Francisco Xauerio didicit, hanc diuinam in se flammam accendere, qui singulas Officij diuini horas ab ijs verbis inchoabat: *Veni Creator Spiritus, mentes tuorum visita*; aut à P. Petro Fabro,

qui in recitatione Officij ad cuiuslibet Psalmi initium à Deo Patre sanctum, eius Spiritum postulabat: *Pater celestis! da mihi Spiritum bonum.* Verùm quid interest, nos intelligere, vnde laudata hæc consuetudo promanarit? satis est nos scire, illam hoc sacro Pentecostes die penitus arsisse, nobisque eadem audendi exemplum reliquisse: si millenarius numerus tuas vires, aut volūtatē excedit, imminue: dummodo cælesti hoc igne flagres, salua res est.

EXERCITIUM II.

Pro Fer. II. Pentec.

Gratias agere Spiritui sancto ob accepta ab eius bonitate beneficia, exemplo Henrici III. Gallia & Polonia Regis.

HENRICVS III. Rex æternā memoriā dignus est, qui in cultu Spiritūs sancti promouendo cū quouis sui temporis certauit, ob Ordinem S. Spiritūs institutum: cuius operis

ris duas potissimum causas habuit, vt alias dissimulem, cur nobilissimum ac excellentissimum hunc Ordinem Equitum pro honore diei tam festi, & tertiæ huius è SS. Triade Personæ institueret: prima fuit, vt in animis Fidelium debitam obseruantiam ac pietatem in Spiritum sanctum denuo restauraret, quæ hoc tempore ob hæreticorum impietatem, nullâ eum peculiari prececolentium, admodum languebat; & re ipsâ vix inter omnes hæreticorum preces eius fieri mentionem videris: cui malo auertendo, ac ne noua quædam hæresis aduersus hanc diuinam Personam pullularet, pius Princeps statuit, eâ pietate potiore Regni sui Nobilitatem imbuere, vt à magnatibus eò faciliùs in subiectos deriuaretur.

Altera, quæ huc facit, gemini beneficij, DEI gratiâ singularique Spiritûs sancti ope ipso Pentecostes die accepti, grata recordatio fuit; tali enim die duorum ac diuersorum regnorum fuit Rex inauguratus; & priori quidem an-

no Poloniæ regnum suscepit , anno 1573. in eiusdem gentis comitijs electus; sequenti verò Gallia gubernationem jure successionis adiit, Caroli IX. fratris sui morte sibi relictam.

Vnde discimus, nunquam nobis debere beneficia, singulari Spiritus sancti operâ in nos collata, è memoriâ excidere, siue illa in Baptismo per sanctificationem, siue in poenitentia Sacramento per tot justificationes ac reconciliationes, siue diuersis vocationibus per interiores ac serios instinctus, siue alijs modis, qui cuilibet priuatim constant, nobis obtigerint. Aptissimum porrò tempus, huiusmodi gratias quàm maximâ demissione agendi, hoc octiduo offertur, si aut SS. Synaxin hoc sine sumas, aut Hymnos recites, quos in huius diuinæ Personæ honorem Ecclesia his diebus decantat. Quot coronæ, putamus, Spiritus sancti liberalitate nobis cuduntur? Ille Monarcha nō nisi duas numerabat, nec aliò, quàm ad perituri Regni clauum vocatus:
dum

dum ille interim tibi duodenas procurat, omnes beatas, & regni illius vindices, cuius terminus est æternitas: hæc profectò digna sunt, & plus quàm digna, quibus gratiæ infinitæ referantur.

EXERCITIVM III.

Pro Fer. III. Pentec.

Magna & pura desideria. Deo serviendi concipere, pro honore Spiritûs sancti, qui nos excitare illis instinctibus dignatur, exemplo Ludouici Hierosolymæ & Sicilia Regis.

EXIMIVS hic Rex, postquam & ipse eodem die Pentecostes Hierosolymæ ac Siciliae fuisset sceptro potitus, pro gratiarum actione ob geminum regnum sibi oblatum, Ordinem inchoavit, quem Ordinem Spiritûs Sancti à recto desiderio vocavit: Eius militiæ adscriptis pro Symbolo paucas has voces attribuit: *Si Deo placet*: quas extremo capulo gladij incisas

Y 6

cifas jubebantur secum circumferre, uti & vestibus loco spectabili assuere: mensa, ad quam die Pentecostes illis erat accumbendum, Mensa desiderata appellabatur. Dolendum est, in huius Principis gestis occasionem fuisse prætermittam, quâ hæc verba, *Rectum desiderium* suam originem traxissent, Ordini S. Spiritûs annexa. Ego quidem existimo, eum suos Equites erudire voluisse, hunc diem esse pijs desiderijs sacrum, ac eius Ordinis Equitibus magna purâque pro DEI obsequio & gloriâ esse concipienda, & quidem operâ & beneficio Spiritûs sancti, qui nos indefinenter ad meliora impellit.

Hagiophile, semper quidem equum est, magnis ac sanctis desiderijs nos cælere; sed imprimis hoc tempore; ut adeò te adhorter, velis & tu è numero istorum Equitum esse, atque Ordinem S. Spiritûs à *recto desiderio* restaurare: hodie igitur maxima desideria concipe, quæcunque tibi animus dictabit, eaque Spiritui sancto, qui est Pater &

Lu-

Lumen cordium, dedica, vnde sancta desideria velut è fonte hauriuntur, Si Deo placet, successum habitura. Et quavis nunquam ad opus progressa, simplicis tantum desiderij naturam semper retinerent; suo tamen merito nunquam fraudabuntur: Deus enim adeò benignus est, vt maximos & minimos nostræ voluntatis conatus remuneretur, eo casu nostram impotentiam inter generosa facinora adnumerans.

Si ignoras, quid desideres, materiem tibi dabo: Spiritui sancto deuotos intueri, gloriosos Equites considera, qui recta ad *rectum desiderium* diuinæ gloriæ contendunt, qui jam locum in *Mensa desiderata* occupârunt, vt seipsum omnis generis magnis ac heroicis desiderijs animent, parati res ipsas suis votis substituere, si Deo placet. Tu vtrumque genu ad pedem Oratorij tui submitte, quod tibi instar *desiderata Mensæ* sit: illic Cælum desiderijs fatiga, ac varietate & sanctitate suspiriorum tuorum DEI cor ad te rape, vt isti faciunt; &

dic, quod illi dicunt, sed ex animo. **Ma-**
gne Deus ! quid egi, quòd tamdiu di-
stulerim, te amare, & me tibi totum
permittere ? satis quidem etiamnum
festino, si satis bene ago, quod agen-
dum est. Sed ah ! cur tam felix non fui,
vt ab eo momento tibi seruirem, quo
rationis imperium adij ? ah ! cur non
primo temporis illius articulo, quo
creata mihi fuit anima, fui rationis vfu
donatus ; vt jam tunc inciperem eo me
debito amoris, quo tibi cor meum est
obstrictum, exsoluere ? aut si justò al-
tiùs meam originem repeto, cur saltem
tuus ab ortu meo non fui ? ah ! vt mihi
tunc liberè incedendi facultas fuisset ;
næ ego quoquàm aliò, quàm ad domũ
aliquam tibi sacram primum pedem
intulissem : illic ego primo vitæ momẽ-
to sedem fixissem, totâ reliquâ vitâ
nunquam deserendam : proh dolor !
totum ac tam prolixum manẽ infantiaẽ
mea sine tuo amore, sine tuo obsequio
exegi. Cuperem denuo velut in ali-
quod nihilum reuerti, vt inde non
priùs

prius prodirem, quàm quò momento diuini amoris tui Aurora meæ menti exoreretur. *a*

o DEVS ! Creator mi ! ah ! quàm cuperem è numero illorum esse, qui nunquam in te peccârunt ! ah ! vt innocentem vitam, quâ tantoperè delectaris, exegissem ; heu ! cur non sum omnis culpæ immunis ? ô quàm libenter omnes meos defectus & imperfectiones exuerem, et si ad id obtinendum necesse foret, omnia me Inferorum supplicia perferre ! subeamus Infernum, subeamus, cupio viam doceri ; sed cæ lege, vt sim peccati expers, & omnes etiã leuissimas imperfectiones meas aboleam : ducat me illuc, qui volet ; mala, quæ eo loco tolerantur, patientiùs feram, quàm cordis à tuâ lege temerè discedentis supplicium. *b*

O DEVS omnis Maiestatis ! vtinam possem gloriæ tuæ fines propagare, tibi quæ rerum omnium à te conditarum hono-

a Hoc desiderium P. Petri Ribadeneiræ è Soc. IESV fuit.

b Ita S. Catharina Genuensis aspirabat.

honorem & obsequium conciliare! æternis ignibus addicti omnium contumacissimè tuiSS. Nominis reuerentiam proculcant, & explodunt: hîc optarem totus quantus sum in portam transformari, vt aditum ad has abyssi Infernalis voragines obturarem, omnesq; desperatos ab earum ingressu arcerem, qui in moribus suis præ se ferunt, se magnis passibus eò festinare. *a* Verùm vt his malis vniuersis occurratur, desiderio emorior, vt ad peccata omnia toto orbe proscribenda, mea præsertim vtpote tam enormia, acerbissimis quibusque Purgatorij cruciatibus ad extremum vsque mundi diem sustinendis addicar: *b* parùm hoc est; vellem in me vno omnem æternorum suppliciorum carnificinam expleri, vt Dæmones etiam ipsos saltem ad mundi finem vsque inde eximerem: neque vlla inter mortales mentio ampliùs fieret de violatis præceptis tuis, de blasphemijs, de sceleribus, de insolentiâ & con-

a Ita S. Catharina Senensis.

b Hoc fuit desiderium B. Iacoponi.

conculcatione diuinæ ac adorandæ
Maiestatis tuæ. *a*

O DEVS! supremus actionum no-
strarum scopus! quanto gaudio gesti-
rem, si, quod tanto animi studio effla-
gito, aliquando eueniret! Vtinam tibi
omnem illam gloriam, omnes perfe-
ctiones, quas modò possides, omnes
honores, omnes pulchritudines, omnes
opes, & omnia bona, quibus res à te
creatæ perfruuntur, possem conferre!
te solum, si hæc omnia mei juris essent,
te, inquam, solum in horum possessio-
nem immitterem: veruntamen quia his
vniuersis longè excellentiora comple-
cteris, & Maiestate tuâ dignum putas,
ea dona in fideliores seruos tuos esse
sparsim diuisa; nullum genus honoris
ac reuerentiæ potest excogitari, quod
non sim paratus ijs ipsis exhibere: aui-
dè terræ illi, quâ incedunt, locisq; om-
nibus, vnde ad te preces fundunt, oscu-
lum infigerem: quantum ad illos atti-
net, qui tibi jam propiores, in æternæ
Sionis arce degunt, vt mea desideria
exla-

a Iua sensu B. Magd. de Pazzis.

exfatiarem, concedendum mihi eſſet, ut ſtellas omnes, omnes vnuerſi Orbis gemmas, mille Soles, & ipſam gloriam Phrygio poſſem operi intexere, ad eſſingendas coronas illas, quas poſtea illorum capitibus imponerem, dignis, quæ in Regno Diuinitatis tuæ diademata coronent. *a*

O Deus Sanctitatis! qui animas bonâ voluntate præditas deperis, magno deſiderio afficior, curioſè inueſtigandi, ac intelligendi, quidquid interiores amici tui vnquam deſiderârunt, ac illo in muneris vicem tibi oblato ita te cōpellandi: Accipe, Domine! quidquid pro tuo amore, pro tuâ gloriâ, ad exemplum Amatorum tuorum facere peroptarem. Fortaſſis nimis magnus iſte auſus foret: quâ enim ratione aſſequi tot Sanctorum deſideriorum discrimina & amoris flammæ poſſem! Credo, me felicitiùs laboraturum, ſi ex illarum rerum, quæ ſenſibus occurrūt, aſpectu, deſideria ceu teſtes mei in te amoris eliciam: ita ſi laneum textum,

aliam.

a Hoc verum fuit S. Hedvigis.

aliā me materiam videro, cupiam omnia Orbis mendicabula vestire : si in morbos incidam, quibus medica portio aut aliud medicamentum propinetur; cogitabo, me velle vitam & cibum de corde meo suppeditare : si quamcunque rem conspexero in partes diuidi, dicam, optare me, in hunc modū haberi; ac in totidem partes disseccari, vt Martyrum tuorum numero accenserer: atque ita è rebus alijs, quæ se mihi offerent, sancti amoris cogitationes eruam, quibus animus desideria sua affigat. *a* Et hoc animi sensu præditus, ne diutiùs morer, denuntio tibi, Deus vitæ meæ ! me, quamuis manus haberem bonorum operum fructu plenas, velle nihilominus nomine Desiderantis & Danielis gloriari, qui *vir desideriorum* *b* fuit.

Hagiophile, satis hodie desideriorum : discenihilominus, quomodo tua desideria concipias, & illi methodo, quam hîc descripsi, similia: imò multò lar-

a Ita desiderauit Catharina de IESU Carmelitana. *b* Dan. 9.

largiora effinge: quòd si vni alteriue vacaueris, liberale præmium expecta; quippe in domo DEI nemo gratis laborat; desideria non minùs quàm opera coronantur: aliorum merces maior, aliorum minor est, semper tamen auctuario maximòque fructu cumulata.

EXERCITIUM IV.

Pro Fer. IV. post Pentec.

*Officium de S. Spiritu recitare, exemplo
Alexandri Lusacy.*

DE minori Officio Spiritus S. loquor. Alexander Lusacius, qui suo suo fuit pietatis cultu insignis, singulis septimanis semel ad præfixum diem illud recitabat. Potest id perfacile quauis Feriâ IV. à quouis fieri, si quidem vnum in hebdomade diè pro veneratione Diuinæ huius Personæ plurimum, quibus tali die hoc agere solenne est, exemplo decernat. Si illud
sub

sub re diuina persolueretur, aliquid
 temporis ille redimeret, cui graue es-
 set, dimidium insuper quadrantem ho-
 ræ Deo impendere, quique metueret,
 ne iusto liberaliùs in preces tempus di-
 lapidaret. Neminem sanè poenituit,
 tam sanctam consuetudinem tenuisse.
 Et quoniam in hoc argumento pieta-
 tis erga Spiritum S. versamur, ac de
 minori eius Officio agimus, quod in
 Horis Concilij ad hunc vsum habetur,
 non omittam, rarum è Cælo beneficiū
 percensere, quod ante paucos menses
 in nobilem quandam Virginem colla-
 tum est, ob eam potissimùm piam con-
 suetudinem, quam in sæpe recitando,
 de quo loquor, officio tenuit. Hæc er-
 go puella in graui salutis suæ discrimi-
 ne versabatur, cuius exigua ipsa ra-
 tionem atque curam habuit; cùm eo
 morbo, quo ferè laborare nobiles
 puellæ solent, etiam ipsius animus te-
 neretur; vt miraculo tribuendum sit,
 eam inde conualuisse: & fuit omnino
 Spiritûs sancti opus illud, vti mihi non
 vanè

vanè persuadeo. Quodam ergo die, cum ipsa nihil minus cogitaret, humanarum rerum fastidio corripitur, magno insuper desiderio Religiosæ vitæ impulsâ : cumque planè sibi persuaderet, hoc vitæ genus sequi è re suâ fore; decreuit tam sanctum consilium maturare : quod tantâ simul contentione, ac successu effecit, vt parentibus tandem post varios conatus in suam sententiam pertractis, intra mensem votorum suorum sit compos facta : ita promore Ordinis recepta, vehementer cupiebat cuiuspiam, cui posset animi sui arcanâ detegere, ordine exponere, quidquid sibi in toto, diuino seruitio semancipandi, negotio euenisset : opportunè tunc illa in me incidebat, cui totam seriem explicaret : & quoniam prorsus existimo, hæc magna beneficia, vt est, rebus fluxis valedicere, & si quæ sunt huic paria, in eas mentes non solere profundi, quæ parùm erga pietatem affectæ, mundi vanitates auidius sectantur, nisi aut pio quopiam opere

opere DEVM, aut peculiari cultu B. Vir-
ginem demereantur; pia me curiositas
instigabat, ab eâ percontandi, et quid
demum boni foris vnquam prestitisset:
eximia enim dona, quibus videbam il-
lam diuinitus cumulata, præsertim,
iniec-tum vitæ religosæ studium, quæ
illam viuendi licentiam, minimè que
idcirco tanto beneficio dignam, conse-
quebantur, me inducebant, vt crede-
rem, eam pium aliquod opus suscepisse,
cuius rationem DEVS habuerit: illa
verò mihi roganti aliud nihil respon-
dit, quàm se, vtcunque cætero qui in
DEI obsequio fuisset frigida, moribús-
que vixisset parùm integris, quotidie
tamen Officium de S. Spiritu dixisse:
quo dicto nihil ampliùs dubitavi, quin
pro certo haberem, ei ad nomen reli-
gioni dandum iniectos stimulos, aliòs-
que è cælo fauores paulò antè conces-
sos à DEO fuisse, vt exilem piùmque la-
borem minus illud Officium recitandi
remuneretur. Idem & ipsa sentit, se-
riòque secum statuit, se, quamdiu vi-
uet,

uet, tantum beneficium eiusque auctorem Spiritum S. in amoribus perpetuò habituram. Nec deerant alia insuper argumenta, quæ fidem mihi facerent, eam pietatem hanc illi felicitatem peperisse: sed illa vetuit, quidquam præter ea, quæ modò significavi, à me publicari.

EXERCITIUM V.

Pro Eer. V. post Pentec.

Litanias de Spiritu S. recitare, aut considerare diuinas eius perfectiones, exemplo B. Catharinae Raconisie.

QUæ verbis paucis & per modum precantis cupit S. Spiritui laudes persolvere, eius tantummodo honori factas Litanias recitet, quæ facilè in Enchiridio similium exercitiorum occurrunt: diuinorum verò eiusmodi encomiorum maximè idoneum tempus hoc octiduo se offert: nec aliud est, eius Litanias percurrere, quàm si
mul

mti & Spiritus S. laudes percensere, &
 eundem precari, vt nobis diuinæ lucis
 suæ radium indulgeat. Si Litaniæ tibi
 desint, poteris horæ quadrantem in-
 considerando Spiritus sancti, specie-
 linguarum ardentium in Apostolos, &
 occultâ ratione in nos quoque delabē-
 tis, aduentu insumere. Ita mentem B.
 Catharina Raconisa ex Ordine S. Do-
 minici, festo & octiduo Pentecostes de-
 tinebat: quæ occupatio tantum illi e-
 molumentum attulit, vt quodam eiu-
 scemodi festo die Spiritus sanctus spe-
 cie candidissimæ nubis ad eam descen-
 deret: aliàs simili die post biennium,
 cum secum ad Horam Tertiam in con-
 clavi suo reputaret, quàm grande illud
 munus esset, SS. Apostolis post decem
 ab Ascensione Christi dies in allapsu
 tertiæ huius è SS. Triade Personæ con-
 cessum, cogitarétque idem beneficium
 etiamnum continuari, quando, vbi pri-
 mum aliqua rationis in animis nostris
 scintilla promicat, eiusmodi sumus
 donorum capaces, si intactam penes

Z

nos

nos primæuam innocentiam gratiã-
que Baptismi tueamur; Angeli duo ad
eam inuiferunt, S. Catharinã Senensi
alijsque Diuis eos comitantibus, qui
eam iubebant, ad copiosam Spiritûs
sancti gratiam recipiendam, se idoneam
efficere: eodem tempore visum est cæ-
lesti luce totum cubile illustrari; audi-
tûsque sonus vehemens, qui totam vi-
ciniam obstupescit: cûmque ipsa vel-
let oculos in altum leuare, vt observa-
ret, vndenam tantus splendor emica-
ret, ingens globus & septenæ linguæ
diuino illo incendio emissæ in eius ca-
pite comparuere; quæ linguæ, velut
totidem sagittæ, confestim ad eius cor
penetrârunt. Ipsa verò ab effectu, &
suauissimo animi amore languentis
sensu abundè intellexit, Spiritum san-
ctum ad se nouo inuento diuertisse:
sensit enim se magno gratiæ & amoris
diuini incremento auctam, vt propè
præ languore ac desiderio emoreretur,
quòd occasio illi deesset, in publi-
cum prodeundi, ac IESV CHRISTI do-
ctrinam

Strinam Barbaris atque à verâ fide æ-
què ac nostris terris longissimè remo-
tis prædicandi.

EXERCITIUM VI.

Pro Fer. VI. post Pentec.

*Cogitatione & vocabulo Amoris Diuini piè
affici, quandoquidem Spiritus sanctus est
Amor Patris & Filij, exemplo Ray-
mundi Lulli.*

NON est mihi animus, Hagiophi-
le, eò te inducere, vt per amorem
DEI rogatus nihil deneges: hoc
liberale decretum S. Francisci Seraphi-
ci fuit, qui concepto etiam voto se ob-
ligauit, nihil se hoc nomine postulanti
negaturum: vnde accidit, vt, cùm qui-
dam ex eius sanctâ familiâ ob viri San-
cti venerationem cuperet illius veste
vti, per amorem DEI poscenti quam-
primùm factâ permutatione suam illi
tunicam cederet. Hoc facinus vires
tuas excedit: acquiescam in præsens, si

Z 2

fami-

familiarem tibi hanc nobilem vocem. Amoris, vt & cogitationem facias: nomen DEI nomen Amoris est. B. Iacoponus interrogatus quondam, cur tantam vim lacrimarum profunderet, *quod amor non amaretur*, respondit. Hoc peculiare Spiritus sancti nomen est, cum Patris & Filij sit Amor, atque ideo dignus, qui nobis perpetuò in corde ac persæpe in ore versetur. Multorum animos & ora comperio ita esse hoc sensu imbuta, vt vehementi desiderio accendar, nihil animo, nihil ore nisi hunc amorem reuoluere, nulli nisi ipsi labores omnes consecrare. O quã præclarè Raymundus Lullus, ille tantus pietatis cultor, nos hîc erudit! si quid ab eo rogaretur, iucundum illi ac vsitatum fuit, responsi loco Amoris nomen reponere, quod quauis occasione iterabat: si ab eo quæsisset: cuius es? Amoris, respondisset: vnde venis? ab Amore: quò pergis? ad Amorem: quiste huc adduxit? Amor: vnde vis? Amore: vbi habitas? in Amore: totum

totum eius ac vnicum negotium erat, de Amore cogitare ac loqui: eos etiam vitâ indignos credebat, qui alio genere mortis, quàm amore obirent: si quē egrotantem vidisset finem vitæ facere, nullo gestientis animi indicio, quòd ei liceret ad suum Amorem hinc emigrare, non secùs ac maximæ rei iacturam, id deplorabat. Si litteras exararet, earum aliqua pars vocabulo solenni Amoris diuini dabatur: eos maximorum loco amicorum habebat, ac libentiùs adibat, qui de Amore loquebantur; ita quidem, vt, cùm urbem quandam ingressus comperisset, mendicabulum quoddam adeò fixum in animo diuinum hunc amorem habere, vt præ consolatione perpetuò lacrimis maderet, illicò ad eum accurreret, eiq; se socium lacrimarum adiungens, de amore suo sermonem institueret. Delectat vtique te hic amoris amor, quo vir sanctus suum amorem testabatur: sed S. Francisci exemplum non minus habet leporis, qui etsi adhuc ante institutum Or-

Z 3 dinem

diem foris degeret, per DEI amorem precanti nihil abnuebat : atque ex eo tempore incredibili gaudio demulcebatur , si vel solum Amoris Diuini nomen percepisset; ut pauperes, qui eum circumstabant, & pretiosæ illius tessera phrasin callebant, certi essent, se vacuos à Francisco non redituros : vnicū duntaxat semel reiecit, etsi legitimā esset obsecrandi formulā vsus, quòd domesticis negotijs nimium quantum, esset occupatus : à quibus ut se collegit, repulsæ illius memor, secum expendebat si Princeps aliquis ab eo rem quamcunque postulasset, studio morem illi gerendi, omnia se fuisse deprompturum; moxque in eum pauperem inquisiuit, cui reperto liberalem stipem erogauit, veniam etiam precatus, quòd eum indonatum ad primas preces dimisisset. Vbi verò jam in Religione versabatur, eius amor ad Amoris mentionem multò auctius inualuit; eius preces, eius sermones mirè amorem spirabant; Domine! sæpius itera-

bat,

bat, absorbeat amorē tui! moriar amo-
re amoris tui! Fratres mei! suis dice-
bat, semper eleemosynam per DEI a-
morem petite; quam si accipitis, ne
dubitetis, eius pretium esse jam largiē-
ti persolutum, imò liberalius compen-
satum, quàm si totos argenti acervos
ei annumerassetis: quid enim DEI A-
more pretiosius, cuius amore ij à vobis
ad pium opus excitantur, qui stipem
vobis porrigunt?

Hagiophile, hi duo Amoris aman-
tes tantum apud te poterunt, vt animū
tuum permoueant, tibi que Amoris Di-
uini vocem inculcent, nihil hīc perdes;
pro symbolo enim illud S. Bernardi
vsurpabis: *Amor per omnia, omnia per
Amorem*: quin magnum tibi lucrum
accedet; quippe S. Ioannes Eleemosy-
narius olim recensuit, quotiescunque
pro DEI amore aliquid expendisset,
DEVM illi duplo plus reposuisse. Dein
maiorē apud omnes gratiam inibis;
si enim ad illa, quæ per DEI amorem
fueris rogatus, annueris, paria tibi per

idem nomen obsecranti referentur : hanc felicitatem B. Victoria obtinuit, quæ audito Diuini Amoris nomine, parata erat, quodlibet pium facinus aggredi; sed vicissim illa præstari similia cupiebat; hoc testatum cuidam suarum Monialium fecit, quæ admodum perturbata erat; cui Soror, inquebat, per amorem DEI mentis quietem & sanctam pacem denuo admitte; sed cum altera non desineret turbas animo fouere, B. Victoria non aliud addidit, quàm, Soror, inquit, suspicor, te ignorare, quid sit DEI Amor; eius amore mihi obsequere: vbi itaque Monialis illa secum tam sancta postulata accurate perpendit, confestim pristinam animi tranquillitatem recepit.

EXERCITIUM VII.

Pro Sab. post Pentec.

Approbare Baptismum, in quo primam Spiritûs sancti gratiam accepimus, exemplo Margaritæ Arbusiæ.

NON possum satis pro dignitate Margaritæ à S. Gertrude Antistitæ

stita in Valle Gratiae consilium laudare: illa ter quot annis Baptismum suum renouabat, solita eiurare aut approbare, quidquid eo die, quo fuit salutis fonte abluta, ritu Ecclesiae infans rogabatur. Ex illis temporibus aliud fuit Sabbathi sancti, quoniam eo die sacrae Baptismatis undae renouantur; aliud Pentecostes, ut desiderium suum testaretur, quo flagrabat, Spiritus sancti Baptismo se perfundi, qui animae eius possessionem eo die adiit, quo fuit Christianorum numero per piaculares aquas accensa; tertium diem delegit S. Margaritae sacrum, cuius nomine sibi per lustrales undas attributo gaudebat: hoc triduo à negotijs & consuetudine cæterarum se subducebat, ut sibi soli & sancto huic exercitio vacaret, ubi gratias Deo de beneficijs in eo Sacramento acceptis agebat, ac memoriâ illa omnia repetebat, quæ olim Patrinus loco suo respondit; dein promissa quoque vitæ æternæ sibi à Deo tunc facta, si quidem in fide ac obse-

quo perfisteret, recolebat, aliâque, quæ in hac sacrâ regeneratione adhiberi consueuerunt.

Hagiophile, legere duntaxat, aut legentem audire oporteret, quæ Sacerdos in Baptismo infantum obseruat, ut pio animi assensu ratum haberes, quid tecum in Baptismo actum est. Utile erit, hîc summatim ea proponere, quæ considerandi, respondendique ad illa materiam tibi dabunt, in quibus olim expendendis ac affirmandis Patrinus vices tuas obijt.

Quando itaque fuisti ad templum, inter obstetricis brachia deportatus, Sacerdos eo nomine, quod tibi erat imponendum, te prius compellatum, interrogauit his verbis: *Quid petis ab Ecclesiâ Dei? ubi loco tuo Patrinus respondit: Fidem: iterum Sacerdos: Fides quid præstat? cui Patrinus: vitâ æternam: tum Sacerdos ita fuit orsus: Si igitur vis ad vitam ingredi, serua mandata: diliges Dominum Deum tuum ex toto corde tuo, & ex tota animâ tuâ, & ex totâ mente*

mente tuâ, & proximum tuum, sicut teipsum. Quo dicto Sacerdos ter in faciem tuam emisso leniter halitu, circum te diabolum abegit, *Exi*, inquit, *ab eâ immunde Spiritus, & da locum Spiritui sancto Paraclito*. Inde pollice in fronte ac pectore tuo efformatâ Cruce ita te fuit allocutus: *Accipe signum Crucis tam in fronte, quàm in corde, sume fidem celestium praeceptorum, & talis esto moribus, ut templum Dei jam esse possis*. His peractis sacra-
ti salis aliquântum ori tuo immisit, addens: *Accipe salem sapientiae, propitiatio sit tibi in vitam aeternam, Amē*. Paulò pòst Sacerdos jussit te templo inferri, datâ ingrediendi facultate hisce verbis: *Ingredere in templum Dei, ut habeas partem cum Christo in vitam aeternam, Amen*. Secutæ sunt exinde omnes hæ interrogationes, quibus tuo loco Patrinus ordine respondit: *Abrenuntias Satana? abrenuntio: & omnibus operibus eius? abrenuntio: & omnibus pompis eius? abrenuntio*. Postquam verò te Oleo Catechumenorum inunxit,

ductâ supra pectus & humeros Cruce,
alia ex te quæsiuit: *Credis in Deum Pa-*
trẽ Omnipotentem, Creatorem Cali &
terra? Credo: Credis in IESVM CHRI-
STVM Filium eius unicum Dominum
nostrum natum & passum? Credo: Credis
in Spiritum sanctum, sanctam Ecclesiam
Catholicam, Sanctorum Communionem,
remissionem peccatorũ, carnis resurrectio-
nem, vitam eternam? Credo. Vis bap-
tizari? volo. Post peracta à fideiussore
tuo hæc omnia responsa, Sacerdos ter
in modum Crucis aquâ piaculari super
caput effusâ Baptismi Sacramento te
his verbis initiauit: *Ego te baptizo in no-*
mine Patris & Filij & Spiritũs sancti: ac
mox capiti candidum è lino amiculũ,
ceu albam tunicam imposuit, ita te al-
loquens: *Accipe vestem candidam, quam*
immaculatam perferas ante tribunal Do-
mini nostri IESV CHRISTI, ut habeas
vitam eternam, Amen. Expletis hisce
ritibus manui tuæ ardentem cereum
inseruit, hæc adiungens: *Accipe lam-*
padem ardentem, & irreprehensibilis cu-
stodi

*stodi Baptismum tuum, serua Dei manda-
ta; ut cum Dominus venerit ad nuptias,
possis occurrere ei unâ cum omnibus San-
ctis in aulâ celesti, habeâsq; vitam ater-
nam, & viuas in secula seculorum, Amen.*
Denique Sacerdos recenti nomine ita
te compellauit; *N. vade in pace, & Do-
minus sit tecum, Amen.*

En! Hagiophile, modum, quo Ba-
ptismum suscepisti, frueri hodie con-
solatione istâ, ac exemplo sanctæ huius
Antistitæ renoua, ratâsq; habe omnes
has tam pias asseuerationes: rituum il-
lorum singulis aliquantùm immorare,
ac recordatus, quid tunc fuisses respō-
surus, si fuisses rationis vsu præditus,
eadem prorsus in tuo conclauis respon-
dere memineris: expende, quæ alij pro
te promissa fecerint: considera bene-
ficio, quo tibi ad Christi fidem & do-
mum DEI aditus patet; quod est bene-
ficio Orbis totius imperio præstan-
tius; quemadmodum S. Antonius Cō-
stantino Imperatori demonstrabat: de-
nique SS. Trinitati infimas gratias ob

incomparabilem gratiam age, quâ sacræ Natiuitatis die te affecit: non enim te fugiet, quamlibet è tribus Diuinis Personis admiranda in illius animo efficere, qui lustrali fonte ablutus est: Pater enim in filium ac Cæli hæredem adoptat, atque in suam fidem recipit: Filius pro fratre & cohærede admittit, ei fructus & merita suæ Mortis indulget, pro discipulo & charo amico acceptat: Spiritus sanctus animam sibi despondet, eamque virtutibus diuinis ac magnis dotibus instruit: SS. Trinitas pro suo templo & domicilio deligit, ad illum eâ voluntate ingressa, vt illic perpetuò per nexum amoris nunquam violandi versetur, ad eum ferè modum, quo diuinę tres Personæ vnā simul naturam constituunt.






C A P V T VII.

QUATVOR PIETATIS
EXERCITIA ERGA SS. TRI-
NITATEM, pro festo Eiusdem die, ac
sequenti triduo, vsque ad Festum
Corporis Christi.

EXERCITIUM I.

Pro Festo SS. Trinitatis.

*Pie ac saepe repetere: Gloria Patri, &c.
exemplo Venerabilis Bedæ.*



AGIOPHILE, nullus dubito,
quin magno studio in cultum
SS. TRINITATIS feraris: ad
quid enim pietas tua, si in hoc
ineffabili mysterio, vnde tibi omnium
bonorum origo, deficiat? Ob hanc
causam, nihil aliud præfatus, statim in
limine ad breue sed cæleste carmen,
*Gloria Patri, & Filio, & Spiritui san-
cto, &c.*

Et, &c. te inuito. Hoc est illarum laudum compendium, quæ huic adorandæ Trinitati debentur: hoc ardens in se gloriæ illius desiderium complectitur: hic est Angelici concentûs intercalaris versus; quippe S. Ignatius Martyr Antiochenus die quadam precibus intentus, cælestem Angelorû symphoniam audiuit, qui alternis Psalmos nonnullos canentes, ad eorum finem subiunxere: *Gloria Patri, &c.* vnde postea occasionem sumpsit Damasus Papa, eam consuetudinem in totam Ecclesiam introducendi: hæc est epitome primæ & præcipuæ partis è Summâ D. Thomæ, omniumq; illorum, quæ profundissimi Theologi de his tribus Diuinis Personis tradiderunt: hic est Fidei actus paucis verbis exactè comprehensus, quo Vnitatem Naturæ, & Triadem Personarum profiteamur nos in admirabili illo Mysterio venerari: hoc est breue illud memoriæ pensum, quo SS. trium Personarum sacrosancta nomina docemur: hæc est fax illa diuina, quæ
nos

nos illustret, ne quid in illis inæquale
 fingamus, discamúsque, quòd prima,
 secunda, & tertia vocetur, non aliud
 quàm ordinem originis innuere: hæc
 est postremò grata mentis occupatio.
 Venerabilis Beda, inter alios, ita hoc
 cantico delectabatur, tantúmque eius
 vsum nactus erat, vt cùm animam age-
 ret, hæc postrema illi cantilena esset.

Hæc me monent, vt te adhorter, ad
 sanctum eius vsum inducendum; siue
 Angelorú olim exemplo aut ad finem
 Psalmorum, aut per modum aspiratio-
 nis piæ illis verbis religiosè vtaris; siue
 illa ad Rosarium, quod SS. Trinitatis
 appellatur, admetiaris: constat illud
 tribus decadibus; ad Crucem Symbo-
 lum Apostolorum recitatur, ad maio-
 ra grana: *Benedicamus Patrem & Filium
 cum Sancto Spiritu, laudemus & superex-
 altemus eum in secula:* ad minores orbi-
 culos: *Gloria Patri, &c.* a congruum
 eius dicendi tempus in omnes anni to-
 tius Dominicas dies cadit; illi enim
 dies:

a *Ex Corn. à Lapide in Isaiam.*

dies à pluribus pietatis studiosis sunt, ad simul honorandas illas Diuinas Personas delecti.

Atque hoc pium diei maximè venerandi exercitium tibi cōmitto, vt post hac in animum certò inducas, maximi omnino reuerentiam pietatēque aduersus hoc diuinum mysterium esse faciendum; & oraculi loco habeas, eum, qui SS. Trinitati est deuotus, ius in cælestia dona obtinere. Diuione an. 1616. Sanctimonialis Carmelitana obiit, ei mysterio valdè addicta, à quo nomen quoque mutuata, Maria à SS. Trinitate dicebatur: ac illo ipso die ex hac vitâ ad cælum emigravit. Hanc tu sententiam vt indubitatam amplexus, sæpius animo eam ipsam reuolue: illud studium in te erga breue hoc canticum accendet, quod isto loco proposui: actus fidei, amoris, ac reuerentiæ erga Augustissimum Mysterium subministrabit: & tandem ad vitæ tuæ finem de te verissimè pronuntiari poterit, quod de quouis dici solet, cū in ago-

ne constitutus Deo commendatur: licet enim peccauerit, tamen Patrem & Filium, & Spiritum sanctum non negavit, sed credidit: si contingeret, me tibi morienti adesse, adiungerem: & coluit, & amavit.

EXERCITIUM II.

Pro Fer. II. post SS. Trinit.

Officium de SS. Trinitate recitare, aut de illâ cogitare, & frequenter adorare, exemplo gloriosi Martyris Gonsalvi Sylvestria à Societate IESV.

HAGIOPHILE, si Officium de SS. Trinitate domi tuæ est, nullum aptius illud recitandi tempus ac hodiernum nactus es. Si verò eodem careas; supersunt frequentes cogitationes, considerationes, adorationes de SS. illo Mysterio instituendæ, quas attekò, futuras non minoris apud DEVM pretij, quàm Officium foret, eas verò simul coniunxi, quod eodem tempore

pore simul quoque à nobis exerceri queant.

Ad adorationes quod attinet, nonnunquam certum tibi numerum pro diuino penso iniunge. Gonsaluus Sylueria Monomotapæ gloriosâ pro Christo morte peremptus, è Societate nostrâ, piæ relaxationis loco habuit, ijs vacare. Sed caue, ne tantum audeas, quantum illi sibi imposuere, qui eo Goanum Collegium gubernante, singulari ardore in pietatis studium incubuere; è quibus vnus intra vnum diem decies millies SS. Trinitatem adorauit. Tam laudabili prouocatione piâque Religioforum iuuenum contentione, quâ inter se de victoriâ certabant, Rector pijsimus admodum gausus, eorû pietatem religiosis munusculis ac piâ remuneratione fouebat. Si stimulo quopiam maiori te vis eò incitare, vt eas adorationes seu flexis genibus, seu demisso capite, seu ad singulas submisso reuerentiæ causâ genu, seu alio modo sanctè obeas, B. Magdalenæ de
 Paz.

Pazzis argumento vtere: illa enim quotidie manè SS. Trinitatem adorabat, gratóque animo prosequebatur, tot Idololatrarum & infidelium loco, qui toto Orbe sparsi nullum illi vnquam honorem habent: tu, si lubet, adde, pro ijs etiam te laborare, qui parùm illi aut penitùs non sunt deuoti.

Verùm quoniam hæ adorationes non sunt piarum cogitationum ac meditationum expertes, nihil de his seorsim dicam: satis est, te doceri, Deum reuerenti cogitatione ac frequenti cōsideratione summi illius Mysterij delectari, tunc maximè, si quis in eius cultu etiam amorem illius profiteatur. S. Edmundus Archiepiscopus Mathematicis studijs se oblectabat; hisce omnes cogitationes & tempus propè immodicè dicabat: ita quodam die penitùs curiosâ inuestigatione abreptus matrem vidit, magnâ sanctitatis famâ nuper mortuam, quæ arreptâ eius manu duos ei digitos in circini modum duxit, ac tres in mensâ orbes fecit, ad quo-

quorum primum adiunxit, Pater, ad secundum, Filius, ad tertium, Spiritus sanctus: neque necesse fuit, alijs eum rationibus ad SS. Trinitatis venerationem inducere, vt secum decerneret, sæpe illius se memorem fore, vt cuius studium omnibus Mathematicorum inuentis præster.

EXERCITIUM III.

Pro Fer. III. post SS. Trinit.

Frequenter SS. Trinitatem inuocare, aut dum Litania de illâ recitantur, aut sacrum votium de eadem dicitur, aut alio quouis modo, exemplo Anna à S. Baribolomao.

VBI aut magni momenti negotia vrgent, aut gratiæ à Christianis Deo aguntur ob felices rerum successus; usu receptum est, votium Sacrum de SS. Trinitate facere: quæ vna est ex ijs rationibus admodum pia, quibus Augustissimæ tres illæ Personæ inuo-

inuocantur : ita legimus , quosdam S. Mechtildis amicos curâsse in SS. Trinitatis honorem totidem sacra peragi, quot annos illa vixit ; siue vt ita illius defectus supplerent, siue vt ob præstita eidem beneficia grati essent. *

Ille quoq; modus ad implorandam SS. Trinitatis opem idoneus est, si quis Litaniae eidem sacras recitet, quæ in Enchiridio precum huius temporis habentur, & à multis quauis Dominicâ dicuntur. Sed maximè expeditus ille modus est, cuius exemplar Venerabilis Antistita Anna à S. Bartholomæo, Carmelitana nobis reliquit, vt videlicet sæpe in rebus præsertim arduis SS. Trinitatem inuoces, eamque supplex roges, velit in quauis necessitate tibi præstò esse. De illâ hoc imprimis in eius vitâ memorandum legitur : cum adhuc foris degeret, jamque meditaretur, desertâ patriâ & amicorum grege, Carmelitano se Ordini adiungere : domum vnâ cum comite è campis redeun-

2. Lib. 5. gratia cap. 16.

deunti tam horrendum monstrum se-
videndum præbuit, vt præ terrore ex-
animis in terram vtraque sit collapsa;
vbi Anna illas tantùm à se voces obti-
nuit: S. Trinitas auxiliare nobis! inde
cùm ad se fuissent sensim reuersæ, & a-
liquantulùm sibi restitutæ, viarum in-
certæ, appetente jam nocte, iter ad pa-
gum desperârunt. Sed SS. Trinitas, cu-
ius opem Anna implorabat, tribus via-
toribus candido habitu indutis, qui il-
las anteibant, ceu casu illac euntibus
illarum formidini consuluit: hos illæ
insecutæ, interim inter se diuinabant,
quinam illi viatores essent: neq; enim,
inquiiebant, pastores hi sunt, qui domũ
repetunt; habitus enim est ab illorum
conditione alienus. At vbi non procũ
domo aberant, ecce tibi! momento tres
illi viæ duces euanuere: nec Annæ alia
cogitatio in mentem venit, quàm tres
istas Personas è SS. Trinitate fuisse,
quas in auxilium euocassent, aut certè
tres Angelos illarum loco eò submis-
sos.

EXER.

EXERCITIUM IV.

Pro Fer. IV. post SS. Trinit.

Pias & bonas actiones omnes ternario numero in honorem SS. Trinitatis peragere, exemplo P. Francisci Folliani & Societate IESV.

MVLTO sermone opus esset, si vellem de numeri ternarij præstantiâ ac diuino Numinis delectu loqui, quo numerum hunc omnibus alijs antetulit. Iuxta hunc enim calculum agendum mihi differendûmque de tribus Hierarchijs esset; de tribus cuiusvis Hierarchiæ ordinibus; de triplici Lege, naturæ, Moyfis, & Gratiæ; de tribus Regibus stellam ducem sequentibus; de tribus Pastoribus Angelico concentu ad IESV Infantis præsepe inuitatis; de tertio S. Pauli Cælo, ad quod fuit raptus; de tribus Ecclesijs, Militante, Purgante, & Triumphante; & de pluribus alijs huius generis argumentis.

mentis. Hæc omnia præfixum à me
scopum excedunt: mihi enim nō aliud
est propositum, quàm vt tibi, Hægio-
phile, ostendam, sanctas animas pro
Augustissimæ Trinitatis honore nume-
rum hunc certis pietatis exercitijs, hoc
ipso numero definitis, veneratos fuisse
atque sectatos. Ipsa DEI Mater quon-
dam ita S. Mechtildem instituit: a hæc
enim curiosè semper modos inquire-
bat, sanctam mortem obeundi; cui Dei
Parens hoc aliquando consiliū sugges-
sit: Filia, dicebat, ter quotidie in hunc
finem mihi dic: *Aue MARIA! &c.*
ad primam salutatiōem in memoriam
mihi Patrem reuoca, ad secundam Fi-
lium, ad tertiam Spiritum sanctum;
mèque per illas gratias, quas ab his tri-
bus Diuinis Personis accepi, obtestare.
Sed neque hoc exemplar est, quod mi-
hi modò præfixi: illud autem P. Fran-
cisci Folliani è Societate nostrâ volō,
qui suo æuo in colendâ SS. Trinitate
admirandus fuit. Si nomen SS. Trini-
tatis ei exarandum fuit, seu studeret,
seu

a Lib. 1. gratia.

feu aliâ de causâ calamo vteretur, flexis
 genibus id scribebat: si inter comēan-
 dum imago ei SS. Triadis occurreret,
 in genua prouolutus eam adorabat, et-
 si in mediâ plateâ versaretur: si cum
 proximo agebat, semper omnes alla-
 borabat ad idem studium perducere.
 At, quod est maiori admiratione di-
 gnum, omnia bona opera & corporis
 animique afflictationes triplici nume-
 ro peragebat: cupiditates ternariâ vi-
 ctoriâ subegit: Venerabile Sacramen-
 tum ter visitauit: res nulla illi adeò fuit
 accepta, quàm tribus omnino vicibus,
 aut modis distincta; tantopere mens
 eius erat in Diuinarum trium Persona-
 rum cultum propensa. Rosarium illi
 erat in tres decades distributum, quæ
 tribus coloribus albo, cæruleo, & ru-
 bro erant diuersæ. Erat fortè Romæ,
 vbi diu morabatur, cubiculum, quod
 quia tribus muris in tres fuit angulos
 compressum, tantum apud Superiores
 effecit, vt eius vsui fuerit concessum.
 Denique credi nō potest, quot magnis

eiusmodi documētis, supremis triginta vitę annis, sanctum ardorem prodiderit, vt omnia pro honore huius ternarij numeri conferret, ad hanc, quam tanto amore pensabat, diuinam Triadem, debito honore afficiendam. Fortassis sanctum D. Barbarę V. M. morem tenuit, quę à parente suo interrogata, cur, cum iussa fuisset duas tantum fenestras ædificio suo inferere, illa nihilominus tres aperuisset, respondit, se in honorem SS. Trinitatis id egisse: quo responso pater eius, qui erat Christianę Religionis expers, ita fuit offensus, vt vitę illam juberet, aut Christo valedicere: sed pater sibi ipsi plus nocuit; cum interim eā morte, quam pater crudelis illi intulit, filia gloriosam Martyrij coronam sit adepta.


Ignoro equidem, num S. Clara de Monte Falconis ex Ordine S. Augustini actiones suas ternario distinxerit, eo numero SS. Trinitatem veneratura; hoc tamen mihi certum est, pro eā, quā in SS. Trinitatem propendebat, pietate,

EXERCITIUM IV. 531.

te , post eius mortem prope cor tres
paruos ac solidos globos fuisse reper-
tos, nucis auellanae magnitudine, nul-
lo euidenti colore tinctos, vt potius ex
omnium permixtione colorum confu-
sè aspersi viderentur; quod symbolum
quoddam SS. Trinitatis erat, vt & tres
globi; qui cum ad libellam in coronâ
plurium fide dignorum hominum ex-
aminati fuissent, equale singulis ac om-
nibus pondus inerat, vt eadem graui-
tas vnus esset, quæ duorum aut trium;
& vicissim trium pondus, vnus
ac duorum æquaret.



A a 3 CA.



CAPVT VIII.

OCTO PIETATIS EXERCITIA ERGA VENERABILE
SACRAMENTVM, pro Eius Festo
& Octauâ.

EXERCITIVM I.

Pro Festo Corporis Christi.

*Interesse Supplicationibus in honorem Ve-
nerabilis Sacramenti institutis; aut de ado-
rando illo Mystério loqui, exemplo
B. Victoria.*



ANNA Santonica, Vrsulinae fa-
miliae decus, Festum & Octa-
uam Corporis Christi, messem
virtutum dictitabat; quòd piè
credi possit, eo tempore DEVM SS. Cor-
poris sui amantes liberalibus donis cu-
mulare, aut quòd ijdem studiosius
quàm

quàm vnquam virtutum studio se addicant.

Vndecunque hoc fiat, percipio, Hagiophile, vt hoc octiduo sanctam messem & annonam bonorum operum colligas. A Supplicationibus publicis, quæ hoc die per omnes Orbis Christiani vrbes instituuntur, initium duco; quibus te jubeo cum cæteris adesse, vt Magistro ac Domino tuo debitam reuerentiam, sanctitatem, ac pietatem exhibeas. Per reuerentiam autem, modestam oris compositionem, ac decetem incessum in comitatu supremi huius Monarchæ intelligo: quâ in re summos viros sepe videmus maximè accuratos.

Franciscus I. Galliarum Rex anno 1533.
Parisijs splendidam iussit supplicationem adornari, ad propugnandum Venerabilis Sacramenti honorem, qui eo tempore impiorum hominum operâ euiluerat, famosis libellis passim sparsis, sacrilegè Augustissimum Sacramentum proscindentium: ipse pedes intererat, per præcipuas vrbis plateas nu-

dato capite, sumpto in manus cereo, religioso silentio precibus intentus; cuius exemplum Regina, totâque Aula, quæ è Principibus viris ac feminis Regniq̃ue magnatibus constabat, secuta est. Ita decet supplicationes omnes, & has imprimis, de quibus hîc agimus, frequentare. Alius è præcipuis Regibus pio admodum responso, quod hoc Festo Corporis Christi die Medico suo dedit, orbis famam & ora promeruit: cùm enim supplex agmen pius hic Princeps nudo capite per medios solis accensi calores, qui rectâ eum petebant, prosequeretur, Medicus eum admonere ausus est, si pergeret aperto capite diutiùs incedere, Solem illi valetudinis periculum creaturum: at Rex, mitte timorem, inquit, sol ille, qui in Cælo ardet, nihil incommodi potest illi afferre, qui hunc diuinum adorat. Per sanctitatem significo, huc magnam conscientiæ puritatem, absque lethali noxâ, si fieri possit, afferendam esse: cùm indecens admodum sit, Principem

pem

pem nitoris studiosum in sordidâ veste & odio Principis comitari. Quo loco non possum dissimulare, quin eos perstringam, qui tam sacro die per speciem festum apparatus adornandi, nō verentur compotationibus, intemperantiâ & prætextatis colloquijs, aut etiam contemptu rei diuinæ illo ipso tempore DEVM offendere, quo videri cupiunt, eius honori studere: quod est, eodem tempore eundem & honore & iniuriâ afficere. Et hoc adeò certum est, vt ipse in præcipuis vrbibus fuerim, vbi minimùm tria, aut quatuor hominum millia sacrificium diuinum neglexerint, eo prætextu, velut interim ornandum corpus, concinnanda pia supellex, corpori aptanda vestimenta, cogendi cætus essent, vt præstitutum ad locum confluentes inde supplicationi se adiungant. Addidi, incedendum quoque cū pietate esse: nihil enim tam est indecorum, quàm nihil pietatis in illis animadvertere, qui non aliud deberent quàm mode-

A a f stiam

etiam & animum præsentem spirare. Porro constat, nonnunquam loco pietatis inanem garrum, loco humilitatis vanitatem, loco modestiæ insolentiam grassari.

Cæterum vsuuenit, Hagiophile, ut aut morbo aut religioso claustro, aut aliâ ratione detinearis, quo minùs possis tam piam pompam comitari: age igitur, conare huic honori, quem præstare IESV CHRISTO nequis, aliud pium opus ac honoris genus substituere: de hoc eius incomparabili beneficio sermonem institue, quòd nostri amore sub adorandis hisce speciebus delitescat; de gloriâ, quæ ab vniuerso Christiano orbe illi hodie fuit delata; de eximijs miraculis in hoc Angelorum Pane elucentibus. Aderis etiam concioni, quæ de hoc argumento tractabit; atq; inde colloquendi thema mutuaberis: loquere igitur de diuino animarum nostrarum amatore, qui instar perditè amantis obire atque prensare ædium nostrarum fores voluit. B. Victoria

Gloria tam hoc, quàm alijs diebus eiusmodi sermonibus oblectabatur, in quibus quidquid de illo potuit præclarum dici, in medium attulit; eum mille laudibus, mille liberalibus encomijs ornabat; Venerabile Sacramentum, suas opes, suum thesaurum vocitabat; atque cum suis Monialibus collocuta Religiosorum hominum felicitatem, prædicabat, qui id in suis domibus haberent, vbi adire, colere & adorare quavis horâ possent. Eosdem sermones B. Aloysius Gonzaga in delicijs habuit; pridie præsertim quàm SS. Eucharistiam sumeret, tanto animi sensu de illo colloquebatur, vt alij datâ operâ idcirco ei se adiungerent, vt cum eo agerent, ac differentem de tam utili argumento tanto mentis calore audirent. Utinam impofterum familiaria gratâque tibi huiusmodi colloquia forent!

EXERCITIUM II.

Pro Fer. VI. post Festum
Corporis Christi.

*Frequenter Venerabile Sacramentum
visitare, exemplo B. Magdalene de
Pazzis.*

TOTVS rubore perfundor, quo-
ties considero, quâ contentione
Aularum aſſectæ allaborent in
suorum Principum conspectum veni-
re, illos salutare, ad illorum colloquiū
admitti, eorum lateri vicini esse: cū
interim permulti Christianorum tam-
parū solliciti sint, officiosā præsē-
tiā Regem gloriæ demereri, qui legiti-
mus illorum Princeps corā in Vene-
rabili Sacramento dies noctesque ver-
satur, hoc eius tentorium, conclaue
atque palatium est: & nihilominus à
paucis admodum inuisitur & saluta-
tur; pauci alloqui & adorare illum so-
lent. Si breui itinere possent terram
illam contingere, quam IESVS olim
peram-

perambulabat ; fluuium, in quo fuit aquis à S. Ioanne tinctus ; atrium, vbi lata in eum mortis sententia fuit ; intrueri spinas, quibus fuit coronatus ; frustillum Ligni è S. Cruce conspicerre ; præ desiderio æstuarent, illuc festinandi : & tamen vt Dominum suum, etsi maximè vicinum, & paucis passibus adeundum accedant, insuper habent, ac desidiâ incredibili maiori ex parte laborant.

Veruntamen, Deo, quem in Aris veneramus, sint laudes, multi hodie sunt IESV amantes, qui reuerenter illi adstant, eum sæpe adeunt, omnesque occasiones captant, quas possunt, ei colloquendi, honorémque exhibendi. Thomas Sanchez è Societate nostrâ vir pius quotidie quinquies, Feriâ autem V. octies id ei officium præstabat. Ioannes Berckmannus eiusdem Societatis, quinquies, sexties, septiesue idem per diem faciebat. B. Magdalena de Pazzis trigesies illuc itabat, eum numerum à Christo, inter alia perfectionis

obtinendæ documenta, obseruare iusta. Cardinalis Bellarminus adhuc studiosus ante initam Societatem, quoties duo templa, quæ ad Collegium eunti occurrebant, transiret, illuc ad salutandum DEI Filium diuertebat. B. Franciscus ab Infante IESV si templum aliquod præteriret, in illud precandi animo aliquantisper secessit, dicere solitus, inurbanum esse, si quis fores amici prætergressus, nullam ei salutem diceret. P. Iacobus Salesius è Societate nostrâ Albonaci Fidei causâ interemptus, quoties jubebatur ad portam descendere, quod persæpe fiebat quotidie, aut domum obiret; in itu & reditu prope templi Odeum, vnde potuit SS. Eucharistiæ receptaculum videre, semper eò accedebat, vt suas illic preces & adorationes perageret: quin obseruatum est, vix interdiu horam fuisse elapsam, quâ non eâ visitatione defungeretur. Neque gratis hanc viam suscepit; sed tam feliciter hæc illi vrbauitas cessit, vt pro veritate viuâq; Corporis

poris Christi in SS. Eucharistiâ præsentia propugnandâ moriendi gratiam sit consecutus. Maria Amata ex Ordine Visitationis B. V. templum prætergressa nunquam omisit Christo diuinum debitumque cultum præstare: solebat insuper ita in occasionem eius esse intenta, vt vltro citroque domum obambulando, studio, si posset, à viâ deflecteret, quò facultas ei esset chorum accedendi, atque inibi Sponsum suum salutandi.

Magna me admiratio tenet, studium tam piarum mentium cogitantem, quo toties nitebantur debitis obsequijs IESUM afficere: & quantò accuratiùs mecum perpendo, tantò magis abripior, semperque reperio, quod ampliùs admire: hi mihi videntur Heliotropijs per similes, quæ vbique Soli se obuertunt, illique, quâ fieri potest, ratione cupiunt vicini esse. B. Victoria si semel in conspectum Venerabilis Sacramenti propiùs venisset, non poterat sponte discedere, aut à suis inde facile auel-

li. B. Franciscus Borgias, præterquam quòd omnia templa in obuijs, quà trā-
sibat, plateis ingrederetur, dabat ope-
ram , vt cubiculum eius esset templi
Choro vicinum. S. Franciscus Xau-
rius itidem proximè templum, quàm
potuit, diuertebat, & in sacrario dor-
miebat: inde faciliiori operâ ad maius
Altare proreptans longis precibus va-
cauit; vbi si fuisset à somno, aut lassitu-
dine oppressus, ad gradus eiusdem Aræ
se ante Christum in Eucharistiâ præ-
sentem abiecit, & veniam præfatus,
aliquantum somni admisit. Marchio
de Feriâ vidua non ampliùs viginti
quatuor annos nata , cùm in S. Claræ
Ordinem adscripta non posset ad tem-
plum atque inde propiùs ad Aram de-
scendere , paruum cubiculum habita-
bat, per cuius fenestellam prospectus
ei ad Maius Altare patuit; ad quam
plerumque morabatur, vt eum locum
intueretur, quem incoleret ille, cui per
vitæ reliquum se despondisset, atque
inibi assiduè posset precibus indulge-
re.

re. Maria Diazia, de quâ suprâ egimus, plus quàm Religiosa hæc vidua ausa est : Episcopi enim eius loci permissu Auilæ in suggestu templi S. Æmiliani habitabat, vbi clausa perpetuò coram Venerabili Sacramento ad votum suum excubabat : ac pluribus annis inde nunquam fuit progressa, nisi cùm ad peragendam confessionem, ac recipiendam SS. Synaxin prodijt, Christum illic latentem solita suum vicinum vocare, quòd domicilium incoletet ei tam propinquum. Non est obliuione mihi prætereundum, quod P. Petro Fabrico, primo S. Ignatij Socio in vsu fuit : is vbi ad urbem aut pagum fuerat delatus, omnium primò Venerabile Sacramentum accedebat ; huc itabat priùs, quàm diuersorium aut locum quemuis alium peteret. P. Ioannes à S. Guilielmo è S. Augustini familiâ hunc quoque pium morem tenuit, cui tam cōstanter insistebat, vt sæpe à magni nominis viris rogatus, vellet apud se aliquantisper respirandi causâ diuer-

uertere, ac tum suæ pietati obsequere-
 tur, nunquam se dimoueri à sententiâ
 sit passus, illis Euangelij verbis pro re-
 sponso vsus: *Quarite primum Regnum*
Dei; a Christum quoque, cùm Iero-
 solymam ingrederetur, prius templū
 fuisse ingressum, vt caelestem Patrem
 adoraret. Ergo ad templum propera-
 bat, ac genibus nixus coràm SS. Sacra-
 mento integrâ nonnunquam horâ per-
 durabat; & sæpe accidit, vt toto itine-
 re pluuio cælo vsus, vbi fuit à templo
 & precibus regressus, siccas omnino
 vestes efferret, ne pauimento quidem,
 vbi flectebat, humoris defluentis vesti-
 gium retinente; licet comes illius ac
 locus, quem precaturus occupabat,
 adhuc probè maderet. Superest, vt ad-
 damus, B. Stanislao adhuc adolescen-
 ti, antequam Societatis nostræ tiroci-
 nium adiisset: visum fuisse, infelicem
 sibi eum diem fore, quo Christum in
 templo salutare ei que matutinum Ave
 dicere neglexisset: noctu quoque prius
 ad lectum non concedebat, quàm Ei-
 dem

a *Matth. 6.*

dem vāle ante somnum dixisset. Quæ res in memoriam eos mihi reuocat, qui tali occasione destituti, domi suæ manē ac vespere versus templum aliquod, vbi SS. Sacramentum asseruatur, severtunt, quem, adoratione peractā saluere & valere jubent; veluti eo Ave & Vale innuerent, velle se ab omnibus rebus creatis illum diligi, coli, ei serui-ri, ac nunquam eā nocte, vel die offendi: quod exercitium est plenum consolationis, ijs præsertim, qui occasionem sunt nacti, templum adeundi, ac in propinquo Christum salutandi.

Hagiophile, ad te redeo, meq; apud te purgo, quòd eum tibi catalogum sanctarum mentium ac diuersarum in-ventionum pertexuerim, quas illę ipsæ ad ritè compellandum Principem suum excogitârunt. Omnia propè in medium attuli, quæ mihi occurrere, vt & copiam tibi ad vices alternandas suppeditem, & desiderium tibi ini- cerem, si quidem vitæ conditio ferat, modò hanc, modò istam ratiõem imi- tandi:

tandi: quod ego plerumque spectro, vt
semel faltem in anno, aut certè totâ vi-
tâ omnis generis honores Christo ex-
hibeas; quibus sancti ac serui DEI eun-
dem sunt profecuti. Neq; idcirco im-
pedieris, quò minùs stata tua exercitia
singularium propositorum possis obi-
re; vt essent, quotidie ter aut quinquies
SS. Sacramentum adire, Feriâ V. qua-
libet octies, hodie vigesies aut trigesies
alioue huius Octauæ die salutare. Iam
dixi, quinam tibi exempla reliquerint:
atque ideò finem hîc facio, eo maximè
gaudio ac solatio perfusus, quòd vi-
deam, Heliotropia nunquam tanto
studio, amore atque constantiâ solem
suum sequi; quanto ardore IESV aman-
tes solem Iustitiæ in SS. Sacramento
sequuntur & amant.

Flores adorant vertice

Hians Solis Orbem:

Summòque rapti lumine,

Vertuntur ad trahentem.

Sol Christe! mentes allicis.

Paruo videndus Orbe:

in

*In quo tamen Tu maximus,
Es maior Orbe magno.*

EXERCITIUM III.

Pro Sab. post Festum Corporis Christi.

Peculiari cultu & affectu Venerabile Sacramentum prosequi, dum est in templo, aut aliâ occasione expositum, exemplo P. Balibasaris Alvarez è Societate IESV.

NON video, cur tot IESV amatores tantoperè se excrucient, quòd eum intueri coràm nequeant; quandoquidem id priùs fieri non potest, quàm ad æterna gaudia admittamur: an non satis, imò multum est, eum nunc in hoc nostro exilio byssino connectum contemplari? quid enim adoranda Hostia, quam videmus, est aliud, quàm byssinum tegumentum? sacrosanctæ species nonne sunt vestimenta, sub quibus certo certius continetur? oculis

oculis quidem corporeis velum intue-
mur, sed mentis acie fideique lumine
Seruatorem conspiciamus : quid am-
plius optemus ? amicum aut Princi-
pem suum videre suis vestibus indu-
tum, etsi neq; corpus eius, nec animam
inspiciam, an hoc non est amicum aut
Principem videre? ne dubita; ita Chri-
stum videre, ita tangere, ait S. Ioannes
Chrysostomus, *a* est eum verè videre
ac tangere.

Ob hanc causam multos pietatis
studiosos reperio difficulter oculos ab
adorandâ Hostiâ auocare, si contueri
illis concessum est; cùm non ignorent,
in huius vitæ cursu nihil posse dignius
illorum oculis obijci. Balthasarus
Aluarez è Societate nostrâ vir raræ vir-
tutis, oculos perpetuò ei tenebat affi-
xos; vbicunque esset Venerabile Sacra-
mentum expositum, nunquam poterat
ab eius aspectu dimoueri. B. Marga-
rita Hungarica sumptâ SS. Eucharistiâ,
etsi Regis filia, semper tamen mappam
ad SS. Synaxin accumbentibus stratam
fuit.

a Hom. 83, in Matth.

sustinebat, dum alij SS. Hostiam acciperent, vt tanto diutius Christum in manu Sacerdotum contemplari posset. Quâ in re Sacerdotum felicitas animum subit; qui dum Panem Cælestem alijs distribuunt, oculos toto illo tempore in eum defigunt. Margarita Arbusia Antistita pari desiderio illic esse contendebat, vnde diuinum hunc Sponsum aspiceret : hinc constituit, vt singulis mensibus semel Monialibus exponeretur, quas, eo tempore & sæpe aliàs hortabatur, ne prætermitterent, frequenter eum ac piè adeundo eius gratiam aucupari. Alio loco dixi, S. Coletam peculiariter suos oculos ob id amasse, quòd illorum operâ posset SS. Hostiam intueri. Plures alij oculos magna pietate, modestiâque, quin & aspectantium admiratione ita firmarunt, vt eorum animos eodem pietatis ac sanctitatis studio incenderent. B. Franciscus ab Infante IESV illic immoratus hærebat, oculis eo spectaculo abreptis, velut cælo delapsus Angelus adesset.

effet. B. Aloysius Gonzaga eius aspectu satiari non potuit; vt è diuturniori intuitu formę illius venustas amplior conciliaretur: adeò vt pictores Aloysij effigiem elegantiori penicillo expressuri eum non alio situ pingerent, quàm eundem sancto obrutu SS. Hostiam respicientem.

Hagiophile, hoc tam sanctum studium ac ardor adorandas hasce Species contemplandi etiamnum viget: in eum finem multi Fer. V. hebdomadis maioris religiosè omnia templa obeunt, vbi publicæ adorationi proponitur: frequentes ac assidui ad percipiendam à SS. Sacramento benedictionem accurrunt, vbi illa per hoc Offitiduum, alijsque per annum solennibus diebus impertitur: piè curiosi sunt, cùm sacrificio Missæ interfunt, vbi vel Sacerdos SS. Hostiam eleuat, aut occasione aliorum rituum, spectantibus illam videndam offert. Tuum ac meum est, eam pietatem tueri ac propagare, & esse ita persuasos, maiorem isto spectaculo

speculo felicitatem oculis nostris nunquam hinc posse obtingere. Si enim ingentis voluptatis materies est, oculos in DEI Matris aut IESU imaginem defigere, quanta erit, eos in SS. Sacramentum conijcere, ubi Verbum Caro factum reipsa praesens continetur? S. Bonaventura cum supremo totius Christiani Orbis solatio, sacra scilicet Communionem, quod ager gravi nausae stomachi laboraret, frui non posset, ac jam de vita periclitaretur, nihil post illam credidit sibi posse sanctius ac divinius accidere, quam si in SS. speciebus DEI Filium videret: quare petijt ad suum cubiculum SS. Eucharistiam afferri, ut eam ad extremum videre & adorare posset: id quod facile impetrauit. Sed DEVS hunc illius conatum magno miraculo nobilitavit: postquam enim amanter eam contemplatus ac veneratus fuisset, cum agere aliud non posset, iussit Pyxidem Eucharisticam proximè suo pectori admoveri: & en inauditum prodigium! imminente jam sacro

B b

Va-

Vasculo, latus eius apertum, venustum
& instar rosæ se aperientis rubens hia-
bat, ac eodem momento inde diuini-
tus è SS. Hostijs vna exempta, se intra
sancti viri latus omnibus, qui tunc ad-
erant, spectantibus immisit: exinde
quamprimùm latus denuo coaluit, ceu
nunquam antè patuisset. a

a *Ex Annal. Minor. & ex libro qui
dicitur vinea S. Francisci.*

EXERCITIUM IV.

Pro Dom. infra Octau. Corp.
CHRISTI.

*Meditari, aut longis precibus vacare, ad
presentiam aut honorem Venerabilis Sa-
cramenti, exemplo B. Margarita filia
Regis Hungariae.*

QVIVIS alius extra DEI amantem
ab illâ longiori morâ quorun-
dam abhorrebit, qui ad pedem
Altaris in templo, aut alio loco, medi-
tationibus aut precibus pro SS. Sacra-
menti

menti honore tamdiu inhærēt. Sed eadem ratio, quæ facit, vt tempus omne breue ac jucundum inter amicos videatur, etſi ſimul tres quatuorue horas, aut etiam totos dies confabulentur, efficit, vt longæ preces ac meditationes coram Venerabili Euchariftiâ inſtitutæ, aut verſo in illam partem, quâ aſſeruatur, corpore peractæ, ſuaues amantibus videantur. Amori nihil eſt arduum: hîc IESVM ſub velo latentem vt Sponſum fidelem, vt charum amicum, vt prorſus ſpecioſum, totum amabilem, bonum, ſapientem, beneficum, omnipotentem compellamus, & ſi quæ ſunt aliæ ſummę illius perfectiones: hæc omnia priuſquam expendas, & ad ea reſpondeas, quæ ſecretò à te poſtulat, antequam tuas preces & vota peragas, atque pro te cæteriſque exponas, ſiue huius ſiue alterius vitæ negotia attingat, multum temporis elabi neceſſe eſt. Ama duntaxat IESVM, & nunquam temporis moram accuſabis, quam eius conſuetudini, meditationi,

immensoque amori impendes, quem in admirabili Angelorum Pane conclusit.

Hagiophile, experire hodie, aut alijs diebus, quid hoc sit: Illud tibi certò affirmârim, P. Thomam Sanchez, è Societate nostrâ, virum eximiæ pietatis, nunquam de temporis diuturnitate questum esse, etsi singulis añis per hoc Octiduum quotidie, aliòsque octo dies ante, & post Octauam totidem duabus horis meditationi de Venerabili Sacramento vacaret, non annumeratis alijs eius statis precibus, quas quotidie peragebat: hinc facile crediderim, ad hoc diuini amoris incendium ita illum incaluisse, vt animi sui sententiam verbis illis memoriâ dignis testaretur, quæ ab eius morte inter Ascetica aduersaria fuerunt reperta: *Omnis mea cura erit Venerabilis Eucharistia! Meam fidem!* Hagiophile, næ summam voluptatem P. Balthasaro Alvarez attulit, in templo, aut illius Odeo noctes non raro integras precibus absumere: qui
aliàs

aliàs indignè ferebat, ita Magnatum palatia frequentari, in quibus dimidium diem sine fastidio vllò ambulara, conclauiæ & vestibula Principum obeuntur; dum interim templa, quæ sunt IESV palatia, adeò sunt deserta, & tantillo tempore habitata. Modò saltem in Festorum summorum peruigijs, ac pridie, quàm SS. Eucharistia sumitur, maior in hoc negotio cura adhiberetur. Vbi B. Margaritam Hungaricam videas, quæ, die SS. Communionem antecedente, pane & aquâ victitabat, noctem inter preces, alterum diem silentio exigere solita? Vbi B. Victoriam reperias, quæ pridie Cælestis conuiuij, vt cras venturo hospiti Deo domicilium aptius pararet, & honorem haberet, magnam noctis partem somno ademit, quam precibus daret? Hæ sanctæ mentes cælo & IESV fruuntur: de te, Hagiophile qui hæc legis, modò spes est, te aut paria facturum, aut ea te saltem in parte sectaturum, quæ citra incommodum tibi valebis iniungere.

EXERCITIUM V.

Pro Fer. II. infra oct. Corp.
CHRISTI.

*Preces vocales in honorem Venerabilis
Sacramenti peragere, exemplo B. Ioan-
nis Francica.*

H AGIOPHILE, non est mihi ani-
mus, ad dicendum de Venera-
bili Sacramento Rosarium te
hortari, quod ter denis senis diuersis
actibus constat, ad memoriam sedecim
præteritorum sæculorum colendam,
ab eo tempore, quo Christus illud in-
stituit. Corona illa ter sedecim grana
numerat, habitâ illius SS. ternionis, qui
in hoc Mysterio latet, videlicet Diui-
nitatis, Animæ Christi, & eius pretiosi
Corporis ratione: nihil ampliùs addo,
neque quidquam illorum, quæ in par-
uo libello legi: horum nihil tibi sapit,
neque animum vis tot rebus obruere.

Hodie igitur minus Officium de SS.
Sacramêto recita, aut Hymnum illum,
cuius

cuius initium: *Lauda Sion Salvatorem.*
S. Thomæ Aquinatis inuentum, aut
Litánias eiusdem argumenti, quæ re-
ceptis, pulchris, pijsque encomijs re-
fertæ sunt. Omnes hæ preces Deo per-
quam placent; sunt enim è laudibus
Filij sui conflatæ. Si nimius tibi in af-
fundendo precandi themate videor;
vnicum selige: alia tibi ad eam rem
vsui erunt, de quâ sequenti Exercitio
te admonebo. Si verò velis insuper
breuiori compendio vti; preces tibi B.
Ioannæ Francicæ adscribo, quas tamen
illa, quemadmodum fuit à DEI Matre
edocta quotidie iterabat. Dicenda est
igitur duodecies Salutatio Angelica,
in honorem duodecim fructuum &
commodorum, quæ diuinus hic cibus,
qui SS. Synaxin adeuntibus præbetur,
pijs mentibus confert. Eas preces S.
Regina nunquam dicere prætermisit,
effecitque vt summus Pontifex cuicun-
que ad eum modum recitanti Indul-
gentias impertiret. a

a *Ex Chron. Ordinis Annunt. Bitur.*

B b 4

EXER.

EXERCITIUM VI.

Pro Fer. III. infra Octau.
Corp. Christi.

Singulari cultu omnes per annum dies exigere, qui à quibusdam pietatis studiosis Venerabili Sacramento sunt dicati, exemplo

P. Thomæ Sanchez Societatis

IESV.

DIES pro cultu SS. Sacramenti per annum destinati sunt isti: Octiduum Corpori Christi sacrum, Feria V. Hebdomadæ Maioris, tertia Dominica cuiusque Mensis, Feria V. cuiusvis hebdomadis: quos dies omnes Ecclesia & SS. Eucharistiæ adiectiores honore ac obsequijs peculiaribus traducunt. P. Thomas Sanchez è Societate IESV octo dies Octauæ Corporis Christi præmisit, totidemq; subiunxit; primos, ut idoneum se ad illud Festum redderet, postremos verò, ut eius cultum prorogaret, & geminati octidui spatio ei plus otij suppeteret, tam

tam immensum beneficium, quo genus humanum DEI Filius affecit, gratiori animo perpendendi.

Ecce igitur te pro singulis annis, quouis mense, qualibet hebdomade instructum! Non equidem negauerim, ad vnum ex his plus apparatus & pietatis afferendum, quàm aliud: nunc SS. Eucharistia percipienda; nunc SS. Sacramentum frequentius adeundum; modò precibus & meditationi insistendum; aliàs vocali orationi vacandum, vt sunt Litaniæ, aut minus Officium de Venerabili Sacramento: quisque eorum sibi delectum faciet, quæ putauerit tempori, occasione, & suæ pietati magis congruere. Expedit autem, per hosce dies suum erga SS. Eucharistiam studium & infimum obsequium, quocunque demum honoris significatione, profiteri. Et quoniam S. Communio & vocalis oratio plerumque solent esse his diebus in plurimum usu; addam, quod operum illorum meritum atque præstantiam te doceat,

Bb s S. Ger-

S. Gertrudis quadam die, dum Moniales ad Cælestem mensam accumberent, obseruabat, DEI Matrem singularum lateri ordine accedentium assistere, ac vt quæque fuisset diuino Cibo pasta, Filio suo loqui : Fili charissime ! obsecro te, pro tuo in me amore, respice & ama hanc piam animam, cui pretiosum Corpus tuum indulges. Quâ re IESVS videbatur singularem voluptatem capere, ac dulcissimæ Matris suæ precibus promptè annuere. ^a Sed quod ad rem meam imprimis facit, est, quòd DEI Mater pretioso pallio vestita comparuerit, precibus vocalibus, quas Moniales illæ dicebant, velut floribus totidem distincto : eodémque tempore, quo illæ Panem Angelorum sumebant, Virgo Mater glorioso illum pallio tangebatur, velut significare amantissimo Filio suo voluisset ; vide. sis, charissime Fili orationes illas, quas famula hæc tua ad te honorandum persoluit ! certè remunerationem & amorem tuum promeretur.

^a *Ex lib. 4. In sin. diuin. cap. 49.*

EXER.

EXERCITIUM VII.

Pro Fer. IV. infra Oct. Corp.
CHRISTI.

*Comitari Venerabile Sacramentum, quan-
do ad agros deportatur, exemplo P.
Casaris Buzai.*

PROH ! quàm indignor, si nonnun-
quam videam, DEI Filium & Re-
gem gloriæ à Sacerdote ad ægros
deportari, vno tantùm fortè ministro,
& tribus quatuórue mulierculis, eum
comitantibus: cùm interim Præsides
& supremi magistratus quadraginta
aut quinquaginta post se assecclas tra-
hant; cùm Reges & Principes florem
Nobilitatis magno numero in comita-
tu habeant. Scio equidem, non vbi-
que in hac re peccari, ac illis in locis.
vbi Sodalitates sub auspicio ac nomine
Venerabilis Sacramenti institutæ in-
flore sunt, jucundum esse, videre mul-
tos vtriusque sexûs homines SS. Sacra-
mentum, quod ad moribundos defer-

B b 6

tur,

rum, magnâ modestiâ, silentio ac pietate comitari: sed neque ista ubiq; fiunt, magno passim pietatis neglectu. Profectò optandum est, amorem studiûmque in plerisq; erga tam sanctam consuetudinem auctius fieri; & ab ijs, qui IESVM ægrorum domicilia & ora, non dedignantem comitantur, Christianorum oppidorum plateas frequentiori numero expleri. Hagiophile, noli vnquam hanc viam detrectare; i, i, fac velis libenter in tali Seruatoris tui comitatu esse: duplex inde ad te meritum redibit, dum & ægrum inuises precibusque iuuabis, & vnâ in Regem Regum & Patrem Sanitatis officiosus eris: nihil omnino te impediat, quò minùs cæteris eò accurrentibus te adiungas; etsi tibi maturiùs aliquanto sit lectus deferendus, etsi nondum exquisitè sis comptus, & publico vestitus: spectatores potiùs modestiâ tuâ capientur; & Angeli, qui turmatim Regem suum insequuntur, tantò magis te suspicient. i bonis auib; animo prompto & pijs
cogi-

cogitationibus instructo, illâ præsertim, quam tenuit P. Simon Garzia, Minimus: qui cùm Monasterio præesset, Religiosis suis, jam ad supplicationem & Christi comitatum accinctis, ita fuit locutus: Seruator noster, ô Filij mei! nobis se socium adiunxit, ac nobiscum in hac mortali vitâ tres ac triginta annos commoratus est, multa incommoda & labores perpeßus, quos pro peccatis nostris exantlauit: an non igitur æquum est, vt & nos eum quadrantem horæ ad pietatem & sanctam modestiam compositi prosequamur? Plus dicam, Hagiophile: etsi grauissimis etiam negotijs vrgereris, tum quoque enitendum tibi foret, vt ea tantisper seponeres; honestissimum enim omnium in hac vitâ negotium est, IESU CHRISTO debitum honorem exhibere. B. Franciscus Borgias, adhuc Gandiæ Dux, omnia negotia abruptit, vt SS. Sacramentum comitaretur, dicere solitus: eamus, eamus, quando DEVS nos vocat! Et certè si Rex aut Princeps aliquid

liquis ad fores tuas te inuitaret, vt ei velles ad eum locum, quò pergit, comes esse, certus sum, te omnia postpositurum, ac magnæ id gratiæ loco habiturum, persuasum, præclarè te illam viam impendisse: ah! malum publicum! ergone semper IESVS minoribus obsequijs coletur? ergone digniori ministerio homuncio à mortalibus afficietur? Postremò, si cupis IESV cordi esse, si eius beneuolentiam prenas; sequere, sequere audacter eorum exempla & vestigia, qui Venerabile Sacramentum sequuntur: quòd si decori ratio postulet, ardentem cereum manu à te sustineri, cape, & alios in eo genere officij, quod Seruatori tuo exhibes, præuenire labora. Omnis Austriacæ domûs fortuna & Maiestas ex eo suam originem habet, vt refertur, quod Rudolphus caput eius familiæ luculentum honoris & officij genus Sacerdoti exhibuerit, qui ex vno pago in aliud SS. Sacramentum ad ægrum ferebat; quando ipse equum, cui antè insidebat,

bat, Sacerdoti com̄odauit, interim pedes eū equitantē profecutus. Ausimne dicere, quod sentio? Thomas Morus, magnus ille vir, meruit pro IESVCHRISTO sanguinem profundere, qui est suprem⁹ honor: ego quidē existimo, eam gloriam illum à Deo idcirco consecutum, quòd, etsi Angliæ Cancellarius esset, non erubuerit, Crucem arripere, illámq; in similibus occasionibus præferre. Quid si nostro æuo P. Cæsaris Buzæi eximia virtus initia sua eiusmodi generoso facinori debeat? ausus est enim ardentem cereum manu gestare, ac Venerabile Sacramentum insequi, quod ægris afferebatur; etsi adhuc juvenis dissolutus & vanitatum sectator esset, timerétque, ne in multos comilitonum suorum ac Nobilium juvenum incideret, qui tunc, cū hoc contigit, Cabellione in comitatu & aulā supremi Præfecti illius ditionis versabantur: & reipsa omnem illam Nobilitatem obuiam habuit. Illo opere vix

peracto

peracto DEVS tantâ illum consolatione, ac cœlesti luce perfudit, vt totus à se alius esset: quin sequenti nōcte, cū in mediâ caligine in preces se daret, lux è cœlo allapsa eius cubile illustravit, solis splendori non impar; à quâ tantopere fuit animatus, vt statueret, posthac nihil nisi IESUM diligere, ac mundi fraudibus atque illecebris valedicere: quod feliciter ac abunde præstitit.

EXERCITIUM VIII.

Pro Octauo die Corp. Christi.

Omnis generis honores SS. Sacramento, & quæ ad illud referuntur, conferre, exemplo S. Wenceslai Bohemia Regis.

SATIVS erit, me summatim hoc loco afferre, quæ cultui SS. Sacramenti addicti præstiterunt, suum erga illud amorem & reuerentiam testaturi, aut certè erga res illas, quæ ad istud aliquâ ratione referuntur; quàm vni me exercitio adstringere: habebis inde tantò maiorem libertatem eligen-
di

di, statuendique, quodnam aliquoties in viuis ad tuum vsum velis arripere. Ausculta igitur & admirare S. Wenceslaum Bohemiæ Regem; qui messis ac vindemiæ tempore, nihil indignum regiâ maiestate ratus, aut veriùs memorabili in SS. Sacramentum studio suo illam illustraturus, ipse triticum, illud metebat, ipsemet illas vvas legebat, quæ vtrunque & ad Cælestem panem & Sacrum Calicem erant necessaria.

S. Mechtildis recenset, inter alia cælestia dona, se Religiosum familiæ ministerijs deuotum magnâ gloriâ coruscantem vidisse; quòd, vt SS. Sacramento vicinior longiorem idipsum intuendi moram haberet, tot sacris inseruierit, quot ei fuit concessum interesse, conatus ob eandem causam, omnem reuerentiam Sacerdotibus præstare, quibus toties tractare, consecrare, & attingere SS. Eucharistiam liceret.

B. Mauritius ex Ordine S. Dominici in hoc vnum erat intentus, vt videre, recipere, amare & colere hoc diuinum Sacramentum posset: in eum finem ostiatim

stiatim oleum pro lampade, quæ coram Venerabili ardebat, mendicare consuevit: quàm verò grata Deo hæc serui sui opera fuerit, ex eo collige, quod in eius exequijs euenit. Cùm jam de eo sepeliendo ageretur, ac eius cadaver feretro sub re diuinâ esset impositum, inspectantibus Religiosis alijsque, qui tunc aderant, cùm Sacerdos SS. Hostiam adorandam populo leuaret, B. Mauritius oculos, eandem adoraturus, aperuit; quod itidem fecit, cùm Sacerdos SS. Calicem attolleret: quod sanè indubitatum raræ in illo pietatis gaudiique argumentum fuit, quibus oculi illius ex intuitu sanctarum specierum demulcebantur.

Galliota de Vaillaco, veneranda Antistita, vt suæ pietati satisfaceret, ipsa lampadem, quæ coram SS. Sacramento erat accensa, curabat; neque id officij obire aliam è suis Monialibus voluit: quam cùm decenter purgâisset, digitis in togâ absterfis, nulla prorsus in veste labes apparebat.

Margarita Arbusia incredibili curâ studio-

studióque tenebatur, vt Altaris ornamenta & Sacerdos debito cultu niterent; eò quod omnia ad diuini Sacramenti venerationem pertinerét: quod ad triticum ac vinum attinet, quod erat sacrificio Missæ attribuendum, dabat operam, vt vtrumque melioris notæ esset: quin ipsamet lectiora frumenti grana pro conficiendis hostijs terebat, ardore mentis admirabili & vel Angelis laudando. Eadem penes se clauem tabernaculi, in quo SS. Eucharistia asseruabatur, retinuit; nec paruum inde voluptatem adiecit, quòd eius domicilij clauem ipsa ferret, quo delicia illius ac sponsus cælestis inclusus lateret: quæ hilaritas mentis singulares in ea diuini amoris ignes excitabat, vt nonnunquam diceret: Meus est IESVS, clauem teneo; non euadet, quin mihi priùs bene precetur.

B. Victoria, quæ Ordinem Cælestinarum instituit, quarundam Matronarum me admonet, quæ nullum alium laborem, quàm ad exornanda altaria, templa, & res omnes, quæ ad cultum SS. Eu-

SS. Eucharistiæ faciunt, in se suscipiunt. Possem etiamnum viuas percensere: sed id me illorum modestia vetat: sufficiat, B. Victoriæ exemplo uti: mentes enim beatæ nulli periculo vanitatis, ex earum commendatione, sunt obnoxia: hæc jam Religioni adscripta manum & acum omnium promptissimè sacris mappis, (quas Corporalia vocant) elaborandis commodabat, quæ ab ipsis pro Instituti ratione fieri solent, ac postea in egentiora templis gratis erogari: si quod ei otium superfluit, aut quid quid temporis potuit aliunde suffurari, ei labori dabat; quandoquidem hæc, ut ipsa aiebat, IESU linthea & fasciæ essent.

B. Cæcilia Panormitana, è tertio Ordine Minimarum, pro eo amore, ac in Venerabile Sacramentum ferebatur, eluere lintheam templi & Altaris suppellectilem nunquam prætermisit: certiq; erant eius templi Religiosi, quamdiu Cæcilia viueret, nunquam illam esse passuram, ab aliâ hoc genus sancti obsequij Aris impendi.

S. Terefia

S. Teresia, S. Catharina Senensis, & plures aliae, omnem suam voluptatem in frequenter obeundâ SS. Synaxi collocârunt: quo die cogeantur illo cælesti cibo abstinere, miserrimas se credebant; hinc morbis erant tentatae, & animis deficiebant: eo verò, quo licuit illis ad Dei mensam accumbere, triste illis fuit, alium insuper cibum admittere. Euphrasia de Monte Leonis ex Ordine Minimarum, quo die SS. Eucharistiam capiebat, nullo fuit alio de in' alimento vfa: tam cælesti dape satiata.


B. Magdalena de Pazzis adhuc puella & infans magno desiderio SS. epulo fruendi laborabat; quod cùm ætatis defectu facere prohiberetur, matris ad id accedentis lateri proxima hæsit; nec facilè ab illa toto eo die discessit, cum primis recreata, si posset ijs esse vicina, quibus interesse conuiuii diuinæ huic mensæ licuit: vbi verò Florentiæ Religionem iniit, ex præcipuis rationibus, ob quas ei potius Monasterio animum adijceret, vna fuit, quòd Moniales illæ quo-

quotidie IESU CHRISTI SS. Corpore fruerentur.

Ioannes Baptista Tolomius vir magnæ sanctitatis è S. Dominici familiâ, quòd intelligeret, Sacerdotes DEI Filio tam esse familiares, eousque illos reuerebatur, vt sæpè illorum, quâ transferunt, vestigia oscularetur. Et vt nō nisi de viuis, suppresso tamen illorum nomine, loquar, hoc ipsum sæculum est, quo Venerabile Sacramentum publico cultu est imprimis celebre: liberales in Altaria opibus & ornatu excolenda sumptus fiunt; lampades perpetuò ante Aras arsuræ annuatim olei prouentu instruuntur; Sodalitates ac cætus inchoantur, ad eius præcipuè gloriam propagandam instituti; multi viri Religiosi ab eo nomen sibi attribuant; Sacerdotes pietatis ergò digitos suos eo die frequenter exosculantur, quo SS. Christi Corpus tractârunt & consecrârunt; alij religioni sibi ducerent, tergum SS. Sacramento obuertere, si contingat ei vicinos fieri; sunt bonæ

bonæ mentes, quæ ob honorem SS. Eucharistiæ, arctiori freno linguam coercerent, ne quid indecori inde elabatur; quandoquidem lingua, quæ primò SS. Christi Corpus excipit, ceu tabula quædam & pons ductitius est, quo intra nos suscipitur. Noui alios qui annuo reditu de sanctâ frumenti annonâ pro pinfendis hostijs prouident, idque in templo, quod multorum Sacerdotum sacrificijs, & ad Diuinum Conuiuium accedentium multitudine est frequens; est, qui quot annis vinum, omne pro Altaris sacrificio & ministerio subministret: ac vterque sibi maxime opere gratulatur, quòd è suâ crumenâ & penu commeatus ille proficiscatur, qui in SS. IESV CHRISTI Corpus & Sanguinem conuertatur. Hagiophile, plura dixi, quàm præstes: neque interim negauerim, vt omnia hæc pietatis exempla te cupio admirari, ita me nolle, vt illorum quidquam imiteris, nisi quod & gustui tuo & pietati magis aridebit.

CAPVT



CAPVT IX.

EXERCITIVM PIETATIS
VNICVM ERGA FILIVM
DEI, pro Festo Transfigurationis
Eius. 6. Augusti.

*Honore & amore singulari IESV CHRI-
STI SS. Faciem prosequi, exemplo
S. Tereſia.*

In loco pietatem erga Serua-
toris nostri SS. Faciem delegi,
quoniã præcipua & nobilior
pars est Transfigurationis in monte Tha-
bor factę: vbi diuin⁹ eius vultus *resplen-*
duit sicut sol; a qui modus est loquen-
di, quo significatur diuinam hanc fa-
ciem tunc incomparabili pulchritudi-
ne claruisse; res enim venustiores dici-
mus instar solis micare. Neque tamen
idcirco necessitas mihi imponitur, in

cā

a *Matth. 17.*

eâ solùm pulchritudine, quæ hoc die, in adorando eius vultu emicuit, considerandâ immorari : fuit vtique obstupescenda; ac talem fuisse necesse est, quandoquidem Apostoli, qui eam sunt intuiti, crediderint se in termino felicitatis esse, & S. Petrus inde auelli noluerit, disertis verbis asserens, esse illicita tabernacula struenda, & ibi degere, bonum esse. Eam pulchritudinem amabilissimi vultûs in eo etiam statu considerabo, in quo illa Christo quotidiana & innata fuit, vt eam in omnem partem admiremur, adoremus, & amemus.

Et primo quidem loco, nunquam cum Aristotele sensi, existimante, nihil magnopere posse à nobis diligi, quod ante à nobis non sit visum : quot enim sunt, qui res diuersas, non nisi rudi stylo effictas, & in solâ picturâ visas, ultra omnem modum deperierunt ? Et ne à præsentî argumento recedam, post Christum in Cælos Assumptum constat, eius Humanæ Naturæ deuotos, et si illum coràm intueri nunquam fuerit

C c: ipsis

ipsis concessum, eum longè ardentius amasse, quam fluxæ venustatis amatores, formas perpetuò suis oculis obiectas admirentur. Cùm Iesus adhuc in terris degeret, qui potuit in eum oculos conijcere, ad eius amorem incitatus non potuit illum non amare: at nunc, quando corporeis oculis conspici se non permittit, qui auribus potest de illius venustate erudiri, præsertim quæ in eius vultu ceu præcipuâ in SS. Corpore omnis elegantiae sede elucet, sentiet se potentissimè ad eum medullitus amandū impelli, omnes alias formas eius sumæ pulchritudini posthabiturus.

Nemo mihi vultum Salomonis laudet, cuius videndi gratiâ Matronæ Ierosolymitanæ è domibus suis erumpabant, quoties vrbis plateas obiret; qui ad considerandam oris eius gratiam, integras nationes suis è sedibus exciuit. Iesus amabili gratiosoque vultu suo centies millies est illo præstantior. Erat in eius facie nescio quid diuini, quod aspicientes rapiebat, ait S. Hieronymus, S. Ioannes Chrysostomus, eam tantâ

tantâ præditam pulchritudine pronuntiat, vt paratus esset, omnes cruciatus & ignes Inferni experiri, dummodo ei postea permissum esset, vno tantum oculi noctu I E S V S S. vultum in transitu contueri.

Nemo mihi virorum feminarumue formas prædicet: omnes illi & illæ tenui tantum venustatis radio perstringuntur; at I E S V S omnes gratias oris incredibili spectantium blandimento complectitur: hic S. Basilij sensus est, æstimantis, quemadmodum omnes pulchritudines sparsim in naturam dispensatæ, ad efformandam solis venustatem in comune contriuerint, vt gloria & splendor cæterorum luminum esset; ita prorsus omnes elegantias, in quorumlibet vultu sitas, DEVM cõtemplatum, omnes venustiores formarum lineas ad componendam in I E S V oris Maiestatem decerpisse; qui propterea à Prophetâ Euangelico, a Angelus faciei dictus est, velut si dicerem, hic homo est compendium insignium for-

C c.

2

ma-

* Isa. 63

rum; quoniam omnes alias antecellit, aut certè quia facies eius humanâ augustior & Angelicæ propior est, idonea scilicet, quæ omnium Angelorum amores in se capiat æquè ac hominû: quippe ni? quandoquidem Deus Pater diuinum hunc vultum aspicere non potest, quin amet, & eius splendore illectus omnium votis annuat: Hoc magnum arcanum Regij vatis erat, quo potuit à Deo omnia impetrare: *Respi- ce in faciem Christi tui. a*

Nemo adeò de pulcherrimâ Seruatoris mei facie ampliùs mentionem inferat; sed cupio mihi spem fieri, eum quantocyus vidēdi. O amabilis ac dulcis IESV, mea pulchritudo incomparabilis! *desiderium collium aternorum! b* pulchrior omnium virorum ac mulierum fluxâ venustate! facies decora, excellens omnes pulchritudines & omnia nostrorum oculorum illicia, quæ vel in terris possunt, vel in Cælo spectari! quando ero tam felix, vt te intuear, te laudem, te pro merito amem? ah! cur non


a Psal. 83, b Gen. 49.

non sum totus oculus, vt te cōtempler,
 totus os, vt formæ tuæ præstantiam di-
 laudem? totus auris, vt tuos encomia-
 stas auscultem? totus cor, vt te diligā?
 totus Seraphim, vt flammis ardeam,
 quæ à te velut sancti amoris incendio
 erumpunt? O felix! ô diuinum incen-
 dium! cur non sum à tam amabili flam-
 mâ penitùs jam cōsumptus? cur in hoc
 ergastulo versamur, in quo cùm intel-
 ligamus vbi hæc diuina facies delite-
 scat, remouere cortinā prohibeamur?
 O quantopere spero, hanc splendidam
 & admirandam faciem non fore mihi
 æternùm absconditam! spero penitùs,
 hoc formæ miraculū æterno mihi ve-
 lo non obducendum! erit, erit illa dies,
 cùm velum hoc distedet, cùm se facies
 illa meis oculis exhibebit, vt ingenui-
 mâ illam gratiâ ad insatiabilem satieta-
 tem totâ æternitate contempler.

Talibus ac tantis dēsiderijs S. Tere-
 sia æstuabat, quæ eam gratiam conse-
 cuta est, vt in transitu ei Seruator dul-
 cissimus diuinam suam faciem con-
 spiciendam præberet: vnde tota extra

se rapta postea affirmabat, nec videri,
nec animo cōcipi quidquam pulchrius
posse: etsi, inquiebat, per plures annos
res vndequaq; pulchras mihi ipsi obij-
cerem, ad faciem inde tantæ venustatis
efformandam: nunquam possem illud
decus assequi: omnem enim pulchri-
tudinem excedit, quæ hîc à nobis fingi,
aut excogitari potest. Si in Cælis nihil
aliud spectādum nobis quam pulchri-
tudo illa offerretur, crederem hanc v-
nam sufficere, laborésque nostros om-
nes optimè collocatos & compensatos
esse: adhæc longè illustriori Maiestate
visenda vultûs sui miracula nobis re-
seruat, cū illa in toto illo gloriæ suæ
apparatu deteget: quandò in terris no-
stræ tantisper infirmitati se attemperat.
Post hoc spectaculum nullo momento
desijt illam formam suspirare: ac plu-
ribus annis eius imaginem tam viuaci-
ter animo retinuit, vt sola diuini illius
vultûs, & quæ in eo contemplata olim
erat, recordatio, eius mentem compo-
neret, gaudióque & interioribus animi
delicijs inundaret, quibuscunque de-
mum

mum turbis, fastidijs & calamitatibus
 exerceretur. Posthac nihil illi in rebus
 creatis sapuit; quidquid intueretur,
 animum eius offendeat, reputantis
 secum gratiam ac venustatem illam,
 quâ in admirando illo vultu aliàs pa-
 scebatur. Ah! cur non similes in nobis
 animi sensus cum S. Terefiâ experimur?
 Fidei oculis æquè nobis concessum est,
 summam illam in facie IESV pulchritu-
 dinem contemplari: ah! cur non om-
 nibus suspirijs illam expetimus? cur
 non sæpius ingemiscimus: ô pulcher-
 rima & amœnissima IESV facies! quan-
 do te videbo? cur non totis viribus
 connitimur, importunas hasce defor-
 mium formarum imagines, ex blandi-
 oris obtutu relictas, penitè ex animo
 delere? easque his paucis verbis explo-
 dimus? apage fluxa & fallax pulchri-
 tudo! IESV admiranda facies centies
 millies pulchrior & amabilior est: huic
 meum Cor, meos oculos reseruo.



CAPVT X.

TRIA PIETATIS EXERCITIA ERGA FILIVM DEI,
pro Festo Natiuitatis Eius, & sequenti biduo.

EXERCITIVM I.

Pro 25. Decemb.

*Peculiari pietatis sensu erga Sanctam TE-
SV CHRISTI Natiuitatem affici,
exemplo S. Francisci.*

VT sanctum affectum erga SS.
IESV CHRISTI Seruatoris Na-
ti Mysterium induas, conser-
ues & augeas, id tantum age,
vt S. Francisci Seraphici tenerrimos
erga IESVM Paruulum in præsepi posi-
tum affectus memoriâ repetas: hunc il-
le solebat Paruulum Bethlehemiticum
appellare; & sæpe de eodem meditan-
di

di argumenta sumebat: ausus etiā fuit totius Mundi imperium affectare, ut omnis generis honores Paruulo suo Domino procuraret: Si Imperator essem, aiebat, juberem omnium vrbiū ac oppidorum Gubernatores ingenti apparatu Festum Christi Nati celebrare: imperarem eis, darent operam, ut per plateas, per vias publicas & in campis passim frumentum spargeretur; ut ipsæ etiam auiculæ in partem publicæ lætitiæ venirent, ac pastu fierent saturæ: vellem, quandoquidem paruulus IESVS noster in bouis & asini consortio nasci dignatus est, ut omnes, quotquot iumenta domi alerent, eo die lautiùs illis fœnum, auenam, & alia grata ipsis pabula affunderent. Quid simili quodam festo die non egit, cum potestatem eī Summus Pontifex fecisset, eam celebritatem mediā nocte in campis instituēdi? in medio campo iussit stabulum erigi; quod ipse fœno, paleis, præsepi, totòq; apparatu ad representandum hoc Mysterium necessario instruxit: IESVS etiam Infans pañiculis inuolutus fœno

incubabat; quem Mater eius & S. Iosephus adorârunt; neq; bos aut asinus defuit. Ad hoc spectaculū plurimi inuitabantur, tam Religiosorum sui Ordinis magnus numerus, quàm pagorū proximè adiacentium inquilini: si nundinæ essent, ex omni parte accursus fiebant: adhæc Musica agrestis omnes mirè rapiebat, dum fistulæ, Vtriculi, litui, & alia eiusmodi rusticæ harmoniæ instrumenta per vicina juga gratissimo concentu mediâ nocte personarent. S. Franciscus ipse ad sacrificium voluit. Euangeliū recitare, cui affectu plenissimam concionem de hac SS. Natiuitate subiunxit, IESVM Infātem nunquam aliter quàm Paruulum Bethlehemiticum appellans: Omnino feliciter totū negotium successit, cū adstantes præ consolatione lacrimas nō continerent: fructum potiore vir nobilis, qui tunc aderat, eius pietatis retulit, cui DEVS illo ipso tempore dignatus est oculos aperire, vt S. Franciscum inter preces videret reuerā IESVM paruulum, sole pulchriorem, brachijs sustinere: quæ
res

res ita illum comouit, vt deserto mundi splendore ac vniuersis opibus, in eius Diui familiam concederet, vbi sanctè reliquam vitam transegit.

Hagiophile, existimo nihil tibi deesse, nisi vt ea exequaris, quæ modò dixi: satis illa mentem tuam possunt ad diuini huius Mysterij amorem inducere. Pro auctuario tamen addam, quod facere B. Margarita de Castro consueuit; in cuius pectore post mortem Mysterium Natiuitatis Christi, & illa ipsa met genibus ante præsepe nixa visa est IESVM Paruulum adorare: quæ omnia maiori vnioni eleganter incisa comparuere: credibile admodum est, sæpe illam in animo, in memoriâ, in ore hanc sanctam Natiuitatem habuisse: id ipsum facili negotio, & hisce diebus & sæpe, dum viuis, imitari potes, si recorderis, Deo pergratum esse, nos eius in hoc infantia statu, quando nostrâ causâ fuit homo factus, diligenter meminisse; cum ex illâ recordatione discamus, & nos esse paruuli in oculis nostris, ac humilitatem amare, & amplecti. Hoc ipsum

ter Christus B. Angelæ de Fulginio tunc dixit, cū Mater eius SS^{ma}. Purificationis festo die IESVM Infan-tem, vt olim eo die fuit, eius brachijs imposuit, Filia, inquiens, qui me paruum non vi-
dent, neque magnum aspicient. Vis, Hagiophile, sanctè Christi Natalem transfigere? persuade tibi, centies ho-
die IESVM iisdem te verbis compella-re, quibus S. Angelam fuit allocutus.

EXERCITIUM II.

Pro 26. Decemb.

*Tenerum affectum erga sanctam IESV
CHRISTI Infantiam induere, exemplo
B. Francisci ab Infante IESV.*

Hoc die B. Franciscus ab Infante IESV, Ordinis Carmelitarum Dis-
calceatorum, sanctè obiit; vn-
de occasionem desumpsi, in hunc diem pietatem erga sanctam IESV CHRISTI Infantiam assignandi: hoc nomine, an-
tequam Religioni nomen daret, appel-
larise voluit; ac postea incredibile est, quantis honoribus IESVM Infan-tem sit
pro-

prosecutus. Erat illi IESV Paruuli imago, à quâ nihil non potuit impetrare, in pauperum præsertim causâ, quibus, fiduciâ in IESVM Infantem nixus, liberalissimè stipem & omnis generis officia charitatis exhibuit: & quoniam omnium fiebat votorû & munerum compos, quæ in egenorum negotio ab eo postulabat, IESVM Quæstorem suum vocitabat: pauperes verò aut Equites aut paruas IESV Infantis copias dicebat: postridie Natiuitatis, hoc ipso scilicet die conuiuium illis adornauit, cuius egentior turba certior facta maximo numero aduolabat; neq; rarò ultra tria vel duo millia comparuere: nunquam illi eleemosynæ defuere, quibus IESV Infantis Equitibus congiarium daret: ac sæpe DEVS miraculo effecit, vt illi ipsi aliquid eò subsidij conferrent, qui nihil minùs cogitabant, quàm huic pauperum necessitati aliquid enlargiri. Post pauperes summa ei cura fuit, poenitentium puellarum familiam iuuare. Si quam illarum voluisset ad frugem reuocare, atque efficere, vt cæ-

teris se adiungeret, non alio illi labore opus fuit quàm, vt IESVM suum parvulum supplex adiret; quo facto agere cum illis cœpit, ac eas hortari, vt à flagitiosâ vitâ desisterent. Inter alias quædam Valentia in Hispaniâ fuit, vbi vir sanctus degebat, quæ oris venustate ad mille scelera abusa, magnam partem iuventutis corruerat. At B. Franciscus ab Infante IESV postulatâ duntaxat ope, illam accessit, eique locutus, Soror, aiebat, satis diu scabioso illi, (ita Dæmonem appellabat) militasti; modò tempus est te Infanti IESV servire: hanc orationem meretrix illa primò risu excepit; sed B. Franciscus, jam certus, eam paulò pòst assensuram, comitem suum, qui tunc quidam erat piorum operum studio insignis, admovere nō destitit, vt eadem horâ postridie ad eam reuideret, esse illam ad hoc negotium planè dispositam: neque aliter euenit, atque ille prædixit: altero enim manè promptissimo animo Pœnitētium domicilium subijt, illicque sanctè vitam exegit. Mille alia in sancti illius

vitâ

vitâ istis paria leguntur, quæ totidem sunt pietatis eius monumenta, ac diuinæ approbationis testes, quâ sanctum hoc exercitium, honorémque IESV Infanti præstitum acceptat. Silendus tamen nobis eius obitus non est, qui in hunc diem aptè incidit, quo recens hoc genus honoris Diuino Infanti in paſcendis pauperibus exhibuit.

Cæterùm noli persuaderi, Hagio-
phile, solum hunc B. Franciscum ab
Infante IESV fuisse, qui tam teneros af-
fectus Paruuli sui Seruatoris Infantia
impenderit: multi è sanctis paria in il-
lum studia exercuerunt; neque otium
mihi est, omnes percensendi. Nolim
tamen insignem P. Bernardi Colnagij
è nostrâ Societate pietatem præterire,
qui per Aduentum & Octiduum Chri-
sto Nato sacrum somnum captaturus,
IESVM Infantem secum lecto intulit,
cum quo magnam noctis partem, ceu
presens ipse adesset, amanter traduxit,
Natalitiam illi cantilenam accinere,
solitus. Neque omittendus est P. Al-
phonſus Bárzena eiusdem Societatis,
vir

vir magnæ virtutis ac Apostolici ardoris, qui in Peruano Regno multa animarum millia ad Christum adduxit: is tandem sub vitæ finem paralyfi correptus, pro molestiarum solatio Iesv Paruuli statuatam ponè lectum habuit, quẽ identidem precibus & mille blanditijs premebat: quòd si interdum contingeret, ab eo Imaginem procùl distare, vt membrorum vsu captus ipse attrectare, aut præ vocis tenuitate eius, qui ægrotanti inserviebat, operam inclamare non posset; Diuinus Infans vltro illi vicinior eius manibus se ingerebat, eumque consolatus, Alphonse, dicebat, sine curâ esto: en! locum meum, teneo, in quo cupis me collocari.

Consideratione nihilominus dignũ est, quòd DEI Mater non semel hanc alijs pietatem commendârit. Olim S. Mechtildi locuta, si, inquit, sanctitatẽ desideras, illam in Filij mei, in sanctâ eius præsertim Infantiâ visendam recole, ac vehementer desidera, vt peccata & negligentia tua, per eximia teneræ illius ætatis merita, veniã donentur.

tur. *a* Alio tempore ei consuluit, ut ille, pro quâ Mechtildis tunc orabat, Psalmum, *b* *Laudate Dominum omnes gentes*, recitaret, IESVM Infantem manibus complexus, eúmque Deo Patri vnâ cum omnibus eius Infantiae operibus offerret, ut expiatorum suppleturúmque defectum omnium bonorum, quæ ipse exercere in infimâ suâ ætate neglexisset. *c* Magnum illum Heroëm Albuquerqueium Orientalis Indiæ Dominum summis in Cælum laudibus olim extulerunt, quòd ingenti tempestate, quæ nauigiũ illius iactabat, in præsentis naufragij periculo versatus, infantem aliquem brachijs suis receptum in altum leuarit, ac medium inter iratum Cælum & se tenuerit, ut eius innocentis ætatulæ interuentu cælestem vindictam reprimeret, quæ illi à Deo ob suas offensas visa est imminere. O quantò facinus foret salubrius & gloriosius, si tu & ego, Hagiophile, diuinam iram placaturi, aut à DEI bonitate beneficium

a Lib. 1. gratiæ cap. 64. *b* Psal. 116.
c Lib. 3. gratiæ. cap. 16.

cium obtenturi, assuesceremus ad eum
nos conuertere, perque sanctam Filij
eius Infantiam illum obtestari! hoc es-
set, illum inter nos & ipsum sequestrum
collocare: hoc esset è probioribus pie-
tatis exercitijs vnum, quo IESVM Infan-
tem demereri possemus: hoc demum
esset sapere, & prudenter imminenti-
bus periculis prouidere. Anno 1477.
pius Carthusianus, Laurentius nomi-
ne, obiit, qui, vt ipse asserēbat, à Deo e-
doctus, magno numero sancta pro IESU
Infantis honore exercitia suscepit:
quoties Religiosi cæteri è Choro pro-
dibant, semper ipse ibidem commora-
tus, suæ pietati magnâ omnium Reli-
giosorum commendatione vacabat:
audi nunc quàm piam vocem moriens
ediderit, fiduciâ plenus, quam à IESU
suo Paruulo concepit; è Sacerdotibus,
qui aderant ex illâ familiâ quidam mo-
rientem jubebat bono animo esse, ac
intrepidè mortem opperiri: cui mori-
bundus, quid ais? mi Pater! inquit, ego
nihil omnino timeo, neque Diabolum,
neque Infernum, neq; mortem formi-
do:

do: Paruulus meus, IESVS, & mitissimus Agnus DEI, hanc mihi fiduciam fecit. a

a *Ex Theod Petrar in Chron. l. 6. c. 25.*

EXERCITIUM III.

Pro 27. Decemb.

Frequenti cogitatione, ardentiq; amore Incarnationis Mystrium recolere, exemplo

B. Magdalena de Pazzis.

HQC imprimis idoneum tempus est, Dei hominem induti Mystrium frequentet considerandi: dies illa, quā B. Virgo fuit ab Angelo salutata, est utiq; maximè conueniens; sed propè tota est Dei Matri sacra: adhac Deus homo factus non ita se primo sui aduentu mortalium oculis exposuit, atq; his diebus apparuit. Et hæc est causa, ob quam in hoc tempus pietatē huic SS. Mystrio & immenso beneficio debitam distulerim: præterquam quòd ad istud inducar ex eo, quod S. Mechtildi Missę sacrificio præsentī circa Christi Nati tempus accidit. a Arborem

a *Ex lib. 2. gratia cap. 33.*

borem illa vidit subito enatam mo-
 mento temporis in admirandam alti-
 tudinem excrefcere, cuius altitudo ad
 Cælos ufque pertingeret, latitudo ve-
 rò Orbem vniuerfum impleret; folijs
 ac fructibus infinitis onuftam: cuius
 fingulis folijs hæ voces erāt aureo cha-
 ractere infcriptæ: IESVS CHRISTVS car-
 nem induit: IESVS CHRISTVS homo fa-
 ctus eft: IESVS CHRISTVS circumcifus
 eft: IESVS CHRISTVS à Magis adoratus
 eft: IESVS CHRISTVS baptizatus eft: IES-
 VS CHRISTVS crucifixus eft: & alia
 Christi Myfteria, quæ eius Incarnatio-
 nem confequebantur, ea folia contine-
 bant. Non eft mihi animus, omnia hæc
 prodigia explicare; facileque apparet,
 eam altitudinem infinitas in IESV Di-
 uinitate excellentias notare, latitudine
 sanctæ atque diuinæ illius inter homi-
 nes confuetudinis immenfas perfectio-
 nes significari, fructibus ea emolumen-
 ta innui, quæ mortales per gloriofa
 adorandarum eius actionum merita
 retulerunt: fatis eft dixiffe, elegantium
 foliorum varietatem nos admonere,
 fre-

frequenter nobis de hoc diuino Myſterio cogitandum, ijsque paucis oculis inſtruendam memoriam eſſe, quæ non aureis litteris, ſed characteribus amoris in nobis exarentur: hic nobilis ille fructus eſt, qui nobis ex illâ Dei Homi- nis felici arbore, S. Mechtildi exhibitâ, eſt decerpendus.

Vt ut ſit, certè perquam expedit, & hoc & quouis alio tempore ſæpe Diuini huius Myſterij meminiffe, & ſubinde beneficiorum illorum imagines reuocare, quæ ſunt exinde in nos copioſè collata. Arctam cum Deo ac peruti- lem neceſſitudinem iniimus, dum ſumus fratres IESV CHRISTI effecti: hoſti victoriam eripuimus; dum diaboli vi- res aduerſum nos ſunt imminutę, poſt- quam IESVS CHRISTVS humanum cor- pus induit; vt ipſe Dæmon olim S. An- tonio faſſus eſt: inde didicimus, nullū ei par eſſe beneficium, quem admodū ratiocinari P. Auilę familiare fuit, quo- ties apud eum alicuius eximij beneficij mentio fiebat; tunc enim, magnum hoc quidem eſt, aiebat, ſed nihil eſt, il-
li.

li comparatum, quòd Deus sit caro & Homo factus: docti sumus Deum amare, eoque familiariter vti, vt ait S. Bernardus; & qui existimat, præcipuam causam, ob quam Deus sit homo factus, esse, vt homo posset amorem alio amore expellere, omniq; amori, qui in sensu tantum occuparetur, valedicere; nosque vicissim sancto ac puro carnis omnino sanctæ atq; diuinæ amore imbueret, quam innocenter possent omnes indeperire, quorum amor nondum satis esset ad amandum spiritum defæcatus.

Hæ considerationes omnes dulcem nobis huius Diuini Mysterii meditationem efficient, ac fieri quandoq; poterit, vt ad eijciendas animo turbas ac eius quietem procurandam satis sit futurum, dicere: IESVS est homo factus, IESVS est frater meus; anima mea illi cordi erit, meque his malis eripiet: aut certè cum S. Thomâ dicemus, *Verbum Caro factum est*; quibus verbis vsus, omnes panicos terrores obscuræ noctis à se abegit: nos quoque eius exemplum

imi-

¶ Serm. 20. in Cant.

imitati, multa incommoda à nobis amoliamur, quibus nimium quantum in hoc miseriarum domicilio sumus oppressi. Quòd si sim⁹ erga ineffabile hoc ac dulcissimum DEI Hominis Mysterium præ cæteris bene affecti, præter volaticas illas cogitationes, serijs etiã atque prolixis asuescemus; vt sunt meditationes de hoc S. Mysterio institutæ: atque ita in vtroque capite B. Magdalenam de Pazzis imitabimur, quæ vltra eas frequentes cogitationes, quas pro argumento subinde occupabat, non poterat eiusdem materiæ meditatione satiari: vnde euenit, vt die quodam profunda Verbi Diuini cum carne in sancto Matris Virginis utero coniuncti consideratione abrepta, eam gratiam sit assecuta, vt S. Augustinus eodem tempore cordi eius hæc Verba inscriberet, *Verbum Caro factum est*, ita quidem, vt primæ duæ voces aureo charactere, cæteræ verò sanguine scriberentur.

CAPVT



CAPVT XI.

CONCLUSIO ET POSTREMUM
documentum Hagiophilo traditum, circa
Pietatis Exercitia hoc libro explicata, &
quodnam præ reliquis omnibus sit DEF
Filio gratius futurum.



AGIOPHILE, finem huic libro
S. Gregorij Nysseni documē-
to imponam, quod olim ho-
mini Christiano, quem ad
perfectionem instituit, inter alia trade-
bat: a is igitur cuius Christi Nomen
proficienti auctor fuit, vt quisque vitæ
suæ pictor esset, mentemque suam vir-
tutum ceu colorum temperamento ad
perfectam imaginem, præstantemque
effigiem elaboraret, ad veri Archetypi
IESV CHRISTI exemplar efformatam.
In eundem sensum & ego te adhortor:
quid enim vtilius & gloriosius potest
nobis fieri, quàm vt studeamus IESV
CHRISTI

a Lib. de perfectâ Christiani formâ.

CHRIſTI perfecti amatores effici, eiufque diuinas virtutes & perfectiones imitari? hic gloriæ noſtræ apex & votorum maximorum ſumma eſt. Porro modus feliciter eò pertingendi, & in Ieſu gratiam ſe blandè inſinuandi, eſt, ei ſe ſimilem amore & imitatione exhibere. Amor, qui nunquam ſine reuerentiæ ac honoris rei amatæ debiti comitatu incedit, per omnia ea, quæ adduxi, pietatis Exercitia poteſt obtineri: cùm nemo facile in ijs abſq; amore, abſque amoris fructu, abſq; amoris in Ieſum profectum verſetur; quin & voluptate afficitur, ſæpius ad eadem reuertendi; & omnibus ſimul hiſce artibus apud Ieſum gratiam ineundi. Ecentum, quæ huc attulimus, ſi quem ea percurrere non pigebit, facile vnum alterumue arridebit. Neque velim credas, ad vnum omnia fuiſſe à me pertractata; cùm quotidie poſſint noua excogitari; & ad exemplar illorū, quæ ad Dei Matrem deſtinantur, ſimilia pro Filij honore inſtitui. Nemo non intelligit, honores, amores, pietatis exerci-

D d tatio

tationes, quibus sancti erga Redemptorem suum ac nostrum sunt vti, non semper omnes nobis fuisse perspectos, præterquam quòd aliunde sint supra modum ardui.

Quod verò ad præcipuas quasque Sanctorum actiones attinet, quibus Iesv amantes se impenderunt, illæ hunc Centenarium efficiunt: has aut omnes aut aliquas ad Iesv obsequium & suum usum depromat, qui volet: mihi perinde est; dummodo Iesvs ac Dominus meus amore & cultu non destituatur, & Hagiophilus meus bono apud ipsum loco sit.

Vt de Imitatione loquar, quæ altera pars est ad hoc negotium necessaria, eam ego inter omnia pietatis exercitia, quæ Filio Dei præstari possunt, primas tenere existimo: quandoquidem eius virtutes, vt patientiam, charitatem, modestiam, mansuetudinem & alias imitari, præcipuum indicium, ac maximè luculentum argumentum est eius amoris ac reuerentiæ, quibus eum complectimur. Nullo laboris pretio alia cen-

centum Exercitia arripiemus, si hanc
 vnam à tergo relinquimus: vt enim
 bene facias, necesse est te initio IESU
 CHRISTI virtutes imitari, easq; sancto
 constantique vsu prosequi: aliter nihil
 in cæteris ages, & tota moles reliqua
 pietatis paulò post collabetur. Accu-
 ratè igitur magnòque studio nobis o-
 culi sunt in vitam Seruatoris & hoc di-
 uinum exemplar conijciendi, vt eius
 in nobis lineas ductúsque exprimamus.
 Ipse olim Discipulis suis locutus, *a Vos*
ait, vocatis me, Magister, & Domine, &
bene dicitis: sum etenim. Exemplum de-
di vobis, vt quemadmodum ego feci vobis,
ita & vos faciatis: & alio loco: b Ego
sum via: quasi diceret, vt S. Bernardus
 explicat; Ego sum via, quam tenere
 illos necesse est, qui pertingere ad Cæ-
 lum, ac vitam beatam assequi deside-
 rant: per me tibi transeundum est, o-
 pera & virtutes meas imitando, si velis
 illuc euadere. Aliâ occasione ijs ver-
 bis eos est allocutus, quæ aptè in quem-
 uis è nobis quadrant: *si quis mihi mini-*

D d 2 strato

a Ioan. 13.

b Ioan. 14.

strat, me sequatur, a quid est, *me sequatur*, quærit S. Augustinus, *b* & respondet ipse, *nisi, me imitetur?* Hagiophile, si quid agis, hoc age: hæc est illa virtutum IESV CHRISTI imitatio, quam cupio tibi curæ esse, vt caput præcipuum vtilissimûmque omnium piorum exercitiorum, quibus ei possis blandiri, vt veri amoris in illum genuinum characterem, vt maximum genus honoris ac submissionis, quo potes eum colere. Ista fert palmam, quam ei nulla alia pietatis exercitatio præripiet: *Religiosissimus cultus, imitari*, ait Lactantius, & quòd si ea sententia in quæuis hominum merita virtutésque cadit; quantò potiori jure dicendum erit, maximum esse à nobis studium ad id conferendum, vt virtutes Filij DEI imitemur, quæ honorem ac venerationem infinitam, ijsque omnibus excellentiorem promerentur, quàm mortales possint excogitare. Ab eâ demum Imitationis Christianæ comendatione ad meum

in.

a Ioan. 12. b Tract. 15. in Ioan.
c De verâ Sapienciâ lib. 5.

in te studium transeo, quo accensus animus in IESV obsequio & amore felices tibi progressus exoptat: & ad extremum te tuique in amando IESV similes ijsdem S. Pauli verbis compello, quibus ille Ephesios salutatur, cum Epistolę ad illos exaratae finem imponit: *Gratia cum omnibus, qui diligunt IESVM: licetne adiungere; & cum omnibus, qui diligunt MARIAM?* & cur non sit concessum? quandoquidem hi duo gemelli amores perpetuò se comitentur, & Hagiophilus pro Symbolo non minus, quàm ego, illā melleā sententiā utatur:

IESVM scire, mihi satis est, & amare MARIAM.

a Ephes. cap. 6.

AMORE IESV ET
MARIAE.

INDEX

I N D E X

CAPITVM HVIVS LIBRI ET EXERCITIORVM, QVÆ singulis Capitibus continentur.

C A P V T I.

OCTO PIETATIS EXERCITIA pro Festo & Octauâ adorandi Nomi- nis IESV Kal. Januarij.

EXERC. I. Summo mane, primo an-
ni die à IESV strenam postulare, ex-
emplo B. Henrici Susonis ex Ordi-
ne S. Dominici. fol. 1

II. Vesperis ante somnum digito sacro-
sanctum IESV Nomen in fronte efformare,
exemplo S. Edmundi Archiepiscopi Can-
tuariensis, 11

III. Nomen IESV supra pectus forma-
re, exemplo B. Eustochij, 16

IV. Sape sacrum IESV Nomen pronun-
tiare, exemplo S. Pauli Apostoli. 21

V. SS. Nomina IESV & MARIE
simul colere, exemplo Minimorum, 32

VI. Recitare Litanias de Nomine IE-
SV, exemplo Sodalium Congregationis e-
rectæ apud RR. PP. Oratorij, 42

VII.

*VII. Maius Officium aut minus de
Nomine IESV recitare, exemplo Religio-
sarum S. Francisci, & eorum qui SS. No-
mini sunt deuoti,* 48

*VIII. Quacunque occasione honorem
SS. Nomini IESV habere, exemplo S.
Bernardini Senensis,* 55

CAPVT II.

**QVADRAGINTA SEX PIE-
tatis Exercitia erga Dei Filium, ad re-
colenda SS. Passionis ac Mortis eius
mysteria, pro totidem Quadrage-
simæ diebus assumenda.**

**EXERC. I. Manè & Vespere forma-
to in fronte, ore ac pectore S. Crucis signo di-
cere: IESVS CHRISTVS Crucifixus sis
in actionibus meis, exemplo Alexandri
Lusacy,** 63

**II. Christi Crucifixi imaginem in cubi-
culo aut alio loco habere, ubi videri ac in-
cidere in oculos possit, exemplo S. Bona-
uentura,** 72

**III. Christi in Cruce fixi imaginem se-
cū ferre, exemplo S. Francisci Xauery,** 85

D d 4 **IV. Ama-**

I N D E X.

*IV. Amabili obtutu Christum è Cru-
ce pendentem intueri, exemplo S. Gertru-
dis,* 94

*V. Fixis oculis Crucifixum intueri, ex-
emplo S. Elisabetha Regis Hungaria fi-
lie,* 100

*VI. Amanter Christum Crucifixum
precari, ac alloqui; siue explicanda sint ei
nostra desideria, aut fastidia; siue postulan-
da sit eius benedictio & approbatio eius ne-
gocij, quod suscipimus, exemplo B. Thoma
Villanovani,* 112

*VII. IESVM in Cruce precari Cruci-
fixum manibus tenendo, exemplo B. Mag-
dalena de Pazzis,* 124

*VIII. In transitu aut aspectu Cruci-
fixi IESVM precari, ut per agonia sua me-
rita velit nobis in horâ mortis adesse: ex-
emplo pj ac Religiosi viri ex Ordine Cister-
ziensium,* 132

*IX. Coram Christo Crucifixi ausculta-
re, quid IESVS è Cruce nobis loquatur,
exemplo S. Gertrudis,* 144

*X. Coram Christi Crucifixi imagine, cor-
pore in Crucis modum conformato, precari,
exem-*

*exemplo B. Roberti Salernini, Religiosi Cæ-
lestini.* 155

*XI. Visâ Christi Crucifixi imagine à Dei
Filio præteritarum noxarũ veniam postu-
lare, exemplo B. Ioanna Lusitanica,* 162

*XII. Amare & venerari quinque
Christi Crucifixi plagas, exemplo B. Her-
manni ex Ordine S. Dominici,* 166

*XIII. Singulari cultu Vulnus Lateris
IESV CHRISTI prosequi, exemplo S.
Elzearii Comitis Ariani,* 175

*XIV. Considerare & amore prosequi
Titulum, qui Christo fuit attributus, & in
Cruce illius affixus, exemplo Alexandri
Lusacii,* 180

*XV. Vespere ante somnum in fronte
quatuor vocum in Titulo Crucis primas
litteras formare, exemplo cuiusdam viri
Religiosi,* 184

*XVI. Frequenter S. Crucem adorare
& colere, exemplo S. Maria Magdalene.* 186

*XVII. Secum Crucem ferre, etiam
noctu somni tempore, exemplo Venerabilis
P. Buzai,* 193

D d 5 XVIII.

I N D E X.

XVIII. Sub initium actionum signum
S. Crucis formare, exemplo S. Edithæ Vir-
ginis. 198

XIX. Sape S. Crucis signum cordi im-
primere, exemplo Religiosi viri è S. Domi-
nici familiâ. 205

XX. Crucis signum in præcipuis corpo-
ris partibus exprimere, exemplo S. Theo-
dori Mart. 210

XXI. Signum S. Crucis in manûs volâ
formare, cum noctu euigilas, exemplo S.
Petri Luxenburgensis. 214

XXII. Cruces magis celebres & mira-
culis illustres, præsertim verò eius SS. Re-
liquias, in quâ Christus obiit, venerari ex-
emplo S. Coleta. 217

XXIII. Officium de S. Cruce dicere,
exemplo Alexandri Lusacy. 224

XXIV. Passis brachijs orare, exemplo
S. Ludouici Episcopi Tolosani. 227

XXV. S. Sudarium Christi colere, ex-
emplo S. Caroli Borromæi. 234

XXVI. Aliquid excogitare, quod
amore IESV perferas, in honorem eius SS.
Passionis, exemplo B. Ioanna Franciscæ. 239

XXVII.

XXVII Pro honore SS. Passionis Dominice aliquam sibi vim inferre, exemplo P. Petri Fabri Soc: IESV, 243

XXVIII. Peculiariter affici erga quinque Christi Patiensis Mysteria, exemplo plurium fidelium, qui huc aliquam Rosary partem applicant. 251

XXIX. Aliquod supplicium dolorem, aut contemptum seligere, quo Christus fuit affectus, cui sis præ cæteris deuotus, exemplo S. Franciscæ, 259

XXX. Pie erga septem Christi Stationes in eius SS. Passione affici, exemplo S. Coleta. 264

XXXI. Historiam Christi Passi ex uno è quatuor Evangelijs recitare, exemplo P. Allartij ex Ordine Minimorum. 268

XXXII. Litánias de Passione Domini dicere, exemplo eorum, qui eidem Mystério sunt additi. 272

XXXIII. Desiderare martyrio affici, & Christi amore mortem subire, exemplo S. Petri Mart. 277

XXXIV. Pium librum legere, qui de Cruce aut Morte Christi agat, exemplo P. Caesaris Buzai. 287

D d 6

XXXV.

I N D E X.

XXXV. *Quadam de Passione Christi
mysteria meditari, exemplo S. Catharine
Suedica,* 290

XXXVI. *Ad condolendum Christi
tormentis ac morti se excitare, exemplo S.
Margari. Francisci.* 294

XXXVII. *Voto se obstringere, velle se
Christi Passi vicem dolere, exemplo B.
ta Lotharinge,* 299

XXXVIII. *Singulis diebus Veneris pium
aliquod opus aut austeritatem suscipere a-
more Christi Patientis qui Feriâ VI. obiit,
exemplo Alexandri Lusacy,* 302

XXXIX. *Paulò ante mensam absyn-
thium sumere, ad memoriam fellis aceto
permixti, quod Christo fuit in Cruce obla-
tum, recolendam, exemplo S. Brigittæ.* 307

XL. *De Christi pœnis ac morte loqui
& colloqui, exemplo B. Margaritæ Hun-
garie.* 310

XLI. *Pro honore Passionis Christi no-
du inter preces excubare, exemplo S. Lan-
drada Virg.* 317

XLII. *Frequenter de Christi Passione
cogitare, exemplo B. Agnetis ex Ordine S.
Francisci de Paulâ,* 321

XLIII.

XLIII. *Diu coram Venerabili Sacramento in templo commorari, in honorem SS. Passionis, exemplo S. Ioanna Lusitana.*

326

XLIV. *Pedes aliquorum pauperum abluere, ad honorem Christi Patientis, exemplo S. Isabella Sororis S. Ludouici.*

335

XLV. *Magnam corporis austeritatem subire, jeiunando aut corpus affligendo, exemplo S. Hedvigis,*

339

XLVI. *Singulari affectu Dei Matris solitudinem prosequi, in qua tunc vixit, cum SS. Corpus Christi in sepulcro fuit, exemplo S. Bonaventura,*

353

CAPVT III.

OCTO PIETATIS EXERCITIA
erga Filium Dei pro Festo & Octo-
uâ gloriosæ Christi Resurre-
ctionis.

EXERC. I. *Filio Dei illa gaudia gratulari, quæ die Resurrectionis sue percepit, exemplo S. Mechtildis;*

360

II. *Frequenter de Filio Dei cogitare, eâ præsertim venustate prædito, quâ post*

Dd 7

Resurr

I N D E X.

Resurrectionem nitebat, exemplo B. Vir-
ginis. 365

III. Circa mysteria Vitae Christi actus
Fidei exercere, praesertim circa Resurre-
ctionis veritatem, exemplo B. Graetiae Va-
lentinae. 372

IV. Spei ac fiducia actus erga Christum
frequentare, exemplo S. Francisci Sera-
phici. 375

V. Frequenter ad Christi amorem se
excitare, exemplo B. Magdalene de Paz-
zis, 382

VI. Ad postulata Filij Dei respondere,
si nos rogaret, num eum diligeremus, ex-
emplo S. Petri Apost. 397

VII. Christum auscultare intus nos ad
sui amorem inuitantem, exemplo B. Vi-
ctoriae. 400

VIII. Adorare Filium Dei, omnis-
que generis encomijs ac laudibus ornare,
exemplo S. Augustini. 403

CAPVT

CAPVT IV.

QUATVOR PIETATIS EXERCITIA erga Deum Patrem pro Dominicâ quæ Christi Ascensionem antecedit & sequenti triduo.

EXERC. I. *Deum Patrem, adorando, genua flectendo. & benedicendo colere, exemplo S. Pauli Apostoli.* 409

II. *Certam quavis hebdomade diem, seligere. Deo Patri seorsim sacrum, exemplo B. Aloysij Gonz.* 417

III. *Litanias recitare ad Deum Patrem factas, exemplo P. Thomæ Sally è Soc: IESV.* 420

IV. *Precibus illis vacare, quæ Deo Patri ante alias acceptæ sunt, exemplo S. Lutgardis.* 422

CAPVT V.

DECEM PIETATIS EXERCITIA erga Filium Dei pro Festo Ascensionis vsque ad diem Pentecostes.

EXERC.

INDEX.

EXERC. I. *Frequenter pioque animi sensu Calum: quò Christus ascendit, inueniri, exemplo SS. Apostolorum hoc ipso die id agentium.* 425

II. *Rosarium dicere, ubi per quinque decades quinque gloriosa Mystéria recitantur, aut eadem secum expendere, exemplo Leithaldi viri nobilis,* 430

III. *Parnam Christi coronam recitare, in honorem 33. annorum, quibus inter homines vixit, exemplo B. Michaëlis Florentini,* 435

IV. *Omnia Christi festa peculiari cultu prosequi, & uni illorum studiosius se impendere, exemplo S. Radegundis.* 438

V. *Habere Christi imagines, ac eorum pio aspectu se recreare, exemplo S. Tereſie.* 443

VI. *Amare & peculiari affectu in eos Sanctos ferri, quorum pietas in amando IESV præcipuè illuxit, aut quos IESVS præ cæteris amavit, exemplo S. Eduardi Regis.* 448

VII. *Amare, quidquid IESVS amat, aut ad IESVM refertur, exemplo S. Francisci,* 453

VIII. *Sin-*

VIII. Singulari animi sensu erga Co^m
IESV affici S. Mechtildis. 457

IX. Nihil prudenter negare, quod à no.
 bis nomine & amore IESV postuletur, ex-
 emplo Dei Patris, 467

X. Ardenti desiderio flagrare Filium
 Dei videndi, exemplo S. Augustini, 473

C A P V T VI

SEPTEM PIETATIS EXER-
 citia, erga Spiritum S. pro festo Pente-
 costes & sequentibus diebus vsque
 ad festum SS. Trinitatis.

EXERC. I. Precari & colere Spiritum
 S. frequenter eum invocando, exemplo Gal-
 liotha Antistite, 483

II. Gratias agere Spiritui S. ob accepta
 ab eo beneficia, exemplo Henrici III. Gal-
 lia & Polonia Regis, 486

III. Magna & pura desideria Deo
 serviendi concipere, in honorem Spiritus
 S. qui nos ea suggerere dignatur, exemplo
 Ludovici Hierosolyma & Sicilia Regis, 489
 V. Litania

I N D E X.

IV. *Officium de S. Spiritu recitare, exemplo Alexandri Lusacy,* 498

V. *Litanias de Spiritu S. dicere, aut considerare diuinas eius perfectiones, exemplo B. Catharina Roconisia.* 502

VI. *Cogitatione & vocabulo Amoris diuini piè affici, quia Spiritus S. est amor Patris & Filij, exemplo Raymundi Lulli.*

505

VII. *Approbare Baptismum, in quo primam Spiritus S. gratiam accepimus, exemplo Margarita Arbusia.* 510

CAPVT VII.

QUATVOR PIETATIS EXERCITIA, erga SS. Trinitatem, pro festo eiusdem die & sequenti triduo.

EXERC. I. *Piè ac saepe repetere; Gloria Patri, &c. exemplo Venerabilis Bede.* 517

II. *Officium de SS. Trinitate dicere, aut de illa cogitare, eamque frequenter adorare, exemplo P. Gonsalui Silueria è Soc: IESV.* 521

III. *Fre.*

III. *Frequenter SS. Trinitatem invocare, aut dum Litania de illâ dicuntur, aut sacrum votivum de eadem dicitur, aut alio quovis modo, exemplo Anna à S. Bartholomæo.* 524

IV. *Pias & bonas actiones omnes ternario numero in honorem SS. Trinitatis peragere, exemplo P. Francisci Folliani & Soc: IESV.* 529

C A P V T VIII.

OCTO PIETATIS EXERCITIA erga Venerabile Sacramentum, pro eius Festo & Octavâ.

EXERC. I. *Interesse Supplicationibus in honorem Venerabilis Sacramenti institutis; aut de adorando illo Mystério loqui exemplo B. Victoria Virg.* 532

II. *Frequenter SS. Sacramentum visitare, exemplo B. Magdalena de Pazzis.* 538

III. *Peculiariculi & affectu SS. Sacramentum prosequi, dum est in templo aut aliâ*

I N D E X.

*alià occasione expositum, exemplo P. Bal-
thasaris Alvarez, Soc: IESV. 547*

*IV. Meditari, aut longis precibus va-
care, ad presentiam aut honorem SS. Sa-
cramenti, exemplo B. Margarita Hun-
garica. 552*

*V. Preces vocales in eiusdem honorem
peragere, exemplo B. Ioanna Francica. 556*

*VI. Singulari cultu omnes anni dies
exigere, qui à quibusdam pietatis studiosis
SS. Sacramento sunt dicati, exemplo P.
Thomae Sanchez Societatis IESV. 558*

*VII. Comitari Venerabile Sacramen-
tum, cum ad agros defertur, exemplo P.
Casaris Buzei. 561*

*VIII. Omnis generis honores SS. Sa-
cramento, & quæ ad illud referuntur, con-
ferre, exemplo S. Wenceslai Bohemie
Regis, 566*

CAPVT

C A P V T I X.

EXERC. VNICVM erga Filium Dei in Fes-
to Transfigurationis 6. Augusti.

*Honore & amore singulari IESV SS.
Faciem prosequi, exemplo S. Tereſia. 574*

C A P V T X.

TRIA PIETATIS EXERCITIA
erga Filium Dei, pro Feſto Natiuitatis
eius, & ſequenti biduo.

EXERC. I. *Peculiari pietatis ſenſu er-
ga CHRISTI Natiuitatem affici, exem-
plo S. Franciſci. 582*

II. *Tenerum affectum erga ſanctam
CHRISTI Infantiam induere, exemplo
B. Franciſci ab Infante IESV. 586*

III. *Frequenti cogitatione, ardentique
amore Incarnationis Myſterium recolere,
exemplo B. Magdalene de Pazziſ. 593*

CAPVT

CAPVT XI.

CONCLUSIO ET POSTREMVM
documentum Hagiophilo traditum, circa
Pietatis Exercitia hoc libro explicata, &
quodnam præ reliquis omnibus sit DEI Fi-
dei gratius futurum.

598

FINIS.

